

2/  
IOANNIS MEYRSI  
HISTORIÆ  
DANICÆ,

SIVE,  
DE REGIBVS DANIÆ,

Qui familiam Oldenburgicam præcessere,  
eorumque rebus gestis, à DANO ad CANV-  
TVM VI, in quo definit Saxo,

LIBRI QVINQVE PRIORES.

PARS PRIMA.



AMSTELODAMI,  
Apud GVILIELMVM & IOANNEM BLAEV,  
CLC LCCXXXVIII.

THE HISTORY OF THE  
CITY OF BOSTON

FROM 1630 TO 1800

BY  
JOHN HUTCHINGS  
OF THE BOSTON SOCIETY OF THE  
FRIENDS OF THE OLD TOWN

BOSTON: PUBLISHED BY  
J. B. LEECH, 1800

THE HISTORY OF THE



Serenissimo, ac Potentissimo,  
REGI, ET DOMINO,  
CHRISTIANO IV,  
DANIE, NORVEGIÆ, GOTHORVM,  
ET VANDALORVM,  
REGI:

DUCI SLESVICI, HOLSATIÆ,  
STORMARIÆ, AC DITHMARSIE:  
COMITI OLDENBURGI, ET DELMENHORSTI, &c.

Regi, ac domino, clementissimo.



ERENISSIME, AC POTENTISSI-  
ME, REX, CLEMENTISSIME  
DOMINE:

Annus agitur decimus tertius, cum Majestas tua me è patriâ meâ evocavit, ad erudiendam nobilem regni hujus juventutem, & Historiam literarum monumentis consignandam. Ut vocationem admitterem, alia efficiebant; tum hoc etiam, quòd in animum inducerem, nulli regum operam dicari meam rectius posse, quàm uni CHRISTIANO IV: qui ætate, rerum usu, ac prudentiâ, invictâ animi magnitudine, justî & æqui observantiâ, sapientiâ, studio in eruditos, denique summâ, quæ virtutibus cunctis præstat, pietate, omnes sui ævi reges longè admodum antecelleret. ita ut hoc ipso quoque ad parendum & impelli, & obstringi, me sentirem. Ergo cum hæc item ratio animum imprimis meum permoveret, mōrem gessi; & divinæ providentiæ; ac vocationi tuæ, non cunctanter me permisi. Ex quo verò in hoc Majestatis tuæ regnum veni, operam dedi, ut, utrunque munus meum bonâ fide obiisse, liquidò testari possem. Ac, cum pridem diligentia, fideique; in Historiâ conscribenda,

EPISTOLA DEDICATORIA.

benda, publicatis tribus primis regibus familiæ tuæ, specimen dederim, nunc hic alterum exhibeo: eos nempe, qui hos ipsos præcessere, universos; ut perfectum Historiæ corpus Dania à me haberet. Etenim, cum operam typographus offerret suam, ad vulgandas lucubrationes meas qualescunque, editas ineditasque, & in uno corpore repræsentandas, initium mihi ab Historia, quam jam dixi, faciendum esse duxi: eo ipso publicè testatum volens, sicut Majestati tuæ me probari animi demissione summâ optem, sic ingenii quoque mei foetus omnes, cum in patriâ dudum editos, tum deinde in regno tuo partim natos, partim etiam vulgatos, esse quàm gratissimos cupere. quippe, ut meipsum obsequio Majestatis tuæ humillimo dudum totum consecravi, sic deinceps Opera mea universa sub tutelâ nominis tui augustissimi à posteritate legi oportere existimaui, voluique. Inter quæ cum tua Historia classem ducat, separatim dare statui: quo & Majestatis tuæ, & eorum, qui promotam cuperent editionem, desiderio satisfacerem. Quod ut opto, ita in hoc voto finio: ac supremum nomen veneror, **REX SERENISSIME, ET POTENTISSIME**, uti Majestatem tuam, donis suis cumulatam, regnis, atque ditionibus, subditisque nobis tuis, diutissimè conservet. Soræ, ad diem **VII Decembris** **CLC XXXVI.**

**TVÆ MAIESTATI**

humillimè subditus,

**IOANNES MEYRSIVS.**

## B E N I G N E   L E C T O R ,

**Q**Uæ ab annis quadraginta scripsi, & in lucem dedi, ne in partibus intercederent, ut colligerem, & in unum corpus cogerem, viri dignitate pariter, & doctrinâ excellentes, in diversis regionibus, dudum à me, sæpiusque, petierunt; Reip. Literariæ interesse dicitantes, ne perirent. Qui hoc ipso cùm ostenderent suam in me benevolentiam, ac quàm magni lucubrationes meas aestimarent, rationi consentaneum esse duxi, in iudicio tam benignè honori meo consulentium semel tandem acquiescere, & petitioni eorum morem gerere: maximè cùm operam offerret suam, nihil tale expectanti, Gulielmus Blavius: qui typorum exquisitâ elegantia, ac nitore item chartæ, tum librorum, quos excudit, accuratâ editione, aliis, qui artem illam profitentur, dubiam fecisse palmam meritò videri potest. Itaque induxi animum, ut colligerem, ac disponerem, & in certos inde tomos distribuerem. Insuper, quæ antea vulgata erant, auxi passim, & emendavi: quedam ita, ut quartâ parte ampliora, & meliora, nunc exhibeam. quin, ut magis hæc editio se emptori, rerum talium studioso, commendaret, addidi Syntagmata non pauca nova: quæ tomorum singulorum in elenchis, in principio propositis, asterisco indicantur. Tuum est, benigne Lector, quâ benevolentia jam dudum meas lucubrationes singulas accepisti, eâ universas quoque nunc accipere; & favorem mihi tuum porro item impetiri: sic efficies, ut, quod vita reliquum deinceps mihi bonus Deus esse volet, Reip. Literariæ sim alacriter impensurus. Vale.

Eorum, quæ hoc Tomo continentur,

## E L E N C H V S.

*Asterisco quæ notantur, nunc primum prodeunt.*

### P A R S I.

- \* DE regibus Daniæ, qui familiam Oldenburgicam præcessere, & eorum rebus gestis, à Dano ad Canutum v1, in quo desinit Saxo, libri quinque priores.
  - \* DE regibus Daniæ, qui familiam Oldenburgicam præcessere, & eorum rebus gestis, à Canuto v1, usque ad Christianum 1, Oldenburgicum, libri quinque posteriores.
- De tribus primis familiæ Oldenburgicæ regibus, Christiano 1, Ioanne, & Christiano 11, libri tres.

### P A R S I I.

Gulielmus Auriacus: sive, De rebus toto Belgio tam ab eo, quàm illius tempore gestis, ad excessum Ludovici Requesensii, libri decem.

Ferdinandus Albanus: sive, De rebus ab eo in Belgio gestis per sexennium, libri quatuor.

His additur Induciarum Historia, emendatior: liber unus.



*Non ego divitias, nec honores, opto, Jehoua;  
Te timeam, poti est hæc mihi summa mei.*

*Sorab. Danie. Norveg. Ex Regis scriptor suo de De fecit.*

I O A N N I S M E V R S I  
H I S T O R I Æ  
D A N I C Æ  
L I B E R I.



**Q**UÆ origo gentis Danicæ, quæ antiquitas, quive ipsius Danicæ situs, quia alii magnâ curâ tradiderunt, prætermittam: & ad reges, atque res eorum gestas, do-

mi pariter forsque, me convertam. Inter illos primo loco occurrit

D A N V S.

Humbli filius. Erat autem Humblus iste è profapia giganteâ; & in Sialandiâ auctoritate, ac potentiâ, eminebat. Neque Sialandiam tantum, verum etiam Langelandiam, item Monam, insulas in mari Balthico, uno omnes Videsletæ nomine dictas, suâ in potestate habebat. Ædes illi permagnificæ: quarum hodie etiam vestigia exstant, juxta silvam; quæ nunc quoque, velut tantæ monumentum antiquitatis, Humbli dicitur; inter Roschildiam, & Ringstadium, pari ferè intervallo, ubi hodie Suenstropium. quod ecclesiæ Roschildensi, antequam religio mutata esset, subiacebat, at in præsens regno subest. Etiam ad Oresundæ freti ripam pagus quidam, Humblebequa. Danus verò, belli clarus, cum pro patre, jam grandævo, Sialandiæ præfesset, Cimbriamque fortè Saxones per id tempus infestarent, terram illam subjungere planè certi, opem ejus Cimbri implorant: & provincie principatum, si victoriam contra hostes obtinerent, pollicentur. atque is, conditione luculentâ invitatus, arma capit; Cimbros juvat, Saxones cædit: Cimbriæque, ut promissum, in potestatem suam acceptâ, rex creatur. ac mox regionem eam universam, quasque, à parente acceptas, alias tunc possidebat, ab Eidorâ ad fines usque Gothiæ Suecicæ, ut unius sub imperio

omnes erant, ita uno à se nomine Daniam dici voluisse existimatur. inde, uti vicinorum animos conciliaret, atque, pace confirmatâ, novum regnum stabiliret, uxorem sibi è Saxonia Gritham capit, summi illic loci sæminam. & sublatis ex hac filios Humblum, ac Lothervum, vocat. cumque frater Anglus esset, natu minor, neque principes una Dania duos caperet, arma in Britannos movet, & devictis eum imponit. isque à se, ut putatur, Angliam Danicam, cui Britannica nomen & originem debet, appellavit. Regnum, armorum gloria partum, summâ cum justitiæ famâ ad exactam ætatem tenet: ac defuncto filius succedit,

H V M B L V S,

natu major. quem cum procetes, saxis terrâ eminentibus insistentes, regem sibi elegissent, mox

L O T H E R V S

eum frater armis petit; acieque superatum, regno exiit. Tulit autem casum adversum magnâ animi constantiâ: & ostendit, in privati hominis sorte, qui se continere possit, eum quoque quasi regnum quoddam habere, immò rege quolibet beatiorem multo esse. verum inquit scelerare animus uti ferè, quæ meretur, semper timet, temerè suspectum eum regni affectati habens, minimè securum esse posse se existimabat, nisi tandem, solio pridem deturbatum, etiam vitâ spoliaret. Quidam ei Adelam uxorem tribuunt, Guttonis filiam, viri inter Cimbros principis; & ex eâ Danm, Bogiumque, filios: sed, deficiente Historiâ, nil est temerè adfirmandum. At Lothervus, fratris metu liberatus, regno malè comparato pejus utens, cum in quosvis deserviret, à quibusdam conjuratis, ut tyrannis fieri solet, interficitur. cæteros exemplo docens, regna, scelere acquisita, ut habentur cum opprobrio, &

L O T H E R V S.

NOTI

non sine insolentiâ, ac sævitiâ, exercentur, ita, odio subditorum concitato, cum ludibrio tandem amitti. Hinc

### SCIOLDVS,

filius ejus, moribus, sed dissimilimis, regnum accipit: puer quidem, sed qui primâ in ætate, quantus mox futurus esset, palàm faceret: atque avum potius, quàm patrem, ostenderet. Quindecennis in venatu obvium ingentem ursum, sine telo deprehensus, cingulo injecto strinxit; tenuitque, dum ministri accurrentes neci darent. quo specimine fortitudinis, populo jam ante gratus, magnum sibi honorem peperit: moxque adultus, cum pugilibus celeberrimis, Scato, Altalo, aliisque, de certando, iis victis, gloriam auxit. quin existimatio ejus tanta fuit, uti reges insequuti aliquandiu Scioldungi dicerentur. Ex Saxoniâ conjugem Avildam cepit, viri ibi illustri filiam. quam cum Scatus, ejus ditionis princeps, adamaret, ac pro illâ armis concertandum esset, ipso cæso, Saxones item pendere tributum jussit. Ex Avildâ, filium suscepit Gramum, postea regem. Armis positis, animum ad reip. ordinandâ curam vertit. ac, cum sciret, nihil æquè ad imperia, quamvis maxima, labefaciendâ validum, atque luxum, ut honestè agendâ vitæ subditis injiceret studium, in exemplum, ad quod illi se componerent, ipse vixit: ratus, uti res se habet, populi in regem obsequium, & amorem æmulandi, poenâ, legibus constitutâ, multo potiorẽ esse. tum vox ejus hæc audita est; *Suum ornare principatum, quàm acquirere alienum, verè laudis plus habere.* In subiectos admodum mitis, cum nonnulli durâ valdè servitute premerentur, in solatium eorum, legem manumissionis primus tulit: ac libertum, clam insidias parantem, gravi poenâ castigavit. ære alieno obrutos liberabat; afflictorum, & potissimum pupillorum, summam rationem habebat: ac non tantum ipsi sibi, quantum regno universo, providendum dictitabat. Victor autem, hostis superati gloriam pretium sat dignum putans, prædam militi tribuebat. His virtutibus, regnum, quod tyrannide patris graviter attritum acceperat, instauravit. Annis gravis, ac paulatim regno impar, procerum suasu, in

SCIOLDVS,

consortium adscivit Gramum filium, quamvis etiam tum impuberem. quod iniquè ferens Ringo, è primatibus Salandiæ, ipse animò regnum agitans, patris filii-que ætatem apud populum traducebat: illum, linguâ; istum, mente oculisque captum dicens. tum suadebat, *regnum ut in se transferrent, genere parcm, annis verò, animoque, meliorem: sed fortunâ solâ vinci; quæ majoribus dignitatem regiam non concessit.* Quo Scioldus intellecto, suâ interesse ratus, uti vivus sceptrum suum filio in manum traderet, illicò, coacto milite, arma in Ringonem movet, ac tumultuantem opprimat. moxque, extinctâ ejus cæde factione, filium imponit solio; & suorum maximo cum lætù, moritur. Nomen ejus, Scioldenellâ, olim regia illius, in hunc usque diem tenet. Vivo autem etiam patre, in possessionem regni

### GRAMVS

venit. Is, senatu sic jubente, à Roario in spem regni summâ curâ educatus, regem egit bello, ac pace, juxta bonum. Regno per ætatem aptus, ut alumno aliquam referret gratiam, ejus sibi filiam uxorem capit: inde Bessò, belli gloria tunc illustri, ob navatam operam, tradit. Hinc Siætrngo, Sueciæ regi, arma infert. Huic filia Groa erat. quam petitam in matrimonium cum Siætrugns viro alteri elocasset, vasto corpore, & plebejo, indignatus contumeliam, ac rivalem sibi istum antelatum ægrè ferens, ut repulsam vindicaret, bellum movet, quo superior, ope Bessi, è medio Siætrugum tollit, Sueciamque primus capit, & jus regni posteris parat. ac Siætrugus, à Vodano idolo doctus, ferro se insuperabilem, plenus animi, occurrebat: verum Gramus, rei gnarus, clava sua, aureo munita globo, crebris ictibus contusum, sternit tandem, & occidit. Eo cæso, Gothiæ regem, Suarinum, Sueciæ insidiantem, aut suspectum, sedecimque ejus fratres, eadem ulcisci cupientes, redigit in potestatem, & interficit: Sueciamque, armis partam, duçâ in uxorem Groâ, altâ mox in pace tenet. Inde, orta cum Finno- rum rege Sumblo de limitibus controversia, cum ad arma ventum esset, ac paratæ acies utrinque starent, illicò colloquium de pace capitur. Erat Sumblo filia

GRAMVS,

Signe,



Signe, matura ætate, & honestà item forma: quam tunc conspicatus Gramus, pacis sibi pretium petit, obtinetque, divortium cum Groa spondens. Vix hæc arma deposuerat, cum, relicta apud patrem Sumblium sponsa, ea in Suibdagerum sumit, qui Norvagian per seditionem invaserat; & expulso inde patre, regnum, injustè occupatum, per tyrannidem exercebat: insuper compresserat sororem Grami, & hæc belli causa fuit. Cum exercitum in Norvagian adduxisset, cuncta satis impedita est expertus, quippe, mali conscientia, & ex ea belli metu, quodlibet præsidium sibi Suibdagerus, contra hostem invalurum; comparaverat: utque belli incertam aleam declinaret, manum haud temerè conferebat; tutius ratus, frangere cunctando Gramum, quàm ambigua præliorum nimium periculose experiri. Quà de causa, postquam traheretur bellum, nec eventus appareret, ac timendus minus Gramus, cœu nutante jam fortuna, videretur, pacis Sumblium, filiaque desponsata, panitere. itaque mutare animum, & Saxonie ducem, Henricum, ejus loco generum capere, cujus rei ubi nuntius in Norvagian pervenisset, indignatus in majorem modum Gramus, illicò, rebus ordinatis, parvo admodum comitatu Finnam petit. quoque die nuptie peragerentur, occultatis propè fociis, unicum adducens famulum, Sumbli aulam, veste peregrinà usus, medicumque simulans se percunctantibus, omnibus ignotus intrat. Gaudio cuncta personabant; verum iniquis animi Gramus in vindictam incumbebat. itaque, oculos circumferens, videt sponsam, pridem suam, alteri nunc collocatam. ardet irà; quam occultat, donec tempus ulciscendi se offerret. Procedente inter mensam hilaritate, cum se largiter invitarent, & jam vino graves essent, ablegato clam ministro, comites, quos occultaverat, ocyus adesse jubet. Post hæc in Henricum irruens, eum obruticat; aliosque, qui suppetias accurrebant; sponsam vero, inde abreptam, in Norvagian abducit. Huc reversum, ac jam bellum acris redintegrantem, Saxones, Henrici dncis cædem ulcisci cupientes, magnà classe mox invadunt, & cum rege Suibdagero

arma jungunt. Acriter, & variè, pugnatum fuit: ac succumbens tandem Gramus, mox à Suibdagero cæditur: Princeps magnus, & in quo uil reprehendas, quam amoris conjugalis inconstantiam, & repudia: etiam regibus indecora, & illicita; neque à Deo, ut auctore matrimonii, ita quoque assertore, impunita, quàmquam sæpè per libidinem usitata. Filios reliquit duos; Guthormum, ex Groa: Haddingum, ex Signe. quos, ut Suibdagero eriperet, Brachius navigio in Sueciam defert: & proceribus illic viris, Vagnophtho, & Haphlio, educandos, atque defendendos, tradit.

#### S V I B D A G E R V S.

Illè primus, cæso Gramo, trium borealium regnorum potens, cum Guthormo, Grami filio majori, precibus uxoris suæ, Daniam mox tributariam, Sueciamque Asmundo suo, concessisset, ac Norvagian sibi solam retineret, ab Hadingo, filiorum Grami altero, patris cædem vindicare cupiente, ad Gothlandiam, prælio navali victus, interficitur: ac parata scelere regna, cum non diu tenuisset, maximà cum ignominia, uti serè fieri solet, rursus amittit.

#### G V T H O R M V S.

Hic paratum turpiter regnum itidem non diu tenuit; neque nomen, cum opprobrium clientelæ claro aliquo facinore abolere debuisset, laude ullà illustravit, aut virtutis specimen dedit: ac vix unquam Dania majus passa dedecus, quàm quod munere Suibdageri habere regem sit coacta, itaque, indignus regno, immò vita, hanc, & istud, sine inglorio, & incerto, terminavit: mortem nactus, qualem antè vitam habuerat. Verum fratris ignominiam, ac parentis item cædem, rex

#### H A D I N G V S,

profligato Suibdagero, vindicavit. Hic, ex Signe, Sumbli filia, uti dixi, Gramo natus, cum in Suecia exularet, omne tempus in operibus militaribus occupabat; nihil aliud secum agitans, quàm quo modo patris cædem aliquando ulcisceretur. Id consilium illius cum Asmundo, qui pro patre Suibdagero Sueciam tunc gubernabat, tandem manifestum esset, isque opprimere per insidias conaretur, se in Da-

HADINGVS:

nam

niam subduxit, ad Guthormum illic fratrem, filiâ Vagnophthi Hartgrefâ fugæ sociâ. quæ, virilis animi virgo, juvenis amore ardens, veste sexum occultabat, & amatum plurimis periculis eripiebat. Verum, neque apud eum, fratrem quidem, sed clientem Suibdageri, fatis tutus, mox in Sueciam regreditur. Vbi mortuâ Hartgrefâ, quæ protexerat sapius periclitantem, incidit in senem quendam, altero orbatum oculo: qui, fortunam juvenis regii miseratus, dat Lisero, tunc piratæ periculstri, defendendum. Cum hoc in Locherum tendens, Curolandia tunc ducem, bello infelicitè gesto, sauciusque domum redit ac curatâ valetudine, viribusque restitutus, ad militiæ exercitia usitata denuò convertit animum. inde in Thraciam contendit, cum egregiâ militum manu, & ad Dunam, oppidum munitum arte, ac naturâ, regem Handuanum obsidet: cumque vi haud facilè expugnare posset, astu capit. Multæ interdiu hirundines, postquam inde advolassent, mox eodem revolabant, quo Hadingus animadverso, ancupes earum copiam capere ingentem jubet, ac concisos minutatim inde fungos, & incensos, alligat captarum alis, ac dimittit. itaque cum revolarent, urbem statim incenderunt. concurrentibus verò undique ad incendium extinguendum oppidanis, atque stationes suas deferentibus, vacuo excubiis muro scalas admovet, occupatque, & in potestatem redigit: Regem Handuanum captum, & adductum in conspectum, dato pretio, libertati suæ reddit. Hoc successu excitato magis animo, militem ab oriente mox in Sueciam reducit: ubi classe comparatâ, Suibdagerum, ad Gothlandiam consecutus, prælio navali vincit, & occidit, copiasque ejus omnes interecione delet. Quâ re Dani, Suibdagero liberati, jam Guthormo vitâ functo, sen amoto, nam incertum, tanquam regem tributarium regno indecorem censerent, in Hadingum inclinantes, præmium virtutis illi sceptrum offerunt, isque in principio ipso, ut amabilem se præstaret, statim abolet tributum, & restituit libertatem. Inter ista rex Asmundus, cui pater Suibdagerus Sueciam regendam dederat, ejus mortem ulcisci cupiens

HADINGVS,

arma in Hadingum capit. qui, instructo agmine, cum se objiceret, & Henricum, Asmundi filium, inter pugnam, cecidisset, mox Asmundum quoque ipsum, magno impetu irruentē, hastâ sternit: ipse quoque pedem saucius, & ex vulnere totâ deinceps vitâ claudus. Domum ex hoc bello redux, cum ærarium, quo paratas bellis opes aservabat, expilatum repperisset, quem præfecerat, Glumerum, illic in crucem agit: ac, propositis honoribus, qui ablata reportassent, cum se illi prodidissent, ut promissa exhiberet, effert primum, atque dignitate ornat, inde graviter castigat, ne impune furtum esset, & exemplo alii quoque uterentur. Post victoriam, ut reliquias porro belli profligaret, multum repperit negotiū, facefcente id Vifone, altero Asmundi filio, quem in locum patris Sueci regem elegerant. Ille enim, cum Hadingo imparem se animadverteret, ut amoliretur bellum, quod haud propulsare posset, Daniam infestus petit, limitemque ejus vastat: &, retracto sic Hadingo, in Sueciam itinere diverso redit. Id Hadingus admodum indignè ferens, præfidiis in regno suo constitutis, iterum in Sueciam tendit, eam subjugare certus. Verum Vifoso ingenio vaser, cum diffideret armis suis, astu bellum ita annis quinque duxit, ut Hadingum morâ frangeret: sic militibus, intercepto comæatu, fame pressis, ut post herbas, atque equos, tandem etiam seipfos edere compellerentur: adeoque decimum quemque sorte lectum, occidebant, ac robusti infirmiores, ægros sani, ad lanienam rapiebant. Quâ suorum clade Hadingus, & miseriâ, stimulatus, uti bello, & ærumnis, semel tandem finem imponeret, summâ vi aggressus hostem, acriter oppugnat eum, & nec noctu pugnam omittit. sed, Vifone quàm fortissimè repugnante, omnia adversa expertus, plurimis suorum amissis, in Helsingiam, ac Norvagiæ, ad Haquinum illic regem, sese recipit. à quo dum auxilia poscit, & expectat, ejus filiam Gunildam, formâ liberali virginem, homini deformi sponsam, conspicatus, mox amore ejus capitur; &, indignum ratus procum, qui tam bellâ potiretur, in duellum provocatum cum è medio sustulisset, sibi eam vxorem petit

petit, accipitque. inde, viribus iustauratis, rursus in Vffonem tendit. qui, ut hostem denuò sibi imminentem intellexit, turpi admodum consilio, & principibus indigno, per sicarios debellare eum statuit: & Hadingi ad se caput allaturo, cædis præmium, filia, formâ excellentis, matrimonium pollicetur. quod Thunningus, vir illustri inter Suecos loco natus, tentaturus, cum insidias successuras desperaret, advocatis in auxilium Biarmis, Finniæ extremæ populis, manu cum armatâ invadit. sed Thunningus, frustra hunc conatum videntis, ad incantamenta magica, quibus ea gens excellere, se convertit: & inducit statim nebulam, uti tenebris propulset, quando minimè armis posset. quo adverso, veteranus in Hadingi castris miles, itidem magiæ gnarus, nebula mox dissipatâ, lucem reddit. inde renovato prælio, cum Danorum impetum Biarmi hand ferrent, fugam capiunt. Itaque Hadingus, profligato jam Thunningo, ut Vffonem ipsum everteret, copias Vpsaliam ducit. Et inopinato adventu graviter consternatus Vffo, iterum in dolum versus, pacem petit; & ablegat transacturos, obsidesque in manum tradit. Itaque Vpsaliam Hadingus intrat, & excipitur benignè: sed sub noctem penè insidiis circumventus periisset. cum ministri, domo exire, in quâ epulum cum Vffone agitabat, cupientes, extra ædes regem suum expectaturi, ab illius satellitibus, simul atque extra limen pedem efferunt, obtruncantur: ipse, in tenebris elapsus, vix periculo præsentissimo liberatur. Hinc Hadingus gravem ad eò perfidiam armis mox apertis vindicat, acieque victum cædit. itaque potitus Sueciâ, eam Hundingo, cæsi fratri, titulo clientis tradit; ipsum, Vpsaliæ, mausoleo illustri condit: pariter testatum faciens, nec se iram ultra hostem debellatum retinere, & majorem quoque regno habere animum. Atque inde, cum Hundingus Canem, aut Caninum notet, dici coepit, canem Danos regem Suecis posuisse. Hunc in modum borealium regnorum monarchia, pridem in Norvagiam translata à rege Suibdagero, ab Hadingo Daniæ recuperata est. quam dum ille in tranquillâ pace tenet, incipit in Cimbriâ turbare Tostio, homo ob fla-

gitia Facinorosus cognomento appellatus: & initio, convocatam rusticorum perditissimorum manum contra regem concitare nihil veritus, etiam majora audet; & Saxoniz quoque ducem Sigefridum, metu incusso, ne vicinum agrum invaderet, vastaretque, reluctantem in partes trahit. Hadingus, ante incrementa opprimendum eum ratus, illic collecto milite, mox in Cimbriam contendit, & Tostionem coercere armis parat: sed, congressu primo victus, plurimis suorum cæsis, vix navigio evadit. verum, animo inter ista nihilominus erecto, viribusque integratis, prælio secundo victor, fugam, in quam antea conjectus fuerat, ipsi facit. ac, cum neque sic quiesceret, & profectus in Britanniam, celebrem piratam hinc Collonem adducere, copiasque auxiliares, ut suorum sanguini Hadingus parceret, in certamen singulare cum vocat, & congressum item sternit. Hinc, represso sic Tostione, cum securus pace partâ frueretur, regno inhians Vlvildâ, ejus filia, insidias struit: & invitat ad convivium, ut occideret, nihil tale metuentem. verum ille, sive sponte sua cautus, sive monitus in somnio, ut periculum prohiberet, ad triclinium excubare militem occultatum jubet; qui adesset ad suppetias, simul atque signum daret: ipse, intrat; & excipitur perbenignè. in convivio, cum sicarius appareret, discumbentem, ubi opportunum foret, occisurus, non diutius expectandum sibi ratus, advocatis, quos adduxerat in subsidium, & periculo se eripit, & in generum animadvertit; filiam verò, affectu victus, verbis acribus objurgatam, abire jubet. Traditur Gunilda uxor, postquam vitâ functa esset, aliquando in somno regem monuisse, natam sibi immanem scram, alias omnes domituras, tum canorum quoque cygnum. non discriminè ullum à ferâ imminere: sed exitio, ni caveret, cygnum fore. & Hadingus, experrectus, cum ex conjectore quæreretur, quid hoc sibi visum vellet, is respondet; feram illam, filium significare, hostibus suis aliquando formidandum: cygnum verò, filiam Vlvildam esse, olim insidias structuram, regni causâ. itaque, ut prohiberet infortunium, eam Suttarino locat, viro ignobili: ratus, ita

ita filia ambitionem cohiberi satis posse. verum illud malè vertit. nam Vlvida, eo ipso, ceu indignà contumelià, irritata, animo vindictam agit, & maritum ad regnum invadendum instigat. isque renuit quidem diu, sive regem focerum rcvereretur, sive exitum metueret; semper dubium, & rarissimè felicem: neque, cum succedit, bonum: sed, Vlvida non cessante, tandem etiam persuaderi sibi passus, audet facinus, & punitur. Ac Hadingus, etsi manus parricidæ evasisset, tamen passim interfectus ferebatur. idque Hundingus, ejus beneficio rex Sueciæ, cum accepisset, epulum ferale parat, & invitât regni proceres, ut exequias, more id temporis usitato, celebrarent. adfunt omnes, & inter se convivantur. imperat hilaritatem ipse Hundingus, & exemplo illis præit. quin ministrat quoque potum, & pincernam agere non dedignatur. tandem ebrius, ad choreas se convertit, quæ lætitiâ omnibus fuescam reddunt. nam, dum saltat, pede offenso, in dolium appositum cadens, quod cervisia, sive mulso, ut alii tradunt, plenum erat, suffocatur: & exequias, quas Hadingo destinaverat, suas facit. ille verò, intellectâ regis tam amici morte, ei superesse nolens, ut referret parem gratiam, eorâ regni optimatibus, quos ad leges quasdam novas promulgandas convocaverat, vitam sibi laqueo finit. Atque ita rex fortissimus, & clarissimus, restitutâ regno Daniæ boreali monarchiâ, toties victrices manus, animi dolore victus, sibi infert: quique vitam maximâ cum laude cegerat, cum opprobrio summo finit, morte neque viro dignâ, ne dum rege. acciditque, quod prædictum à Biarnio quodam sene antè fuerat, bello cum Vssone gesto, ut, hostili manu invictus, suâ ipse vitam perderet. Liberos habuit, Frothoneum, successorē, & Vlvidam, ac Suanthuitam: aliasque, quarum nomina ignorantur.

#### F R O T H O I,

cognomento Liberalis, cum virtutes patris sui sceleretur, regnum quoque, eo vitâ functo, accepit. accedebat, quod, quam ipse existimationem nominis concitasset, etiam harioli omnes, patris somnio, de quo paulo antè dixi, explicato, confirmarent: qui futurum sapientem, bonum, fortem,

#### F R O T H O I.

ac bellicosum, uno ore prædicebant. Regnum nactus, non duntaxat optimè administravit, sed & auxit, & ornavit: aded ut aureum sub illo seculum planè esset. Ærario, exhausto bellis, ac largitione variâ, cum deficerent stipendia, angustiam indigena loci sublevavit. Erat insula, in quâ vim ingentem auri cultos Draco, quod piratæ excellentis nomen erat, in speluncâ asservabat. quam cum ipsiis, quem dixi, indicasset, mox hanc petit; &, Dracone interfecto, aurum abducit: ac jam potens, arma in Curlandos movet. Rex tunc illis Dorno erat, Locheri filius, de quo in Hadingi vitâ memoratum. Hic Frothoneum imminere certior factus, convocatos optimates, quid agendum existimarent, percontatur. placuitque, postquam impar hosti esset, uti, omni commatu intercepto, quem non posset armis vincere, necessariorum inopiâ profligaret. itaque ex agro in urbem contrahit frumentum, pecora; & quæ alia exercitui sustentando profutura viderentur: inde agrum ipsum exurit; urbem vallo, fossâ, ac præsidio, munit. Inter ista Frotho veniens, cum, abducto commatu, non se diu commorari illic posse, neque facilitè item urbem permunitam expugnare, animadverteret, dolum adhibet. scrobs totis castris fodere, & egestam inde terram in præterfluentem amnem clanculûm abicere jubet; tum, insidiæ ne paterent, cespitem injecto tegere. quibus ita comparatis, fugam simulat, copiisque inde abductis, retrocedit. oppidani, verè fugere hostem rati, magno impetu erumpunt; & in caltra, ea prædaturi, invadunt. sed, in foveas illapsos, dum excendere annuntur, irruens improvise Frotho, omnes cædit, vacuumque defensoribus urbem capit. Post hæc in Ruthenos tendit: apud quos pirata summus, Tranno, mare infestabat. & hos quoque, missis qui de nocte naves perforarent, dolo superat: ac, tributo imperato, mox in Daniam regreditur. sed haud diu quieverit, & legatos ad tributum, quod negabant, exigendum cum è medio sustulissent, iterum in eos Frotho arma capere est coactus. itaque reductis copiis, urbem Rotalem arctè cingit: alveoque fluminis præterlabentis derivato, mox in potestatem redigit. inde in

Pel.

Feltiscam fertur, ac, invictam cum videret, astu usus, etiam capit. loco se secreto abdens, obliſſe vult videri, & dispergit mortis famam. addunt milites exequias, exſtruuntque monumentum. quo accepto oppidani, ceu discrimen nullum aliud, hoc ſublato, ſuper'eſſet, jam ſecuri, & excubias negligebant, & in luxu vertebantur, idque gnari obſeſſores, urbem invadunt, ac diripiunt: & Veſpaſium quoque regem interluſu, atque pocula, interficiunt. Hinc in orientem verſus, urbem ad Helleſpontum Dunam acri obſidione premit. Rex illius, Handuanus, ab Hadingo pridem patre ſuperatus, atque veſtigialis factus, jam tributum recuſabat: eaſque bellandi cauſa. & Handuanus, memor doli, quo Hadingus ſuperaffe t, hirundines, quæ conque in urbe, cædi jubet: neque tamen ſic evadit. quippe Frotho, immiſſo milite, nimia temeritate, neque regi uſurpanda, veſtem muliebrem ſumit, urbem intrat, & explorat: tum emittit, qui aduocat militem ſuum, multa nocte irrupturum. ita fit, & urbs opprimitur. Handuanus, ut ſe iterum captum videt, nec ſpem evadendi eſſe, ne cum urbe opes quoque in manum hoſtis pervenirent, in navigio impoſitas, mari adjacenti mergit. at victoriâ moderatè Frotho utitur: Handuani filiam vxorem capit; atque ipſi libertatem, & regnum, reddit. Sed, dum ille foris hoſtem debellatum admodum benignè habet, domi turbæ à ſororibus concitantur. quarum altera, Suanthuita, quæ Regnero, Hundingi filio, eo abſente, & inconfulto, ſponte nupſerat, ſuadet conjugi, uti ſibi regnum Sueciæ vindicaret: altera verò, Vluilda, antea Hadingo patri inſidiata, incitat maritum Vbbonem, cui Daniâ abiens Frotho commendaverat, uti illam occuparet. Hæc deſectione Frotho utriuſque irritatus, primò in Regnerum tendit. quo accepto, Suanthuita, juſtis copiis, quas opponeret, deſtituta, ut leniret fratris animum, adit eum; &, demiffa oratione allocuta, Noſſe, ait, cum abiret in Ruſhenos, quod nubendi, cui vellet, poteſtatem conceſſiſſet. ac Regnerum elegiſſe, Hundingi filium, genere, & virtute, parem: non ceu regnum aſſectaret, verum quia is præ cæteris animo ſuo placuiſſet. quando autem in mariſco capiendò nil peccaſſet, neque ſe indignum quidquam admiſiſſet, oratum

FROTHO I.

*ſummo opere velle, uti ratum matrimonium eſſe cupiat. ac, ſi ita rebus ſuis expedire videatur, non gravatè cum marito exceſſurum regno eſſe.* Quibus verbis motus Frotho, & delicti gratiam facit; & Regneri matrimonio approbato, regnum item Sueciæ donat, titulo clientis deinceps, ſicut ab Hadingo patre pridem, Hundingus, ejus pater, accepiſſet, poſſidendum. Hinc in Daniâ, ut reprimeret Vbbonem, & Vluildam, ſeſe conſert. tibi occurrere auſus Vbbo, uno prælio ſuperatur, veniamque à victore item impetrat. Magna certè in Frothone bonitas naturæ erat, animique excellens quædam magnitudo: quâ obſtringere beneficium, quàm ſupplicii coërcere; & ignoſcere, quàm punire hoſtem, mallet. ſed, qui ſciret, boni maximè regis eſſe, veniam delictis dare, illud etiam probè noverat, pariter prudentis eſſe, providere, ne deinceps quis delinquat; neu cogatur, aut ſeverè animadvertere, aut periculoſè ſimul, temereque, condonare. itaque, ut conatus novos prohiberet, & adimit Vbbonem conjugem, & dat Scotum, virum illuſtrem, ac perſpectæ dudum fidei. cumque etiam hunc tentaret, atque is conſtanter recuſaret facinus, necem ipſi machinatur. qui, edoctrus à pediſequâ, ut averteret periculum, eâ nocte, quâ patranda cædes foret, loricatus, poſitusque juxta armis, lectum aſcendit: & Vluildâ interrogante, quid armatus præter morem ad ſe accederet, ita viſum eſſe, inquit. ac, cum mox ſicari ingrederentur, dormientem, ut putabant, oppreſſuri, lecto illic deſiliens, arma capit; & aggreſſus irruentes, omnes cædit. quod Frothoni poſtquam nuntiatum eſſet, & rednci is ſororem, tertium jam perduellem, ad bonam mentem unquam poſſe deſperaret; neque tamen, quod meruerat, è medio ſublata veller; remove quàm longiſſimè è conſpectu ſatis habens, eam, ac maritum Scotum, multis opibus donatum, & pollicitum in obſequio ſemper fore, tum obſtrictum juramento, in Scotiam abire jubet, atque illic habitare: vel tum animum inducens princeps optimus, exilio potiùs, quàm ſupplicio, peſſimam ſororem afficere. ac ne illud quidem ipſum, ut puniret; ſed conſilia deteſtanda, & nocendipoteltatem, ut huic eriperet, ſe periculoſe

B 2

libe

liberaret. Quæ in Daniâ cum geflisset, ad Vitthonem compescendum proficiscitur. is in Frisiâ majori cum piraticam exerceret, ingens Danis mercatoribus detrimentum afferebat. itaque, ut prohiberet, ac commercia vindicaret, copias in eum ducit: atque, nactus occurrentem, conquirecere suos jubet, clypeisque se protegere, donec tela hostes omnia exhausissent; ac tum demum impetum in illos facere, quod cum fieret, nullo negotio superati, fugam capiunt. atque ita victor Frotho, rebus illic pro arbitrio constitutis, mox Saxoniam, quæ tributum, à Scioldo olim rege imperatum, recusabat, & aggreditur, & reducit ad obsequium. inde in Britannos movet, ut rebellione pares, ita clade: obviumque regem Dalemannum habens, unâ eum pugna sternit. post quæ, insulam pervagatus, copias in Scotiam ducit: cum instare Dalemannum, viribus redintegratis, nuntiatur. itaque, eodem tempore cum duobus simul hostibus decertare inconsultum arbitratus, alterum aggrediendum arte statuit. mandat sarcinas abjicere, & quaecumque suppellectilem: in quam dum intentus hostis spolia opima legeret, facilem victoriam fore, ac, Torkillo quamvis admodum renitente, obsequutus tamen miles, iussu regis sine ullâ morâ facit. ade rat mox Dalemannus; & obiectam prædam videns, statim dolum intelligebat. itaque hortari suos; *abstinerent, donec hostem insidiantem superassent. prædam certam, & in manibus; victoriam, incertam esse. itaque pugnarent prius, vincerentque: tum securè, quod nunc cum periculo velint, collecturos.* Interim Frotho, Scotiæ ingressus fines, eos diripit: obviumque cum auxiliis Scotum habens, pridem eò ablegatum, bellum persequi, & subjicere gentem, jubet: ipse, in Britanniam reducit copias; & onusto spoliis hosti superveniens, cum opprimit, ac proster nit: & Londinum, urbem insulæ primariam, fugientem Dalemannum arcte obsidet. cumque expugnare band posset, iterum ad dolum versus, sicut antè in Russiâ, mortem fingit, & in vulgus spargi jubet: tum & pacem suos petere, ac dedicationem offerre Dalemanno, si permittat novi regis eligendi potestatem. quâ concessâ, cum in urbem bonam partem co-

FROTHO I.

piarum admisset, illa capitur, ipse in tumultu occiditur. Ita victor, & in Daniam reversus, cum labore militari fessum Scatus recreare statuisse, epulumque apparasset, ad certamen singulare ab Hundingo, & Haquino, provocatus, ambos cædit. hinc insidiis petitus à duobus è cubiculi ministris, sceleris mox cogitati manifestos, alligato ad collum saxo, abjici in mare præcipit. Per hoc tempus etiam Vivil da soror vestem donat, nullis armis penetrabilem. quâ indutus, cum Regnerum inde affinem, falsò regni affectati inculcatum, bello peteret, inter viam, pondere & astu pressus, simulatam semel iterumque mortem tandem obit: rex iustitiâ, moderatione animi, ac clementiâ, bellicæque fortitudine, nullo minor. Liberi ex Handuani filiâ tres ipsi nati; Haldanus, Roë, Scatus. quorum maximus,

H A L D A N V S,

nullo modo patri similis, ut regnare solus posset, fratribus per summum scelus interfectis, regnum invadit. nec contentus, illos quoque, qui faverent interfectis, ne restarent, quos deberet formidare, graviter cruciatus, tollit. eo uno admirandus, quod infamem, omnibusque detestandam, vitam illam, inter tot continua crudelitatis exercitia, & perduxerit ad extremam senectutem, & tranquillo item fine terminaverit. Moriens, ex matre incertâ, filios reliquit duos; Roë nempe, & Helgonem: verè fratres, & amore mutuo inter se claros, quippe

R O E

ætate prior, ideoque regno propior, cum id solus totum sibi vindicare potuisset, raro exemplo, cum Helgone est partitus: ac, retentâ sibi terrâ, maris potestatem tradidit. Erat autem animus illi in pusillo corpore magnus, & justitiæ observans. itaque & leges Danis primus tulit; cum ad illud usque tempus unusquisque suo potius arbitratu jus, quàm ex præcepto, diceret. Urbem quoque condidit in Sialandiâ; quam Roschildiam, à se, & insigni fonte, qui & hodie illic exstat, appellavit. Inter ista, cum Regnerus, vitâ excedens, Sueciæ regnum, quod Frothonis beneficio obtinebat, filio Horbrodo traderet; atque is clientis nomen apud Roë profiteri detrectaret, ac pro rege, Daniæ nequaquam ob-

Roë, noxio,

noxio, sese gereret, insuper lacefferet bello; ille obviam contendens, tertio prælio superatur, & occiditur. Quam ob causam antea divisum regnum,

## HELGO

universum accipit. Hic à fratre, uti dixi, imperium maris consequutus, illud quod ad orientem est, Balthicumque nuncupatur, totum sibi mox subiecit. tum ubique stationes, quò recipere sese posset, communivit: & ab eo, longo temporum successu, reges Daniz tenuere. Albm quoque classe invecus, in Saxoniam, sæpè Cimbriam populantem, arma intulit: quæque acceperat damna, reddidit. tum Hundingum, ejus regionis principem, cum exercitu occurrentem, in duellum provocavit: eà lege, uti victi terra omnis in victoris potestatem traderetur. quod Hundingum cum placeret, inità ad Stadium pugna, superatum ipsam Helgo & occidit, & Saxoniam, ut convenerat, suam fecit: posuitque illic legem, ut, ingenuum, aut libertum, qui occideret, pari modo plecteretur. Hinc in Cimbriam regressus, Saxones, qui hanc invaserant, pellit omnes, Danizque eam suæ rursus addit. inde in Scalcum, Vandalorum regem, movet: ac navali prælio victor, cum in Thoram insulam resisteret cursum, virgini illic rusticanae stuprum infert, & ex eà filiam mox Vrsam tollit. cum quâ ipsa etiam congressus postea, turpiter virginitatem dudum ereptam matre ulcisci cupiente, filium Roluonem gignit, mox in regno successurum. Nece fratris intellectà, arma in Hotbrodum parat. & si quid adversi fortè eveniret, ut successor sibi certus superesset, nondum puberem Roluonem in tutorum manus tradit: qui in Lerhrà eum arce, regum per id tempus sede, summà curà asservarent. Quibus ita constitutis, mittit qui Hotbrodi duces, arces aliquot in Scania limitaneas tenentes, manu validà exturbarent; ipse, clam in hostem ducit: ac congressus, victum cædit. inde, fratris Roë nece asperatus, nimio in hunc affectu, legem in Suecos admodum crudelem statuit: ac permittit, ut impunè, quisquis Danus, quavis causà, hos occidat. tum Atifilium, Hotbrodi filium, imperato, quod is pridem recusaverat, tributo, regno impe-

HELGO.

nit. Inde, sive rerum tædio, sive animi dolore, ob incestum intellectum, morte ignobili decedit: vel, ut alii sunt auctores, ipse sibi manus infert. Erat rex, amore in fratrem, ac virtute militari, prædicandus: nisi laudem hanc libidine, ac sævitia, minuisset. Reliquit unam ex Thorà Vrsam: & ex eà, incesto, uti dixi, coitu, filium Roluonem; filiasque, Rutam, & Sculdam. Mortuo succedit

## ROLVO:

qui opprobrium nascendi maximà virtute extinxit. Arma nulli foris intulit, ut servaret pacem domi: quam nonnunquam, dum abessent, aliis turbatam sciret. Dum quiete suà frui, filius Hotbrodi Atifilus, Sueciam Helgonis beneficio tenens, ut tributum onere se liberaret, per legatos matrem Vrsam uxorem petit: arbitratus, in affinitatis gratiam faciliè remissum iri. Sed, adeptus matrimonium, admodum avarus princeps, fordide uxorem habet, neque ut reginà dignum, quod cum illa ægrè ferret, ac divortii causam quæreret, callidè hortatur virum, ut Roluonem in Sueciam invitet blandè: ita fore, ut benignius gratiam tributi faciat. Atque is prætextus erat: sed reverà hoc agebat, ut occasione istà uteretur, & cum filio recedente in Daniam redire posset. Nec difficilis hic Roluo; cum exiguo comitatu matrem visit, & Atifilium: qui benignè excipit advenientem, ac muneribus multis donat. tum & blandè obtestatur, ut tributum, non tam grave, quam probrosum, saltè matri condonaret. Roluo, causà invitationis ejus intellectà, tertio, quo venerat, die abitum parat. atque instigabat mater; de Atifili avaritià, quam haud ultra tolerare ipsa posset, in majorem modum querens: tum & orans, ut in Daniam reduceret, comitemque itineris se pateretur. quod cum Roluo haud gravatè indulgeret, clam ex aulà se subducens, & sequentem cum ingenti equitatu, auro per viam objecto, remoratur, filium in Daniam regredientem comitatur. Sed Atifilium mox Biarco, prælio superatum, cædit. is, militiz laude clarus, à Roluone matrimonio sororis Rutæ honestatus erat: itaque Vrsæ, socrus suæ, contumeliam ad se pertinere ratus, eam vindicandà statuit. In Atifili verò locum, Hiartuarus constituitur, cui

ROLVO.

B 3

UXO-



uxorem Roluo Sculdam, alteram sororem dederat. Iamque Roluo altâ pace fruebatur, cum insidias Hiartuarus illi struit: seu ambitione suâ, sive conjugis impulsu, quæ fratrem ipsa regnum affectabat. Iam tributi exsolvendi dies venerat; quam facinoris audendi pulcrâ occasione putans, naves parat, & imponit cistas plures; non tributo, quod videri cupiebat, oneratas, verum armis: inde comites adjungens, ad extrema quæque promptos, Daniam petit; & in eâ arcem Lethram, regis sedem. ubi exceptus perbenignè à Roluone, nullâ juris hospitalis reverentiâ, cum obruncat: ipse quoque à Wiggone, maximæ virtutis viro, fideique in Roluonem prædicandæ, die postero interfectus. Erat Roluo princeps longè laudatissimus: quem virtutes, rege dignæ, plurimæ tonddecorabant. belli fugiens, pacem amabat: quâ florere regna quævis, & constare subditorum publicam salutem, sciret. Etiam munificus erat, ac potentium nunquam exspectationem discebatur; & si quid daturus esset, statim dabat: gnarus illud gratius esse beneficium, quod non diu exspectantis spem torqueret. Percunctanti aliquando, *quam virtutem ceteris præstare duceret, patientiam*, respondit. quippe sic existimabat: bono principi, ad rem publicam gubernandam, nihil magis patientiâ opus esse. Ad insignes animi dotes, corporis statura ingens, & heroica, dignum illis domicilium, accedebat: ideoque vulgo Krage cognomento dicebatur.

#### H O T H E R V S.

Post Roluonem interfectum, traditur Hothero regnum, Hadingi ex filiâ Suanthuitâ pronepoti. Is à patre in Norvagian puer missus, à Gevaro illic rege postquam educatus esset, ad Roluonis cæsi famam, ejus suasio, & auxilio, classe instructâ Daniam petit: & Iforam ubi mox applicuisset, proximum Roschildiæ portum, juxta regum sedem Lethram, cum adventus sui causam optimatibus indicasset, regnum accipit. quo potitus, in Norvagian regreditur, filiamque alumni regis, Nannam, in uxorem ducit: atque Balderum rivalem, ab Othino oriundum, unâ cum Geldero Saxone invadentem, illo casu, in fugam agit: unde freto, in quo dimicatum fuit, etiamnum Balderfundæ nomen manet. sed

H O T H E R V S.

is, viribus instauratis, mox revertitur; & invadens Sialandiam, incolas in regem ciet. Hic in Sueciâ tunc agebat, & ad nuntium recurrens cum exercitu, apud Balderbrundam vincitur. unde in Cimbrum se recipiens, quo in loco hyemaverat, urbem Haderfleviam conditatque iterum à Baldero illic victus, Sueciam repetit. ubi reparatis copiis, denuò Balderum aggreditur, & profligat, juxta Runam, assitum Roschildiæ pagum: unde ludus, etiamnum in totâ Daniâ usitatus, quem appellant Balderrune, nomen traxit. Hujus cædem ulcisci cupiens frater Bous, cum infesta arma inferret, & huic obviam ire vellet, de Gevaro, Norvagiæ rege, à Gunnone, regni satrapâ, per insidias intercepto, ac cremato, nuntiatur. itaque, omisso eo, in Norvagian iter capit: & Gunnonem comprehensum igne itidem, sicut is Gevaro fecerat, vivum exurit: filiusque, in altoris patris gratiam, educationis præmium, regnum reddit. Hiuc in Daniam reversus, coercere Bous statuit. sed prius, quàm in illum ducit, fati providus, convocatis optimatibus, filium Roricum silit, postulatque; *ut hunc sibi, si humanitûs quid eveniat, successorem esse velint: jam ætatem inclinare, neq; vita, etsi bellum, semper anceps, rectè cadus, multum adeo restare. in super expedire regno, ne successor in incerto habeatur: meliusque spes immodicæ aliorum cohiberi. si, qua petret, concedant, mortem minus gravem fore.* Nec displicuit oratio: & in filium postquam omnes consensissent, alacer in pugnam exit, cæditurque: princeps bonus, ac non unâ laude clarus. Victo, & occiso, Hothero, regnum occupavit

#### B O V S:

sed quàm diu id tenuerit, quidve post hoc tempus gesserit, aut quo modo vitâ excesserit, ignoratur. Eo sive mox ejecto, sive mortuo, nam Historia nihil tradit, filius Hotheri,

R O R I C V S, cognomento Slingebondus, adolescens regnum accipit: cum, ætatem aspernatæ, tributariæ ditiones, Curolandia, Suecia, Vendia, de excutiendo jugo inter se consilium capiunt. quod Rorico postquam gnarum, opprimendum, antequàm se confirmaret, hostem ratus, illicò paratis copiis, abditos in Sueciæ littore Vendos cædit, quosdam in interiores portuum

R O R I C V S.

recessus



recessus agit. qui, suorum strage territi, nec pugnare ultra ausi, cum se etiam magis abderent, atque bellum traheretur, tandem è navibus miles prodit, vastâ corporis staturâ, nec magiâ imperitus, & ad pugnam sese offert: tum conditionem statuit, si superior evadat, ut immunes à tributo sui forent; si vincatur, porro debeant. neque deerat inter Danos, qui capefcere pugnam auderet: etsi animo meliore, quàm eventu. nam congressus, postquam leve hosti vulnus inflixisset, ipse graviore faucibus, mox collapsus, vitam in arenâ perdit. sed postridiè, cum fiducia victoriæ animum esserret Vendus, iterumque ad classem accedens adversarium postularet, prodiens in eum Vbbo, vir intrepidus, post ancipitem conflictum, validè pugnanti sternit: ita tamen, ut, victoriæ vix superstes, ipse etiam concideret. Quibus gestis, Vendus, de eventu belli omen quoddam ex hac militis sui pugna capientes, arma ponunt: & tributum, quod negarant, pollicentur. Anre pugnam, rex victori præmium promiserat virtutis suæ, sex argenteas armillas: quas cum Vbbo apud quenquam militum deponi vellet, is trajicere colligatas statim in ipsius navem conabatur. sed, deficiente jactu, illæ in subiectum mare decidebant: atque inde Slingebondi cognomentum est adeptus. Vitæ finis, in incerto est. Et successit

**HORVENDILLVS,**  
rex à Cimbris constitutus. Conjugem Gerutham habuit, filiam Rorici regis, de quo dixi: ipse filius Gervendilli, Cimbrici per id tempus præsidis, tunc virtute militari, ac Colleco, Norvagiæ rege, pugna singulari victo, & occiso, perillustis. Plurima præclare gessit; & victoriis celebratus, per invidiam à Feggone fratre occiditur. Filium reliquit unum, cui Amletho nomen erat: isque, patris eadem ultus, postea & patruum è medio tollit, & paternum regnum tenet. Itaque, cum sine prole masculâ Roricus pridem decessisset, generumque item ejus Horvendillum Feggo frater, per insidias circumventum, sceleratè sustulisset,

**FEGGO,**

sceptrum consequutus, non contentus illo scelere, aliud addit: & Gerutham, ejus

Feggo.

thoro viduatam, sibi jungit. Sed, flagitiorum poenam ut non semper differt Deus, ita neque diu tenet: eadem Horvendilli patris vindicante mox Amletho. Is, dum à Geruthâ matre educatur, supra ætatem suam prudens, ut sævitiam evaderet patrui pariter vitricique, ad mentiam se componere, & inungere cornu faciem, mimoque; ut pro morione vulgo censeretur. foco otiosus assidens, uncus etiam fabficare, ac seponere: causam verò, atque usum, percunctantibus, respondere; *spicula parare sibi, quibus olim patris eadem ulciscatur.* Istis verbis cum se proderet sagacibus, ac stultitiam illi fictam animadverterent, variè suos explorare Feggo jubet. atque erant, qui censerent, facile deprehendi posse, *si in latebris degenti aliquam puellam darent, forma perquam eleganti, quæ accendere animum ejus in se posset: sine dubio illam vim amoris fore, ut deponat statim fucum, & oblata voluptate perfruasur.* nec consilium displicebat. legitur puella quædam, & in abdito recessu nemoris cujusdam sistitur, ubi solus colloqui cum illa queat. verum, equum ascensurus, & ad ipsam deducendus, magis etiam Feggoni, & adstantibus, risum præbet, ac se stultum esse probat. nam, obversus ad posteriora equi, arripit pro freno caudam: & in nemus densum abductus, cum insidias quidam olim collactaneus, veteris amoris retinens, docuisset, eas cavet. cumque frustra ea res tentata esset, alia excogitatur. suadent regi, *ut longinquum iter simulet; & cubiculo uxorem, ac cum eâ illum includat: tum eandem abbat in eodem, qui ausculet, qua cum matre verba faciat. etenim, si sapiat, fore, uti matri, nulla ultra simulatione usus, mentem prodât.* Laudat hoc consilium Feggo, & protectionem simulat; ac se abdit in cubiculo, qui id suaserat: hinc Amlethus introducitur. isque, insidiarum metuens, diligenter loca prius cuncta explorat; quassis brachiis, instar galli, cantum edens. tum latentem subter vestes corycæum deprehendens, eum cædit; ac discerpit, abjicitque in cloacam. inde matrem alloquutus, eam objurgat; *quod calamitatem filii scilicet lacrymis deploraret, se incesto polluisset: cui sceleri vera lacryma deberentur. sibi hanc necessitatem à fortunâ impositam esse, ut præsidium ab insaniâ simulat à viâ caperet. nam tyrannum,*

qui parentem, fratrem suum, nullâ planè ratione sanguinis habuâ, occidisset, neque sibi, si inesse mentem sanam deprehendat, parciturum, hoc prætextu se tueri, dum paternam quoque eadem aliquando ulciscatur, cuius rei si occasio se offerret, non jam solidum ultra fore. Quibus verbis postquam mater pristinum in patrem amorem revocasset, filium quoque miserata, mox silentium rei gestæ pollicetur. Feggo, simul rediisset, scire cupidus, quæ Amlethus cum Geruthâ matre verba habuisset, hominem illum, qui se in cubiculo ejus abdidisset, advocari statim jubet. quem cum omnes visum sibi ex eo tempore pemegarent, & Amlethus à quibusdam rogaretur, in cloacam descendisse, & à porcis, subtus fordes depascentibus, devoratum illum ait quod responsum, quamlibet confessionem veri habens, nihilominus, ceu prolutum ab infano, magis omnibus ridiculum habitum, quàm verum, fuit. Nec sic tamen Feggo cessat; & Amlethi evertendi aliud consilium capit. mittit ad Britanniae regem, cum duobus satellitibus; ac clam mandat, ut è medio illum tollat. sed Amlethus, rem, ut erat, suspicatus, cum satellites in itinere vino quàm largissimè se invitassent, & oppressi alto somno noctu essent, sedulo marsupia illorum explorat. ac, Feggonis literas nactus, cum mandatam mortem suam, quod conjecerat, comperisset, nomen in his suum delet, & satellitum reponit; tam industriè, ut cognosci fraus non posset. addit porro, *petere Feggonem maxime, uti se, virtute clarum, regiòque genere natum, perbenevole haberet.* ac Britannus, cum has literas à Feggone accepisset, postulatis mox obsequitur, & satellites suspendit. quod Amlethus, jam depositâ simulatione infanæ, cum apud familiares quereretur, ceuid etiam metuendum sibi foret, rex vocatum multo statim auro donatum & plura pollicetur beneficia, si in aulâ permaneret: quæ focisset, de Feggonis, qui mandasset, voluntate facta esse. His secutior Amlethus, dum in aulâ porro etiam commoratur, atque regi mores, ac virtutem, probat, filiam uxorem accipit. quo potius matrimonio, cum in Daniâ excurrendi à rege socero potestatem impetrasset, eam ingressus, mutat habitum, & insaniam iterum fingit. Feggo tunc Vi-

FEGGO.

burgi agere; & exequias Amlethi, qui non ita multo antè obiisse ferebatur, celebrare. & adventum insperatum, qui intererant, admirati, animis distrahebantur: aliis, hunc ipsum esse; aliis, illudere umbram dictitantibus. verum ille, percontantibus, vivere se ac coram esse, cui nunc exequias agerent, testabatur. ac rogatus à Feggone, quid comitibus suis factum, quos in Angliam abduxisset, baculos ostendens duos, quos gestabat, auro liquefacto graves, quod Britannus, uti dixi, de occisiis quiritantem cupiens placare, dederat; ecce, inquit, isthic habes. quibus verbis cum in rilum solverentur, quotquot aderant, hilarè conviviû fuit. & Amlethus, qui jam animo ultionem agitabat, pro pincernâ sese gerens, mixtis per occasionem multis jocis, ac facetiis, risum cunctis excitabat. inter ministrandum, questus, se non commodè servire, atque veste laxiore prohiberi, cingulû à quodam petit, quo adstringat isque, ut majorem risum discumbentibus commoveret, cingulum dat, & oblongum ensẽ addit. quo subiinde cum distracto summos digitorum articulos sanciare, ne id facere ultra posset, figi in vaginâ cum, clavo injecto, Feggo jubet. cui ut referret gratiam, maturandæ ebrietati, magis etiam implet pocula, ipsi pariter ac proceribus. cumque vino gravis Feggo cubitum deductus esset, & excubitores passim, peregrinis intermixti, ubi biberant, requiescerent, idque Amlethus animadverteret; arbitratus, commodè nunc eadem patris vindicari à se posse; uncis, antea fabricatis, uti dixi, ac sepositis, omnes colligat, ac constringit; ita arcè, ut haud facile excitati expedire sese possent. inde ignem tecto injicit; & invalescente incendio, ipsum in cubiculo Feggonem obruncat. qui ut regnum summo scelere occupavit, ita inter probra gessit; finitque morte dignâ, ac tyrannis ferè propriâ. Nomen ejus Feggunda Cimbriæ etiamnum servat. Et.

A M L E T H V S,  
eo modo patris sui eadem ultus, primò in latebras se abdit; dum, quo pacto id acceptum, experitur. inde advocat primores, quos Feggonem odisse nòrat. memorat parentis eadem, ac pollutum matris sctorum; tum calamitatem suam, quâ tot annos consistet arâ

A M L E T H V S.

sit

*sit coactus. addit publicam miseriā; contemptam nobilitatem, graviter oppressos cives, & agricolas direxerat. quibus malū cum nunc ipse universos liberasset, prēmio, an penā, dignum aestimarent, arbitros se eos velle, & paratum in utrumque. si periculo suo regnum a tyrannide liberatum existimarent, vinduci in manum traderent: sin electum alium vellent, integrum id ipsis cupere; dum auctorem beneficii, vindicemque libertatis, unum se meminissent, ac fateantur. in Fengone occidendo, non de regno acquirendo, sed de patriā liberandā, cogitasse: ac periculum tam magnum ejus causā subisse. Quibus verbis moti proceres, regem omnes nno ore appellarunt. Itaque potitus regno, clypeum insignem parat: & in eo res præclare à se gestas sculpi jubet. Post hæc, rebus ordinatis, magnā selectissimorum juvenum mann comitatus, in Britanniam iter capit. ubi à rege focero benignè exceptus, cum is de Fengone quæreret, cæsum inquit. atque porro sciscitanti, à quo, & quā ratione? ego ipse hæc manu, ait, simul dextram ostentabat, interfeci: uti simul patris necem, & opprobrium item matris, vindicarem. Mutuo se juramento Anglus atque Fengo obstrinxerant, ut alterius interfecti alter eadem nlcisceretur: itaque hærebant animi, generone suo parceret, an amico satisfaceret, tandem tamen placuit religionem juramenti ante caritatem ponere. sed, ne violasse hospitem, neve generum occidisse, culparetur, nullum probrum existimavit, alienā manu uti. itaque ad Hermuthrudam, quæ, Scotorum tunc regina, procos omnes interfecerat, nuptias sibi petiturum, ablegare visum fuit: ratus fore, ut ipse quoque, sicut ad id tempus alii, mox è medio tolleretur. sed spes eum hæc frustrata est. & Amlethus ita Hermethrudæ placuit, ut Britanno, qui legaverat, eum ipsa anteferet. Hinc in Angliam revertens, & adducens novam uxorem, cum Scotorum magnā manu, obviam priorem habuit. quæ, neglectam fidem conjugalem quaest, sibi tamen veterem constare adfectum, cujus pignus filium ex ipso pridem susceperat, testabatur: tum monebat, ut à focero caveret; qui, præreptas sibi nuptias Hermuthrudæ agrè ferens, iræ plenus, clam perniciem moliretur. Hoc Amlethus intellecto, cum appropinquaret urbi,*

AMLETHVS,

*in quā focer adventantem expectabat, armis subter vestem indutis, legit præstantissimum quemque, latera sua stipaturum: cæteros subsistere jubet; & ad signum, si sic fortè usus ferat, præstò esse. Cum ad urbem ventum foret, ante eam obvius focer, blandè excipit, & invitat ad ingressum. intra portam, velut jam in potestate suā habens, hastā ferit; & omnino parum aberat, quin confoderet: ac fecisset, nisi ictum occultata veste arma retudissent. Anglo odii in hunc modum manifesto, illico Amlethus se ad suos recipit. ac cedentem maximā celeritate sequens Anglus, ejus comites, in propinquo occultatos, omnes cædit: multis etiam, qui evadere conabantur, ipsā in fugā interceptis. Hic Amlethus, qui videret, quā præsentī in discrimine versaretur, mittit locero, qui, offensæ mitigandæ, matrimonium Hermuthrudæ interversum excusarent; & in eam, uti sese res habebat, culpam omnem derivarent. verum ille, iræ pertinax, non admittere excusationem ullam, ac parare in sequentem diem prælium. & Amlethus, qui pugnandi impostam necessitate animadverteret, nec haberet pares copias, mortuorum, novo astu, opem implorat, ut terrore hosti incuteret. Corpora interfectorum, passim sparsa, legere noctu militem jubet: & eorum aliqua suffulta erigit; alia, permixta vivis, & in equis collocata, inter cornua poni mandat. ac successit rectè dolus. nam postridiè, cum in pugnam Angli occurrerent, terico cadaverum aspectu terribi, fugam capiunt. & Amlethus, fugientes insequutus, plurimos eorum cædit: atque inter illos regem. quo sublato, & redactā in potestatem totā Angliā, duplici jam regno auctus, Scotiā, Britanniaque, mox in Daniam se recipit; & adducit Hermuthrudam, magno passim plausu exceptus. adeoque universi duplici latitiā perfundebantur; cum ob patriam pridem à Fengone tyranno liberatam, tum ob ingens regni Danici incrementum. Sed non diu, ut conditio fert humana, res Amletho adeo lætæ permanere. Vix redierat, cum querelæ de Vigletho, Cimbriæ borealis satrapā, quod tyrannidem exerceret, ac Gerutham quoque matrem quā gravissimè divexasset, afferuntur. quem initio cum benignè à proposito*

posito vitæ genere abducendum statuisse, mox ab aliis instigatus, ac sceleribus, quæ patrasset, intelletis, animum ad vim inclinat: & denuntiato bello, ditione totâ eicit. Idem Fiallero facit, Scania per id tempus præsidii, qui Vigleto se adiunxerat. Sed Vigletus non diu exilium tulit: ac, cum Scanos in Amlethum, & Sialandos, concitasset, viribus eorum adjutus, illum oppugnat, prælioque victum sternit: magnum principem; cum virtute, tum prudentiâ, aded diffimulatâ; ac laudandum ipso quoque vitæ sine; quod in acie, fortiterque pugnans, caderet. Tumultus est in campo, qui Amlethi etiamnum appellatur.

## VIGLETVS,

prælio superior, & Amletho interfecto, regnum occupat; viduamque item ejus, Herminthrudam, uxorem capit. Non laudandum quicquam gessit; verum, otio tranquillo, ac diuturno, obtorpescens, senio confectus, obiit: felix potius, quam clarus. Filium Rorici eum quidam tradit: & Roricum quoque ipsum sub Amlethi demum finem obiisse, Saxo aliique volunt. sed similius vero censeo, eum, sicut alia monumenta ferunt, neque filium habuisse, neque vitam produxisse ultra matrimonium Geruthæ filiae, Horvendillo, quem mox Feggo interfecit, elocatz: uti supra memoravi. Tum, Vigletus si Rorici filius fuit, cur, defuncto vitâ patre, non successit? quare Feggo, nullo modo sanguine prognatus regio, denique & fratricida, fratricidæque ductâ infamis, à proceribus, aded Rorici amantibus, est receptus? aut, si per vim occupavit, uti fecit, cur non, eo post sublatò, quamquam operâ Amlethi, regnum imposuerunt? cur ex filiâ nepotem filio præposuerunt? insuper, si filius Rorici erat, admodum grandævum jam fuisse oportet, cum Amlethus nepos caderet. quamam ergo ratione illud verum esse potest, quod commemorant, diu regnum tenuisse? ergo etiam neque isthic ratio constat. Post Vigletum, regnum tenuit

## VERMUNDVS,

ejus filius. Ille, pacis studiosus, multos annos summâ in quiete egit, sine liberis; nisi quod extremâ ætate filium Vifionem genuit, aded stolidum, ut ineptus regno esse censeretur: aded taciturnum quoque, per

## VERMUNDVS.

tres & viginti annos, nempe à septimo ætatis ad trigésimum, ut, an loqui etiam posset, diu cunctis dubium fuerit. ac sollicitus Vermundus, quid futurum eo esset, & quo modo aliquando successorem habere posset, dat uxorem, Frovini Slesvicensis filiam: qui non solum cæteros ætatis suæ principes prudentiæ famâ multum ipse superabat, verum etiam filios habebat duos, Ketonem, & Vigonem, uti robore excellentes, ita laude militari: quos idcirco ci affines adsciscerebat, ut in regno administrando, si decederet quandoque, illorum operâ invareretur. Inter ista Sueciæ præfectus, Atislus, cum vicinum orientem domuisset, insolentior fortunâ, arma in Frovinum vertit; & eundem, acie superatum, cædit: hinc in Sueciam regreditur, moxque cum majore exercitu ipsam Daniam lacessit, sed repellitur à Vermundo; ac, gravissimè lauciatus, vix evadit quâ in pignâ maxima Frovini filiorum virtus, qui ulcisci patris necem cupiebant, se ostendit. Interjecto inde tempore rex Vermundus, annis gravis, visum amittit; atque Cæcus ex re istâ cognomento appellatur. isque casus multo illi gravior accidit, quia Vifio non idoneus regno esse videretur. Cujus rei utrinque gnarus Saxo, despicari illum coepit; Daniæque invadendæ optimam occasionem arbitratus, per legatos tradi sibi regnum petit; aut, si illud recusaret, certum in locum filium Vifionem mitteret, qui certamine singulari contra suum de re summâ dimicaret. etenim indignum esse, virum senio confectum, & effectum, atque cacum, regnum ultra administrare, quo si cedere sponte vellet, beneficia grandiora, quam à filio, muto pariter & vacorde, tribui possent, accepturum: si abnuccret, bellum expectandum sciret. Hanc superbiam graviter Vermundus ferens, minus rectè, inquit, Saxo viro senî cecitatem vitio vertis: quam defectum ætatis, non nature prævitati, imputare oportebat. rectius eras, senem imbellem tueri, quam de regno sine causâ disturbare. quod si signum affectares, multo honestius, liberâ electione procuravi id adipisci, quam per vim ereptum ire. esse quidem sibi filium, verum eum minus aptum ad duellum de re summâ ineundum, quamquam autem vires sibi senium imminuisset, idcirco nec descendere in certamen ipse posset, tamen, pro salute regni, licet cacum,

## CONTRA

contra Saxonem videntem, armis certaturum esse: neque unquam commissurum, ut acceptam à majoribus libertatem ulli extraneo manciparet.

Ad quæ cum legati dicerent; indecorum planè esse, ut cum cæco rege Saxo dimicaret, meliusque à filio negotium id actum iri, Danis ad hæc conticentibus, Vffo, graviter indignatus, tam superbè patri seni à Saxonibus illudi, orat veniam loquendi: atque eum impetratà, Frustra, inquit, regnum Danie, quod legitimum regem habet, & Saxoniam viri bellicosus superas, Saxo petit. itaque hoc duci vestro respondete regi Danie, Vermundo, filium esse, qui succedat! atque cum non duntaxat cum Saxoniam duci filio, de re summà concertare satù promptum; verum etiam permittere, ut si alterum quencumque, gentis suæ robustissimum, socium duelli adducat; cum utroque unum se pugnare certum, ut deinceps seiant exteri, neque regi Dania deesse filium, neque regno successorē. Quibus verbis postquam patri, ac proceribus, & legatis, admirationem maximam commovisset, placuit locum pugnaturs assignare, etiamnum Konincksfeldiam, quali Campum regis dicas, appellatum, juxta Eidoræ fluentum, limitem antiquum Danie, & Germaniæ. Postquam dies constitutus advenisset, adfuit etiam pugnaturs; Vffo solus, socium Saxo adducebat. Erat medio in flumine insula non magna quædam: in quâ decertare visum. adstant in utrâque ripâ spectaturi; Saxones hinc, inde Dani. ac Vermundus, ad crepidinem collocari sese jubet. nam, cum animo reputaret dubium eventum pugne, maximè quam contra duos filius solus suscepisset, eo fortè superato, se præcipitare in flumen constituerat: minimè in glorio vivendum ratus, regno amisso, atque diguitate regiâ. Hinc congressis, oritur certamen ingens. Vffo diu hostium duorum magno impetu in se ruentium ictus clypeo excipere; ac paulatim retrocedere, ut lassaret irruentes, & mox lassos acrius urgeret ipse, ac feriret item certius. inde, occiso prius socio, totum se in Saxonis convertit filium: ac, minore jam negotio profligatum, è medio tollens, regnum patri, regno libertatem vindicat: & Saxonibus, quod excutere nisi erant, jugum gravius imponit: ipse Fortis ex hac pugna cognomento appellatur. Neque multo post Vermundus,

VERMUNDVS.

plenus gaudii, & dierum, vitâ excedit.

VFFO; sive OLAVS I,  
cognomento Manfuetus.

Saxonibus in ordinem coactis, Vffo, fausta acclamatione omnium, regnum accipit: & acceptum ita placidè administrat, ut, mutato nomine, Olavs porro, ac Manfuetus cognomento, diceretur. Multa, eaque præclara, sine dubio gessit princeps laudatissimus: sed injuria vetustatis ignorare ea cogit. Vxorē habuisse traditur filiam illustri viri, Slesvicensium præfecti: ex quâ filius successit

DANVS II,

admodum dissimilis patri. Laude quidem belli clarus, debellatis in principio Saxonibus, post Vffonis patris mortem rebellantibus; sed, virtutis parum constans, mox in vitia prolabitur: fastu gloriam, luxu regni opes perdens. inde afflictâ valetudine, morbo derepentè exstinguitur. Ei

HVGLETVS

substituitur: qui an filius ejus fuerit, ignoratur. Vnum hoc de ipso proditur; quod Homothum, & Hogrinum, regni Sueciæ primates, ac piraticam exercentes, prælio navali fuderit, & è medio sustulerit: Sueciamque aded ipsam, nova inde molientem, mox represserit. Regnum quàm diu tenuerit, aut quo modo vitâ excesserit, quæve uxor, liberive, illi fuerint, ut in pluribus, pariter Historia nescit. Succedit ei

FROTHO II,

cui Vegeti cognomentum, ob insigne corporis animique robur, est tributum. Inter ipsa initia regni, prima illi cura fuit, ut, quæ Dania majorum aut ignaviâ, aut socordiâ, amisisset, omnia recuperaret. Quam ob rem in Norvagos primùm, qui defecerant jam dudum, arma vertens, decem duces, inter eos excellentes, primo statim prælio vincit. mox Frogerum quoque ipsum, gentis regem: astu abductâ è vestigio ejus terrâ. sine quâ ne vinci posset, Othini, seu Vadani, patris, quem semideum commemorant, beneficium credebatur. Postea nutare item visa Suecia; sed in fide tamen mansit. Vbi verò universos, qui defecerant, ad obsequium reduxisset, animo ad pacem verso, eâ diuturnâ fruitus, vitâ fungitur. Ejus filius,

FROTHO II.

DA-

## DANVS III,

annum agens duodecimum, nox in folio collocatur. Hujus teneram ætatem Saxones despicientes, aut tributum exhibere, quod à tempore Vffonis ipsi Daniæ persolvissent, aut bellum expectare jubent. At superbà aded legatione moti Dani, habito prius senatu, armis potius decernere, ac tueri libertatem, quàm tributum dare, malunt. idque tanto animorum ardore faciunt, ut, paratà statim classe, flumen Albim mox inveci, & in hosticum exscendentes, Saxonesque, uti Dani omnes Albim accolentes appellabant, imparatos opprimentes, eos funderent, ac lugarent: & tributum, quod exegerant, porro dare, sicut antè consuevissent, imperarent. Quo peracto, rex egregius, & ad summa quæque natus, in ætatis ipso flore, morte immaturà eripitur. Ejus locum accipit

## FRIDLEVVS, Celer

cognomento appellatus: qui initio regni sui cum Huirvillo, Hallandiæ principe, focdus icit. verum is cum postea, neglecto illo, mare Balthicum, ac deinde Sialandiæ partem australem, infestaret, vim Fridlevus propulsurus, illic collecto milite, summo impetu adoritur. ac pugnatum aded utrinque fuit, ut vix prælium nox dirimeret. Erant in Huirvilli partibus duces quinque præstantissimi; Bildus, Broddo, Bugo, Fanningus, & Gunholmus. Horum Broddo, atque Bildus, plurimis suorum cæsis, de victoriâ desperantes, noctu clam conscensâ nave, se periculo subduxere. quo Fridlevus intellecto, denuò Huirvillum oppugnat, copiasque ejus omnes internectione delet. ac, perfidiam clarè vindicante Deo, cecidit Huirvillus ipse; & cum eo excellentes, quos jam dixi, belli duces, Bugo, Fanningus, & Gunholmus: male causæ temerè opitulati. Inde victor, in Hiberniam arma transfert; ac Dufinum, principem in eâ urbem, cum apertâ vi non posset, per hirundines, ut Hendingus olim Dunam, astu capit. inde insulam universam redigit in potestatem, & præsidium imponit. idem Britanniaë facturus, quæ jam itidem defecerat, postquam copias trajecisset, ac consenuisset manum, penè cæsus, vix in Daniam evasit. Inde, amplexus pacis studium, in quiete reliquam æta-

FRIDLEVVS.

tem agit: donec, senio confectus, diem obit. Ac succedit ei filius,

## FROTHO III,

cognomento Magnus dictus, vix tunc annos septem natus. Etenim effecerat Fridlevi virtus, ut regem puerū educare proceres mallent, quàm aliunde virum eligere. Ac duodecim constituti, qui ætatem ejus regerent, & rem publicam gubernarent. dno autem constituti, quibus data regis cura: cæteris negotia regni demandata. Qui curare regem jussi, fratres erant: & hic, Vestmarus ille, Colo dicebatur. ac Vestmaro, duodecim filii erant; & in his tergemini, Greppæ nno nomine appellati. qui, paternâ indulgentiâ quàm turpissimè abutentes, in flagitia quævis ibant. non matronæ, virginisve, ullius tuta pudicitia. ubi preces non admittæ, vis illata. eò etiam dementiæ natu maximus devenit, ut Gunnaram, regis forem, pulcritudine excellentem, & idcirco Pulcram cognomento dictam, amare auderet: aded quidem impudenter, ac proterve, ut, vim illa dum metueret, in conclavi se munito occultare cogeretur; tum triginta stipatores item poneret, qui præ foribus excubarent. atque, ut contemptum hunc ulcisceretur, cum haberet procos plures, eligendi ex universis hinc mariti potestatem sibi dari à rege petit. ac, cum ille, minimè flagitiorum ejus gnarus, haud gravatè concessisset, unum in locum convocatos comprehendit, & obtruncat: tum stipitibus capita figit, juxta virginis conclave, quare quidem maximè offendit regem; sed auctoritate patris est effectum, ne quid gravius is statueret. Variè sanè afflicta per id tempus Dania; & experiundo didicit, nunquam ferè infeliciora regna, quàm sub regis, etsi boni, pneritiâ: in quâ regem se existimat, quisquis regi est præfectus. Inter ista, cum virilem Frotho ætatem attigisset, Hermundam, Hunnorum regis filiam, uxorem petit, accipitque. ejus dum amori indulget, nullâ regni sui curâ, miserè id Greppæ fratres divexarunt; & exemplo multi quoque ed proceribus utebantur: aded ætatem regis contentinentes, ut, ignaro etiam ipso, leges multo iniquissimas pro arbitrio suo ferrent. inter quas hæc memorantur: *Qui conventum regem vellet, is alio-*

FROTHO III.

quis



quis honorem à cubiculariis emeret. Quisquis filias elocare, veniam ab ipsis ille dato pretio mercaretur: sine eâ, matrimonii contrahendi potestatem nulli fore. Neque fas virginibus nubere, nisi quas experimundo tales esse ipsi prius cognovissent. Audax facinus, improbumque, & detestandum! Istit legibus, ac flagitiis, admodum Frothonem invifum subditis suis, quorum liberis adeo superbè illuderent, reddidere. Neque hic protervia stetit. quin Grepparum natu maximus, etiam reginam Hermundam turpiter amare ausus, clam cum eâ consuevisse memoratur. idque etsi emanassèt, tamen, quia criminantes graviter ulcisceretur, nemo accusare audebat: tum, qui vellet, à colloquio cum rege, ipsis sedulo, uti dixi, prohibentibus, arcebat. Id cum exteris gnarum esset; ac, pro libertate suâ, si dux foret, arma populum respicere; rex Norvagiæ, Gotharus, bellum inferre cogitabat. etenim, majoribus sic suis factum aliquoties à Danis; & oppresso per Grepparum tyrannidem rege, populoque indignante, jam occasionem esse, neque eam negligendam. Sed Ericus, vir plebejo quidem genere, verum magnâ sapientiâ, ac facundiâ, dissuadere. quippe Danos, etsi nunc discordas agerent, tamen, imminente hoste, illico concordēs fore. itaque consuleret quieti suæ; & domesticum principatum potius ornare vellet, quam, captando alieno, obnoxium periculo facere. sapius venisse usu, qui alterius regno temerè inhiarēs, ipse suum infelicitè ut amitteret. si sententia tamen flares, neque retrahi à proposito se permitteret, rem periculo aliorum potius experiretur; mitteretque, qui, excursione crebrâ Danos passim vellicantes, belli aleam tentarent. Placuit Gotharo oratio; & Diserti ob hanc ipsam cognomentum Erico dedit. mox præfectum classis Rasmus mare Danis reddere infestum jubet: sed res ea male vertit. siquidem occurrents Oddo, classis Danicæ præfectus, prælio superatum fundit; &, deletâ exercitus maiore parte, naves aliquot Norvagicas redigit in potestatem, quasdam mergit. sex elapsæ, nuntiant Gotharo cladem: ac fidem faciunt, non tam facile debellari Danos posse, atque ipse censuisset. regem quidem, otio, & luxu, perditum: ac tyrannide quorundam, quibus nimium permittitur, populo invifum esse; at

FROTHO III.

habere è proceribus satù multos, manu promptos, ac præstantes. Quo Rolerus, gente Norvagus, corporis vi, animique, ipse etiam excellens, intellecto, ad visendam ejus aulam excitatur: & Ericus, quem jam dixi, hujus frater, cum nequicquam diu, ac multum, dissuassisset, & videndæ Daniæ cupiditate cæteroquin teneretur, comitem se illi addit. Illico consilium Gotharo aperiunt: isque probat, & dat navim, quâ vehantur; ac profectionis comites, quotquot vellent. tum & mandat, omnia regno Daniæ diligenter explorarent: ut reversi de quibuscumque reddere certiores possent. inde adeunt parentes, ac subsidia longi itineris ab his petunt. apud quos morati paulum, navem ascendunt, & appellant ad Hsoram. Cognito adventu Greppæ, qui jam antè de facundiâ Erici famâ acceperat, cum sermonem contulisset, victus, atque indignatus, magis etiam, quod reginæ consuetudinem exprobrasset, ad Frothouem, similis amentis currit: ac, devictum sese querens, regios satellites ad arma vocat, vim in illum tentaturus. & fecisset, nisi Frotho vetuisset, ne in hominem advenam, ac peregrinum, quicquam indecorum admitteret. quâ monitione Greppæ, à proposito revocatus, odium inhibuit potius, quam mutavit. itaque, cum in Erico vim ingenii singulare deprehenderet; ac metueret, ne is gratiæ primum locum, quem apud Frothonem regem ipse hætenus tenuisset, blandè se insinuando occuparet, unice hoc operam dedit, uti aulâ prohibere illum posset. sed inveniunt fata viam; neque ea sistit quisquam, aut avertit. ita certè frustra nitebatur Greppæ; & Ericus, cum Frothonis in conspectum pervenisset, sic colloquio, ac prudentiâ, eum cepit, ut deinceps magni faceret; & amaret inter primos. Ea res cum aulicorum, & in istis quoque Greppæ, pridem graviter offensi, odium in se accenderet, ut amoliretur Greppam, supra cæteros infestum, de reginæ stupro illum coram accusat. quâ delictum mox confessâ, ac repudiatâ itatim, cum honorem Greppæ suum vindicare statuisset, & actorem, innocentiam probaturus, ad certamen singulare provocasset, tot flagitia ulciscente tandem

C

Deo,

Deo, superatur, & occiditur. duo, qui restabant, fratres, cum ulcisci interfecti necem vellent, uti scelerum consortes, ita fati, eodem modo ceciderunt. tum Vestmarus pater additus: qui, natorum cæde motus, in duellum provocaverat. quam rem indignatus Frotho, bonus princeps, & alumni sui amans, telo in Ericum jacto, interficere eum voluit. verum ille, à Gunnarà, Frothonis sorore, monitus, postquam ictum declinasset, guarus, regibus post injuriam acceptam etiam agendas gratias, è pariete extractum, in quem altè impactum erat, summà cum dissimulatione reddit: ac modestè; *munera, rex Frotho, ait, dare amicis oportebat, non adjicere. gratiisque habuissim, si cum telo & vaginam porrexisses.* quà prudentià sermonis captus Frotho, iram ponit: quemque injustè interficere constituerat, justo amore tanto magis mox complectitur: tum, consilio ejus usus, aulà improbos expellit. quà re cum affectum sibi apud subditos benevolum, gloriam verò apud externos comparasset, ut Ericum beneficio devinceret, datà sorore Gunnarà, in affinitatem adsciscit: ac Rollero, ejus fratri, dat Hermundam, quam repudiatam pridem, ob illatum à Greppà stuprum, memoravi. inde ambos in Norvagiam ad Gotharum regem mittit, filiz Alvilzæ sibi matrimonium petiurus. ubi perbenignè excepti, cum legationis causam retulissent, rex, Frothone genero repudiato, filiam Erico offert; eà lege, ut Gunnaràm, quam adduxerat viæ comitem, sibi tradat: tum provinciam dotalem, ut faciliùs acquiescat, pollicetur. Simulat placere valde hanc conditionem Ericus; ac collaudat, ceu vix voto expetendam: gratiasque ingentes agit, quòd rex tantus homini plebejo sibi filiz offerret nuptias; quibus nihil exoptare majus possit. inde animum Alvilzæ in Frothonem clam explorans, cum haud alienum cerneret, ac paratam etiam in Daniam sequi, eam abducit, & Frothoni uxorem sistit. Post quæ cum in borealem Cimbriz irrumperent Vandali, duce Strunico, missus in hos est Ericus, qui reprimeret. isque, sumptis octo navibus, mox aggressus, eos fudit, ac fugavit. inde totis illos viribus adorivisum fuit: & Erici

Frotho III.

suasum, Frotho classem parat, & exercitum terrestrem. quibus copiis cum Stronicus imparem se animadverteret, mittit qui inducias peterent. quas cum Frotho dene-garet, & adigeret ad certamen, cæsus ipse, cum fortissimis gentis ducibus, belli temerè inchoati pœnas dedit. Victor Frotho, leniter successu usus, recipit in fidem victos; & victoriæ monumentum, primus regum Danicorum etiam se Vandalorum regem scribit: à quo cæteris, qui deinceps succedere, ulitatum. Victis in hunc modum Vandalis, cum prædones inter ipsos multi essent, qui continuis latrocinis regionem infestarent, ut è medio eos tolleretur, altu usus, ceu cum gente aliquà rapace bellum gerere constituisset, se accingere universos ad hoc jubet, præmiumque pollicetur. quo pellecti, cum non pauci è latibulis prodissent, cædem omnium Vandalis mandat. atque sic Vandaliam in potestatem suam redigit, & colluviem in eà scelestissimorum hominum planè delet. Postquam, Vandalis subactis, pacem domum retulisset, ne bellandi magis artem, quàm regnandi, tenuisse videretur, leges condit; abrogatque, quas pudentas pridem Greppæ populo imposuissent: pari regni cum dedecore, & injurià subditorum. Quæ dum facit, rex Norvagiæ Gotharus, filiz ulturus raptum, bellum parat. verum ille, accepto nuntio, prior classem in Norvagiam trajiciens, adhuc imparatum occupat; ac devictum etiam cædit, & Rollerum regno præficit: quod, à Danià avulsam, à Frothonis II morte, denuò in potestatem nunc reductum. Hinc reversus, cum triennium altà pace frueretur, rex Hunnorum, filiz repudium ulcisci statuens, bellum infert: ac, quo gravius invaderet, in societatem ejus Olmarum, regem orientis, trahit. Fidem excedit, quod refertur ab Erico Pomerano, sexaginta novem reges ad auxilium adfuisse; navium triginta millia, militum nonagies centena millia, in exercitu numerata. Quin & augeat reges Saxo, ac fuisse centum septuaginta dicit: quidam, etiam multò plures; ad ducentos, & viginti. Certè Hunni maximas fuisse copias nullo modo dubitandum; tantas tamen, vix prudentior quisquam credet.

Frotho



Frotho verò, belli imminentis certus, ipse quoque validum exercitum parans, ditionibus subiectis militem, arma, commeatum, & classẽ imperat. tum Ericum item mittit, Hunni copias exploratum. qui dum castra hostium perlustrat sedulò, agnitus, ad Hunnum abducitur; ac remittitur, ut Frothoni, quæ vidisset, memoraret. isque redux, cuncta exponit: & quid faciendum censeat, inquirenti, occurrendum hosti ait; neque expectandum esse, dum invadat. itaque, paratis omnibus, copias navales Hunni aggressurus, classẽm educit; & adortus ad Blectingiam occurrentes, prælio insigni fundit: capto etiam Olimaro, classis duce; ac legato ejus, Dago. Postquam mari eà pugna planè debellatum esset, iterum Ericum Frotho, quæ exercitus terrestris profligandi ratio foret, percunctatur. atque ille respondere, *copias immensas esse, ideoque fame potius, quam armata ullà manu oppugnandas. itaque idoneum sibi locum caeres, ac munires; & in eum è finitimà regione commeatum universum comportari imperaret: militemque intra castra contineret, nec pugnandi copiam faceret.* cui cum consilio obtemperasset, & nil Hunni invenirent, in desertis Sueciæ locis, quo tam magnam multitudinem sustinerent, fame prius, in de ortà ex illà luc, quàm gravissimè laborantes, tandem etiam diffuxere: & exemplo docuere, modum quoque in exercitu comparando adhibendum; ac facilius consilio, quàm vi, hostem superari. grave esse, quicquid nimium: & inconditam multitudinem ferè molu plus habere, ac terroris, quàm virtutis, nec successus. In hoc bello, Vggerus, inter Hunnos vates, & ætate hominis conditionem supergressus, cum eventum infelicem prævideret, ad Frothonem se recipiens, aperit consilia ipsi regis sui: & adducit è Norvagià quidam regulus Hiltinius naves centū quinquaginta. Superatis autem Hunnis, Ruffiam Frotho, & provincias vicinas, in dedicationem accipit: ac tributas in præfectos, sibi vectigales facit: tum Fridlevum quoque filium educandum hic relinquit. Post quæ rex Suecorum Alricus, & Gothorum orientalium Gestiblinus, cum de finibus regnorum inter se altercarentur, resque in bellum eruptura videretur, impar viri-

bus Gestiblinus, opem à Frothone petit, & in clientelam quoque regnum offert. quod is accipit; & Erico bellum mandat: locinmq̃ue illi addit Scalcum Scanicum. Hi mox, rege Gestiblando restituto, arma in Alricum vertere animm cum induxissent, suafu Erici, filium ejus Gunthionum, quem Solongis, Vermisq̃ue, pridem ille imposuerat, prius petunt: & hoc casu, ipsum mox Alricum invadunt. is prudentiam Erici, fortitudinemq̃ue, metuens, antequàm conferret manum, eum ad colloquium vocat. inde beneficia refert, quæ in ipsum, ac majores, contulisset: tum proterviam Gestiblini, qui laceffivisset variè, denique enixè orat, *ut discederes ab armis, aut cum eo experiri singulari pugna sinneret.* cui Ericus; *valde sibi turpe fore, si relinqueret in periculo, quem adjutum advenisset. etenim senem Gestiblinum, & invalidum, ac imbellem, ipsà aate à duello excusari: quod si vellet, se pro eo pugnaturum.* Hoc Alricus cum se cupere testaretur, pugna inità, ipse cadit: & Ericus, graviter fancias, vix evadit: Sueciamq̃ue, & adjunctas quasdam insulas, præmium virtutis suæ, à Frothone titulo clientis accipit. Quæ cum ita gesta essent, & Norvagia turbas daret, classe instructà, eò Frotho copias ducit, & Ericum cum exercitu terrestri sequi jubet. Postquam classẽm in Norvagiã appulisset, & extremam in Halogiam sese hostem recepisse, per exploratores disceret, quanquam necdum copias Ericus suas adduxisset, tamen eum ibi aggressus, manum conferit. Impedita admodum pugnandi ratio illi erat, inter montes: Norvagiq̃ue, non inferiores navibus, copias terrestres quoque sibi magnas comparaverant: & excepto acriter hoste, pedem etiam, uti opus, referebant, gnari eniti per abruptas illic rupes: eminus non minus item, cum fugissent, præliantes. quin & saxa in sequentes grandia dejicientes, graviter eos affligebant. quibus nihil motus Frotho, prælium à primà luce usque in noctem indefessus protrahebat, tenebris vix dirimentibus: ac postridie, cum Ericus advenisset, copias terrestres ducens, ejus suafu mari, & terrà, denuò pugnatum acriter; tam ancipiti eventu, ut victoria diu in incerto esset, omnibus

utrâque ex parte summa quæque facinoribus: donec victi tandem Norvagi, tantâ strage, ut vix quinta pars restare ejus gentis crederetur. Sed & Dani ingentem cladem acceperunt: adeoque ex ter mille navium classe vix ducentas reportarunt. Frotho, Norvagi devictis, ut quieti publicæ consultum iret, dat easdem illis leges, quas in Daniâ paulo antè promulgaverat: ratus fore, ut, quemadmodum uno jure uterque populus uteretur, ita etiam deinceps animo conjungeretur. utque homines à rapinis, atque furtis, ad honestam vitæ agendæ rationem revocaret, furem in furcam agi jussit: tum prætereâ lupum vivum juxta eum alligari, qui cadaver variè dilaceraret, ut spectantes poenæ ejus gravitate deterreret. inde geminas columnas juxta Eidoram, Scanoram, & Vortingburgum, publicâ in viâ statuit, & armillas aureas ex his appendit. advocatque populum, & præfectos regni; ac supplicium illis ultimum, si abduci id depositum suâ ipsi negligentia paterentur, comminatur. Et efficit hæc severitate Frotho, ut intactæ annos plurimos ex armillæ juxta viam permanerent. Rebus ita ordinatis, dum septennium illic agit, filium Alvonem gignit, & Osuram item filiam. Inter quæ athleta Suecus, Amognius, cum duello Scalcum Scanicum, à quo spoliatus fuerat, provocatum superasset, conjugem Osuram petit; neque obtinet. post repulsam, Ericum orat, uti pro se intercederet. sed is, veritus, ne & ipse frustra foret, adhortatur; ut Frothonem claro aliquo facinore potius demereretur. & occasionem esse, quando in extremâ Sueciâ Finnomarchiæ rex Thengillus, ac Birmariæ Echtherus, jussa ejus detrectarent. cujus cum consilio obsequeretur, & exercitu coacto, utrunque aggressus, tandem etiam in Frothonis potestatem rede-gisset, negato pridem matrimonio potitur. Iam pacatis in septentrione rebus, cum Oceanum à piratis infestari intelligeret, arma sua in occidentem Frotho vertit: tum Britanniam, à majoribus subactam, defecisse item cogitans, eam petit. insulæ rex, cujus nomen in Historia ignoratur, nominis Frothoniani famâ territus, quem virtute vinci posse desperaret, eum dolo

FROTHO III.

evertendum esse statuit. itaque colloquium orat: quo concessio, se submittit, ac tributum pollicetur. tum invitat ad convivium, inter quod de pace porro acturi essent. poscit quoque è comitibus mille alios, & ducentos. Gratium id Frothoni erat; sed metuebatur dolo, quem Britannus instruebat. itaque non negat quidem, sed excusat; & conditiones pacis antè pertractari cupit, quàm convivio incalescant: quippe sobriis hoc negotium convenire. Cum Britannus non desisteret, ac de pace, quando se, & sua omnia, obtulisset, nihil ultra laborandum dictaret; ac prætereâ rogaret, ut augeter comitatum, quantum vellet, adfuturum pollicetur. itaque præmittit prius, qui vicina loca explorent. ac, tentoria cum in silvâ nigra conspici acciperet, nihil territus, suos proximè disponit; & ad signum litui adesse jubet, ut auxilium laboranti sibi ferant: inde abit, & excipitur benignissimè. in convivio, poculis certatum fuit: moxque, ut solet, largius invitatis Danis, clam Britannus se subducit, & post ipsum omnes sui, & coenaculum occidunt, ut exire nullus posset: ac deinde ignem injiciunt. quem cum animadverterent Dani, ut evaderent, postquam exitus negaretur, facto in parietem impetu, summâ eum vi effringunt, & erumpunt. acriter oppugnant Angli, neque deserunt se Dani: lituoque, ut præceperat ante Frotho, militem auxiliarem ad se vocant. qui cum ocyus accurreret, victi omnes, & occisi: Angliaque denuò subiecta Daniæ. quâ nunc rursus ordinatâ, ac præposito, qui tributum imperatum procuraret, in Hiberniam, itidem tunc rebellantem, classem ducit. Rex Chervillus, ut egressu imminenter prohiberet, murices per litus sparserat. quibus tamen ille spretis, militum expositum suum; & objecta quæque loca populatus, magnam inde prædam abducit: regem ipsum, interceptum, è medio tollit. Ejus morte intellectâ, frater, cui Chervillus partem insulæ regendam dederat, arma ponens, dedit sese, & regnum à Frothone accipit; ac tributum, quod negarat alter, pendit. Ita, victâ quoque Hiberniâ, Frotho in Daniam revertitur: ac trigintâ inde annis pacem in-

con-

concussam tenens, universis formidabilis, vitam finit. Erat princeps pace juxta, ac bello, maximus; atque alter per septentrionem Augustus, cui erat coetaneus. itaque pacato orbe, subutroque hoc Augusto, ille pacis, & dilectionis, auctor, ac servator humani generis, **I H E S U S C H R I S T U S**, nasci voluit. Frotho verò, adeo pacis semper studiosus erat, ut, quantumvis ad gerenda bella natus videretur, arma tamen nunquam sanè, nisi laceffit, fumeret. & effecit ejus virtus, ut majorem Daniam regem non habuerit, neque latius Danicus se principatus unquam extendere. quippe, præter tria regna borealia, Daniam, Sueciam, & Norvagian, quæ conjunxerat, antea rebellique præfectorum separata, præter Angliam, & Hiberniam, aliasque in Oceano mari insulas, quas subegerat, terminos imperii sui, Russiam in oriente, Rhenum in occidente habuit. Morte obiit, tanto principe certe indigna, à venefica interfectus. ea filium ad armillam, ex auro factam, quam suspensamè columnà ad viam publicam memoravi, rapiendam adhortata, cum is sursum, poenæ metuens, detrectaret, imminere summum jam Frothoni diem, & se arte subventuram suà, dicens, tandem reluctantem impellit. quod Frothoni nuntiatum, cum exasperaret animum, mittit ille, qui mulierem, filiumque, comprehenderent: sequiturque inde ipse, cum nonnulla militum manu. id venefica cum præsciret, ut evaderet periculum, ad præstigiis conversa, se in vaccam, filiosque item in vitulos commutasse, & ad flumè proximum citato cursu contendisse, memoratur. itaque elusis omnibus, atque factum

admirantibus, rex ex effedo descendens, & in pedibus consistens, exitum expectaturus, dat militibus mandatum, uti vaccam, vitulosque, aquà sedulò prohiberent. ac cum hi obsequerentur, illa cornu regem invadit, alterumque latus ferit, & lethale vulnus infert, Regni procores, ut provincias, quæ, jam ipso vità functo, defecturæ putabantur, in officio continerent, corpus ejus, aromatibus conditum, per triennium asservant, & circumvebunt ceu vivum. tum putredine corruptum, nec servari ultra quitum, in Sialandiam sepeliunt, juxta Veram illic pontem. & ostendit se haud procul inde etiamnum collis, in quo conditum Frothonem, post annorum adeo longum intervallum, famà fertur: retinetque ejus nomen, in memoriam sepulturæ. quem cum pridè Ioachim Rannovius, designatus Roschildensium episcopus, rege Christiano III, rusticorum plurimorum operà usus, suffodisset, aliquem in tanti regis monumento se thesaurum reperturum arbitratus, nil invenit, præter ossium reliquias. Habuit uxores duas; primam Hanundam, filiam Hunnorum regis: quà ob Greppæ adulterium post dimissà, duxit Aluildam Gotari, Norvagiæ regis. Ex priore, ut videtur, filium Fridlevum sustulit, mox in Russià relictum; quem extinctum quoque ibi famà incertà ferebatur: ex Aluildâ, filium Alvonem genuit, & Osuram item filiam. Et Alvonem, diem suum ante patrem obivisse, inde certò sat colligitur, quòd, post obitum illius, nemo ipsi filiorum superesse putaretur. De Osurâ verò morte, nuptiisve, nihil certi in Historiâ memoratur.

I O A N N I S M E V R S I  
H I S T O R I Æ  
D A N I C Æ  
L I B E R II.

H I A R N V S.



Rotho moriens, sine prole ullâ masculâ, uti vulgò credebatur, de-  
cedebat. nam Fridle-  
vus, quem in Russiâ re-  
liquerat, dudum vi-  
tam finiisse putabatur.  
quam ob causam futurus Daniæ rex  
pronuntiatur, qui defunctum jam Frotho-  
nem carmine præstantiore celebrasset.  
Excitabat maximam contentionem ipsa  
præmii magnitudo: & in spem erigebatur  
acquirendi sibi regni, quisquis aliquid in-  
genio se valere existimaret. sed Hiarnus,  
cæteros hîc superasse iudicatus, etiâ præ-  
latus fuit: quanquam sceptrum, uti facilè  
consecutus, ita neque diu tenuit. nam Eri-  
co, qui rex Sueciæ à Frothone constitus-  
tus, vitâ functo, ejus filius Haldanus, cum  
duodecim è Norvagiâ fratres graviter  
infestarent, à Fridlevo, mortui Frothonis  
filio, quem superstitem apud Russos intel-  
lexerat, opem contra eos petit, ac paren-  
tis mortem refert. Audit is honesta oran-  
tem, & in Sueciam mox sequitur. inde in  
Norvagiâ tendit, & Haldani hostes cæ-  
dit, uno Biornone excepto. quem, virtu-  
tis militaris laude clarum, salvum & id-  
circo voluit, ut deinde in negotiis gravi-  
oribus ejus operâ uteretur. Post quæ Dani,  
ubi vivere cognovissent, quem defunctum  
anteâ existimabant, summam rerum pro-  
mittentes, ad se vocant; & Hiarno, ut de-  
ponat regnum mandant. quod cum ille,  
ut difficilè principatus exuuntur, recusa-  
ret, abeunte in partes populo, ac proce-  
ribus, regnum valide perturbatur. ac Frid-  
levus, per legatos præcipit renuntiari; non  
se ita institutum à Russis esse, ut poëta ali-  
cujus paucis versibus regnum patriæ possiden-  
dum sibi duceret: itaque aut cederet Hiarnus eo,  
aut mox bellum expectaret. sed Hiarnus, cui

HIARNVS.

grave ad privati sortem redigi, præmium  
ingenio suo pridem datum armis propu-  
gnare statuit. & occurrit adventanti, verû  
fusus, cum in Cimbriam profugisset, copias-  
que illic novas comparasset, planè proflig-  
atus fuit: ac vix solus, multis faucibus vul-  
neribus, in Fioniam evasit. ubi diu delitescens,  
loco à se nomen dedit. inde, rebus de-  
speratis, cum Fridlevo maximam subdito-  
rum partem adherere cognovisset, nec  
tueri sese armis ultrâ posset, ad insidias  
conversus, ut è medio Fridlevum per oc-  
casionem tolleret, vestem mutat, ac se il-  
li pro coctore salis offert. & receptus, po-  
steaque deprehensus, in duello, quod  
Fridlevo oblaturum se fuisse testabatur,  
ab eodem interficitur: uti regno facilè  
parato felix, ita morte, quod occisus regis  
manu cecidisset, gloriosus: tum & tumu-  
lo, in quo conditum cadaver, nomen ejus  
retinente, ad posteritatem clarus.

FRIDLEVVS II.

Itaque potitus regno jam Fridlevus, ope-  
ram dedit, ut reliquias factionis, ab Hiarno  
excitata, aboleret. neque id difficile  
fuit: ita pronis omnium in eum animis, ob  
memoriam parentis, ut facturi quævis eti-  
am imperata viderentur. Pace regni resti-  
tuta, à senatu admonetur, ut conjugium  
circumspiceret. verum ille, id detrectans,  
objicit exemplum patriæ, cui uxoris adulte-  
rium magno probro existisset: itaque se vitam  
calidè matrimonio anteferre. tandem tamen  
persuaderi sibi passus, in Norvagiâ ab-  
legat, qui Frogertham, filiam Amundi  
regis, postularent. verum ille & legatos  
contumeliose habet, & petitionem eludit;  
dictitans, nequaquam sibi cum Frothonis, qui  
Norvagiâ adeò graviter infestasset, filio affi-  
nitatem contrahi ullam unquam posse, aut de-  
bere: multum indignante filiâ, rejici à patre  
generum, qui virtute, ac potentiâ, & ge-  
starum rerum gloriâ, longè cæteros ante-  
celleret.

celleret. Asperum Amundi animum cum Fridlevus se constantiā lenitum existimaret, iterat legationem; quæ majore contumeliâ etiam excepta fuit. ac præcessit triste omen, quod eventum indicaret. quippe nūus è legatis, inter viam navi excussus, postquam vitam infeliciter amisisset, versa in cruorem aqua cæteris spectaculum horrendum præbuit; quos Amundus, cum deinde in Norvagiā apulissent, comprehendit, & occidit. quod Fridlevus meritò indignè ferens, ut injuriā vindicaret, bellum parat: sociosque sibi jungit, Biornonem, de quo paulo antè dixi, & Haldannum, Sueciæ regem. In Norvagiā ingressus, obvium Amundum habet, validè instructum manu. acriter utrinque pugnant, terrâ pariter marique: tandem Amundus, maximâ exercitus amisâ parte, violati juris gentium poenas luit, & occiditur. Bello eo consummato, ac præfectis, qui Norvagiā pro se regerent, cum in Daniā revertisset, iterum senatus orat; *cogites posteritatem, denique animum ad uxorem applicet. etenim optare omnes, si humanitus ipse quicquam aliquando patiat, ut è regiâ prosapia regem successorem habeant.* Æquum postulare visis, assentitur: &, itinere in Norvagiā instituto, conjugem Frogertham capit, bis negatam ab Amundo. quam, post nuptias celebratas, cum in Daniā abduxisset, mox Frothonem ex eâ tollit, postcâ regem, nominis istius quantum, Largum cognomento dictum: adeo in pueritiâ, ob jucundam avi Frothonis memoriam, cunctis charum, ut, ceu publicus alumnus, omnium ulnis gestaretur: & edncaretur inter oscula, blanditiæque, velut populi delictum. Post hæc moritur Fridlevus, princeps, ad exemplum patris, bello, atque pace, egregius: post Amundum interfectum, & Frogerthæ matrimonium, annos tredecim pace quàm altissimâ fruitus. Præter filium Frothonem, successorem, æ Frogerthâ Amundi natum, ut jam antè memoravi, etiam Olaum habuit, è pellice Iuritâ Grubbi: quam Avoni, ob virtutem militarem perquam charo, elocavit. Postquam vitâ functus esset, regnum accipit

## F R O T H O IV.

quem & Largum cognomento appellâ-

## F R O T H O IV.

runt. Annum ætatis jam agebat duodecimum: sed ut arboris generosæ etiam planta est cum fructu, ac futuræ bonitatis spem proponit universis, ita ille magnū regem, quamvis puer, ostendebat. Jam floruerat à Frothone avo Dania, & Fridlevus gloriam ejus illibatam conservaverat, subditæque illi gentes in officio permanebant. primi Saxones per hoc tempus, regis hujus pueritiā despiciati, secedebant, ac tributum denegabant. contra quos profectus Frotho, sic coërcet rebellantes, ut doceret, tam sublimem magistratum nec in puero contemnendum. Victis, ad consueta onera, nummum imperat, annis singulis unicuique persolvendum: lenitate multæ ostendens, non fortunas subditorum, sed obsequium, se petere. Per hæc tempora naufragus in Daniā venit Stercatherus, ab extremâ Sueciæ orientalis orâ; uti vastâ mole corporis, ita robore, animoque juxta invictus: tum insignis temperantiâ, quem benignè exceptum Frotho, cum virtutes perspexisset, maris præfecturâ donat. idque ille cum piratis valde infestum accepisset, mox effecit, uti, suis ac fugatis universis, tutò cuivis navigari deinceps posset. quâ re & Frothonis gratiam maximè devinxit sibi, & illustrem nominis famam apud externos quoque principes comparavit. Vicarum, Norvagiæ regem, à fide deficientē, dolo sustulit. Russiam, itidem rebellantem, sub Frothonis potestate mox reduxit. Eodem modo & Hiberniam recepit, quæ jam denuò desciverat: &, Vglero rege cæso, ac Dussino urbe captâ, pro tributo denegato, maximum thesaurum inde reportavit. Etiam in oriente nova molientes populos, Curolandos, Semigallos, aliosque, ad officium reduxit. inter quæ cum Saxones jam iterum se commoverent, ac conductus ab his Hammo, insignis pugil, regem quoque in duellum provocaret, reduxit fortè ex oriente per id tempus Stercatherus, ait, indecorum regi cum plebejo dimicare. inde, Saxonum perfidiā cum increpuisset graviter, qui, à Danis toties bello superati, fidem tamen non servarent, se Hammoni in certamen illud offert. Locum pugne Hammon villam ca-

pi placuit, cujus rara etiamnum zugurio-  
la ad Hamburgum se ostendunt. Vbi dies  
pugnæ adesset, Hammo juvenis Sterca-  
therum sœcra spernens, ceu luctando  
eum mallet, quam pugnando, superare,  
inter multiplex certamen ita pugno mox  
excepit, ut in terram penè sterneret. ac  
nntabat Stercatherus; sed ex lapsu irâ  
accensus, animoque asperatus, erigit se;  
ac validius adversarium aggressus, eum  
occidit. cum victori acclamant Dani; &  
rex, præmium victoriæ, dat mancipia sex-  
aginta, totidemque agri jugera: victis  
verò, quod tributum antè in capita per-  
solvebant, nunc in membra imperatum.  
ab Hammo autem, ut volunt, urbi  
Hamburgo nomen datum. Sed nec ita  
diu victi in obsequio permansere: & Ha-  
nosus, ac Suertingus, insurgentes, arma  
capiunt. quâ re Frotho intellectâ, Albim  
denuò trajiciens, occurrentem cum exer-  
citu Hanofum, eo loco, ubi urbs Hanove-  
ra mox excitata, primâ statim pugnâ cad-  
dit. id Suertingus cum videret, neque se  
jam regi parem, petit pacem; ac tributum,  
quod majores persolvissent, se deinceps  
arquo animo soluturum pollicetur. ac de-  
inde, voti compos, invitatum ad convi-  
vium Frothonem, neque fraudem suspi-  
catum, seque unâ, incensâ inter epulum  
arce, igne perimit. alii tradunt, inter flam-  
mam depugnantes mutuis vulneribus am-  
bos cecidisse. Erat Frotho à naturâ ad  
benignitatem factus; & munificus in om-  
nes, Largi sibi, uti dixi, cognomentum  
acquisivit. Inter alios, maximè devinxit  
militem, cui stipendium duplicavit. deni-  
que, ut virtute ipse suâ clarus, ita felix  
propugnante Stercathero. Filios reliquit  
plures; quibus, dum in Sueciâ educaren-  
tur, Stercatherus annos totos septem ad-  
fuit: item filias, Helgam, & Asam. No-  
mina quidem filiorum ignorantur; sed

#### INGELLV S

inter istos regnum post parentem accepit:  
adèd ingenio dissimilis illi, ut nil minus,  
quam Frothone natus esse, videretur. Im-  
memor virtutum patris, neque eadem vin-  
dicavit. quin, Suertingi filiâ uxore ductâ,  
ejus filios magno in honore habuit: donec  
tandem, incitante Stercathero, interfecit.  
Etiam cum sorore Helgâ consuevis-

INGELLV S.

se memoratur, & Olauo ex eâ filium sus-  
cepisse. quam deinde homini obscuro nu-  
ptam indignatus Stercatherus & eripuit,  
& Helgoni, uni ex Norvagiæ regulis, elo-  
cavit. Vtque reges subditis timendos  
virtus, contemnendos luxur facit, ita Sue-  
cia, aliæque regiones, spreto eo, ceu im-  
belli, & effeminato nimis, ab obsequio  
defecere. Moritur Lethræ, atque ibi sepe-  
litur: non inglorius duntaxat, verum etiam  
infamis, filius relictis quatuor; ex Suertin-  
gi nempe filiâ, Fridlevo, Frothone, Ingel-  
lo; ex sorore Helgâ, Olao. Ex quibus u-  
nus tandem reliquus,

#### OLAV S II,

regnum à senatu adeptus, uti turpiter pro-  
genitus, ita illud turpiter administravit:  
in Ingelli patris luxum, & ignaviam, pro-  
volutus. Neque ejus quicquam sanè me-  
moratur, quam quod moriturus regnum  
binis ex Allogâ filiis, cum Frothoni, tum  
Haraldo, sic regendum distribuerit, ut,  
imperio alternato, unum annum ille ter-  
ram, iste mare possideret. Eo mortuo,

FROTHO, & HARALDVS,  
filii, ex præcepto ejus regnum inter sese  
distributum tenuerunt. ac cum Frotho,  
natu major, primus mare gubernandum  
accepisset, infeliciter rem gessit, detre-  
ctante per recentia matrimonia pugnam  
milite, & uxorem quoque suam, ceu fla-  
grante inter initia novo amore, quam ho-  
nore, aut utilitatem publicam, cogitan-  
te. quo Haraldus animadverso, ut peri-  
culum evitaret, noluit uxorem militem;  
neque legit, nisi coelibem. nec consilium  
frustrâ fuit. etenim, securo isto, & alacri-  
ter præliante, pluribus victoris clarus,  
spoliisque, ex hoste auctus, domum rediit.  
Ea res cum ureret Frothonis animum, &  
is fratre se minorem reputari ægrè ferret,  
per scicarium illum tollit: & mox istum  
quoque ipsum, ut ignoraretur scelus, inde,  
ceu ulturus eadem, acriter in auctorem  
inquit, verum Deus, qui flagitia, & inpri-  
mis tam horrenda, neque occultata cupit,  
neque impunita esse, voluit, ut infamiâ  
primum execrandi parricidii laboraret,  
inde etiam poenas daret. Carolusque, rex  
Gothorum, Haraldi socer, cum & ipsum  
interrogaret, satis palam ejus conscien-  
tiam arguens, frustrâ, ait, simulatò quæri

FROTHO, & HARALDVS.

au-

auctorem, quem haberet sibi cognitum. Quidam tradunt, æmulatione uxorū, conjuges ad principatū invadendum concitantium, factum esse. Vtque mali, inquieti conscientia, metuunt ferē, quod se meruisse sciunt, veritus, ne fratris filii patris cædem vindicarent, etiam hos è medio tollendos censuit: quasi tutius regnaturus, post conduplicatum scelus. verum frustra perquirebat ad supplicium, quos ad ultionem Deus conservatos cupiebat. Erant autem filii Haraldo duo, ex Caroli, quem dixi, filia Sigve nati: quorum huic, paternum Haraldii, alteri, Haldano nomen. Eum utrunque regni tutor, cui Regno nomen erat, ut eriperet Frothoni, in Sialandia cavæ ilici incluserat, clanculumque educabat: sparsâ famâ, diem pridemobiisse. verum Frotho, quem quiescere non sinebat malus animus, etiam vivere eos credens, ac servari ad vindictam aliquando capiendâ, porro quoque investigat; ac proponit ingens præmium, si quis usquam occultatos indicaret: & à sagâ edocetur, vivos alibi à Regnone asseruari. qui, cum latebras alumnorum indicatas comperisset, in Fioniam eos transfert: ac reversus, ad Frothonem mox abducitur. isque cum de fratris filiis quasivisset, animo constanti factum, sine ullo involucro, profitetur: simul orat, *suo sanguine abstinere; neque, quos privasset patre, nunc ex visâ innocentes spolietur. se, si unquam novi aliquid moliantur, ipsum delaturum esse.* Admittente orationem hant Frothone, conservati, postea grandiores facti, ac reversi in Sialandiam, cum amici ad vindictam incitarent, & se illi intrâ annum id facturos testarentur, aut vel ipsos perituros Regno, quod pollicitus erat, ut præstaret fidem, desert. quo accepto, Frotho statim properat in Sialandiam, ut consilium interciperet, & insidias ante-verteret. itaque deprensi juvenes, cum evadere non daretur, dolum parant: & furorē simulant, ante oculos Frothonis, velut ferro mutuo se consecuturi, acriter digladiantur. quo spectaculo à proposito revocatus, furiosis, ut putabat, iterum parcit, ut mox circumventus caderet. quippe nocte infrequenti, adjutantibus amicis, qui ad cædem antè quoque instiga-

FROTHO V.

verant, in cubiculum irruentes, conjugem Vvildam saxi, ipsum verò fugientem, & abdentem se in latebras, fumo, atque flammâ, necant. Erat illi ex Vvildâ, filia Sivardi Sueci, Ericus filius, regno avi mox potitus. nam Frothoni, qui per summum scelus fratrem regni causâ interfecerat, & in filios quoque ejus idem machinatus fuerat, minimè permisit Deus, uti filium sibi successorem haberet: sed in filios interfecti sceptrum transtulit, qui id postea tenere. Itaque in illis major natus,

## HALDANVS II,

sublato è medio Frothone, rex creatus, statim Olandiam, ac finitimas illi insulas, populatur. inde Sueciam invadit, & Sivardum illic regem bello petit, acieque victum occidit. cui cum Ericus postea, ex filia ejus Sigve nepos, sibi frater patruelis, successisset, in hoc quoque patrum Frothonem exosus, ob parentem interfectum, quanquam odii reciproci eadem illi causa foret, arma sua etiam in ipsum vertit. isque validè repugnabat: & Haldanum, primo prælio superatum, ope pugilis Aquini, ac vulneribus multis saucium, fugam capere in Helsingiam compellebat. ubi viribus restitutus, & exercitu instaurato, cum in Sueciam, ad Ericum denuò impugnandum, duceret, prælio commissio in valle, rupibus altissimis cinctâ, aciem inclinare videns, dum utrinque depugnatur, cum Torone, viro clarè per id tempus fortitudinis, ac nonnullis item aliis, in vicinam illic rupem tramite occulto enisus, desuper conjectis saxi, copias Erici obtrivit: ac victoriam, paulo antè desperatam, & Biergrami, ceu montani bellatoris, cognomentum reportavit. Ericus verò, cladem ulturus, cum parasset novas vires, in Sueciâ Haldano impar, absentem eum in Daniâ impugnare statuit. ibi ille cum Haraldo fratri regnum tradidisset, isque occurreret, tribus præliis æquo Marte depugnatis, quarto superatus cadit. Cujus rei famâ Haldanus, magnis itineribus, relicta Sueciâ, Daniam petit, interciperè hostem certus. verum ille, imminere Haldanum gnarus, viâ altâ regrediens, vim declinat, Sueciamque suam recipit; quam non diu tamen tenet,

HALDANVS II.

nam



nam Haldanus, deuo eum persecutus, cum pertractum in insidias devicisset, atque ille, libertatem vitam potiorum ducens, tradere in servitutem sese nollet, virum dignitate parem, animo maiorem etiam, quamquam victum, nimium crudeliter certe feris devorandum exponit: victoriam, laudabiliter partam, turpiter utens; & infamiam gloriam maiorem referens. Mox conversus in piratas, ac latrones, Tocomem in his, & Amundum, littora Danie infestantes, eos domat. Quod dum facit, Sueciam Sivaldus turbat; ac, favore incolarum in se prout, regnum occupat. sed accurrens mox Haldanus, ipsum, filiosque septem, omnes robore excellentes, ac peritos beneficii, pugnam singulari sternit; quernam contusos clavâ interficiens, quos nequit, fasciis munitis, ferro lacerare. Post hæc homines præferoces, & opprobria quædam seculi, Hartbenium, Egtherum, Grimmonem, & Ebbonem, aut occidit, aut in ordinem coëgit. In provectiore ætate conjugem Thorildam accipit, filiam Hotheri, Norvagiæ regis: eaque Asmundum illi filium peperit, ante patrem vitam functum, ut quidam volunt: alii tradunt, diu regnum tenuisse; & ab hoc Norvagiæ reges genus ducere. Vitâ excessit admodum senex, & gestarum rerum gloria inter primos recensendus. Tantæ certè existimationis fuit, ut Thorouis, sive Iovis, vulgo filius diceretur: & in Sueciâ etiam vivus instar dei coleretur. Vnum tamen non injuriâ reprehendas, quod Ericum, Sueciæ regem, virum fortem, & indignum tali morte, bellis dilaniandum crudelissimè exposuerit. Liberos, extincto Asmundo, de quo dixi, nullos habuit: itaque Vuguinum sibi, Gothiæ orientalis regem, successorem nuncupavit, non facturus procul dubio, si superfuisset filius. Quâ de causâ verior eorum mihi est sententia, qui Asmundum primam statim in ætate obiisse diem tradunt. neque enim vivum hunc præteriturus erat pater; neque Danie item proceres, qui amore semper summo regum filios sunt complexi, id passuri uti fieret. Ergo, post Haldani mortem, regnum accipit

V N G V I N V S,

rex Gothorum, qui Huguinus aliis dici-

V N G V I N V S,

tur: & Haldani sive nepos, sive frater, sive, ut alii, consobrinus. nam incerta est Historia: ac falluntur etiam illi, qui fuisse focerum tradunt. nam Haldanum filiam duxisse Vuguini, etsi ab Ebbonis nuptiis liberaverit, nemo dicit. Sed haud diu regnum hoc Vuguinus tenuit; à Regnaldo, Sueciæ rege, gravi bello impetitus, & occisus: filiumque successorem sibi habuit Sivaldum.

S I V A L D V S I.

Is, rex factus, sub initia ipsa regni ulcisci patris uicem statuit. ac, coactâ magnâ manû, cum Regnaldo in Sialandiâ pugnam init; acrem admodum, & ancipitem, ac in triduum integram continuatam. neque acies etiam tum inclinebat, cum Otharus, vir militiæ eximius, gente Danus, ac Sivaldi partes sequeus, in confertum hostem ruit, & Regnaldum mox obtruncat. quo occiso, consternati statim Sueci fugam capiunt: & in illis Stercatherus, cum delectis sexaginta; quem ad illud usque tempus, in tot antè præliis invictum semper, uero fugientem videbat. Et Otharo rex Sivaldus filiam Syriatham, formâ pariter pudicitiaque insignem, præmium uicariæ operæ, dat uxorem; ac sororem invicem illius capit. alii verò, filiam tradunt ante bellum elocatum; ac virtutem sic Othari obstrictam regi. Hinc Sivaldus, Suecis superatis clarus, & Otharo genero felix, vitam excedit, superstitè Sigaro filio.

S I G A R V S.

Huic filii tres erant; Sivaldus, Alfo, & Algerus: filia una, Signe dicta. In his Alfo, cum, egregiâ mixturâ, formâ, & robore, emineret, & Alvildam, filiam Gothorum orientalium regis, in uxorem postulasset, atque eam dehortata mater esset, ipsaque, mutata veste, ad piraticam exercendam abiisset, ille, classe persequutus, cum in potestatem suam redegisset, compotem se voti facit. ac Sigarus, ocii & quietis amans, velut in virtute ejus acquiescens, regni illi curam tradit. isque, Algero fratre comite, dum persequitur piratas, mare suum infestantes, in Hamundi, Hiberniæ regis, filios incidit, Helvium, Hagabertum, & Hamundum: prælioque mox commissio, cum pugnantes in-

S I G A R V S.

gruens



gruens nox diremisset, die posteto, armis positis, foedus init, quod non diu tamen tenuit. nam Rolvifus, in Sigari aulâ vetus, gratiâque validus apud Algerum, constitutam inter regum filios pacem agrè ferens, statim incitat Alfonem, uti bello Hamundi filios denuò persequeretur. & impellit eò animum, ut in mari occurrentes mox invaderet; hostis derepentè fieret, quem credebant foederatum: ac, perfidiâ illò tempore fortunatâ, victor caderet. Sed non diu hæc felicitas illi stetit. quippe frater occisorum Hagabertus, qui à clade fortè aberat, superveniens, integer cum fatigatis manum conferens, vicissim Alfonem, & Algerum, fratrum stragem ulciscens, cædit. nec contentus hac vindictâ, etiam juvenis, & imberbis, sumptâ veste muliebri, regiam Sigari adit; & in Signes, regis filiz, famulitium mox admissus, eam pellicit in amorem, comprimitque. quod cum postea emanaret, & Sigarus poemam irrogatam cuperet, laqueo Hagabertum damnat: ac suspendit Sigarstedu, in propinquo illic colle, qui patibuli dicebatur. Exstat verò etiamnum ille pagus ad Ringstedium; & corruptè Siarstedium, nomen retinens Sigari, cujus regia tunc erat, nuncupatur. Errant autem, qui Sigarum Sueciæ fuisse regem, ac de Hagaberto hoc supplicium in Sueciâ sumptum, sunt auctores. Signe, amatori pacta vitæ exitum communem, se, cum sociis virginibus, prius quoque incensâ regiâ, itidem injecto in collum laqueo strangulat. Is Sigaro luctuosus casus fuit: &, amissis antea duobus filiis sat infelix, nunc & filiâ privatur, dum castigat amatorem, qui laxisset pudicitiam. Ac mox Haco, intellectâ fratrum cæde, & imprimis Hagaberti ignominiosâ morte asperatus, bellum infert. & in portum Hervigum appellens, cum exposuisset militem, partem navium petere Roschildiam jubet, ipse per vicinas silvas Lethram tendit, vetus regum domiciliu, ac tum etiam Sigari. Qui cum Haconis adventum accepisset, constitutis, qui in locis opportunis excubarent, mox Roschildiam contendit. verum Haco, elusâ unâ alterâque statione, ut & tertiam deciperet, cum è silvâ prodeundum in apertum campum

SIGARVS.

foret, abjicere impedimenta, & incidere ramos jubet: atque eos, unâ cum districis gladiis, manu ferre. sic in urbem rectâ ducens, cum à tertiâ statione cerne-retur, qui in eâ erant milites, novitate rei territi, mittunt, qui reseret regi, silvas ambulantes conspici, & appropinquare urbi. Rex Sigarus, eo nuntio accepto, cum in aciem illic suos eduxisset, prælio commissò, cadit: tantâ strage, ut *Valbrunna*, quasi *Stragus* quidam *putens*, à caesorum multitudine, locus deinceps diceretur. Hic Sigari finis fuit. qui, suorum clade potius, quàm virtute suâ, clarus, tandem ipse, ceu calamitatis suæ supplementum, ob perfidiam filiorum, ac punitum filiz stuprum, bello impetitus perit. uno tamen illo felix, quod, non omni exstinctâ prole, filius ei superesset,

## S I V A L D V S I I,

qui & regnum mox acciperet, atque cædem vindicaret. Nam, rex factus, ocyus coactis copiis, cum post interfectum patrem crudelissimè victor Haco in quoscumque, nullâ sexus, aut ætatis, ratione grassaretur, occurrendum illi statuit. Haco verò, non expectans venientem, impositâ in naves tertiâ copiarum parte, fugam arripit; & Haconi, cognomento Fastuoso, reliquum exercitum tradit. Pugna initur ad Roschildiam; adèd magna, & obstinata, ut, pet totum biduum continuata, vix amborum ducum cæde, Danis tamen superantibus, finiretur. ac reliquias, quæ Haconis sui corpus, in aggesto illic colle, qui illius etiam hodiè nomen refert, sepeliverant, superveniens Borcarus, vir nobilitatis summæ inter Scanos, Scanicum equitatum ducens, profligavit. tum Haconem, Hamundi filium, quem fugisse ante pugnam memoravi, comprehensis ibi navibus, & imposito illis milite, persequutus, & in mari deprehensum prælio navali aggressus, ita fudit, ut in Scotiam vix evaderet: in quâ per biennium exul, velut in sævitiz poemam, pri-dem exercitæ, tandem vitam miser finit.

## O S T M A R V S, H V N D I N G V S, H A N O, R O R I C V S, H A T H E R V S.

Post hæc bella, diuturna, ac multiplicia, adèd exhausta fuit domus regia, ut ex eâ nemo ultra superesset, præter unicam

QVINQUE-VIRI.

Guri-

Guritham, Sivaldi hujus ex Alfone fratre neptem. itaque proceribus regni, malo admodum consilio, visum fuit id dividere, & pro rege uno sibi viros quinque constituere, qui in partes distributum administrarent. ac Scania, Ostmaro data; Sialandia, Hundingo; Fionia, Hanoni; Cimbria australis, Hathero; borealis, Rorico cecit. Hi æquatâ potestate suam quisque ditionem possidebant. Guritha verò, animi excelsi virgo, quòd, extinctâ stirpe regiâ, dignum se maritum habere minime posset, nullum volens, castitatem tuebatur. ac, quo contra invasuros se muniret, legerat duodecim fortissimos viros, qui cubiculum custodirent, & adire cupientes prohiberent. Inter ista autem Haldanus, Borcaro, de quo dixi, natus, atque Drothâ, quæ Regnalidi, Sueciæ regis, filia erat, matrimonium ejus petit: sed repulsus, hoc ab eâ tamen impetrat, ne maritum aliquem deligeret sibi, antequam rediret ipse, aut defunctum illa esse intelligeret. quippe regno excessurum; ueque reverfurum prius, quàm virtute, ac gestarum rerum gloriâ, meruisse, quod petebat, videretur. Hinc in Rusiam profectus, quam Alverus, Sueciæ rex, tunc impugnabat, contra eum arma capiens, cum facinora illic multa præclarissima edidisset, tandem è duello saucius decessisse apud Danos memoratur. Inter quæ Saxonie Sivardus princeps, qui sub quinque his dynastis ditionem ipse suam in libertatem viudicaverat, per legatos matrimonium ejus petit. nec difficilis Guritha, & concedit postulatum: hæc conditione tamen, ut distractum in quinque principatus regnum studeat recuperare, ac recuperatum quoque sibi tradat. quod cùm ille promississet, & uequicquam aliquandiu teutasset, quod pugnando obtinere non potuerat, largiendo, & Gurithæ curatoribus corrumpendis, mox consequitur, ut in nuptias, siue hæc conditione, consentiret. Id Haldanus cùm in Rusiâ accepisset, tantâ Daniam festinatione repetit, uti diem nuptiarum anteverteret. quæ cùm mox peragerentur, se convivis, omnibus ignotus, miscet: ac, captatâ cum Gurithâ colloquendi occasione, queritur; *non servasse fidem, & in matrimo-*

QUINQUE VIRI,

*nium istud, antè veditum, aut de morte suâ nuntium, contra quàm pollicita fuerat, concessisse.* atque, illâ curatores accusante, quæ invitam coëgissent, irâ accensus, magnam couvivarum partem, & in his Sivardum ipsum, è medio tollit. hinc Guritham uxorem accipit, & cum eâ quoque regnum.

#### H A L D A N V S III.

Sic Gyritham conjugem Haldanus nactus, armis regnum vindicare, ac dynastis extorquere, animum inducit suum. quod cùm diu varieque tentavisset, prælio contra Vesetum iu Sialandiâ infelicitè commissio, victus cadit: princeps corpore animoque pariter magnus, & ab utriusque robore Fortis cognomento dictus. Filium superstitem, & successorem, Haraldum habuit: filias verò numero duas. quarum una, Sivarido nupta, Norvagie regi, Olonem peperit, Haraldia vinctuli successorem: altera autem, Ingello, Sueciæ regi, rapta primò, mox concessa, filium Ringonem enixa est, de quo postea dicitur.

#### H A R A L D V S III.

Profigato sic Haldano, Haraldus, ex Gyrithâ filius, tentatam frustra à parente restitutionem regni felicissimè perfecit. ac initium illi quidem visum facere à Veseto, qui in pugna, uti dixi, patrem Haldanum interfecerat. Hunc cùm nuptias in Scania celebrare intelligeret, eò tendit; opimitque post convivium, & occidit: cùm Vesetus duos prius ipsi dentes exensisset, quorum loco postquam duo rursus alii excrevisset, mox cognomen Hyldetandi est adeptus, ac, Veseto interfecto, postquam Scaniæ principatum iterum regno adjunxisset, magno exercitu comparato, Cimbriam australem petit; & Hatherum, à quo nomen etiamnum Hatherstebie, armis superat. tum couversus in Roricum, & Hundingum, iis cæsis, Lethram capit: ac, subactâ Sialandiâ, securâque mox fortunam ejus etiam Fioniâ, regnum totum, misere distractum hætenus, redigit in unum corpus, & antiquam item maiestatem reddit. Quibus factis, cùm permissu magis tacito, quàm electione solitâ, regem hætenus egisset, unuc, ob res præclarè gestas, procerum communibus suffragiis rex declaratur. moxque, rebus ordinatis, regem Asmundum, Vicarorum

HARALDVS III.

in

in Norvagiâ regno à sore pulsum, manu validâ reducit. nec pro operâ, vir excelsi planè animi, solâ gloriâ contentus, ulla dona, quanquam maxima offerrentur, admittenda existimavit. Quæ dum in Norvagiâ gerit, rex in Sueciâ Alverus diem obit, tribus filiis relictis; Ingone, Olao, & Ingello. quorum Ingo, natu maximus, regnum adeptus, eo minimè contentus, ipse, ac fratres, Daniam aggrediuntur. Quo Haraldus intellecto, cum Othini oraculum in Sueciâ Vpsaliæ consulisset, de eventu, acieque instruendâ ibi edoctus, comparatis statim copiis, ac profectus in Ingonem, & Olaum, in Sueciâ utrunque nactus, prælio commisso fudit, & occidit. quorum cædem cum Ingellus accepisset, neque vires sibi eas esse sciret, quas opponere turò posset, pacem per legatos petit; utque eam à victore generoso obtineret, morbum fingit. & Haraldus, qui, ut debellare hostem, ita parcere debellato, gloriosum existimabat, non gravatè acquiescit. verùm ille, ingratus nimis, paulo post invadit Scaniam, & sororem ejus abducit, atque pro uxore habet, quod Haraldus non injuriâ indignante, iterum bellum concitatum, vario successu geritur, ac postremum lato fine terminatur: dum rex, bonus juxta ac fortis, justo bello pacem vel iniquam præfert. Hinc Olaum, regem in Norvagiâ Nidrosiotum, à fororibus dejectum, in regnum restituit. &, in Daniam reversus, cum Vbbonem, Frisiæ principem, Cimbriæ suus infestare accepisset, captum in potestate habet aliquandiu, sed mox libertati reddit: ac, receptum in amicitiam, mox adsciscit item generum: tum & fidem experitur, ac vicinos Rheno populos sibi subjicit. etiam Vandaliæ recipit: quæ sub regulis, spretâ regni majestate, se in prisca libertatem assuerat: ducibusque ejus gentis, Duco, ac Dalo, ob virtutem militarem, amicis utitur. moxque operâ eorum cum cepisset Aquitaniam, etiam Britanniam recipit; quæ tum Daniæ obsequio, à Frothonis III morte, se subdlexerat: Humbriamque, casu eo bello duce, Danis incolendam tradit. Inter quæ Ingellus moritur, parvulo superstite Ringone filio. quem Haraldus, quanquam regni invadendi oc-

casio esset, attamen tutoribus tradit, summâ curâ educandum, ceu futurum successorem. Certè laus est non exigua, cum quis maxima quæque possit, modica, & honesta, velle: animumque, in sublimi potestate plurimum in aliena propendentem, intrâ fines justis, & æqui, continere. Tandem, bello cum Ringone hoc suscepto, infelicitè pugnans, cadit: postquam regnû annos circiter quinquaginta tenuisset. Fuit sane prælium istud inter prima memorabile. in quo quantæ partis utriusque copiar, vix septennio comparatæ, dimicaverint, inde satis deprehendas, quod Haraldus in exercitu, præter ceteram multitudinem militum gregariorum, ducum ad triginta millia; in Ringonis, ad duodecim cecidisse referantur. Fretum inter Scaniam, & Sialandiam, navibus constratum produnt: Pugnabatur ad Calmariam, Sueciæ urbem. Ringo avunculo profligato permagnificè parentat, ac cadaver deportari Lethram jubet. &, compositis inde rebus, Scaniam, avulsam Daniæ, regno Sueciæ adjungit, & Olonem consobrinum dat præfectum: Hetham, feminam illustrem; Sialandiæ, ac Fioniæ, Cimbriæque utrique imponit. Verùm Dani, post virtutis tantæ regem, feminæ parere imperio non se dignum arbitrati, per legatos ab Olone, ut removeat Hetham, petunt: quod si velit, se negotium incepturos. neque ille deest ipsis; Hetham ad se statim vocat, & decedere Sialandiâ, ac Fioniâ, ocyus jubet, nisi armis cogi velit: neque præter præfecturam Cimbriæ concedit quicquam: & hanc ipsam eâ lege, ut tributum jussu pendat. Ea urbem, à se Hethæ appellatam, nunc Slesvicum, condidisse memoratur. Hic Haraldus finis fuit, ac post ipsum regni status. Certè inter magnos reges summo jure collocandus, qui divisum in quinque regulos principatum cum virtute maximâ restituisset, ita porro ampliavit, uti post Frothonem III nemo major meritis censerî possit, nunquam victus, nisi hoc postremo bello. quod an ipse concitaverit, vitæ satir, & inglorium arbitratus, post tot res præclare gestas, instar hominis ignavi in lecto mori, an Ringoni inimicus demum factus, impellente, uti ferunt, huc Othino,

in incerto est. ac, si ipse concitavit, non tam victus, quam potius voto suo, vite finem, quem optabat, gloriosè invenisse dici potest. proposito laudando quidem illo ævo, in gentili; sed non hoc, in Christiano.

## O L O

verò, ejus ex sorore nepos, ita regnum consequutus, adèd crudeliter habuit, ut depulsæ pridem Hethæ universos penituerit. itaque duodecim proceres, è familiis nobilissimis, conjurati, quando cædem perpetrari à se posse desperarent, Stercerum hic implorant; & promittunt auri puri libras centum, ac viginti, five, uti alii tradunt, centum, & vigintiquinque. isque, in balneo occisurus, cum Olonis torvo vultu terrefactus retrocederet, ab eodem, nihil tale à viro amico metuente, revocatus, scelus patrat. moxque, illius pudore, cum nonnullos, qui ad illud condixissent, occidisset, se vicissim, præmio eodem posito, aliis cædendum offert, ac de se vindictam sumit. Filium reliquit Olo unum, Omundum; ex Olai, Vermiorum regis, filiâ Esâ natum. Antea virtutis clarus, plurimis piratis simul, & latronibus, profligatis, gloriam priorem nominis, regnum adeptus, obscuravit: ac videri regno dignus potuisset, ni regnasset. adeoque in hoc ipso, vetere verbo, magistratus virum ostendit. Eo cæso, sceptrum accepit filius,

## O M V N D V S.

quem senatus surrogavit; non in gratiam parentis, quæ exigua sanè erat, ob favitiam usurpatam, verum in honorem sanguinis, ac spem indolis melioris, quæ in primis ejus annis elucebat. In principio ipso regni, monitus, ut matrimonium circumspiceret, Esa placuit, filia Ringonis regis Norvagorum: verum postulare eam non audebat. quippe Ringo, princeps ipse bellicosus, quique gloriam armorum maximam existimabat, generum non admittebat, quàm spectatæ fortitudinis. itaque, ut laudem aliquam compararet, cum Norvagia ab obsequio Danicæ jam defecisset, vindicare eam statuit; fortitudinemque ipso in Ringone experiri. neque mora: instructam classem statim in Norvagian ducit. Inter viam ab lathræ re-

## O M V N D V S.

gulo Oddone exceptus perbenignè, cum adventus ei causam retulisset, ipse quoque, à Ringone pridem variè offensus, copias jungit. Aberat tunc fortè Ringo, & piraticam ad Hiberniam exercebat. itaque, adjuti etiam commodà occasione, vacuum præsidio invadunt regnum; & fortunis subditorum abstinentes, quæ Ringonis essent, rapiunt, quo is ocyus intellecto cum recurreret, uti terrâ venientem prohiberet, obviam Omundus mittit, viros belli excellentes, Homothum, & Tholam. addit naves; & in his eximie magnitudinis unam, telis omnibus instructam, quæque cæteris velut propugnaculum esset. Ringo gnarus, ad insidias se convertit: & in fronte navibus duntaxat paucis collocatis, alias munitiores occultare sese jubet. ac periculum ingens erat, ne Omundus vinceretur: ni, Oddone præmonente, facto in insidias impetu, eas omnes oppressisset. cætera pugna, certè anceps: dederatque non minorem cladem Ringo, quàm acceperat. & Athylo, pater Tholæ, & Homothi, gente Scanus, dux primarius Omundi, se subducens, cum in Scaniam recessisset, victum etiam Omundum, non victorem, dicere Ringo ausus fuit. isque, ne victoriæ opinione ferox hostis, viribus collectis cresceret, comparatim ingreditur. moxque adest & Athylo; instauratis, quas abduxerat pridem navibus. cum ad manus ventum esset, ac victoria in Omundum inclinaret, Ringo, faucius lethaliter, canere receptui jubet, & Omundum accersiri. qui cum in conspectum ejus advenisset; *jam libenter, inquit, sibi filiam, quam petisti, do uxorem: moriorque non invitus, quod te generum sum adeptus.* Hæc loquutus, mox expirat, filias relinquens duas: quarum unam cum Omundus conjugem sumpserat sibi, alteram Homotho tradit, præmium fidelis operæ. Inter ista, virgo bellicosa, Russa, quæ regebat Telemarchiam, partem aliquam Norvagiæ, fratrem Thrundum lacescebat: nec contenta, etiam Danicæ imminebat. & Omundum in Norvagiâ regnare, agrè ferens, eam passim infestabat. cumque objectas sibi copias profligasset, jam ferocior, etiam regno inhiabat. itaque

que Hallandiam invadit primò, hinc motura in interiora quæque. ac fecisset, ni Omundus, haud ferendam virginis proterviam ratus, neque etiam contemnendam, misso Homotho, atque fratre ejus Tholà, prælio navali victam represisset. quam sanè vel sic fusa, ac fugata, fratrem occurrentem sternit. Cujus clade rex Omundus intellectà, in Norvagià difficulter armis eam vinci posse arbitratus, mittit iterùm Homothum, & Tholam, qui argentum offerentes, ac majora promittentes, Telemarchas ab obsequio abducerent. quo effecto, cum à Telemarchis illa pelleretur, & in insulas, in quibus æstivare solita, concessisset, ab Omundo superveniente oppressa, maximà amissà classe, mox à Throndo fratre cæditur. itaque Omundus victor, Telemarchis Thronduum imponit, ac Norvagiàm universam sibi vctigalem facit. Russa cæsa, Bero, & Thorias, pridem juramento obstricti ad ulciscendam domine necem, si quis eam occidisset, mox in Daniam profecti, Omundum petunt, provocantque ad certamen singulare. neque ille, uti magno erat animo, abnuebat: sed proceribus non sat dignum videbatur, regem, in salute cujus populi totius salus verteretur, periculo præsentis objicere. itaque se ejus vicem Thola, & Homothus, offerunt. qui congressi postquam essent, cadit Bero; Thorias, graviter vulneratus, pugna effertur: ipsi, abeunt victores. rexque, ut virtutem Thorie æstimare, se ostenderet, mox, vulneribus curatis, & in fidem eum accipit, & Norvagiæ præfecturam item donat. Post hæc, cum tributum Sclavi denegarent; etiam occidere legatos ausi, & in Cimbriam irrumperè: ut & contumeliam ulcisceretur, & rebelles coerceret, contrà tendens, septem principes eorum internecone delet, & tributum dare cogit. Inde, longà pace fruitus, vità excedit: liberis relictis quatuor, ex utroque sexu binis. Filiorum natu maximus, nomine Sivardus erat; alter, Buthlus: filie quo modo fuerint nuncupatæ, ignoratur. Vna earum, à Gotharo, Sueciæ rege, in uxorem postulata, ac mox raptà est. Erat princeps pacis atque belli artibus pariter magnus: quique exemplo suo ostendit, malis etiam parenti-

OMUNDVS.

bus bonos nasci filios posse: neque vitia, aut virtutes, natis inferi: tum nec, quod proverbio olim dicebatur, mali corvi semper malum ovum esse.

## SIVARDVS.

Itaque, Omundo mortuo, regnum proceres in Sivardum, inter filios natu maximum, transfulere. moxque Sueciæ rex Gotharus sororem ejus per legatum uxorem petit, impetratque. verum, unde amicitie confirmatio sperabatur, orta statim inimicitia, maximà calamitate regem, & regnum, implicavit. nam Gotharus cum mox sponsam per legatum enndem peteret, isque in viâ, in Hallandiæ quodam pago, à latronibus circumventus, penè interfectus esset; ac, periculo vix elapsus, & reversus ad Gotharum, rem narrasset; ille hoc Sivardi fraude factum ratus, bello vindicare injuriam, quam existimabat, statuit. itaque & bellum infert, & Sivardum, occurrentem in Hallandiæ finibus, sternit. qui in Cimbriam cum se fugà recepisset, Sclavos, jam ad famam belli Suecici tumultuantes, & in illam regionem irrumperentes, profligavit. at Gotharus, sat vicisse hostem ducens, neque ultra fugientem persequendum, tamen utitur victoriâ, & amplissimum fructum refert: Scaniamque, ereptam Daniæ, uti pridem Ringo fecerat, Sueciæ addit. Sclavis verò non dejecit animum clades, quam acceperant: quin, pudore irritati, novas sibi copias parant; & Sivardum, in Fioniâ consequuti, mox in Cimbriam fugientem persequuntur: ac, commisso prælio, fundunt: tum & filium Iarmericum, filiasque duas capiunt. atque Iarmericus quidem, post, elapsus mirabiliter, regnum accipit: filiarum verò altera, in Norvagiâ; altera autem, in Germaniam venum data, & abducta. Certè miser Daniæ tunc status erat: & amplissimum antè regnum, atque longè potentissimum, paucis insulis constabat. ac Sivardus, cupiens recuperare, quæ amiserat, meliore multo animo, quam fortunâ, iterum conscripto exercitu, primò Scaniam reducere ad obsequium suum parat: inde Cimbriam, si succederet conatus, mann eadem aggressurus. sed, consertâ cum Simone, Scaniæ præfecto, pugnâ, dum utrinque quàm

SIVARDVS.

D 2

acer-

accerrimè dimicatur, cæso quamlibet Simone, ipse cadit. Erat certè princeps bonus, sed infelix: qui, cum regni partem maximam amisisset, etiam in servitutem liberos abduci vidit: suo quoque exemplo docens, non eodem semper loco virtutem, & fortunam, esse. Sed benignior mox Deus infortunium compensavit, cum in folio paterno collocavit Iarmericum: eò quidem manifestiore gratiâ, quo à servitute illum mirabilis liberavit.

## B V T H L V S.

Post Sivardum Buthlo fratri, dum captivus apud Sclavos Iarmericus detinetur, regni Daniæ reliquiæ à senatu demandantur: non tam ob virtutem ejus, quæ omnino parva erat; quam quod regii sanguinis foret. Nam, Sivardus quanquam regnum infeliciter habuisset, tamen, quia vitam pro salute ejus profudisset, fratrem sibi, etsi haud ulquequaque aptum, quam externum, regem capere maluerunt. Misera profectò Dania; quæ, de statu florentissimo in acumnas has dejecta, neque virium sat habebat, ad vim hostium propulsandam, neque regem, ad restituendum regnum satis aptum. etenim, avulsâ Scaniâ, Cimbriâque, nihil illi reliquum erat, præter Sialandiam, Fioniamque, ac vicinas quasdam insulas, quæ veteribus nomine Smalandiæ appellabantur: minutissima regni portio, si Frothorum, Haldanorum, & similium potentissimorum regum, tempora consideraveris. Sed peccata regum Deus, populi que his subjecti, cum decrevit castigare, regna infirmat, minuitque: uti contrâ, cum constituit beare, firmat ea, & adauget. Inter ista Iarmericus, regno patris omnium votis destinatus, apud Sclavorum regem Ismarum captivus agit, cum Gunnone, Danici senatoris filio. atque ille, quanquam vinculis liberatus, quæ injecta in principio, durè tamen habebatur; inter operas serviles. id, indignum suo genere, non ferebat indignanter; animumque, quem dejectum eo modo hostes vellent, ad fortunam componebat. cumque cæteris alacrius iussa faceret, primò regis famulitio adhibetur, inde inter intimos familiares locum principem consequitur, jamque, regi ob virtutem valde charus, aliisque in aula omnibus, negligentius

## BUTHLVS.

servabatur. quod regina, cum in vultu majestatem, animumque magna ausurum, animadverteret, ægrè ferre: ac vereri, ne, occasione datâ, fugam caperet, Daniamque in libertatem vindicaret. Neque verò Iarmericus inter istam aulæ gratiam, ac delicias, patriæ curam deponebat: &, intentus in occasionem quamvis, jam consilium de instituendâ fugâ agitabat. sed Gunnonem, civem suum, ac fortunæ quoque socium, destituere, indecorum arbitratus, differt, dum & hunc eripiat. Fortè Ismari regis frater vicè fungitur: cui ille ut parentaret, arcem ejus magno comitatu petit; Iarmericum cum reginâ domi remanere jubens. isque, hoc tempus commodum ad fugam ratus, postquam arctius à reginâ custodiri se videret, & interdum propositum successurum desperaret, noctu faciendum statuit. itaque languorem simulat; & Gunnoni dat negotium, ut custodes sedulò inebriaret. quo peractò, mediâ nocte somno oppressos omnes jugulat: ac reginam, ad tumultum excitatam, & incautè è cubiculo prodeuntem, Gunno obruncat. Hinc, directâ gazâ regiâ, fugam incunt; & in eâ arcem quoque, in quâ fratri Ismarus exequias tunc celebrabat, incendentes, illum item vivum cremant: &, elapsi insequentibus, mox in Daniam evadunt: ubi Buthlus Iarmerico regnum tradit, quod tranquillè annos aliquot tennerat, nullâ aliâ re clarus, quam quod summâ dignitate, pro quâ multi extrema quavis experiri potius dicerent, ultrâ, ac sine motu, cessent. Itaque potius regno

## IARMERICVS.

ut ingenti erat animo, nihil sibi prius habuit, quam recuperare partes, quas à Daniâ Sueci primò, inde Sclavi, avulsissent. quæque prima læserat Suecia, prima dat occasionem vindicandæ contumeliæ. rex Gotharus proximè Sibbonem quendam, falsò stupri, quod forori illatum esset, accusatum, supplicio extremo affecerat. id propinqui indignati, & ulcisci cupientes, opè à Iarmerico petunt, ac vicissim auxilia sua adjuturo pollicentur. ille, opprobrium patris cogitans, & ereptam pridem Scaniam, minime negligendas preces arbitratus arma capit; & Gotharum, prælio superatum

## IARMERICVS.

tum



ram, cædens, Scaniam recipit, Sueciamque denuò veltigalem facit. Hinc in Cimbriam conversus, eam quoque in potestatem suam redigit, atque Sclavos omnes ejicit. Per quæ animo erectior, postquam secum reputaret, quanta damna Daniæ dedissent Sclavi; quoties, foederibus ruptis, bello reges decessores lacessissent; tum quàm graviter patrè etiam, seque ipsum, afflixissent, armis ulciscendos statuit. itaque coactum exercitum in illorum fines ducit; & prostratis, qui occurrere ausi essent, captos ex his quadraginta, primos gentis, ac cum illis lupos totidem, vivos agi in crucem jubet. hoc supplicio, furum proprio, juxta legem à Frothone Magno latam, publicè testatum cupiens, furum instar, ac latronum, eos toties Daniam diripuissè. cæteris omnibus, quibus belli fors pepercerat, pristino tributo imposito, veniam offensæ dedit. Ac, receptà ita Sclavià, & præsidii ordinatis, cum in regnum rediisset, in Curlandos, atque Semobos, arma vertit; & devictos ad obsequium denuò cogit. Quæ dum fiunt, iterum tumultuari ausi Sclavi, per absentiam Iarmerici, præsidia è medio tollunt: impetuque in Daniam facto, eam foedè populantur. Quæ cum nuntiata essent Iarmerico, domum properat; & in mari obviam eorum classem nactus fundit. captos verò eà pugnà optimates, ut deinceps gentem à defectione deterreret, graviter punit, & inusitato modo. nam, taurorum postquam pedibus alligasset, incitatis in hos canibus, per plateas, & cloacas, miserè raptari jubet. quo supplicio reliqui perterriti, tum, præter scveritatem, etiam fortunam ejus mentientes, diu inde in obsequio permanere. Post hæc arcem in excelsa rupe struit, ac communis: hinc coactam ex devictis gentibus prædam, uti tuta esset, infert. Tum, compositis regnarebus, expeditione novà in orientem institutà, occurrentes sibi fratres quatuor ex Hellesponto, qui piraticam exercebant; impugnatos eò adigit, uti pacem postularent; foedereque constituto, etiam sororem addicerent: addità dimidià tributì parte, quod à gentibus veltigalibus penderetur. Hactenus virtutis constans, turpiter deinceps animum in flagitia incli-

navit. quippe Bicco, filius Livoniæ regis, cujus fratres pridem bello contra populos orientis interfecerat, è custodià jam dimissus, & exceptus perbenignè, moxque ad consilia arcana admisus, flectere paulatim eum pro libidine suà coepit: quæ res in exitum vertit. etenim homo scelerratus, postquam regem se in potestate habere animadvertit, & parere monitis suis, facile etiam, nimis temerè obsequentem, ad flagitia quæque duxit. neque enim justiore de suorum fratrum cæde poenam posse sumere existimabat, quàm si astu in præceps ageret; & impelleret, ut, virtute derelictà, vitia amplecteretur: & hoc ipso apud populum, antè amantem, in invidiam, odiumque summum, adduceret. itaque crudelitatem, in suos pariter exterosque, magis suadet. Inter quæ, cum vitiiis imbellem factum Sclavi jam existimarent, quem invisum propter ea cognovissent, tertium deficere ausi, Cimbriæ invadunt fines. verùm is, coacto milite, uti prius, impetum eorum comprimit: & in pugnà captos duces, de consilio Bicconis, equis, in diversa actis, alligat dilacerandos. nec contentus, Cimbriæ finibus hostem victum ejecisse, in Sclaviam persequitur, graviterque itidem in conscios seditionis animadvertit. Post hoc bellum, aliud exortum majus. nam nepotes ex sorore, quam divenditam in Germaniam antè commemoravi, ad se quoque pertinere regnum Daniæ contententes, arma sumunt in avunculum; sine sanguinis respectu, cujus nulla apud principes, de imperio concertantes, ratio haberi solet. verùm etiam hos repressit; oppidaque, ac munitiones, cepit, diruitque. Inter ista, fratres quatuor, quorum antè facta mentio, sororem, sicut pacti, adducunt: nuptiisque celebratis, domum repetunt. Interim Bicco, cum id solum agigaret, ut præposteris consiliis regem perderet, in nepotes, velut nova regni causà molientes, illum incitat. Speciem calumnia habebat veri, quia antè id fecerant: & in talia principum est prona fides. itaque credit, & nil tale expectantibus, neque meritis, arma infert, prælioque captos necat: simul quoque optimates, ad convivium invitatos. Hinc majora etiam au-

det; & reginam consuetudinis cum Brodero, Iarmerici ex priorē uxore filio, criminatur: ac subornat falsos testes, qui perjurio rem firmarent. Iarmericus, cum sententiam in uxorem, filiumque, ferre noller, totum crimen dat senatui arbitrandum. qui Broderum cum exilio puniendum iudicaret, Bicco qui posteritatem Iarmerici è medio sublatam cuperet, eā poenā non contentus, suspendendum criminis tam magni reum contendebat. In reginam, gravius animadveriti placuit; & ab equis conculcanda, humi sternitur. sed, supinam cum invadere illi nollent, & præstigas Bicco diceret, atque pronam collocandam, mox in faciem conversam incurfantes obtrebant. at Broderum cum suspendi placuisset, ut amoliretur tamen à se facinus, suadet Bicco, indito in colum laqueo, ut ministri aliquantisper ita pendulum sustinerent, dum dimittere eum tandem fatigati cogerentur; atque ipsi potius hac ratione facti invidiā premerentur. verum Deus, qui Broderum regno patris successorem destinabat, innocentem turpiter perire noluit, & delicti Iarmerico cogitationem objecit. quippe, cum in aulā suā per id tempus tristior obambulare, & obversaretur animo, quod mox sine prole foret decessurus, ac sessurum in folio suo peregrinum, talia Broderi canis reputantem confirmavit. qui, ingressus in conclave Iarmerici, rotum illud, ceu herilem mortem deflens, querulo latratu implevit. tum, lustranti omnes angulos, mox conspicuus est accipiter, plumas ipse sibi evellens. & interrogatus auspex, quid portenderet, orbitatem præsignificari dixit. itaque mittit sine morā, qui Broderum, si fortasse adhuc viveret, morti eriperent. ac ministri, quis supplicium demandatum, sortem juvenis miserati, cum dintius, quā quis fore existimasset, pendentem sustinuissent, læti vivum dimisere. Sic supplicio Broderus, quo immeritò plectebatur, protegente innocentiam ejus Deo, felicissimè liberatur. Post quæ Bicco, falsæ accusationis poenas metuens, clam ablegat, qui reginæ mortem indignam fratribus in Hellesponto nuntiantes, eos item ad vindictam incitarent. qui cum mox armatā manu adve-

IARMERICVS,

nissent, primus Bicco id rescivit, retulitque Iarmerico. is, à milite imparatus, cum huc usque formidabilis universis existisset, nunc formidans, percellente conscientia, properè in arcem fugit, à se structam, uti paulo antè dixi, illic hostem excepturus. ac perpauci fugientem comitati, cæteris omnibus eum odio ob sævitiam in uxorem, filiumque, deferentibus. Eo enim jam fortuna Iarmerici loco erat, ut, qui antea, ob virtutem, charus universis esset, nunc, ob maximam sævitiam, summo odio haberetur. Itaque, inclusus arci, cum obfideretur arcè, tandem quoque irrumpunt hostes; fortiterque propugnantem cum in potestatem suam redegressent, manus, atque pedes, amputant, vitam in poenam relinquentes: donec tandem, summo cruciatu eneatus, infeliciter moreretur. Magnus princeps, & cum maximis Daniæ regibus comparandus, dnm virtuti se permittit, & consiliis rectis utitur. quippe, debellatos Suecos, denuo vectigales fecit; Scaniamque, ab his antea interceptam, regno reddidit. Slavos, Cimbriam qui invaserant, ter devictos, regni finibus ejecit, & tributum denegatum dare coegit. Orientis quoque populos, Sembo, atque Curolandos, aliosque, qui, cum antè Daniæ vectigal penderent, occupatis bello regibus, se obsequio subtraxerant, vindicavit. Denique, restituta Daniā, quæ, distracta quā miserrimè à principibus vicinis, ac, quod gravius, tributariis, vix habebat regni speciem, inter maximos, felicissimosque, esset prædicandus, nisi à virtute suā descivisset. Sed, ut ferè omnes prospera difficulter toleramus, ita quoque Iarmericus. qui, fortunæ suæ impar, & elato per tot læta rerum animo, oppulorum plurimorum debellator, turpiter succumbens vitiis, quam paraverat armis gloriam, pace universam amisit. Successit filius,

B R O D E R V S,

quem suspensio damnaverat. In hoc neque virtus patris, nec erectus ille animus, se ostendit. itaque, ignavo otio vitam transiens, nihil aliud prædicandum posteris de se reliquit, quā quod loco inter reges admodum obscuro vixerit. tum ignaviā quoque ejus Sueci armati, pari-

B R O D E R V S,

ter



ter defecere rursus, Scaniamque recepere. ac videntur alie quoque regiones, uti sub imbelli rege, descivisse: ut à detrimento quoque regnum ejus censeretur. & ostendit, minime semper verum esse, fortibus creati fortes; nec columbam aquilam, quod ajunt, nasci. Hunc subsequitur

S I V A L D V S III,  
nominis obscuritate par Brodero. Huic, jam provectâ ætate,

## S N I O

filius in societatem regni est adjunctus. atque ille, acer armis, Scaniam repetit: & Eſchillo, ac Achillo, qui tenebant, inde ejedis, regno reddidit. Post hæc, nuptias circumspiciens, mittit quosdam in Gothiam Suecicam, regis filiam animum exploraturos: quos prehenſos rex in crucem agere jubet. idque indignè ferens Snio, ut injuriam vindicaret, conscripto milite, cum invadit: ferro, ac flammis, omnia vastans. Gothus verò, imparem se animadvertens, per Eſchillum, & Achillum, quos ejecerat è Scaniâ, provocari ad duellum eum cupit; aut pugilibus, si id nollet, rem permitti. nec gravatè admittit Snio: illam tamen legem dicit, ut victori regnum victi traderetur. itaque pugnatum, diu maximo utrinque studio: donec, proſtigatis suis, regno Gothus cedere coactus fuit. Inter ista, filiam, quam Snio uxorem postulârat, regi Sueciæ elocaverat. idque postea gnarus Snio, postquam prius per mendicum ejus animum explorasset, & in se vicissim illum propendere accepisset, raptam, cum mariti opibus, mox in Daniam abducit. inde bellum, diu acriterque gestum, magno regni utriusque detrimento. tum &, ut delictum regis populus dupliciter lueret, non contentus bello Deus id punire, etiam immitit famem: quæ afflxit Daniam tam vehementer, ut non tantum homines tenuiores, sed & locupletiores, quàm durissimè premerentur. cui malo ut occurrere Snio posset, interdixit, ne quis ex frumento potus, quod jam tum in usu erat, coqueretur, sed ut illud univèrsam ad cibum potius servaretur. at obsequio cum careret interdictum, aliud cogitatum fuit: verum istud nimis sævum, & omninò detestandum. Aggo, & Ebbo, sunt auctores, ut invalidi senes omnes, puerique, aut oc-

S N I O.

culi, aut solum vertere, jubeantur. quod eorum mater Cambara, quæ nonnullis Magga dicitur, animi virilis scemina, & prudentiæ supra sexum, ac virtutis prædicandæ, cum intellexisset factum, ultro in concionem prodit: ac, loquendi facultatem consequuta, coram rege, & senatu, filios oratione acri objurgat; patrique, immò vitâ, indignos dicit, quod & senes, suâ ætate venerandos, puerosque innocentes, vitâ, aut patriâ, exuendos, censuissent. quin id postius cogitarent, qui, servatâ in grandævos puerosque pietate, malo patriam præſenti sine probro liberarent. id in præſens genti Danica expedire, & ad posteror gloriosius futurum. rectius eligerent forte, qui, ad patriam, quæ alendis non sufficeret, sollevandam, eâ exirent, alibique novat sibi sedes quærerent. ac, si fortè invalida ætas posceretur, juvenes pro hæc excederent. quos si nemo ducere è viris vellet, faminam se ducturam esse: patriaque, causâ patriæ, æquo animo carituram. Quâ oratione Snio, proceresque omnes, moti, Cambaræ consilium sequendum sibi censuere. Itaque, divisis fortibus, nonus quisque lectus fuit: ac congressi universi in Blekingiâ, ex eadem, ut famem publicam sublevarent, rebus omnibus paratis, sub Aggone, & Ebbone, quos Cambara quoque mater comitata, excessere: Longobardi inde dicti, cum tunc Vinnuli dicerentur. Facta autem hæc migratio, uti auctor est Anonymus, in Historiâ regum Daniæ, anno Christi quingentesimo, octogesimo, & sexto; ut Ericus Pomeranus, sexcentesimo tricesimo septimo: Prosper, accidisse tradit, anno trecentesimo, & octogesimo. Ecce tempus, in re certâ, incertissimum. Quanquam sanè Prospero assentiendum hic existimo; qui, ætati illi proximis, nuper factam memoravit: ac, si postea evenisset, neque scire, neque tradere eam nobis, potuisset. Itaque Anonymi hic, & Erici, satis manifestus error. Porro Snio, jam grandævus, mortem obit; regno, quod Broderi ignaviâ, ac Sivaldi item patris, misère distractum fuerat, instaurato, inter reges laudatissimos memorandus; nisi raptu, quem mox Deus bello, & fame, castigavit, gloriam nominis offuscasset. Hinc

## B I O R N O,

ejus filius, regnum tenuit: sed obscurus,  
B I O R N O. D 4 neque

neque ullâ rerum præclararum famâ. Post hunc magnum est Historiæ deliquium: & intercidere reges fatis multi. Quidam, ut defectum suppleant, totam expeditionis Longobordicæ historiam hic intexunt. sed, cum nihil ad propositum hoc pertineat, rectius omitti puto: & excessum ejus gentis, quem jam dixi, memorasse satis duco. alii, etiam quosdam inferunt, verum temporis incertos. mihi visum, à Saxonis, & Anonymi, ac Erici Pomerani, ordine, quamquam interrupto, non recedere. Primus verò à Biornone, itidem obscurus valdè,

## H A R A L D V S I V.

Verum ejus filius, qui non rectè ab Anonymo filius Biornonis dicitur,

## G O R M O,

magnâ claritate fuit: sed diversâ ratione, quam majores, illam petiit. nam ad gloriam isti armis contendebant, hic peritiâ arcanorum, quæ natura à communi intellectu removebat. At quæ de Geruthi sede, opibusque, & Vgarthiloco idolo, tum Gormonis huc itinere, & Torchilli pariter legatione, alii tradunt, hic omitto. qui hæc scire tamen volet, apud Saxonem inveniet: quem mirari equidem, quam sequi, malim. quamquam fatear, in diaboli olim regno, fideique Christianæ ignorantia, talia fidem invenisse. Certè olim per ejusmodi præstigias generis humani hostis hominum simplicitatem circumveniens, & illudere credulis solet, & in illis regni sui confirmationem querere. Hoc Gormoni, ac Torchillo, à Gerutho, & Vgarthiloco, factum: è quibus Torchillus tamen post id tempus, omnium Danorum primis, quantum ex Historiâ constat, fidem in Christum in Germaniâ est amplexus. Vxorem verò Gormo habuit filiam Suecorum regis: è qua illi filius Gotricus natus. Obiit grandævus admodum, actâ per quietem vitâ: pacis quidem, quod in bono rege est vituperandum, ita amans, ut & regni detrimentum, nimio illius studio, non invitus pateretur. Filios reliquit duos: natum maximum, Gotricum, qui successit; alterumque, cujus filium Reinoldum, in bello casum memorat Stadenfis abbas, ad annum octingentesimum octavum,

## G O R M O,

## G O T R I C V S, cognomento Liberalis.

Eo mortuo, summa rerum ad Gotricum filium est devoluta. alii Gotilacum dicunt: quidam verò, Godefridum. Hic, adeptus principatum, arma statim in rebelles Saxones vertit: ac devictis legem dicit, quotiescunque novum regem Dania nancisceretur, eum ut centum albis equis dux donaret. idem faceret, duce mortuo, qui succederet: quo Danorum se imperio subjacere, & ab ipsis gentis suæ principatum accepisse, testaretur. Postquam Saxones debellasset, Norvagiæ regis Gothonis filiam uxorem accepit. Inde in tumultuantem Sueciam legatû mittit, qui componeret. sed negotio ille impar, & contemptus, mox & noctu, devoluto in dormientem ponderis ingentis saxo, interficitur. quam ulturus contumeliam, arma capit: ac devictos uno prælio, maximâ clementiâ usus, in deditionem accipit: qui legatum occidissent, senis auri libris multat; cæteros, facinorosi conscios, unâ uncia. Quæ in Sueciâ dum geruntur, Galliæ rex, Carolus Magnus, bello Saxones invadit: duxque eorum Vitichindus à Gotrico, cui affinitate junctus, opem petit. quâ acceptâ, Carolo in Sarracenos in Hispaniam tum profecto, loca, quæ is occuparat, mox recuperat, & præsidia Gallicana inde ejicit. Cumque redisset Carolus, castraque ad Lupiæ fauces posuisset, Alidem Gotricus eò, & Asmundum, statim mittit, qui exponerent; *dudum Saxones Danis vestigiales esse: itaque orare ipsum, armis abstinere vellet, neque illos divexare. quod si autem ad inceptum frustra bellum revertatur, se ad arma, suis opponenda, cogi.* Quibus Carolus cum haud commode respondisset, iterum Gotricus nova Vitichindo auxilia parat. Inter ista, ordinatis in Saxoniâ rebus omnibus, cum repeteret Galliam Carolus, copias auxiliares à Gotrico consequutus Vitichindus, limitem Saxoniarum repetit; & præsidium depellit, quod huic Carolus imposuerat: tum & suum illic collocat, aditusque omnes munivit. quâ re nuntiata Carolus, reducendis ad obsequium Saxonibus, sub Cunrado, & Adelgiso, copias mittit, quibus pelli rursum posse Vitichindum existimaret: sed has ille omnes suas internecione delet.

## G O T R I C V S,

let.

let. id cum Carolus accepisset, denuo coactum militem ipse ducit, plenus iræ: & adventum Vitichindus minime expectandum ratus, profugit trans Albim flumen, ad Gotricum. Inter ista adest Carolus; Saxonesque, duce suo destitutos, ac nequicquam deprecantes, graviter punit: raptis ad supplicium plus quatuor millibus, & quingentis. Neque id Gotricus tulit; sed, reverso in Galliam Carolo, denuo cum magnâ manu in Saxoniam profectus, omnem ad obsequium antiquum cogit. Cujus rei certus Carolus, ipse à pontifice Leone III ad tumultum compescendum evocatus, dat negotium Pipino, filio suo, ut Gotricum coerceret. ille, rebus in Saxoniam ordinatis, jam in Daniam redierat: sed, mandato Caroli hoc intellecto, magnum exercitum conscribit. addit classem, munitissimarum navium trecentarum, quæ transmitteret in Germaniam: atque primò ducit in majorem Frisiam; uti, eâ occupatâ, mox Germaniam, inde Galliam, infestaret. etenim dolebat principi magni animi, & virtutis, quod Saxoniam, quæ tam diu Danicæ vespugalis fuerat, subjugatâ, arma Gallica intrâ ipsius regnum suum metuenda animadverteret. itaque, facilius hostem profligari foris posse, neque tutò intrâ limitem expectari, arbitratus, omnes copias ablegare destinavit. ac negotium Carolo exhibiturus certè erat, ni consilium casus quidam improvisus evertisset. nam, præter trecentas naves, milite, armis, com meatu instructissimas, etiam terrestres copias maximas circumducebat: quibus fretus, non Saxoniam tantum Carolo, sed & ipsum Agnisgranum, sedem regiam, erepturum, palam quoque minabatur. Frisiamque debellatâ, & imposito tributo, cum in eum rectâ tenderet, neque jam à castris item longè abesset, à satellite, sive, ut alii volunt, filio, ob repudiatam matrem, in tentorio interficitur; anno, ut Regino tradit, decimo & octingentesimo: rex insignis, pace, & bello; justus, clemens, & munificus: unde etiam Liberalis cognomento appellatus. Duraverat autem illud contra Francos bellum, ut Ericus Pomeranus nobis refert, per sex & triginta annos. Liberos ejus tres invenio: unum filium,

GOTRICUS.

Olaum, qui successit interfecto, & duas filias. quarum una, Norvagiæ regi elocata, Sivardum, Olai successorem, est enixa: altera, ignoto nupta; filium Ringonem peperit, cum Sivardo consobrinum, ut mox dicam, contendentem.

## O L A V S III.

Interfecto sic Gotrico, regnum Olaus filius tenuit. Hujus multi nullam mentionem faciunt: alii, Hemmingum ante illum ponunt. ego verò, ut in cæteris, ita hic Saxonem sequor; & Ericum Pomeranum, Daniæ regem: quibus jure, separatis peregrinis, fidem habeo: cum res patriæ ille scribat, iste regni, quasi patriæ. Hic, dum pie patris cædem ulcisci cupit, gravi bello intestino imprudenter se involvit. Moritur, relinquens filium unum, Hemmingum, successorem, ut Ericus Pomeranus nobis auctor: quamlibet Gotrici cum patrualem memoret Stadenfis abbas, & adeptum esse regnum anno octingentesimo decimo. alii, nepotem ex fratre eum tradunt. Sepulcrum illi constitutum in Sialandiam, propè Lethram, in Olai ibi colle, quem ab eo appellârunt.

## H E M M I N G V S.

Patri Olao successus Hemmingus; anno, ut Regino auctor, & Albertus, abbas Stadenfis, decimo & octingentesimo, quo Regino tamen idem decessisse etiam Gotricum dicit, hujus avum. unde satis manifestum, maximè confundi tempora: tutiusque, in his talibus, nihil certi constituere. Hic cum Ludovico Pio fœdus quoddam inisse memoratur, in quo regni limes distus Eidora fluvius. idque factum traditur à Reginone, & Annalium Francicorum incerto Auctore, anno octingentesimo undecimo. Evertit quoque urbem Venetam, opulentam, ad Viadri annis ostium, mari Balthico adjacentem. Eam diu, ac pacatè, incoluerant, Vendi pariter, Saxonesque: sed mox, versis in se armis, cum de urbis principatu concertarent, illam Hemmingus occupavit, ac delevit. Ex ruinis in Gothlandiam excitatum post Visbergum, celeberrimum emporium, quidam tradunt. Moritur, ut Regino refert, anno duodecimo post octingentesimum: id est, biennio post quàm regnum accepisset. Albertus, Stadenfis abbas, annos

HEMMINGVS.

regni

regni septem tribuit : mortuumque esse ait anno Christi octingentesimo decimo-septimo. at Ericus Pomeranus longè ab utroque abit ; & viginti octo annos regnum tenuisse tradit : idque magis ego credo ; cum maiore ille curâ in investigandis rebus regni sui , ac tradendis , sit versatus.

#### SIVARDVS, & RINGO.

Defuncto Hemmingo, duos Dania reges habuit ; Sivardum , & Ringonem , conobrinos. nam Sivardus , ex ejusdem nominis patre , & Gotrici regis filiâ , natus erat ; Ringo verò , etiam ipse ex Gotrici alterâ filiâ , patre incerto , Cimbro tamen , ut videtur colligi ex factione satis posse. ac Sivardum quidem Scani , Sialandi , & vicini insulani ; Ringonè , Cimbrî elegerunt. neutri subdita Fionia , ab utroque graviter vexata fuit : nunc hunc dominum , nunc istum , pro fortunâ belli , passâ. Inter ista , Dania contemni cœpit : ac subiecti populi tumultuari : quin infesta quoque arma inferre Scavi. Et Sivardus , bello intestino omisso , in hos ducere. quo quinquennium jam absente , Sialandi , ut affectum testarentur , ejus filium Regnerum , quamvis etiam tum impuberem , loco patris regem capiunt. Sed nec hoc Sivardo profuit. quippe amulus ejus Ringo , uti occasione gnarus , maximâ instructâ classè , Scanos , atque Sialandos , quàm gravissimè infestare : nisi se dederent , mortem , & extrema quæque , comminatus. Quid inermes , & absente rege suo , contra hostem armatum facerent ? primò petunt spatium delibrandi. in quo cum Sivardi amor , & absenti data fides , dubios illorum animos distineret ; hinc percussos vis Ringonis , & potentia , terrarent ; parvum quamlibet Regnerum , & in concione adstantem , regis patris reverentiâ , aliquid in medium quoque consulentem audire placuit. qui , ætatem sapientiâ supergressus , quorsum astinet , inquit , hostem , multo viribus præstantem , resistendo irritare ? quod nil aliud , quàm periculum sibi accerere , & victorû in se iram provocare. ut enim deserere signa , & transfugere ad hostem , nullâ vi necessitatis adigente , magnum est profectò scelus , sic obnisi supra vires , temerarium esse duco. itaque , dedicatione simulatâ , potius fallendus hostis , dum , de-

SIVARDVS, & RINGO.

*sektionē oblatâ , deserere opportunè possit : siquidem fortuna adversa nunquā melius , quàm cedendo , superatur. Quâ oratione pueri moti senes , eo prius , ut periculo surreperent , in Norvagiam ablegato , vitam , ac fortunas suas , salvas pacti , se Ringoni dedidere. Cujus rei cum perlata ad Sivardum fama esset , ille , motis statim castris , cum exercitu , festinatis itineribus , regnum petit , vindicare istud certus. Nec minore animo occurrir Ringo ; acriterque præliatus , tandem cadit : ita tamen , ut Sivardus , quamvis victor , graviter faucibus , paucis post diebus eum , fati comes , sequeretur. Sanè pugna admodum cruenta fuit : & in acie circiter undena millia cecidisse referuntur. Hic amborum regum exitus : ut infortunatus ipsis , ita Daniæ luctuosus. sed Sivardus meliore famâ excessit ; quòd , ut Ringo regiam se potestatem affectare ostendebat , ita ipse salvam esse regni maiestatem vellet. quam ob causam , præmium virtutis suæ , munerante eam Deo , satis amplum consequutus , filium Regnerum sibi in regno successorem habuit.*

#### REGNERVS.

Exstincto itaque rege utroque , mox Regnerus , de quo dictum , filius Sivardi regis , regnum accipit. Hunc nonnulli Reginfridum , alii Ragnifridum vocant. Res , quas gessit , variè sanè memorantur ab Auctoribus , qui , quæ à Germanis gesta , scriptis suis prodidere. sed , cum Saxo summâ curâ , atque fide , ea in literas retulerit , quæ ex patriæ tabulariis ejus temporis accepisset , merito illum , quanquam unum , externis pluribus anteponom. Itaque Regnerus noster , è Norvagiâ , in quam ablegatum dixi , revocatus , in parentis cæsi locum à proceribus substituitur. ac , compositis domi rebus , contrâ Froum , regem Sueciæ , in Norvagiam proficiscitur. ille enim , dum inter se Dani dissident , potestatem ibi regiam vindicaverat. nec contentus Sueciæ finibus , Sivardo quoque , Norvagiæ regi , Regneri avo , arma infesta inferebat. etiam devicti uxorem , filiasque , uti aliorum illustrium , ad libidinem quorumcunque exponebat. In Norvagiam cum venisset , undique matronæ eum , virginesque , eadem ludibria sibi metuentes , accedebant ; & orabant , uti pu-

REGNERVS.

dic-

dicitiæ suæ, quam vix hæcenus conservassent, subveniret. quin nonnullæ, habitu virili sumpto, opem illi masculam pollicebantur. nec oblatum à virginibus subsidium pudicitiae vindex sprexit: æquum esse arbitrat, qui illuderet mulieribus, utis illis, cum opprobrio graviore, poenas daret. itaque, paratis omnibus, copias in eum ducit: & occurrit ille strenuus. acriter pugnatum utrinque: & victoria in ancipiti. Erat in Regneri acie Lathegarta, animi virilis virgo: ea stragem summam dedit; & effecit, ut, in fugam versis Suecis, Frons quoque interfectus violatæ matronarum, virginumque, pudicitiae poenas sexui maximè pudendas daret. Eo bello sic confecto, cum virtutem Lathegartæ maximi Regnerus faceret, ac prognatam è magnatibus intelligeret, mittit, qui uxorem peterent. atque illa, ne conjugium tanti regis, aspernari videretur, simulat placere sibi. cumque accessurum sciret, cupida virginitatem etiam porro conservare, in introitu domus suæ, canem, & ursum, inaudite feritatis, vinculis testibus constrictos locat: quibus ruptis, aduentem incurstantes lacerarent. Hujus rei rex ignarus, cum exiguo comitatu ad amatæ ædes pergit, in Goleriâ valle sitas. & hæminus conspicatus, jussis præstolari suis, puero uno subsequente, manu spiculum tenens adit. ubi cum vestibulum ingressus esset, fera utraque nihil expectantem invadit. sed nec ille, ut interritus erat animi, se meti deserit: atque telo, quod gestabat, unam trajicit; alteramque, faucibus prehensam, strangulat. inde pergens, neque dolum suspicatus, ejus thalamo potitur: ac Fridlevum item filium, filiasque duas, tollit. Iam triennium illic egerat, cum absentia diuturnâ, in tumultum usi Cimbri, etiam Scanos in defectionem trahunt, & in Sialandos movent. quo Regnerus intellecto, ocyus armatâ classe navium triginta accurrens, opem laborantibus affert. & in Scaniam appellens, hostem juxta Vetæ vicum planè fundit. inde, milite in hiberna distributo: postquam ver jam advenisset, Cimbros petit, ac coercet. Quibus victis, Scani iterum, tractis in societatem belli Hallandis, arma capiunt; domitricum, cum Regnerus in vicinas insu-

REGNERVS,

las se recepisset, tertium in arma coeunt. ac tum quoque subjugati, ægrè tamen, nisi quartum etiam victi, quievire. Post quæ ubi pacem sibi intra regnum comparasset, & insidias Lathegartæ cognovisset, eâ mox repudiât; Thoram, Herothi, Sueciæ regis, filiam ambire coepit. Huic Herotho gemini alumni erant, ambo animi præferoces, ideoque à nonnullis angues dicti. cumque, in quovis incurstantes, pro libidine agerent cuncta, raperentque, etiam vitâ, quos liberet, spoliarent, omnibus ut formidandi, sic invisi, atque ipsi tandem quoque regi graves, ab eodem proscribuntur, filia promissis nuptiis, si quis eos occidisset. Multi, præmio tam illustri excitati, ad certamen ineundum accurrebant, verum omnes miserè occidebantur. id Regnerus postquàm famâ accepisset, anxius inter periculum, & amorem, versabatur. verum, hoc exsuperante, firmat animum, ac se parat in certamen. & in Sueciam cum venisset, visis illis, posita æneâ, quâ in bello contra hostes se tueri consuevisset, armaturâ, novum genus comminiscitur. vestem itaque villosam, hieme sibi usitatam, aquâ spargi, & gelu indurari, jubet; quâ & minus gravaretur, promptiorque in pugnam foret. ad hanc, duo capit spicula: quibus mox aggreditur eos, magno impetu irruentes, & occidit, dum concertat, prominente subligaculo, stirisque ex eodem dependentibus, ab Herotho, uti ferunt, Lodebrogicognoimento nuncupatur. Victor, præmium certaminis, Thoram accipit; & ex eâ filios deinde septem, Rathbordum, Dunum, Varthum, Sivardum, Biornum, Agnerum, & Ivarum. Inter ista iterum Cimbri, quintum Scani, ab obsequio discedentes, capiunt regem Haraldum Clagum, ita cognomento dictum. ac Regnerus, ut rebelles coerceret, vires cogit, & anxilia ex Norvagiâ: quam opinione suâ proniorem est expertus. etenim, quam antea repudiât, Lathegarta, classe instructâ centum & viginti navium, ad suppetias accurrit, & ostendit, se affectum in maritum olim regem, etsi offensam, minime deposuisse: adeoque ad victoriam maximum momentum attulit. Istitis copiis Regnerus in Haraldum mox profectus, &

in

in Scaniae eum limite consecutus, manum conferit. acris pugna, & eventus diu anceps: cum Sivardus, filius Regneri, faucibus, procidensque, consternatos suâ nece milites in fugam agit. sed Regnerus, ubi causam intellexit, uti magno erat animo, nihil filii casu motus, vulneratum acie efferi jubet, retrahitque fugientes: ac mox, novo in Haraldum impetu facto, adjutante summo nifu Lathegartha, eum fundit; & navigio in Saxoniam cum uxore; liberisque, fugere cogit. Post victoriam, graviter in factiosos animadvertit: & militibus bona profugorum donat. inde, reputans Saxonum injurias veteres, & ad Carolum olim Magnum defecisse; ac nunc etiam recepisse subditos, seditiones, profugosque; armis eos castigandos esse statuit. igitur paratâ classe, & invehctus in Siguini annis ostium, oculis exponit militem; Saxonesque, nihil expectantes, opprimit. Cujus rei minimè gnarus Imperator Romanorum, tunc in finibus Saxoniae juxta flumen Albim agens, à muliere, quæ per somnum, uti volunt, classem appellentem viderat, advenisse hostes Danos admonetur. itaque, ut sit in subitis, perturbatus, dam dispersum militem cogit, & se ad conflictum parat, à Regnero oppressus, fugit. Quæ dum sunt in Saxonia, novæ ortæ in Suecia turbæ. nam, Heroto illic rege vitâ functo, proceres, ejuslibet liberis, quos exuerant quoque bonis, conjurati, Sorlum quandam sibi regem constituerant. id Regnero postquam gnarum, accitis in auxilium filiis, Sorlum in vadit, dejecitque; & ereptum Herothi filiis regnum reddit. quod repetiturus Sorlus, postquam magnas sibi copias comparasset, per legatos à Regnero rege poscit, ut periculo paucorum tota res permitteretur. nec Regnerus; cui gratum sanguini suorum parcere, detrectabat. igitur cum Scardum Sorlis, claræ tunc virtutis pugilem, atque septem ejus filios, pro se pugnuros daret, ipse, assumptis tribus filiis, Biorno, Fridlevo, & Rathberto, utroque exercitu inspectante, pugnam init: ac, devicto statim Scardo, ipsū quoque Sorlum invadit, perimitque: tum exercitum item ejus internecone delet, Sueciamque universam deuvd vestigalera fa-

REGNERVS.

cit. Dum in Sueciâ commoratur, filiam illustis ibi viri, Esberni, amare incipit, & ex eâ filium Vbbonem tollit; fidere infauisto natum, ac sumpturum arma in patrem. Inter hæc decedit Thora; cujus mortem cum doleret maximopere, ac remedium à militi sibi comparandum duceret, publico edicto mandat, si qui filios, sive servos, minus gnavos, aut industrios item, haberent, eos sibi uti traderent, bellum in externos moturo, qui, subiecti olim regno, defecissent. quod dum agit, regnum ordinat, & spectatæ fidei duodecim viris reipublicæ curam tradit. inde Angliam, quæ obsequio se subdlexerat, classe poscit; & exscendens, Hamam regem, cum infestis copiis obvium, prælio superatum cædit; insulamque universam, & vicinas illi alias, ad deditionem cogit: deditisque filios, Sivardum, & Rathbertum imponit. etiam debellat Orcadas; ac Norvagiā, tunc tumultuantem, pacat: & Fridlevum, filium suum, huic, atque illis, præficit. Quibus gestis, cum in regnum redisset, conjugem Suanlogam ducit: tresque ex eâ filios tollit, Regnaldum, Widsercum, & Ericum. inde in Hellepontum movet, & Dionem ibi oppugnat. Causa belli, quod illius ortu reges Daniæ olim vestigales existisse accepisset, ac Dione, post certamina multa, & acris, profligato, cum Dione, & Daxone, ejus filiis, bellum id est persequutus. Hi, quod regis Ruthenorum filias haberent conjuges, maxima à focero auxilia sibi comparaverant. sed Regnerus, cum potentiores sciret, astu eos circumvenit. nam, electo pugnae loco, alto pariter, & declivi, equos aliquot æneos imponit rotis; &, commisso prælio, in hostem impellit. qui, per prona devoluti, obvium quemque non duntaxat obtriverunt, sed & aciem dissiparunt: quod Regnero ad victoriam plurimum momenti attulit. etenim quadrato agmine, atque denso, moles eas subsecutus, hostes, antè dissipatos, minimâ suorum clade profligavit: fratrum altero, Dione, interfecto: altero verò, Daxone, in fugam verso. ac Rutheni, qui suppetias advenissent, cum, quæ gesta, profugi in patriam renitiant, rex, perculsus turpi metu, finibus suis profugisse perhibetur. Eo bello sic confecto, quas



quas subegerat provincias, filio Widferco tradit. inde, populis orientis per quinquentium divexatis, in Biarmos, Russiæ gentem, nimis in res novas pronam, arma vertit. diu dubia fortuna, ac Biarmi, homines feri, & silvestres, incantationum quoque peritissimi, magis his, quam armis fusi, per hæc tempora sapius rebellionem instituerant. ideo æstivo tempore, quoddam in silvis, studio venationis, è quâ vitam tolerarent, morarentur, minus debellatu faciles censebantur: hieme verò, propter nivium altitudinem, in editoria quæque loca sese conferentes, sæpè, ab hoste intercepti, minimo negotio devincebantur. Horum in fines postquam militem perduxisset, tantam illi magicis carminibus statim tempestatem excitârunt, quanta vix oriri posse credebatur. hæc detentus uno in loco diutissimè, & inediâ plurimis suorum amissis, armis antea invictus, ferè ob penuriam rei frumentariæ interciderat: ni, sedatâ tempestate, ventum opportunum nactus, se in Sembos, ac Curlandos, recepisset. qui exceptum perbenignè postquam illico supplemento, & commeatu, adjuvissent, iterum in illos tendit. Rex illorum per id tempus ad Matullum, Finnorum ducem, ad auxilium postulandum, iter pridem instituerat, & ab eo sagittariorum manum non exigam impetraverat. ac cum istâ in Biarmiam mox regressus, hibernanti tunc Regnero damnum satis magnum dedit. quippe Finni, sive docti à Ruthenis, seu venationi sueti, jacularulo excellebant. His subnixus, cum Regnerum mox lacefferet, is, prohibitus loci incommoditate, niviumque altitudine, aciem contrâ explicare, & configere, semel frustra hoc conatus, revocat in castra militem: ac nocte proximâ, explorato negligentius hostem agere, sine excubiis, tacitè in eum ducit; opprimitque imparatum, & occidit. tum in loco, quo pugnatum, etiam trophæum ponit, è congestis magnis faxis, & victoriam his inscribit. Quo peracto, cum redire in Daniæ per Sueciam vellet, edocetur, turbas concitare Vbbonem, filium nothum, atque regnum affectare, adjutante avo Esberno. itaque, in Gothiam Suecicam verso itinere, militem cogit. nec deesse

REGNERVS.

sibi Esbernus: quin in Sueciam, Gothiamque, ablegare, qui præfectos itidem ad rebellionem instigarent. sed Biornus, qui à patre Gothiæ præfectus erat, indignatus, se in eum concitari, mox in crucem agere legatos jubet. ac secuti exemplum Sueci, idem faciunt. etiam in Cimbrîâ Ivarum fratrem cum sollicitaret Vbbo, itidem repulsam tulit. atque ille, cum nec se tueri posset, nec ad patrem tutò evadere, in exilium concessit. Ita Vbbo, & Esbernus, temerè quæsitum auxilium postquam minimè reperissent, classem instruunt, & in mari aggredi Regnerum statuunt. ac Regnerus, obvium Esbernium sibi primum nactus, eum superatum occidit, & ad rostrum navis suæ caput interfecit figit. hinc delatus in Vbbonem, ad eum hoc spectaculo terrefecit, ut in Sialandiam se fugâ eriperet. ubi iterum congressus, atque victus, cum captivus duceretur, ac sæviret in ducentes, ab iisdem trucidatus, meritis impietatis in parentem poenas dedit. Quæ dum fiunt, Daxon ille, quem è prælio profugisse paullo antè memoravi, cum Widferco, quem Regnerus terris victi imposuerat, deudè collectis viribus, aliquoties congressus, sed nequicquam, animum ad fraudem vertit: ac cum eo foedus inivit, ut, quem bello superare nequiverat, pace everteret. & occasio se præbebat, cum Widfercus ad convivium invitaret. Nundinæ tunc urbis erant, quæ ad dolum opportunæ. & subornat aliquos Daxon, qui, sub veste occultatis armis suis, mercatorum habitu ingrederentur. ipsè, parvo comitatu, urbem intrat, & Widferci ædes petit. ille accipit benignè hospitem advenientem: neque hostem, foedere jam constituto, suspicatur. inde, inclinante die, adfunt, uti jussi, milites, esse mercatores crediti, & Widferci domum invadunt. qui, tumultuari sentiens, cum ministris admodum paucis, arma rapit; profilitque, & accessu hostem prohibet: verum, obruente numero, cedit tandem, capiturque, cum nonnullis ministrorum. Daxon, viri fortitudinem admiratus, mediam regni partem offert, & sororis matrimonium, dum injuriam nunquam se ulturum spondeat. sed vir animi generosi, potius moriendum ducens, quam debere

E

vi-



vitam perfido, non se quicquam aliud, respondet, cupere, quam ut hoc supplicium nunc irrogaret, quo perire ipse vellet. etenim Regnerum patrem, mortem filii non impune dimissurum. ac repulsâ offensus Daxon, aliâs ferrox, & jam hostis sui potens, neque metuens futuri, quam expeteret mortem togat. atque, illo vultu interpido se suosque colligari, ac cremari, postulante, ocyus confringi omnes, injicique in ignem iubet. quo Regnerus intellecto, aded impatienter filii sui mortem tulit, ut, invictus semper hosti, nunc succumberet dolori, & in lectum se projiceret; inter graves ejulatus, lacrymasque, vix afflictam animam trahens. cum Suanloga uxor intrans consolata adhortatur; post victorias tot illustres, & multiplices, ne dolori manus daret, ne periculo nullo unquam victum animum nunc submitteret. quin erigeret se potius; & virtute illâ priscâ revocata, ultionem cogitaret: hoc virile, istud muliebri esse. Quibus verbis confirmatus, lecto exilit; ac, doloris tandem etiam sui victor; arma capiens, regnum Ivoro filio mandat; & contendit in Daxonem, necem Widferci ulturus. ac devictum cum in potestatem suam redegisset, & ulcisci mortem filii morte quoque hostis posset, rex magnanimus, qui se vincere, quàm hostem, multo majus reputaret, vix credibili clementiâ ad posteritatem exemplo, libertate rursus donat: eâ lege, ut se dominum agnosceret, & quotannis, cum duodecim proceribus, supplex, ac discalceatus, censum debitum regno Daniæ exhiberet. Hinc Ericum, à ventoso pileo cognominatum, filio Widferco surrogat; Sueciamque gubernandam illi tradit. Inter quæ cum denuò Norvagia tumultuari tunc inciperet, ed illic profectus, in ordinem factiosos cogit: & Biorno, filio suo, regni præfecturam tradit. Quæ dum agit, moritur Suanloga uxor: sed dolorem arma mox objecta excutunt. quippe Anglia, Scotiaque, cum res novas molirentur, primò Scotiam coërcuit, victo pugna triuanâ rege Muriale, ac caeso. sed victoria, Duno & Rathbertio amissis, filiis suis, satis luctuosa fuit. hinc in Angliam transgressus, in quâ filium regno Galli deturbarent, eam quoque, plurimis Anglorum cæsis, vindicavit: filium-

R EGNERUM,

que Hammæ Hellam, qui se, Gallis adjacentibus, regem pridem appellaverat, profligatum, insulâ pellit. Atque hic exacto anno, cum turbaret & Hibernia, eò trajicit: ac, Molbrico duce occiso, mox Duflinum, nrbem insulæ primam, obsidet, & expugnat, militique prædam donat. inde, rebus ordinatis, cum in naves militem imposuisset, cursum in Hellepontum dirigit; & victoris per objecta passim regna perillustre nomen parat. Quæ dum agit, ipsi Dani in rebellionem versi, & Haraldum, quem in Scaniâ superatum, nti dixi, fugam capere in Saxoniam compulerat, denuò ad regnum vocant. Is, potentiam Regneri, ac virtutem, secum reputans, ne quid temerè inceptaret, opem à Ludovico Cæsare, qui Moguntiz tunc agebat, implorandam sibi ducit: neque se munitum satis, contra hostem tam potentem, esse credit, nisi illam impetraret. atque pius Imperator, propagandæ Christianæ fidei amore flagrans, postulatam auxilium spondet; verum hac conditione, ut mox Christo nomen daret: neque enim, qui diversa sacra colerent, animis conjungi posse. quid hic faceret Haraldus, inter sacrum, & saxum, positus? nulla illi pietas erat, sacris gentium assuetus: sed necessitas cogebat, ut ignotam hæcenus fidem, neque diu retinendam, amplecteretur. itaque dat nomen Christo; & suppetiis impetratis, per absentiam Regneri regnum occupat: &, delubra idolorum demolitus, exstruit Slesvici ædem, in quâ porro sacra ritu Christiano agerentur. sed mox pietas hæc turbata. & Regnerus, ad rumorem rei gestæ cum exercitu superveniens, victum prælio Haraldum, iterum profugere in Germaniam cogit: ac, destructo ocyus templo, quod Slesvici is exstruxerat, cultum idolorum reddit. Sed hoc factum vindicavit statim Deus. nam, recuperato regno, & composito, iterum in Hellam tendit: qui, ab eo Angliâ ejectus pridem, nunc eandem, & Hiberniam, contra ipsam concitaverat: ac, commisso prælio infelicitissimo, copiis amissis omnibus, vivus ipse in hostis potestatem venit. isque eum crudelissimè conjicit in horrendum carcerem, plenum viperis, & serpentibus: quorum moribus miserè dilaniatus,

laniatus, tandem animam exhalavit. Animo invictus semper, ne tunc quidem fractus quicquam, inter diros cruciatus res præclare à se gestas in solatium memorabat. tum addebat, *si porcellis gnarum fores, quantus verres in tormentis nunc versetur, illis, effracta hara, opem ferrent, & eriperent.* Quæ, excepta à custodibus, cum ad Hellam allata essent, isque id de filiis interpretaretur, mox ad necem patris sui inciscendam adfuturis, mittit statim, qui è carcere eum eximerent: verum serius, & serpentum moribus jam infecto. Non ignoro alios hæc aliter commemorare; sed, in rebus Danicæ regum, cur extraneo scriptori potius credam, quam indigenæ, causam equidem non video. Itaque sic indigna morte vitam finit: princeps certè, armorum gloria, inter summos referendus. Domuit Angliam, Scotiam, Hiberniam, Orcadas, Norvagiam, Sueciam, Russiam, Saxoniam, Vandaliam: denique & remotum longè Hellespontum. etiam tumultuantes domi suos, captà per absentiam occasione; Scanos quintum, Cimbro iterum subjugavit. Filios ex uxoribus tribus undecim habuit: ex Lathegarta, Fridlevum; ex Thorâ, Rharberthum, Dunum, Varthum, Sivardum, Biornum, A-

gnerum, & Ivarum; ex Swanlogâ, Reginaldum, Widsercum; & Ericum: tum Vbbonem, ex amata in Sueciâ virgine. insuper & duas filias, ex priore Lathegarta, inter filios, Vbbo, Widsercus, Dunus, & Rharberthus, vivo patre, vario fato excessere: ceteri supervixere, re quibus variis præfecti. Toto regni sui tempore, quantum ex Historiâ constat, nil commisit, quod in bono rege quisquam jure possit reprehendere, quàm repudium Lathegartæ, tam amantis, ac præclare de se meritæ, nam quod sacra Christiana, per Haraldum in regnum suum introducta, aboleret, id in principe gentili deplorandum potius fuerit, quàm culpandum. nam, qui Christum ignorabat, pie se putabat facere, si, quos credidisset deos, miserandâ cæcitate, non malitiâ detestandâ, restitueret. verum Deus, qui nec à gentili quoquam, etsi maximè ignorante, minui honorem suum impunè finit, factam sibi contumeliam severissimè vindicavit. Multo autem gravius peccatum Haraldi: qui cognitione quamquam veri Dei nactus esset, planè tamen neq; pietatem habuit in principio, nec constantiam in fine, ac videtur quoque Deus simulationem ejus castigare statuisse, cum dejectum à Regnero iterum voluit.

I O A N N I S M E V R S I  
H I S T O R I Æ  
D A N I C Æ  
L I B E R III.

I V A R V S.



**D**E Regneri successore, non consentiunt Historici: & Haraldum quidem Anonymus, in Compendiosa Historiâ Regum Danicæ, Ericus autem Poteranus, filium Ingvarum tradit, quem Ivarum Saxo dicit. De Haraldo, tantum abest, ut hunc successisse putem, ut ne quidem inter reges collocandum esse cen-

seam. nam, cum regnum, vivo etiam Regnero, & absente, illegitimè occupaverit, non est magis regis nomine honorandus, quàm deinceps Valdemarus Slesvicensis, quem nonnulli III dicunt, sub Christophoro I I. quin nec successisse verum est. nam, bis à Regnero ejectus, profugusque in Germaniam, nunquam postea rediisse memoratur. eo tamen prædicandus maximopere, quodd, Ansgario adjuvante, Christi cultum, Danicæ intulerit primus: ac, quantumvis ipse se amplexum esse simularet, tamen verè ample-

Atendi plurimis occasione, & licentiam, exhibuerit. Itaque, cum rege Erico Pomerano, cuius fidei non est facile quid detrudere, successisse Inguarum statuo, sive Ivarum appellare eum libet. Huic proceres, quanquam plures ex Regneri filiis etiam superessent, rerum summam detulere, anno Christi **DCCCXXVI**. In principio, rebus domiordinatis, prima illi cura fuit, patris necē vindicare. itaque, paratā classe, cum in Angliam trajecisset, Hellam illic, quā crudeli patrem morte interfecerat, aggressurus, imparem se ei videns, advocato ē Norragiā, Sueciāque, fratrum auxilio, istud nactus, eum vincit, & atroci poenā afficit. nam, quodd Romanorum copiis in parentem usus esset, aquilam, eorum insigne, dorso primum insculpi iubet: inde corpus laceratum sale etiam fricari, donec inter cruciatum tam ingentem exspiraret. Quibus actis, postquam fratres dimisisset, illic mansit, ac biennium totum egit. cum tumultuantes Dani; Sivardo, & Erico, regno prognatis genere, regnum tradunt. qui, auxilia sociorum in Ivarum comparantes, sese muniunt. & Ivarus, eo motu intellecto, advocatis iterum fratribus, & Anglorum magnam secum manum ducens, in Holsatiam exscendit. ubi, post semestre bellum, grandi praelio ad Slesvicum depugnatur. in quo superati Dani, qui novorum regum partes sequebantur, ad duodecim ferē millia cecidere: victorque Ivarus, jam absentiae damnum expertus, ne auderent idem denuō, Angliā Agnero fratri demandatā, cum Sivardo item fratre in Daniā deinceps mansit. verum Angli, cum externum dominatum graviter ferrent, ac se rursus commoverent, mox Sivardum fratri laboranti mittit. cuius ope denuō redacta in potestatem Angliā, ne deinde etiam tumultuari unquam posset, maximā crudelitate in omnes usus, pium regem Eadmundum, proceresque regni ceteros, gladio percussos, sustulit. Quae in Angliā dum geruntur, etiam se movet Suecia, scelere cuiusdam Ostheni: &, occiso fratre Erico, cum Agnerus huc accurreret, ac pugnaret imprudentius, circumventus interficitur. Neque multo post Ivarus vitā fungitur, postquam regnum annis quinque tenuisset.

IVARVS.

Defuncto Ivaro, in Sivardum, ejus fratrem, Angui-oculum cognomento appellatum, proceres omnes inclinantes, regem quoque ipsum creant. Is, in juventute acer, & bellicandi admodū amans, cum ad regnum pervenisset, animum ad pacem vertit, & tranquillam aetatem egit. Studiumque juveni Deus, qui amanti pacem dedit: utque ipse neminem bello laceravit, sic vicissim neque laceratus fuit. Decedens filium reliquit Ericum, adhuc puerum, posteaque successore.

## ERICVS I.

Cum Sivardus decessisset, ejus filius Ericus, Barno cognomento dictus, in spem regni alebatur. Sed Haraldi Claghii frater, etiam Ericus nomine, pueri contempta aetate, cum in suam factionem optimates pertraxisset, regnum occupat, anno Christi, ut quidam volunt, **DCCCLVII**, vel, ut alii, **DCCCLVII**. Vbi regnum adeptus fuit, memor, pulsus fratrem Haraldum, postquam fidem Christianam amplexus esset, odium religionis, quamquam huic etiam Mogontiae cum fratre suo initiatus, magnum cepit: & doctoribus interfectis, rursus subditos ad antiquum idolorum cultum adigit. inde, ut Saxoniam sibi, Angliamque, ad rebellionem versam, subjugaret, novo sedere cum Norvagie Suecieque regibus inito, horum auxiliis subnixus, maximum exercitum parat, terrā, ac mari, occupandum. Centum hominum millia commemorantur: navium, infinitus numerus. Dividit copias, atque partem in Saxoniam, partem in Angliam, & ex ea in Galliam mittit: ac terrorem cunctis illic regionibus magnum injicit. dumque foris sic grassatur, domi amplexos fidem Christianam vexat: adeoque sacerdotum ministerium annis circiter septem cessat. Verum Deus, qui in manu sua habet regum corda, tandem hujus quoque flexit. & Ansgarius, Bremensium antistes, qui in Daniā pridem venerat, Herimbertum, & Gaudbertum, secum ducens, cum Ericum antea Mogontiae cum fratre Haraldo sacris item Christianis imbuisset, revocatā ejus temporis memoria, suadā mox oratione, & salutare, animum ad pietatem, quam exuerat, postliminio reducit. itaque rursus idolorum cultum.

ERICVS I.

cultum.

cultum abolet : & , edicto promulgato , si quis fidem Christianam amplecti vellet , id cuique liberum statuit . neque pauci , falso idolorum cultu abdicato , sacro tunc lavacro tincti . quin Ericus , promovendæ pietati , ædem sacram , quam Slesvici Haraldus frater pridem struxerat , & everterat Regnerus , denuð condit , ac doctõr pietatis Christianæ Ansgario dicat . Inter quæ religio dum Christiana efflorescit , & ecclesia incrementa indies majora capit , cum Ericus animum ad pietatem sine furo applicaret , Deus , ut judicia ejus sunt interitum admiranda , quamvis tamen iusta semper , cum exigere regni per vim occupati poenas vellet , Guthormum contra eum concitat , fratris filium . qui contendens , suum potiùs , & Barnonis , regnum esse , bellum movet . ac Guthormus idem plebi gratus erat , quod non tam privatim suam , quam Barnonis causam ageret , ideoque pertrahi in patrum se passus esset . itaque , qui in iustitiam propendebant , vim Erici detestantes , in Guthormum inclinabant : qui Haraldus nuper in Regnerum adhæserant , loco moti , ut erigere se possent , pristinamque dignitatem reparare , hi Ericum , ac præsentem regni statum , tuebantur . itaque in hoc dissidio unusquisque , quod abripiebat impetus , ferebatur . nec plebs tantum dissidebat , sed & procerum animi dividebantur : ut fortunam cogitarent potiùs Erici regis , in quâ publicam salutem , aut perniciem , positam existimarent , quàm in puerum respicerent . Verum Deus , qui largitur regna quæque , adimitque , pro arbitrio , uti puero solum paternum redderet , periniquè interceptum , partis utriusque duces , acri prælio ad Slesvicum concurrentes , cum suorum infinitâ multitudine , simul tollit . Fuit clades illa sanè omnium maximè memorabilis . ceciditque non duntaxat maxima pars incolarum hujus regni , & nobilitas potissima , sed profapia quoque regia , quæ Regnero , filiisque ejus , genita , magnum in numerum excreverat , universa : ut restaret planè nullus , præter hunc Sivardi filium , cui solum parentis reddere Deus constituerat . Tanta verò ejus pugna strages fuit , ut indigenarum plures cecidisse , quàm superfuisset , tradant .

ERICVS I.

ERICVS II, cognomento BARNO. Deletà eò , ut dixi , prælio stirpe regiâ , filius Sivardi Ericus , ejus nominis II , reliquus ex illâ solus , rex creatur . qui , quod regnum admodum puer post parentis sui mortem accepisset , Barno vulgò cognomento dictus fuit . In principio , fidei Christianæ adversus , graviter addictos illi infestabat ; bonis aliquos , quosdam etiam vitâ exuens : ac nonnulli , solum vertere cogeantur . Loca sacra devastabat , quæque ædem Ericus pridem apud Slesvicenses struxerat , diruebat . quin mittebat & in Saxones exercitum ; quod doctrinam admisset Christianam , & à regno , avi tempore , defecissent . Sed mox , sanæ mentis factus , maximè adnitente Ansgario , ipse quoque fidem Christianam amplectitur ; & edicto subditos ad idem quoque faciendum adhortatur . tum idola etiam frangit , ac delubra passim evertit . Rapis templum insigne struit ; ac constituit , ordinante hos Ansgario , qui ubique toto regno verbum Dei prædicarent : tum largitur liberaliter , quicquid vitæ tolerandæ necessarium . Tandem moritur ; ut principio hostis Christiani nominis singularis , ita fine , ob insignem pietatem , prædicandus . Obiit autem , uti proditum à nonnullis , cum regnasset annos sex & quadraginta : unicum relinquens filium , & hunc parvulum .

## O L A V S I V.

Vitâ sic defuncto Erico , cum Canutus , ejus filius , per ætatem necdum par regendo esset , inter se dissentiebant regni proceres , cui id deberent tradere , donec ille adolueret . cumque forte legi quendam placuisset , ea in Ennignupum cecidit , maximâ virtute virum . Sed rex Sueciæ Olaus , quasi vacuum regnum esset , armis illud occupavit , tenuitque annis quinque . quo extincto ,

## S I V A R D V S I V,

ejus nepos : tandem à Danis , post quinquennium , vel , ut alii , decennium , interceptus . Inter quæ cum jam

## C A N V T V S,

de quo dixi , pubertatem attigisset , destinatum dudum regnum proceres illi tradidere . Hujus tempore patriâ egressi Dani magno numero , Borussia , Semiga-

E 3

liam

liam, & Careliam, aliasque regiones sibi plures subjugarunt. Moritur anno regni undecimo, filios relinquens dnos, Snenonem, cognomento Langeodidium, & Frothonem, regem postea utrumque. Cum initio bonæ frangis minimè futurus esse videretur, postea tamen ad virtutem se convertit, ac cum laude regnum tenuit: sed infelix, ob neglectam pietatem. Huic Frothonem successisse, plures tradunt: sed Anonymo, in Historia regum Danie, ante eum

## S V E N O I

regnum tenuisse annis novem perhibetur. Ac sequutus illum frater,

## F R O T H O V I.

qui ut acer belli erat, ita felix. Angliam, quæ rebellabat, ad obsequium reduxit: & in eâ pietati Christianæ nomen dedit. utque Daniam magis quoque eâ luce illustraret, Romam mittere constituit ad pontificem Agapetum, ejus nominis II, qui doctores, ad erudiendum populum, impetrarent. sed legationem illam immatura mors præveniens impedit. Vxorrem habuit filiam Anglorum regis, Emmam nomine: ex quâ natus illi Gormo, qui successit. Diem obiit, cum viginti annis regnum tenuisset.

## G O R M O I I,

Anglicus cognomento dictus, quod in Angliâ natus esset, postquam patrem obisse intellexit, instituto illico in Daniam itinere, à proceribus rex creatur. Vbi dum res regni ordinat, usi absentia ejus Angli, denuò tumultuantur, neque ille castigare est conatus: sive animi ignavia, & non vindicare ausus; sive etiam pacis studio, ac modestiâ: & quod, gnarus, maximo imperio ferè maximam inesse curam, unus binis regnis impar, hand gravatè, coerceri intra terminos imperium, ac regendi minui sibi onus, ferret. Vitâ excedit, cum regnasset annos quatuor: ac successit filius ejus,

## H A R A L D V S V.

qui ut operæ ignavus, ita neque famæ clarus, salvo tamen regno felix, diem obiit. Ei filius succedit,

## G O R M O I I I:

quod ætatem ultra vitæ humanæ terminum usitatum produxisset, Grandævus GORMO III,

cognomento dictus. Ipse imbellis, è Thyra, Anglorum regis filia, filios gemellos sustulit, valde fanè bellicosos. Christianis inimicus, eos graviter persequitur; & ecclesias evertit, ac ministros regno pellit: adè ut Vormo potius, id est, vermis infestissimus, vulgo quoque diceretur. Inter alia, templum etiam Slevicenses solo æquavit: ac delnbra idolorum, pridem abolita, instauravit. Inde, monitus à proceribus, ut contraheret matrimonium, Thyram, Angliæ regis filiam, formâ insignem, ac pudicitia, nec non cæteris virtutibus, sibi junxit. Illa primâ nuptiarum nocte petiisse fertur, ne se tangeret, dum futuræ prolis signum per quietem accepissent. cumque Gormo annuisset postulatis, & ad somnum sese mox composuisset, visæ illi aves duæ, sponsæ utero prodeuntes, in sublime evolasse; ac reversæ, manibus suis infedisse: ubi autem paulum interquievisissent, iterum mox avolasse: inde & minorem harum solam alis cruentatis rediisse. quo perterritus visus, cum in somno se jactaret, ac clamorem quoque ederet, sponsæ ipsum excitanti, & interroganti causam, somnium refert. quod cum matrimonii fecunditatem præsignificare utrique videretur, frui etiam eo placuit. neque res successu caruit: & impleta fides somnii, cum mox geminos est enixa, Canutum, & Haraldum. quorum illo postea in bello occiso, alter solus, quod in somno patri ostensum, ceu cruentus cæde fratris, est reversus. Erant ambo, cum virilem ad ætatem pervenissent, militari fortitudine perillustres. ac primò quidem, Vandalos deficientes subegere, inde, domuere Anglos: & avunculum illic regem ed item adegere, ut hæredes testamento sibi scriberet. unde in Hiberniam trajicientes, cum Dufflinum obsiderent, ictus jaculo Canutus, vitâ excessit. & Haraldus, captâ urbe, atque rebus ordinatis, domum redit. Quæ dum foris gerunt filii, ipse arma in Saxones capit; odio religionis Christianæ, quam extinctam cupiebat: & auxilii è Vandalis advocatis, miserè gentem universam ferro, ac flammâ, populatur. Quibus rebus Henrico Aucupi, Romanorum per id tempus Imperatori, nuntiatis, arma ille ocys sumit; & ingenti

ti quoque prælio fufum, reprimat. tum, ingreffus in Holfatiam, atque agrum Slefvicenfem, ipfum mox Slefvicum capit, diripitque; oppidum commerciis tunc florentiffimum. ac, vicino adeò loco, novam civitatem fruit, & Coloniam appellat: ipfo nomine pofteris testatum cupiens, quòd huc usque Imperii fines extendiffet. tum imponit & præfectum, qui hunc limitem tueretur. atque, ut id melius poffet, arcem ponit munitiffimam, in propinquo illic colle, qui à Slià circumluitur: & vestigia etiamnum, muri veteris ruinæ, ostenduntur. in super & eam pacis legem statuit, ut religionem Gormo Christianam, cui effet intestiffimus, toto suo regno admitteret. Postquam ex Hibernià, Canuto cæso, uti dixi, Haraldus frater rediiffet, diu Gormo interfectum ignoravit. etenim, cum tenerè amaret juvenem, aliquando in mortem ejus, qui defunctum nuntiaret, juramento se obstrinxerat. itaque regina Thyra, prudens foemina, quæque sanguini fuorum parum vellet, ut periculo intercederet, solertiffimo commento, ipsa indicat marito, quamvis tacita. ac solenni quodam die, cum is vestes temporis convenientes postularet, illà funebres proferri, & exequiis aptas, jubet. quis conspectis, *video quid velis, inquit: perit Canutus meus*, atque, illà respondente, *non hoc ego tibi nuntio, sed mens tua arguitur*: animi dolore oppressus, exspiravit. Mortuo patri funus fecit, sicut rege dignum erat, filius,

## HARALDVS VI.

quem Blotandum cognomento appellabant: adeoque etiamnum exstat saxum, in Iellingi cœmiterio, Runicis inscriptum literis, clarum veteris sepulturæ monumentum. Is, ad regnum jam admotus, cum in Anglià Adelstanus diem suum obiiffet, & Haquinus, rex Norvagiæ, eam sibi testamento Adelstani velut debitam vendicaret, minimè committendum ratus, ut concederet, armis agere rem constituit. Ac justiffima causa erat; quando pater Adelstani, Herelredus, proprio excluso filio, eum dudum heredem scripserat: sed, avunculi reverentià, pacem ejus perturbandam non putarat. itaque, quàm mox Haquinus hanc invaderet, ne, quæ virtus,

pietasque in avunculum, pridem fuerat, nunc ignavia videretur, bellum parat. & occasione quoque Haraldus dabat, regio in Norvagià genere oriundus, qui, suspectus affectati illic regni, ideoque patrià profugus, opem ab Haraldo petit, & tributum pollicetur. itaque decernit classem, sub Hevindo, & Carlosto, qui cum in Norvagiæ mox trajeciffent, & Haquinus, quia navibus inferior, pugnam in mari subterfugeret, terrà præliari aggressi, ex insidiis à Thorvaldo, profligantur. & Haquinus quoque ipse post victoriam, dum insequitur palantes, & eorum intercepte classem parat, jaculo, quod quis misiffet ignoratum, interficitur. cujus morte cum Norvagiæ ad Haraldum pertineret, ille eam alteri Haraldo tradit, pridem supplici, & tributum, quod promifferat, soluturo. Hinc in Angliam, quæ jam à Gormonis tempore, ejus nominis II, denegaverat obsequium, se convertit. quâ subactà, Vandalos in ordinem cogit, mare Balticum infestantes. Dum ad bellum id se parat, Sturbiorus, Biornonis Sueci filius, ab Erico regno patrio ejectus, supplex venit, comitem exilii sororem trahens, nomine Gyriham, formâ, & moribus, excellentem. Rex auxilium pollicetur, Gyrihamque, matris suafu, uxorem capit. inde, omnibus expeditis, Sturbiorum belli in Vandalos socium adfciscit sibi: copiosiusque per Holfatiam, & agrum Slefvicenfem, ductis, mox Coloniam, novam urbem, ab Henrico Aucupe structam, uti paulo antè dixi, cæso præfecto, in deditionem accipit; obviosque ab Orkone I legatos, domum remittit: paululumque ibi loci commoratus, vetus urbi nomen reddit, & hanc regno. quibus gestis, porrò in Vandalos progressus, actâ ex vicinis agris prædâ maximâ, urbium maritarum plurimas per vim expugnat: quædam, ultrò sese dedunt. ac militiæ illic præmium Sturbiorum dat Iulino, oppidum tunc magnum, potens, & præcipuum Vandaliz: tum instructam classem addit, quâ & urbem, & mare Balticum, tueretur, Vandalosque solitis excursionibus prohiberet. Sturbiorus, cum Iulino aliquandiu præfuiffet, ac piratas domuiffet, maximè Haraldo carus, animo injuriam

Erici versans, neque ultra regno patris se per vim privatum ferens, ab Haraldo auxilium petit: neque is, virtute viri, & a finitate, motus, id gravatè pollicetur. simul militem conscribit; & Erico arma infesta illaturus, per Hallandiam copias in Sueciam ducit. quod dum agit, nuntiat-ur Otho I Imperator Cimbriam cum magnà manu invasisse, & jam ad interiora Cherfonesi properare. Causæ belli in Haraldum Othoni erant, quod legatos contumeliosè satis habuisset, Vandalos-que, dum abesset in Italià, subegisset; & in agro Slesvicensi decicisset munimenta, ab Henrico illic patre excitata. accede-  
bat, quod, quantumvis matre Christianà natus, à religione tamen alienus, eam quo-  
que profitentes graviter persequeretur. quibus motus Imperator, occupatum bello Suecico Haraldum invadit, & in Cim-  
briam incurrit; expugnari non difficilem, cum Haraldus regni robur universum in Ericum, Sueciæ regem, abduxisset. isque, eà re acceptà, Sturbiornum in Hallandià relinquit, & cum eo mediam copiarum partem, qui inceptum bellum argeret: ip-  
se, alteram partem ducens, maximis mox itineribus, novo etiam per viam milite pas-  
sim comparato, adversum tendit. Inter ista, nullo resistente, Otho usque Vendilam pervenit. ubi progredi prohibitus, sin-  
n maris interjecto, jactà in eundem has-  
tâ, fecit, ut deinde Othonis, in memo-  
riam expeditionis hujus sempiternam, di-  
ceretur: incolæque etiamnum utrobique,  
ubi castra habuere, citra fretum quidem  
Otho, ultra Haraldus, loca advenis osten-  
dunt. Errat Crantzius, qui & in Fioniam  
Othonem trajecisse dicit, & Othoniam  
illic urbem, insulæ primam, condidisse.  
nam hanc ipsam ab Othino, multo ante  
natum Othonem, structam esse, Danici  
annales tradunt. Exitum belli, variè pro-  
dunt: & auctores sunt Germani, Haral-  
dum; haud Slesvico procul, quâ peninsula  
coarctatur, regni viribus collectis, castra  
sua collocasse, ut Othonem aut interci-  
peret, aut ad pugnam vel invitum loco  
opportuno traheret; verum, prælio con-  
ferto, victum esse: Saxo autem, Vendil-  
lam usque processisse, & Othoniano fre-  
to mox prohibitum, fugienti, quam vin-

HARALDVS VI,

centi, magis similem recessisse, cæso Epo-  
ne, agminis extremi duce. idem traditur  
ab Erico Pomerano, quin, in fugam actum  
ab Haraldo Othonem, etiam Anonymus  
refert, in Compendiosâ Historiâ Regum  
Daniae. illud quidam certum putant, in-  
stituto cum Othone mox colloquio, ac  
compositis regni rebus, pietatem Chri-  
stianam amplexum Haraldum, operam  
navante Vinno, magnæ tunc existimatio-  
nis viro, pacem regno, sacram pariter ac  
profanam, comparasse: & lavacro sacro  
ablutū, unâ cum Gyrihâ conjugē, & Sue-  
none item filio, ac familiâ universâ, jux-  
tâ rivum, Sacrum vulgò eâ ex re appellatum:  
filiumque Suen-Othonem, ab Othone,  
qui sulceperat è lavacro, nominatum.  
quanquam Saxo in exilio, apud Scotos,  
ut mox dicam, factum tradat. Postquam  
Otho in Germaniam recessisset, cum ne-  
quaquam cessaturum rex putaret, ut ma-  
jore curâ fines regni sui tueretur, milite  
urbibus imperato, communire agrum  
Slesvicensem incipit, & in eo commorari:  
nil omittens, quod ad hostem, si irrumpe-  
re iterum vellet, prohibendum pertinere  
videretur. quæ dum agit, Sturbiornus,  
cum Erico, Sueciæ rege, infeliciter præ-  
liatus, superatur: & Ericus duas Scan-  
iæ provincias, Blegingiam, Hallandiamque,  
sue Sueciæ affines, capit, ac præsidio mu-  
nit. Eâ clade nuntiata, etsi graver com-  
motus, nunquam tamen institutam limitis  
munitionem intermittit. quin & mater  
ejus, Thyra, animi virilis formica, seridè ad-  
juvare opus, & auxilia advocare. tum co-  
actâ ingenti hominum multitudine, val-  
lum amplum ad Slesvicum, ubi quidam  
quasi isthmus orientis & occidentis mare  
dividit, opere immenso ducit, ac præaltâ  
fossâ munit. nomen inditum *Danewerka*,  
cen *Danorum opus* dicas. Dum Haraldo  
cum Othone est negotium, alter nominis  
ejusdem in Norvagiâ vitâ fungitur. cui  
postquam Haquinus filius successisset, is  
tributum, quod Haraldo pater dederat,  
denegabat. quippe sic existimabat; satis  
eum habiturum, si Othonem propulsaret:  
ac, si illud evenisset, cum Erico, Sueciæ  
rege, qui, occiso Sturbiorno, duas Scan-  
iæ provincias occupaverat, bellum potius in-  
cepturum. sed res alium, quàm potârât,  
finem



finem habuit. etenim Otho, ad seditiones quasdam in Italiâ comprimendas revocatus, cum Haraldo, ut jam dixi, fœdus init. Et Haraldus, non contentus Cimbriam sic munisse, fidem jam in Christum amplexus, eam in tres itidem episcopatus, Slesvicensem, Ripensem, & Arhusiensem, dispergitur. primique ibi constituti mox episcopi à Bremensi Adelago, Slesvici Haraldus, Ripæ Hadagus, Arhusiæ verò Regenbrundius. Post quæ pietatis suæ monumenta, iterum ad arma versus, poscere tribu tum statuit, quod Norvagiæ rex Haquinus exhibere recusaverat. Itaque Iulino duces evocatos cum instructâ classe mittit: ipse, in Suecos contendit. cumque illi in Norvagiâ infeliciter pugnasent, ipse Suecos, acri prælio superatos, Scaniâ ejicit, & Ericum ad accipiendam pacem mox compellit. Cumque Senti imperata detrectarent, Haquinum filium cum exercitu illuc mittit. qui cum eò appulisset, & exposuisset copias, classem incendit, & in hostem animosè suos ducit. illi verò, nimmer Semborum ingentem conspicati, cum dejicerentur animus, ipse eos adhortari; *viros sese cogitarent, ac præstarent. tum prognatos fortibus se meminissent, qui non fugere turpiter, abjectis armis, sed intrepide præliari consuevissent. ab his si degenerarent, non opprobrium duntaxat, sed periculum ingens fore; quando inter mare & hostem consiuti, nullum fuga spem haberent: turpiterque unâ horâ, si virtutem ipsi suam adhiberent, moriendum cunctis esse. magno quidem numero hostem apparere, verum belli inexpertum, ideoque vinci facilem. itaque invaderent tantum, neque de victoriâ quicquam dubitarent.* Quibus verbis ducis sui incitati, & alacriter hostem aggressi, eum fundunt. inde, totâ regione expugnata, cæcis viris, matrimonia cum uxoribus contrahentes, suam illic gentem conduunt, cujus stirps in hodiernum usque diem perseverat. Inter ista moritur Thyra, Haraldus mater, optimè de regno merita: unde etiam obitum luxere Dani, veluti communis matris; diutissimè. Sepulta est hand longè à Coldingâ urbe, in colle altero, qui mariti tumulo Gormonis objacet: eo loco, quem Iellingum etiam Cimbri dicunt. Rex Haraldus, dum deliberat, quonam modo matris tu-

HARALDVS VI.

mulum maximè ornare posset, quidam magnitudinis inusitatæ saxum ostendit, in propinquo mari situm: quod vel mole tantum suâ, cæsi nullis etiam inscriptum literis, summo ornamento foret. id Haraldus ubi vidit aquâ mersum, minimâ exstante parte, convocatos publico edicto Cimbros inde educere, & pertrahere ad sepulcrum matris jubet. Ea res exitum Haraldo tulit. quippe indignati Cimbri, instar boum se ad opus tale cogi; tum & antè odio in eum accensi, quod religionem pridem Christianam, suâ vetete abrogatâ, induxisset, clam conspirant: ac subornant, qui Suenonis filii pertenter animum, suadeantque, sumptis armis, patrem folio deturbare. *etenim insensos omnes, quod, deorum veterum sublato cultu, dudum bello fatigatis, ac vexatis maximis exactionibus, nunc vilissimum quoque opus, bubus potius, asinisque, demandandum, imperasset. itaque si non abnueret, ipsi regnum tradere constituisse, ac paratos arma capere. neque Sueno à facinore tam nefario abhorreere; tum & promptum, si promissa apparerent, se ostendere.* Hæc cum is complices renuntiasset, non celato ultra odio, rem aggrediuntur palam: ac Suenonem, concitata in Haraldum patrem plebe, in conventu Viburgensi regem creant. quod dum agunt, rei inscius Haraldus, opus inchoatum urget: nil omnino minus fore arbitrat, quàm ut regno à filio dejiceretur. Nuntiat viator factum. quem Haraldus cum prætereuntem fortè interrogaret, an majorem ipse molem trahi unquam ab hominibus conspexisset? ego verò, nihil hæsitans, inquit, vidi. ac roganti, quando, & ubi? heri, ait, in conventu Viburgensi filius Sueno publicè, consensu omnium, rex electus, regnum suum ad se traxit: nunc tu, vestra moles major, iudicato. Hoc responso postquam rex obstupuisse, illico omisso saxo in campo Becchio, quem appellant hodiè Cimbri, populum à se dimittit, armaque expedire jubet. sed, in tantâ multitudine, pauci admodum reperti, qui in fide regis patris contra filium perduellem remanerent: plurimis passim exclamantibus, *nunquam arma se sumpturos in illum regis gratiam, qui & inaudita onera, neque viris item digna, injunxisset.* Inter ista, non deferere se Haraldus: ac parare quoque

que arma, ut tueri regnum possit. & coactâ hominum manu, quantam poterat, in hac trepidatione, in Cimbriâ occurrit filio; prælioque primo victus, quicquid sibi militum à clade istâ reliquum erat, mox in Sialandiam transfert: ubi plurimi, filii impietatem in parentem detestati, se conjungunt. sed, commissâ in mari pugnâ, & fortunâ nihilo meliore usus; regno excedit, profugitque in Vandaliam: à potenti- bus tunc multum Iulinenfibus nova auxilia petiturus. verum, cum & illic Sueno profugum persequeretur, nec permetteret quiescere, neve vires instaurare, in Normanniam concessit. ubi rege Ludovico, qui Richardo, Gulielmi ducis filio, & insidias struebat, & Normanniam regno suo vindicare satagebat, profligato, cum Iulinum cum auxiliis Normannorum rediisset, iterum in filium tendit: & in Sialandâ exposito ad Helgenesâ litus milite, postquam diem ferè totum acriter ntrinque dimicatum esset, fessis ducès, ad colloquium de constituendâ pace die proximo conventuros se promittunt. itaque postridiè cum summo manè rex Haraldus, per inducias securus, ideoque paucis admodum comitatus, in vicino nemore obambulare, ac deponeret onus altè, à Tochone sagittario, qui Suenoni militabat, quemque, regni adhuc potens, aliquoties offenderat, ex insidiis telo ictus, ac lethaliter vulneratus, pace omisâ, navi imponitur, & Iulinum deportatur: atque ibi, postquam regnum annos quinquaginta duos, vel, ut alii, quinquaginta tenuisset, diem obit. Corpus mox in Daniam translatum fuit, pòinpâ maximè solenni: ac depositum in Roschildiensi templo; quod, exstructum à se pridem, sanctæ ipsæ Trinitati dedicaverat. Erat princeps, pacis atque belli artibus, cum supremis comparandus. pietate in Deum summâ, tres episcopos regno dedit, & præcones verbi Dei passim plurimos: tum & templa struxit multa, in quibus numen pio ritu coleretur. & in primis, maximum Roschildiense, de quo dixi: cui orando etiam collegium fodalium sacrorum addiderat, admodum locupletatum. Leges tulit tantâ sanè aequitate, ut has Dani, Saxonesque, post tot secula etiamnum teneantur.

HARALDVS VI.

Filios è Gyrithâ conjugè duos sustulit; Haquinum, & Suenonem: quorum hic, successit patri; ille, apud Sembos obiit.

#### S V E N O I I.

Itaque Haraldo mortuo, filius successit Sueno; etiam Suen-Otho dictus, uti supra memoravi: apud Danos cognomen tum à barbâ bifidâ consequutus. Sub initia regni sui, cum primates, populumque, in religionem antiquam propendere deprehenderet, ut insigni eos sibi beneficio devinceret, sacra Christiana tollens, idolorum cultum reddit. idque tantâ animi acerbitate, uti passim sacerdotes toto regno interficeret, aut ejiceret in exilium: frustra interdum Adelago, summo præfule Bremensium, dehortante. Ab impietate istâ, ad infausa arma transit; Iulinenfes, quòd Haraldum pridem patrem, impiè à se proscriptum, armis suis adjuvisent, ter aggressus. sed, iudicio Dei occulto, quoties patrem inestaverat, viceratque, toties item ipse funditur, capiturque, & redimitur; semel auri, bis argenti tanto pondere, quantum ipse armatus penderet. ac primum quidem pretium, supeditatum ex arario; alterum, contractum est ex latifundiis, quæ proceribus venum dare cogebatur: tertium verò, cum exhaustum ararium esset, nec pecuniæ conquirendâ nullus jam restaret modus, foennæ pariter virginesque, regis casum miseratæ, ut captivitate eum liberarent, ex collatis ornamentis confecere. atque eâ ratione libertati restitutus, cum in regnum rediisset, gratiam referre cupiens, legem tulit; ut, cum antè à paternâ hereditate excluderentur, deinceps quoque hæredes forent: filioque geminâ parte assignatâ, unam filiz concessit. idque etiamnum obtinet. insuper, ne detrimentum accepisse queri possent, regis, ut antè, bonis venum datis, quicquid unaquæque earum contulisset, reddi iussit. quidam tradunt, non collatis matronarum virginumque ornamentis, verum precibus, liberatum. sed haud equivam vero simile videatur, homines naturâ suâ, & victoriâ, feroces, sexus muliebris preces antè aurum, cui maximè inhiabant, posuisse. Post quæ tamen nihilo melior, nec agnoscens manum Dei, cum idola colere perseveraret,

SVENO II.

ret,

ret, magis etiam numinis supremi iram provocavit: ac mox, regno quoque exutus solum vertere est coactus. quippe Sueciz rex, Ericus, contractâ cum Poloniz rege Boluslao affinitate, ac foedere cum Othone Imperatore inito, animosior, & Suenonem, toties à Vandalis victum, vili pendens, maximâ collectâ manu, impetum in Scaniam facit. cui Sueno cum occurreret, præliis aliquot infelicitè commissis, regno pellitur: profugusque in Norvagiam, ad Olaum, Haraldi filium, quem in regnum pater ejus restituerat, cum auxilium pro insigni beneficio expectaret, nullum refert. itaque cum spe hic suâ miser admodum excidisset, Angliam petit, haud feliciore eventum. nam, ab Eduardo rege pro exploratore habitus, ideoque nec se tutum fatis putans, mox in Scotiam commigrat: ubi perbenignè excipitur, & habetur annos totos quatuordecim. Post quod tempus cum Ericus decessisset, verſo ad pietatem animo, atque Deo implorato, anno exilii decimoseptimo repetit regnum, recipitque. quâ re, cum solius Dei beneficio restitutum se agnosceret, ipse quoque Christi cultum toto regno restituere animum inducit: ac, proceribus advocatis, initio captivitatem suam memorat, per quam fabula toti mundo, & ludibrium, factus esset: non amissis tantum opibus, sed & famâ, & exilii-  
matione nominis sui, rebus omnibus cariore. tum &, summo cum opprobrio, inde se ab eo rege debellatum, qui ne famina quidem impetum ante id tempus sustinere potuisset; & à Thyrà, matre suâ, Scaniâ ejectus esset. inde addit, quæ indigna in exilio tot jam annos pertulisset; spretus illis, quos amicos optimos, fidissimosque, credidisset. denique, exilii locum nusquam tutum, nisi in extremâ Scotiâ, invenisse. quæ quantumvis evenire homini humanitus posse, satù sciret, nil se tamen dubitare, quin à Deo, suæ impietatis vindicæ, obvenissent. etenim regno patrem senem deturbasse; &, quam in religionem induxisset, impidè cultu idolorum instruat, eversione, verum nunc se certò scire, nullum esse Deum alium, quàm qui calam, atque terram, condidisset: quique, misso in mundum filio, se hominibus manifestum reddidisset, uti salvos peccatores omnes faceret, inter quos se maximum proficeretur, eum esse, qui in ter-

ris scepsa daret, & adimeret. ejus se offensâ pridem regno destitutum esse; & nunc miseratione, post exilium daturum, tandem etiam restitutum. itaque admonitis velle, ac rogatos, ut deinceps idolorum, in quib. nil præsidii foret, cultus renuntiarent: &, saluti animarum consulentes, Deum sempiternum colerent, populoque ad veram demum pietatem signum tollerent. Ad quæ illi: nil omnino se dissidere, quin sat ipsi fidem suam, in periculo multo adeò, maximisque, approbassent. quâ de re si dubitaret, id daturos operam esse, ut quamprimum exploratum habere queat, nec majore studio se quicquam velle, quàm quæ ipsi grata scirent, & utilia reipublicæ. sed mutare veterem deorum cultum, quem acceperant à majoribus & noveritum, atque peregrinum, sequi, quem nonnulli reges pridem, novitatis studiosi, induxissent, non se, sine magnâ levitatis notâ, unquam posse. quam ob rem rogare enixè, ut religionem antiquam, quam majores sui dudum, atque ipse, ab electionis tempore, tanto opere coluisset, sineret inviolatam. in quibusvis rebus aliis, neque studium ipsi suum, nec obsequium, desuturum. Post quæ ubi omnes à se dimississet, aliam religionis emendandæ rationem incundam sibi statuit. in quâ dum excogitandâ totus adeò incumbit, commodum ab Adelago, Bremensium præfule, Poppo mittitur; qui in Daniâ propagandæ pietatis Christianæ potestatem dari sibi à Suenone rege petat. quam cum mox obtinuisset, partim monitis salutari-  
bus, partim etiam miraculis, populum ad fidem in Christum amplectendam adhortatur, & inducit. acciditque, ut quandoque, coram rege, ac proceribus, cum in populi concione frequentissimâ verba faceret, eum quoque interrogaret, an doctrinæ habere suæ fidem vellet, si miraculo comprobaret, veram illam, cælitusque missam, esse: omnibusque affirmantibus, ac conversionem suam promittentibus, convenire universos Isefordam, portum Sialandiæ tunc satis notum, ad Roschildiam, die præstituto jubet. quod cum omnes mox adessent, chirothecam ferream candentem indutus, orat Deum, ut veritatem verbi sui non creditibus eo modo manifestam esse vellet. ac circumiens, cum gestasset aliquandiu, ante pedes regis exiit; & illæsam simul cunctis manum ostendit.

ostendit. Ea re commoti omnes, cum potentiam in hac Dei obstupescerent, verbum Dei, ut promiserant amplectuntur. tum & Sueno, pietatem studio majore colens, idolorum sacerdotibus, quos in sana introduxerat, rursus pulsus, advocat ministros Dei; & episcopos, è Saxoniâ, Angliâque, quod profugerant, revocatos, denuò suis locis reddit: Popponem, meritorum ergo, Arhusiâ imponit. isque, ut magis Chritianos, jam novitios, confirmaret, altero se miraculo illustrem facit. quippe, in eundem locum convocatâ concione, cum ceratam mox indusium induisset, idque incensum deflagrasset, nihil læsus, cum cæcis maximè admirantibus, flammam evasit. Per id tempus Suecia quoque, & Norvagia, sub Erico, & Olao, illic regibus, se ad fidem Christianam converterunt. Sed, dum Sueno domitotus in religionem incumbit, in Norvagiâ rex Olaus, magicæ artis, quam callebat, amantissimus, veritus, ne Sueno regnum, quod Haraldus pridem pater possedisset, armis repetitum irer, bellum parat. atque, ut potentiam majorem sibi compararet, matrem Erici, Sueciæ regis, Syritham, uxorem petit. quod Suenoni postquam nuntiatum esset, is prævertit: Syrithamque per legatos in conjugium suum trahit. quo deinde impetrato, cum Erico, ejus filio, inuit foedus, ad tuendam, & propagandam, quantum possent, religionem. quo Olaus intellecto, irâ ardens, & Suenonem, antea devictum toties, ac nunc quoque, uti sibi persuadebat, vinci facilem, nimis temerè contemnens, bellum indicit: & in freto, quod est inter Scaniam, ac Sialandiam, locum prælii præscribit. ubi postquam ambæ classes inter sese concurrissent, ac pugnascent summo animorum impetu, plurimis suorum captis, aut occisis, Norvagi succubuerunt: tante clade, ut Olaus cum paucissimis vix effugeret. qui in ipsâ tamen fugâ, cum videret acriter insequentes Danos, neque se evadere posse, ne in hostium potestatem vivus ipse perveniret, præceps desiluit in mare, mergiturque. quod cum uxor postea intellexisset, neque ferret infortunium, mox inedia vitam finit. Sueno, post victoriam istam, & exitium domus regis, rerum in Norvagiâ

SUENO II.

potens, palam toto regno edicit, ut, relicto veteri idolorum cultu, nomen omnes Christo darent, & religionem veram amplecterentur. inde in Anglos, qui, à patre olim victi, nunc obsequium denegabant, arma movet: & instructam classem ducit, unâ cum Canaro filio. cumque exposuisset militem, præsidio relicto ad portum, cum exercitu ad interiora tendit. Inter viam, cum acciperet ex captivo, classem Anglicam, sub Alfrico, ad eundem portum stare, reputat secum, *an reducere potius copias, & navali quoque pralio cum Alfrico experiri, an præsidium, quod reliquerat suis navibus, missis aliquot cohortibus, confirmare, & in hostem, cum exercitu porro ire, expediret.* quæ dum animum cura agitat, en Alfricus ultro adest, atque, pace constitutâ, classem tradit: & exemplo ejus moti, incolæ se passim dedunt. Præerat regno Ethalredus, juvenis valdè, & ut ferè in illâ ætate, ac potentiâ, luxu perditus, qui, acceptâ rei famâ, primo statim impetu in arma ferri. venit cum is resedisset, etiam sibi postulandam pacem ratus, eam per legatos petit; & obsequium pollicetur, *si à prædâ Sueno absineat, subsidioque legibus suis uti sinat.* Grata hæc legatio Suenoni erat, qui imponere bello finem gestiebat. itaque præscribit diem, quo se sisteret Ethalredus, ac conditionem audiret. isque cum mox advenisset, inquit Sueno: *non se temerè arma in insulam intulisse, verum eam, quæ tot annos, sæpius victa, ac subacta, à majoribus, regno Daniæ parvisset, rebelantem ad obsequium revocare voluisse. quod si sine armis queat, nihil ultra postulare. permisurum Ethalredo insula totius regimen, regiamque dignitatem, quoad vivat, dum quotannis solitum tributum pendat; ac defunctus, regnum denuò, prisco jure, in Danorum potestatem pervenire patiat. nisi velit, ideo se advenisse, ut jus suum persequatur.* Ethalredus, qui jam classem nullam haberet, deditamque magnam insula: partem sciret, & idcirco pacem quoque necessariam sibi esse, accipit conditionem. Post quæ, dum religioni Christianæ etiam illic propagandæ animum intendit Sueno, ea in Daniâ confirmatur. nam Popponi, præfuli Arhusiensi, tunc defuncto, substituitur Rimbrandus, Hartvico Slesvicensi, Marcus, Lefdago verò Ri-

ripenſi, Fulbertus. Quæ dum ſunt, Sueno porro, ſtudio religionis propagandæ ſtimulatus, multa in Angliâ pie inſtituit, quanquam alii ſuggillent. Diem obiit menſe tertio poſt victoriam; ac, ſepultus Eboraci, hinc in Daniam transfertur; & Roſchildiæ tumulatur, in exſtructo ab Haraldo patre templo, ſacroſanctæ Trinitati conſecrato: ubi & conſpicitur imago ejus, juxta patrem, cum inſcriptione patris. Princeps erat, nti varius virtutis, vitæ, ſic fortunæ. cum idola ſectaretur, impium afflixit Deus, atque regno deturbavit; cum amplecteretur fidem Chriſtianam, pium iterum reſtituit, & ad altiora evexit, aliis duobus additis, Angliæ, Norvagiæque. tribus præliis patri inſeſtus, atque eum regno exuens, totidem victus, ac viciffim quoque exutus, Deum impietatis omnis in parentes manifeſtum vindicem expertus fuit. Vxorem habuit Syriſtham, Erici, Sueciæ regis, filiam: ex quâ auctus eſt Haraldo, ac Canuto, utroque rege; illo planè effocinato, & imbelli, altero forti: ut in iſtis quoque Deus poenam vitii, ac virtutis præmium, reſpoſuiſſe videatur. Filiam quoque unam habuit, Margaretham, cognomento Eſtritham dictam; & Richardo, ut mox dicam, Normannorum ducis fratri, primis nuptiis elocatum; alteris, uxorem Ulvonis, ſummi inter Suecos loci, quanquàm natione Angli, patre Dano, & è regia proſapia: tertiis denique Goduini, Angliæ ſatrapæ; & ex eo matrem Haraldi, Biornonis, ac Toſtonis. Quidam volunt, non Eſtritham Goduino nuptam eſſe, ſed Canuti alteram ſororē, Thyram: liberosque quos jam dixi, ex eodem peperiffe.

## HARALDVS VII.

Hujus Saxo, & Anonymus in Compendioſâ Hiſtoriâ, item Crantzius, nullam mentionem faciunt: ſed Ericus Pomeranus eum ſucceſſorem ſtatuit; meminitque, tanquam regis, is qui Emma Encomium ſcripſit. itaque hic locum quoque ſuum habebit, quanquam indignus inter reges nominari: ſiquidem effocinatus aded fuit, & effuſus in libidinem, ut, in viſus inde cunctis, regno mox depelleretur: ac Canutus, ejus fratrem, ſolio imponeretur. quo & ipſo tempore poſtea, quod abeſſet ſerè regno, bellis exteris implicatus, quan-

quam in honorem regni, deturbato, eum demum receperunt. ita Dani eo tempore nec ignaviam regis ſui, nec virtutem, ferre poterant: & Haraldus, ſic receptus, ſolum haud diu tenuit; moriensque, iterum Canuto ceſſit.

## CANVTVS II, cognomento MAENVS.

Eo regnum conſequuto, Angli ſtatim, Norvagiæque, deſciſcentes, hi Olaum, illi ſibi Eduardum præfecere: cum Canutus inter iſta contra Sembos, Vandalosque, arma ferret. qui, ne contra plures hoſtes nno tempore bellum habere cogeretur, miſſis paulum, qui deſecerant, quod jam pridem inchoaverat, porro urget: cumque ex animi id ſententiâ conſeciſſet, Anglos petit. &, ne illis Norvagi auxilium ferrent, neve Daniam ſe abſente inſeſtarent, Olaum, cum Haraldo fratre regnum illic obtinentem, callidè in partes trahit, Angliæque ditioem, ſi cobatus voto ſuo reſponderet, pollicetur. quo pelleſto, poſtquam Anglos, magnâ clâſſe comparatâ, petiſſet, obvium eorum regem, Eduardum, atque diu Marte dubio repugnantem, taudem fundit. primò quidem, acies notabat Danica, & jam fugam capeſſebat; cum, Thymone Sialando, viro acri, revocaute, prælium mox inſtauratur; fugiuntque, qui viciſſe ſe putabant, multi caſi, plures capti: qui dimiſſi, præmio libertatis ſuæ perſoluto. Hic Canuto primæ adverſus Anglos pugnæ eventus fuit. plures alias memorant Scriptores gentis, & victores ſemper illos. victum tamen tandem etiam Eduardum, conſeciſſe in Normaniam: reducemque inde poſtea, novas copias in Canutum adduxiſſe. Aliter Anuales noſtri: imparemque Eduardum, icto cum Canuto foedere, in ſocietatem ipſum regni ſui admiſſiſſe; totum iſtud poſſeſſurum, poſtquam fato functus foret. Per quæ cum biennium ex-actum eſſet, mox Canutus annos ſeptem Angliam quietè tenet. Poſt hæc cum occiſus eſſet Eduardus, ſive ſcelere ſuorum, ſeu inſidiis Canuti, ut ex pacto Angliam ſolus poſſideret, quanquam actis mox in crucem perenſoribus, non evadere tamen potuit, quin ſuſpectus cunctis cædis imperatæ haberetur. Morte ejus Angliâ poſitus totâ, ut imperium in hæc inſulâ

confirmaret, Immam, filiam Roberti, Neustriæ ducis, cæsi Ednardi viduam, matrimonio sibi jungit; ac Richardo, ejus fratri, dat forem Margaretam, quam Estriatham cognomento appellabant: certiorum duplici affinitate amicitiam arbitratus. Hinc simultas cum Olao, Norvagiæ rege, intercedit, sive quod Alvinam amatam intervertisset, sive etiam, quod promissum auxilii præmium, aliquam Angliæ, uti dixi, ditionem, minimè repræsentaret. isque cum Norvagiæ repetiisset, vires statim cum Haraldo fratre jungit, Daniæque variè depopulatur. quod Cannto ut relatum, is accurrit; & exutum regno utrunque in Russiam agit: ubi tunc Olai focer, Gerithaslavus, principatum obtinebat. nec contentus sic fugasse, filium Canntum mittit, qui & illic persequatur. isque bonam ejus regionis partem cum vastasset, etiam Esthoniæ in ordinem cogit; & tributum, pridem denegatum, imperat. Hinc Canutus, altero Olao, Sueciæ rege, ad colloquium evocato, & tranquillitate publicâ borealium regnorum constitutâ, pacem firmat. tum in Angliam reversus, cum forem Margaretam à Richardo malè habitam intelligeret, eum terrâ suâ ejicit; illam recipit, præcitatque Sialandiam. Inter ista, cum Omundus, mortuo patre, Sueciæ regnum nactus esset, rex Norvagiæ Olaus, quem depulsum, & in Russiam profugum, commemoravi, animum ad repetendum regnum erigit, & Omundi opem implorat, atque rogat: *meminisset amicitie, quam parentes coluissent; operamque rebus suis, tam afflictis, nunc præstare, quam vicissim, si quandoque isdem ipse laboraret, sibi esse promptam vellet.* Nec difficilis Omundus, redditum per Succiam suam in Norvagiæ indulgebat. quo concessio, cum in regnum rediisset, illud munie, & præsidia in Canntum sibi parat. Huic tunc insidias struebat Vlfo, homo Anglus, loco sat illustri natus; ac militiæ, contra Anglos pridem actæ, uti clarus, ita carus: gratiæque, quâ valebat, plurimum fretus, petit ad Estriatham literas, quibus illa morem gerere, quicquid petitus esset, sine exceptione ullâ, juberetur. ac prætexit, ut facilius obtineret, quando Sueci Scaniam tunc incurfarent, quasi illa

CANNTVS II.

reprimendis impar esset, sibi certum, vim eorum coercere. itaque cum impetrasset, & Estrithæ ostendisset, illâ mox interrogante, quidnam peteret, matrimonium se ejus postulare indicavit. quod cum ipsa, tacitè fratrem injunxisse arbitrata, concessisset, non contentus ita regi se Olao, & Omundo, jam in regem conjuratis, focium addit: incitatque, uti vires suas jungant; Daniæque, per absentiam Cannti tunc invadi opportuna, suam in potestatem cogant. atque bellum sic partitur, ut Olaus navibus in Sialandiam impetum faceret, Scaniam Omundus terrâ, ipse autem mari peteret. Eam rem Haquinius quidam cum Canuto nuntiasset, agri Scanici duo jugera præmium capit; magnum, ut tunc erant tempora: & Canntus arma statim adversâ parat. Olaus interim, classe ad insularum unam stare jussâ, Sialandiam nave expeditâ petit: ac vocatum in concionem statim populum blandis verbis ad deditionem hortatur. quem dum quidam è proceribus alio differt, & favorem pollicetur, mox Canntum affuturum arbitratus, quidam accurrit, qui appropinquare terræ multas naves nuntiaret, quod Olaus cum turbaret, alter, qui Canuti, ut erant, copias has esse crederet, animum firmare jubet: quippe mercatores quosdam, ut solebat, advenire. alioque idem iterum paulo post denuntiante, consternatum rursus Olaus alter itidem erexit. sed Olaus, hostem esse suspicatus, mittit, qui exploret statim, bellum, an merces, veherentur. atque is, recurrens ocyus, postquam classem adesse magnam nuntiasset, non moratus ultra Olaus, fraude alteri exprobratâ, suos repetit, & in Scaniam exscendit. ac Canutus, cum in portum appulisset, fessum militem capere quietem jubet; & ab incolis edoctus, occupatam ab Omundo copiis terrestribus Scaniam, ac teneri ab Vlvo Helgam flumen, ipse Omundum apud Stangam montem cædit, cæteros in Vlvo nem mittit. qui adversam postquam insulam occupassent, Helgam, qui interluebat, ponte sternunt, mox in hostem irrupturi. ac permittit opus Vlvo, & in trajectu tantum mittere tela suos jubet: certus, summi sibi exitum Danos struere. neque aliter evenit.



evenit. nam, cum longius processissent, ceu prohibitarus transitu, copias omnes in objectâ ripâ exponit. quo conspecto, cum incenderent Dani, & alacrius irruerent, non ferente onus ponte, ac dirupto, misere omnes, animis in pugnam ardentibus, aquis mersi, perire. Ita prostrigato hoste victor Vlvo, tamen ultionem metuens, neque animi satis firmus, ad ulteriorem belli aleam experiendam, ut evaderet periculum, copias imponit scaphis, & in Sueciam abducit: Olaus, repetit Norvagian. Rex postridiè, aufugisse hostem doctus, extrahi fluento mersos; & ad Alsum, in propinquo sitam urbem, sepeliri omnes jubet. inde, ut conficeret bellum, auro Olauum debellandum, potius quam ferro, ratus, mittit, qui largitione Norvagos corruptum irent, & in regis sui cadem clam impellerent. quâ patrata per seditionem quandam Stichlestadii, Haraldus frater, neque se sat tutum deinceps illius fore arbitratus, mox Byzantium concedit: & Canuto vacuum Norvagian tradit. Verum de Olai nece, varia Scriptores ferunt: Norvagique adeo ipsi, non proditione eum à suis cæsum, sed à fratre Haraldo, volunt, cum quo de limitibus regni controversia illi esset. alii, depulsum regno, & occisum à magnatibus: quorum uxores, ob commissâ quædam scelera, pridem è medio sustulisset. denique nonnulli etiam, arma Danis inferentem, in ipsâ acie cecidisse sunt auctores. Hunc Olauum, ob virtutis, ac iustitiæ, summum studium, & armorum item gloriam, inter sanctos retulerunt. Tot jam regna cum Canutus possideret, motus ejus gloriâ Cunradus Cæsar, filiam Gunildam petit filio Henrico conjugem; & Holfatiam, antè ab Henrico Aucupe Danie injustè ereptam, in majoris amicitie vinculum, reddit; in super testatum facit, nullum sibi neque jam in eam esse, neque ante se Cesaribus nullum isidem fuisse, nec futurum sequuturis. Quibus actis, cum Cunradum Itali tumultuantes ejecissent, suo auxilio Canutus eum vindicat, & restituit. Hinc in Angliam reversus, & tot regnis gubernandis, quasi modum excedente jam potentiâ, imparem se animadvertens, inter filios ea dividit: & Haraldo, natu maximo, An-

gliam tradit, Canuto Daniam, & Norvagian Suenoni: ita tamen, ut in omnes summam sibi potestatem retineret: ac Norvagian modò viferet, modò Daniam, maximam verò vitæ partem apud Anglos moraretur. Inter hæc Estritha soror, quæ Vlsoni, uti dictum, in scio Canuto nupsorat, filium Suenonem enixa, viro gratiam apud fratrem reparavit: quanquam ea minus diuturna fuit. nam Roschildiæ postquam ille in convivio temulentus cladem Danis, quam in ponte exceperissent, carmine à se composito nimis temerè exprobraret, irritatus mox Canutus, pariter ebrius, neque contumeliam ferens, hominem occidi jubet, cujus tamen facti poenitens, post id tempus, ut forori satis faceret, viduamque solaretur, Goduinum, Angliæ satrapam, virum dedit, atque duas ditiones: quarum decimas illa postea S. Trinitatis ædi, quæ Roschildiæ veneratione summâ colebatur, consecravit. Ut potentiam verò suam, in tot regnis, atque iis longè diffitis, ac propterea minus firmam, facilemque perturbari, tueretur, militum sex millia legit, & in naves sexaginta, quibus pugnaturi essent, dispergitur. utque pacem ipsi colerent, quos præsidio publicæ tranquillitatis comparaverat, homines feroces animis, ac naturâ minime amantes pacis, leges condit, Danis pariter & Anglis, quas servare cogerentur. quin &, gnarus, maximum legum munimentum principis exemplum esse, quas in subditos sanciverat, etiam in se admisit: neque veniam sibi dedit, qui constituerat poenam. Etenim cum ebrius satellitem interfecisset, convocatis postea tribunis militum, & de folio descendit, & pro concione sedens, instar rei, quod supplicii meruisse videretur, liberè proferre jubet: se facturum, quicquid ipsi æquum esse statuissent. cumque illi secedentes paululum deliberassent, ac reversi, ei de se statuendi potestatem permisissent, & de terrâ sublevatum mox ad solum cum obsequiî demonstratione summâ reduxissent, Ergo, inquit, multæ, quam præscripsi aliis, quadringentum dabo. alii dicunt, novies tantum perfolvisse. erant verò homicidio expiando quadraginta selibræ argenti positæ: quarum primus triens regi, alter militi, tertius occisi con-



sanguineis tribneretur. cumque hic personam regis, atque rei, idem simul sustineret, sibi debitum trientem, tanquam regi, quia reus, antistitibus sacrorum, & egenus, est largitus: suo loco Deum cœli, summum regem, munere in hos translato, sic propitiandum ratus. insuper donavit auri selibras novem: statuitque, ut deinceps ea esset homicidiorum multa. Factum admodum præclarum, & rege dignum, regibusque universis imitandum! quod si facerent, multo etiam felicius cum imperiis quibuscunque ageretur, ac virtutem subditi majore quoque studio amplecterentur, qui ad vitam principis componere suam serè amant. Inter ista Sucno filius, cui Norvagian dederat administrandam, fato functus nuntiatur: cumque necdum eluxisset, mox in Angliâ Haraldus, alter filius, diem obit. ac, ceu orbitas non sufficeret, ad concutiendum animum, in Normanniam Richardus, quâ ejectus pridem fuerat, cum exercitu magno redit. verum, magni animi princeps, inter tot adversa rerum, erigit se; & in hostem copias conscriptas ducens, solâ adventus sui famâ cum fugat: ita quidem, ut, in Galliâ nullum locum satis tutum arbitratus, in Siciliam se reciperet. quod quantumvis acceperisset, ejus fugâ non contentus, & prosequitur institutum semel iter, & in mediâ Normanniâ castra locat. ubi postquam pacem incolæ per legatos petiere, eam dat, & obsides capit. neque multo post invadit morbus gravis: cumque mortem imminere animadvertit, convocatis belli ducibus, id continuare jubet, donec hostem debellassent: quod facturi certò essent, si impositum loculo defuncti corpus pugnaturi in primâ acie constituerent. tum viatores se Rhotomagum deportarent, atque ibi terrâ conderent. Hæc effatus, magno adstantium more, expiravit; princeps maximus; pietate, fortitudine, & justitiâ, nominisque item gloriâ, nullo minor. pluribus victoriis illustres alii, sed æquabat famâ omnes, & complures pietate superabat: cujus unum istud specimen dignum est quod memoretur. Cum in Angliâ aliquando, animi recreandi causâ, in Magno procerum, & nobilium, comitatu, in Oceani littore de-

ambulare, ac legatus Imperatoris, qui advenerat, regum ipsum omnium longè potentissimum appellaret, diu tacitus subsistere, neque quicquam respondere. æstu verò maris summo impetu tunc irridente, propius accedens paullo, & legatum secum trahens, illicò exutam tunicam, & in globum convolutam, in extremo littore ponit, insidetque; tum, exclamans altâ voce, mari imperat, ut quiescat; neve, ulterius procedendo, pedes sibi made faciat. ac vix eloquutus erat, cum mox fluctus, vento incitante major, maximâ cum vehementiâ provolutus, sede ipsum evertisset, ac madefecisset totum, nisi accurrentes sui ocyus in pedes eum crexissent. hinc à littore concedens, & conversus ad legatum; illum, inquit, cuius jussu commoveretur, ac quiescit, mare istud, regem jussus potentissimum appellabimus, & colemus. huic gratia sit, honoresque, qui me tantâ dignitate exornavit. nec multo post coronam regiam, auro atque gemmis gravem, capiti detradam suo, Christi cruci fixi imagini dedicavit: publicè testatum cupiens, Deum se agnoscere regem omnium regum, potentissimum. nec coronâ inde ullâ usus fuit. Sed, ut semper hominum virtutibus se vitia miscerent, neque quisquam tam beatus reperitur, qui non ullis sit obnoxius, ita quoque in Canuto non injuriâ reprehendas stuprum Alvinæ, & satellitis sui cædem, quanquam eximè expiatam; tum è medio sublatus suâ frande Eduardum, Angliæ regem, & Norvagiæ, Olavum. ac quantumvis primum fortè ab ætate excusari, alterum autem ab ebrietate possit, at postrema certè duo, si nonnulli vera de his prodiderunt, apud bonos nusquam veniam impetrabunt. Liberosex Immâ sustulit, regem Angliæ, Haraldum; Canutum, cognomento Durum, in regno Daniæ successorem; & Gunildam, Henrico II Imperatori elocatam: tum Suenonem ex Alvinâ, quem Norvagiæ præposuit. quidam tradunt, etiam Haraldum esse ex Alvinâ procreatum. Daniam tenuisse proditur annis tribus & triginta, Angliam viginti quinque. alii, viginti tantum regna universa annos possedisse, sunt auctores. Tria cognomenta habuit: atque Magnus appellatus quidem fuit, ob res gestas; Div-

ves, propter opes summas, & potentiam, quippe rex regnorum dominus: denique *Senex*, ob ætatem. Quidam scribunt, fidem Christianam amplexum, posito gentili nomine, se Lambrichtum pro Canuto appellari voluisse.

CANVTVS III, cognomento DV RV S. Hic à patre adolescens in Norvagiæ regem Olanm, qui in Russiam profugerat, uti dixi, cum infestis copiis missus, ut persequeretur bellum, cum permagnam ejus regionis partem devastasset, & Esthoniæ denuò ad tributum dandum adegisset, aliasque in oriente debellasset nationes, ob ferociam, Durus est cognominatus. In Daniâ post excessum patris aliquandiu commoratus, ordinandis regni rebus seriò intendit animum: cum iutereâ Angliam gubernat Sueno, Vlfonis ex Estri-thâ filius, ac præsidii regnum munit, ut indigenas, dum hic abest, in officio contineret. At Norvagia, ut Canuti mortem accepit, in rebellionem versa, filium Olai Magnum, ob præclara patris merita, ac virtutem quoque ejus, regem creat. Quod Canuto postquam nuntiatum esset, ne, si bellum inceptaret, Angliâ occasione uteretur, ac deficeret, potius pacisci duxit, ut, qui alteri superesset, regnum alterius possideret. & in hanc rem à senatu regni utriusque datæ literæ, ac jusjurandum, itaque firmata pax est in Norvagiâ, ut in Angliâ servaretur. Alii tradunt, missum ex Angliâ Suenonem cum exercitu à Canuto, uti Daniam, quam invaserat per absentiam ejus Magnus, vindicaret: atque eum, à Magno victum, dum in Angliam cum reliquis mox rediret, de Canuti morte nuntium in itinere accepisse. sed annuum nostrorum in his fidem sequi malo. Canutus verò, postquam pacem in Norvagiâ confirmasset, mox in Angliam reversus, omnia pacata quidem operâ Suenonis reperit: verum fratrem uterinum, Eduardum, populi favore nixum, affectare regnum intelligit. cujus ut ambitioni modum poneret, & discrimen amittendi principatus evitaret, in communionem regni eum admittit: sic ut dignitatis tamen potius confortem faceret, quam potentie. Deferuerat in Canuto illa animi ferocia, quâ cognomen Duri pridem ado-

lescens comparaverat: ac nunc contrà tam insigni pacis studio ferebatur, uti, ei in Norvagiâ conservandæ, spe successione Magni potius placandum duceret, & in Angliâ Eduardum in consortium reciperet: socium habere eum, potius quam hostem, cupiens. Sed tam bonæ voluntatis fructum mox, & vitam, amisit; regni per biennium duntaxat potens: vel, ut alii, novennium. Moriens, Suenoni Estri-thæ Angliam tradidit; Daniæ invasit

## MAGNV S,

qui cognominatus Bonus, rex Norvagiæ idque ex pacto, quod jam antè memoravi. Morte ejus intellectâ, cum armatâ manu venit; petiitque, ut, quod pridem pacti essent, nunc præstarent: atque bellum, quod negantibus expectandum, prohiberent. cogitarent jusjurandum, quo se antè obstrinxissent; & consultum incalarum paci vellent. Proceresque, non difficiles, ut religione sese juramenti liberarent, regnum tradunt, in comitiis Viburgensibus. Quæ dum sunt, adest Sueno: qui, præsidii totâ Angliâ, ubi opus visum foret, collocatis, properè in Daniæ venit, atque sibi, consanguinitate proximo, regnum ut conferatur, petit. sed senatus reculare: & hortari, ut avunculi sui pactum, quod nec ultimâ voluntate immutasset, ratum ipse esse vellet: atque sic existimaret, si vim faceret, regnum sibi minimè auspiciatum fore. Ille refert; temerarium istud esse, ac rescindi jure posse: neque tantum ei tribuendum esse, ut, quæ hæcenus imperaverint, his subesse deinceps debeant; ac communem libertatem, quam fortissimè hæcenus tutati fuerint, in subjectionem quandam in honestam commutare. Iam sententiæ nutabant, & contentione aliquâ agitari; cum postremò pars hæc vicit, cui pactum sanguine potius videbatur; rectiusque stirpem regiam præteriri, quàm vim juramento fieri. Sic repulsam passus Sueno, dum affectat regnum Daniæ, mox & Angliâ ejicitur. nam Haraldus, principis Goduini filius, cui regni ejus curam, dum abesset, demandaverat, commodam occasionem invadendi jam se consecutum ratus, Danos, passim in præsidia distributos, altu à suis ad convivia invitatos, unâ nocte omnes cecidit, Angliam in potestatem suam redigit: utque invidiam minueret, Eduar-

dum, sicut antea à Canuto constitutum, socium capit. quæta mox tamen, uti rerum ipse solus potiretur, per insidias circumventum, è medio tollit. Et hoc modo amissam Angliam, quam tot annis obtinuerant, nunquam Dani postea recuperare potuerunt. Inter ista, Anglià sic exutus Sueno, quamlibet in Danià suarum partium studiosos admodum haberet paucos, bello tamen infestare Magnum statuit. copiisque comparatis, partem navibus imponit, & in classem hostilem mittit; partem ipse in Magnum ducit, & occurrit ei in Cimbrià. sed utrâque pugnâ infelix, in Fioniam primum fugit. ubi cum auxilia nulla inveniret, & insequeretur victor, hinc in Sialandiam transit, atque ex eà mox in Scaniam, atque inde in ulteriorem Sueciam. Magnus, antè bello in Vandalos occupatus, ut Suenonem coerceret, hos omiserat: illum autem postquam terrâ, atque mari, acriter persequeretur, iterum insurgunt isti; Ratoribus, Vinnulorum principis, cædem, item octo filiorum, vindicare cupientes: & effusi in fines Cimbriæ, omnia depopulantur. Quæ cum Magnus accepisset, hæsit primò anceps animi, Vandalisne iret obviam, an perseveraret porrò hostem fugientem sequi. tandem, precibus subditorum, qui profugerant, & à Vandalis miserè se spoliatos querebantur, concedendum illud ratus, potius habuit, sævientem intrâ fines regni hostem profligare, quàm jam profligatum persequi. Itaque reducit copias; & Slesvicum, Vandalos intercepturus regressurus in angustiis, festinatis itineribus proficiscitur, tum & eos illic occupat; & consertâ manu, fundit: cæsis omnibus, aut compulsi pacem petere. Strages certè magna fuit; sed quæ variè memoratur. ac nonnulli, quadraginta illic milia cecidisse, alii, quindecim tantum tradunt. quæ victoria ita populo carâ reddidit, ut in regnum redeunti passim occurreret, operamque in Suenonem, deinceps persequendum, offerret: tum & Bononi cognomento appellaret; quod nimirum, inclinato in commoda ipsius animo, graviter grassantem hostem coercere, quàm devictum, & fugientem, longius sequi maluisset. Per id tempus Alebrandus, ar-

MAGNUS.

chiepiscopus Bremensis, secum adducens Bernardum, Saxonie ducem, & Thitmarum, Hildeshemiensem antistitem, Magnum accedit, tunc Slesvici commorantem; postulatque, concedi sibi ius ecclesiæ per septentrionis regna ordinandæ, & imponendorum præfulum tum forem Magnum spondet filio Bernardi Arnulpho, quem Ordulphum alii dicunt. Quibus actis, cum exercitum in Suenonem mox educeret, ad Halmstadium, perturbato leporis occurso equo, ac sessorem in acutos trunci fortè adjacentis stipitis ejiciente, miserè confusus periit. Alii tradunt, stante in freto Balthico classe, cum de nave transgredi in navem vellet, lapsum in subiectum mare, & submersum. quidam, morbo impetum, morte vitam naturali finivisse, sunt auctores. Regnum Daniæ annos octo, à nonnullis tres duntaxat, tenuisse memoratur. Princeps bonus, pace, ac bello: felix quoque, qui, exclusâ regum stirpe, Daniam ex pacto accepit: ut virtutem patris quoque, Olai, cognomento Sancti, honorare in ipso Deus voluisse videatur.

## SVENO III, Estrithius.

Exempto ex humanis rebus rege Magno, regnum est adeptus Sueno, Canuti Magni ex sorore Margaretâ Estrithi nepos: inde & Estrithius fuit cognomento appellatus. Eum Dani, non amore aliquo ducti, sed necessitate acti, quia è prosapia regiâ nemo alius superesset, regem sibi elegerunt. etenim, qui in petitione regni adversati ipsi fuerant, ac propenderant in Magnum, metuebant, ne, potius rerum summa, ultionem agigaret. sed hunc metum gravior vincebat alius. nam, cum Vandalis, quos tam magnâ clade affecerant, hostibus longè infestissimis, ac vindictam cogitantibus, uterentur, ne iidem, captâ hæc occasione, orbem rege regnum invaderent, qui prudentiâ inter ceteros excellebant, & periculum exaggerant, & hortantur, ut, depositâ similitudine, animum omnes ad commune bonum adverterent, ac Suenonem regem admitterent. quâ oratione adducti, mox suffragium conjungunt. In principio ipso regni, cum Anachus, Roschildensium episcopus, excessisset, à Suenone Guilielmus substituitur, Canuto olim

SVENO III.

Magno

Magno à sacris, & epistolis, gente Anglus, & virtute sua clarus: quique summum apud Roschildenses templum, quod nunc exstat, suæ ad posteritatem pietatis monumentum, inchoavit. Ad hoc tempus cum in sacris Scaniæ quoque jura Roschildensis daret, separavit juris dictio-nem Sueno; Scaniamque est partitus in episcopatus duos, Dalbiensem, & Lundensem. & ecclesiam Dalbiensem, rex Henrico; Lundensem, Egino dedit. qui cum diu de primatu inter sese contendissent, tandem Henricus, nimio vino suffocatus, malo exemplo, & inprimis in antistite detestando, vitæ excedit, & Egino locum tradit. Inter ista, frater S. Olai Haraldus, quem, post illum interfectum, in exilium concessisse memoravimus, Magno rege vitæ functo, in Norvagian revocatur. qui reversus, cum Suenonem etiam Norvagiæ regnum obtinere cognovisset, nec se vindicando parem, regnum a vitum nomine clientis primò accipere contentus fuit, postea in libertatem vindicare sentit certus. quod mox fecit, agitante inter Vandalos Suenone, & Riaduros, qui auxilium imploraverant, adjuvante. etenim qui Panim flumen accolebant, de primatu idolorum cum his ipsis concertabant. cumque res in bellum tandem erupisset, advocatus in auxilium Sueno accurrit. ac, dum abest, in occasionem Intentus rex Haraldus, quod is aliis propul-sabat, bellum infert. Id cum Sueno accepisset, illico in regnum redit: ac, majoribus apud Cimbro prope coactis copiis, mox Haraldum, ad Dyursam flumen obviis, multo viribus inferior, uti temere aggreditur, ita pugnat infelicer, vinciturque. classis magna pars amissa; Cimbri, metu consternati, ne in hostis potestatem devenirent, in Dyursam se precipites dejecere: mortem certam, & ingloriam, vitæ dubiæ, sed honestæ, præferentes. illud minime reputantes; in acie cadere, militi gloriosum esse; in fugâ, turpe. qui in hostium manus venit, & honestè hic fortunæ belli adversæ se permittit, & mox libertati redditus, iterum pugnat; ac victoriam, quam concessit pridem, refert. Sueno, in hunc modum victus, reliquâ classe vix evadens in interiores insu-

las, denuò in Scaniâ, & Sialandiâ, ac Fionia, copias, quas potest, cogit: iterumque in hostem ducens, & ad Vissam eum flumen consequutus, simili eventu pugnat. In principio, classem ordinat, vinculisque naves jungit, ne deferere se possent: ita, prælio inchoato, pugnam usque in noctem trahit; magis animo par, quam viribus. ac victoria erat dubia: verum Scani, nullâ usquam spe auxilii, & Haraldo, antea superiore, novis quoque copiis aucto, ut periculo se subducerent, clanculum solutis vinculis, noctu abeunt. quod quantumvis evenisset, neque parum diminutæ vires essent, tamen, animi infractus, denuò pugnare Sueno, quàm in fugam se conjicere, & victoriam, de quâ necdum desperabat, hosti dare, potius ducit: verum frustra, & successu, uti pridem, infelici. In hoc prælio magna Scialmonis Candidi, Sialandiæ præfecti, virtus fuit: qui, post magnam hostium stragem, pluribus vulneribus fangius, cum, prostratis sanguinis effluxu viribus, concidisset, illud sua fortitudine meruisse visus fuit, ut, cum cæteros hostis cæderet, abstinendas à prostrato manus ratus, ipsi parceret, atque vitam largiretur: tantum virum in potestatem rede-gisse, satis habens. Porro etiam As-lacus, duce suo Scialmonè dignus miles, meritò commemorandus. quippe ille, non contentus, intrâ suam fortiter pugnasse navem, omnibus abjectis armis, solum lævâ seutum tenens, baculumque dextrâ quernum, etiam in hostilem insilit: hostibusque, qui in eâ, internecione cæsis, victoriam unus de tam multis admodum illustrem refert. Rex Haraldus, parum ducens, bis jam Danos profligasse, ultra pergit: & Suenone nusquam mari occurrente, copias in terram exponens, passim adjacentes agros, ac maritimas quasque urbes, inter quas Arhusiam maximè, & Slesvicum, igne, & ferro, populatur. Sueno, etsi hostem aditu prohibere quovis modo conaretur, impar tamen, nec fortunæ item belli, quam adversam iterum expertus erat, fidere ausus, passim carpit pabulantem, quem haud tutum in-pugnare existimabat. sed mox eum, præter expectationem, liberat Deus. nam in Angliâ principis Godoini filii, in Haraldum

regem fratrem conjurati, cum à Norvago, quem dixi, supplices auxilium peterent, se suosque submittent, ille, ambitione ductus, proferendi imperii occasionem minime negligendam ratus, accipit legationem, & suppetias pollicetur. quas dum parat, & mox adfert infeliciter, Sueno regnum, cujus partem jam amiserat, totum recipit : & Haraldus, rex Norvagiæ, apud Anglos inter pugnam interfectus, morte suâ id tranquillum illi facit. ac retinuit; cum Olaus, atque Magnus, duo filii ipsius, pacem ineunt : & Olaus, ei magis confirmandæ, matrimonio filiam Ingertham capit. Cæso Haraldo, Angliæ rege, cum Wilhelmus, cognomento Northus dictus, dux Normanniæ, regnum illud occupasset, semper acriterque Sueno de eodem concertavit: dum recuperandum ipse sibi istud, ille vindicandum statuit. animosque Archiepiscopus Bremensis, Adelbertus, alique item principes in Wilhelmum propendentes, vehementer incendebant. & Haraldus duo filii, filiaque, ut victoris se Wilhelmi insoleantiæ eriperent, ad Suenonem inde avunculum concessere. isque exceptos perbenigne diu aluit; filiamque Valdemaro, Russiæ principi, cui Iarislavo nomen, dat uxorem. Sueno verò, etsi pacem cum Normanno statuisse, maxime allaborante Roschildensium episcopo, qui muneribus Adalbertum suas quoque in partes traxerat, tamen eam minime diuturnam habuit. itaque, cum rebus ipse aliis distraheretur, Haraldum, ac Canutum, filios, contra eum cum instructâ classe mittit ducentarum navium, & quadraginta: comitesque expeditionis addit, fratrem Esbernium, & Torchillum. qui, in ostium ingressi Humbri fluminis, cum in terram exscendissent, latè sparsâ adventus famâ, obvios sibi habuere, cum ingenti militum manu, Eadgarum, Ethelingum, & Walthofum: quos Normannus, passim in quoscunque sæviens, Augliâ extorres egerat. itaque, occasione classis Danicæ, vires jungunt: & inter se ictu foedere, Eboracum, obvia quæque populantes, rectâ tendunt. ac præfidiarii cum ignem in suburbia sua, ne his illi potirentur, injecissent, versâ in ipsam urbem flammâ, cum excedere denique & illi ipsi cogerentur,

eos cædunt, istam capiunt, ac diripiunt. inde in Northumbros ducunt, atque eos ad deditionem cogunt. jamque totam ferè Angliam, quâ septentrioni objacet, suâ in potestate habebant, cum, Londinum oppugnare cupientes, à Normanno occurrente prope Trentam, ejus regionis flumen, quod in Humbrum se exonerat, profigantur: atque, pace constitutâ, reducere in Daniam classem, corrupto Esberno, compelluntur. quod indignè ferens Sueno, Esbernium, simul revertisset, in exilium ire jubet, & à bello persequendo conquiescit. Hactenus Sueno animo à matrimonio alieno vitam egerat; ac, libidine variâ gaudens, liberos quindecim, verum omnes illegitimos, jam sustulerat. itaque, hortante episcopo Roschildensi, cui plurimum tribuebat, ut uxorem certam caperet, filiam Suecorum regis, consobrinam, sibi jungit. à quâ tamen, accusatâ ab episcopis nimîâ propinquitate, quanquam admodum invitatus, & reluctans, mox divertit. In hac re, dum gravius urget, maxime offenderat eum Adalbertus. isque, veritus, ne episcopos, quod Haraldus in Norvagiâ pridem fecerat, aliunde ipse caperet, ut placaret, ad Slesvicum urbem accedens, post colloquium, aliis intercedentibus, conciliatur: gratiamque istam refert, ut Henricus IV Cæsar, cum quo illi de ducatu Nordalbingiæ, ac dominio Vandalicæ, magna erat controversia, mox Hamburgum invitet, atque interruptam nuper amicitiam resarciret. Hinc reversus, animo ad pietatem applicato, templa toto passim regno multa condit, reditusque sacerdotibus amplos donat. cumque tres episcopatus hactenus haberet Cimbria, Slesvicensem, Ripensem, Arhusensem, duos addit, Viburgensem, ac Borlumentem: tum vacanti in Fioniâ diocesi Othoniensi dat episcopum Edbertum. Quibus ita ordinatis, cum religionem in regno satis benè constitutam animadverteret, ne deinceps summa juris in divinis rebus dictio penes peregrinos esset, etiam primatum sibi in ecclesiâ à Leone IX petit. ac cum eum, quam valde obnitate Adalberto, impetrasset, in episcopum Lundensem statim confert. Etenim per istud tempus Brema

in septentrione quasi Roma quædam erat: atque urbis hujus præful à pontifice Romano obtinuerat, ut ipsius in his fœgnis veluti legatus esset, ac supremâ in ecclesiis potestate uteretur. idque initio cum non grave regibus esset, ob penuriam domesticam, & virtutem episcoporum; qui religionem illic Christianam summâ fide, & industriâ, ac nonnunquam cum periculo quoque vitæ, propagabant; mox, pejoribus successibus, negligentioribusque muneris sui, & in rem privatam intentis, quin & ipsis etiam regibus, nimium præposterâ ambitione, dominari cupientibus, ægrè admodum tulere: ac denique rem planè indignatus Sueno, jugum peregrinû excutens, juris dictionem illam suo regno vindicavit. Inter ista Vandali deficiētes, ad idola, duce Plusco, relabuntur, principemque Godescalcum, & episcopum Ioannem, aliosque de Christianis, multos admodum, interficiunt: asperari, ut aiebant, à iudicibus Christianis, qui in ipsis nimis graviter animadverterent. nec contenti istâ cæde, irruunt in Stormariæ fines, & Holsatiæ; ferro, & flammâ, latè omnia devastantes. ædibus religiosis passim everfis, in ludibrium Christianorum, cruces, quas inveniunt, frangunt, urbem denique Slesvicum, eo tempore florentissimam, invadentes improvisò, populantur. tum uxorem Godescalci, Syriham, Suenonis filiam, postquàm diu contumeliosè admodum habuere, demum spoliata vestibus, nudam in Daniam remittunt. Et hæc quidem tantâ cum celebritate ab his gesta, ut eversum prius jam Slesvicum esset, quàm Suenoni hæc irruptio Vandalorum innotesceret. quibus ocyus regressis, etsi armis fugientes persequendos statuisset, nullum tamen, dignum tantis atrocinijs, bellum movet; sed, Roschildiæ ferè agens, se sacrorum cultu oblectat. ubi cum in feriis Christi natalitijs regni procures regina more veteri ad convivium advocasset, & ex illis quosdam ipse sat contempnim verba de se habuisse accepisset, sic exarsit, ut in proximo Circumcisionis festo percussores his immitteret, qui in ipso Trinitatis templo omnes, inter sacra, obtruncarent. quam rem adeò indignanter tulit Gulielmus præful,

ut intrare post id tempus cupientem, in vestibulo ipso templi, intentato in pectus pedo pastorali, prohiberet, ac carnificem appellaret; tum & sacris, dum ostenderet cædis iussu poenitentiam, interdiceret. Ea res Suenonis animum sic percussit, ut irruere cupientes milites in Gulielmum coërceret; &, in aulam mox regressus, sumptâ statim veste pullâ, illicò revertetur: ac, prostratus ante valvas, veniam delecti peteret. quam cum etiam impetrasset, mox in templum introductus, cædis à se imperatæ poenitentiam publicè testatam facit. tum triduo post, in veste regiâ templum repetit; &, consensu altiore ejus loco, dum peragerentur sacra, populo silentium mandans, iterum fateatur crimen, & antistitis indulgentiam in se prædicat: ac pronuntiat, ad imperium tam cruentum expiandum, se provinciæ Stephanicæ mediam partem aris dare. Post hæc, cum rebellionem Sembi, & Esthones, inceptarent, Canutum in eos filium mittit, gloriâ rei militaris tunc florentem; ipse in Cimbriâ, validè correptus febri, diem obit; senio gravis, cum in regno annos actò & viginti exegisset. Mortem imminere sentiens, regni procures, quotquot aderant, ad se vocat; adigitque, ut promitterent, quemque sibi filiorum, juxta ordinem nascendi, successorem habituros; & in illud juramento se obstringerent: tum sepulcro se majorum, in Roschildiensi templo, amplissimis donariis à se ornato, illaturos. quæ consensu postquam omnes promississent, expiravit. Erat princeps, inter cæteras virtutes, summâ animi moderatione præditus: & fortunam utranque expertus, nec dejiciebat eum in adversâ, nec in prosperâ efferebat. tum amore eruditus maximo prosequabatur: adeò ipse eruditus, ut Latina oratione, quicquid vellet, eleganter explicaret. verum tamen, in sacrorum administris eligendis, pluri vitæ sanctimoniam, quàm doctrinam, faciebat: quosque virtus commendabat, in his faciliè tolerabat imperitiam: ut apparuit in Suenone, è Norvagia oriundo, quem cum sacris, etsi indoctum, admovisset, æmulique, vitata codicis sui lectione, ut ludibrio exponerent, effecissent, ut vir simplex, & Latine

næ linguae rudis, *malam* regem, postquam *famulum* debuisset, inter preces appellaret; nihil motus, nec ab eo, quod sperarent, alienior, peregrè Bononiâ illum potè erudiendum mittit. ubi cum uberiorem literarum sibi copiam comparasset, domum postea reversum, Gulielmo, Roschildensium episcopo, si is vitâ aliquando fungeretur, successorem esse jubet. comis erat, & munificus; ac potissimum in extraneos, pius aded, ut in Sueciam, & Norvagiâ, Orcadasque, ac circumjacentes insulas, ablegaret, qui ignaris Christi populi verbum ejus prædicarent. Sed virtutes tam egregias cæde procerum, ac libidine variâ, contaminavit: ita ut, multiplici insignis prole, nullam tamen è legitimo matrimonio procreaverit. Fuit autem illi liberi numero quindecim: filii, tredecim; filiae, duæ: Gormo, Haraldus, Sneno, Omundus, quem Edmundum aliis appellari puto, Vbbo, Biorno, Benedictus, Canutus, Olaus, Ericus, Nicolaus, Magnus, Hardingus, Syritha, Ingertha. Ex his quinque, Haraldus, Canutus, Olaus, Ericus, Nicolaus, regnum ordine, post parentis sui mortem, sicut ille postulaverat à proceribus, tenere. Benedictus, cum Canuto est Orthoniæ interfectus, Magnus, in itinere periit, Romam à parente missus: Hardingus, in Angliâ sedem fixit, & Barclaiam illic gentem nobilissimam propagavit. Sueno, dum præripere regnum fratri Nicolao cupit, & Viburgum ob hoc ipsum proficiscitur, in itinere, febri interceptus, moritur. Apud Historicos belli Hierosolymitani Sueno quidam, princeps Danno, filius Suenonis regis, per Thraciam in terram sanctam mille ac quingentos equites adduxisse, &

à Turcis, fortiter pugnans, caesus esse memoratur. qui quandoquidem iste sit, de quò nunc loquimur, quare Historicis extraneis, quàm nostratibus, idque in nostris maximè rebus, fidei plus adhibere debeamus, causam equidem non video: fueritque alius potius ex Suenonis nostri filiis, quorum obitus ignoratur. nam hic certè quin ex febri diem obierit, nullo modo dubitandum. Fuit etiam Suenoni Gratehedio filius incerti nominis, & de cujus quoque morte nihil constat: sed, ut hunc dicamus esse, temporum ratio non permittit. Ingertha, Olao, Norvagiæ regi, elocata; Syritha, Vandalorum duci, Godescalco; cum eodem Megalopoli, ut nonnulli sunt auctores, à rebellibus est occisa: si ve, sicut alii volunt, nuda in patriam remissa, illic obiit. Cæterorum, nti vita est obscura, ita quoque mors incerta. Clarum certè pietatis præmium Sueno à benigno Deo tulit, cum, exemplo singulari, quinque filii, & hi quidem illegitimi, serie continuatâ, solum ejus possidere: nec quid tale totâ in Antiquitate, quantum memini, facile reperietur. quanquam satè in hoc ipso gloriosus potius, quàm felix, fuit, ut admixtam observare vitiorum poenam liceat. siquidem Haraldus regnum, luxu nimio pudendum; ut Canuti factiosum, & suâ cæde deplorandum: Olai, annonæ caritate, & quæ insequuta est, continuâ fame, miserabile: Erici, primò vagis ejus libidimbus, inde etiam adulterio, ac repudio uxoris, perquam turpe: Nicolai, in principio bello cum Henrico Vandalo, tum deinde intestino, Canuti Slesvicensis cæde, conjugis abductione, solii ereptione, filii strage, ac suâ tandem nece, triste, & infame.

S V E N O I V.



I O A N N I S M E V R S I  
H I S T O R I Æ  
D A N I C Æ  
L I B E R IV.

H A R A L D V S VIII.

**I**N defuncti patris locum natus maximus Haraldus à proceribus substituitur. Gravis quidem initio dissensus erat: & non pauci in Canutum propendebant, virum acrem, ac laude militari illustrem, ideoque digniorem tanto patre successorē; cum Haraldus, otio deditus, in ignavia hætenus ætatem egisset. sed, Isoram postquam omnes convenissent, & Haraldus voluntatem patris ultimam proponeret, in quam sese obstrinxissent; tum Canuti quoque fratris merita verbis elevarēt, ac muneribus adversantes clam in partes suas traheret; & benignum simul regem, atque mitiores leges, omnibus polliceretur; tandem in eum consensere. quo Haraldus intellecto, nuntium Canuto mittit, qui sententiam senatus in eodem illo portu expectabat: simul mandat, *ne deinceps, minor natus, regnum ambiat, neu ambitione sua publicam quietem turbet: nisi faciat, bello se persequuturum ipsum fore.* ac Canutus, postquam procerum alienum à se animum accepisset, illic in Scaniam tendit, in se pronam, & ex eâ mox in Sueciam. Id Haraldus postquam nuntiatum esset, revocat benignè eum, & communionem regni pollicetur. sed Canutus, semel graviter comminatus, minime fidendum ratus, institutum iter peragit; non ulturus fratris minas, procerumve, ob delatum illi regnum, contumeliam; sed in Sembos, Esthonesque, inchoatum vivo adhuc patre bellum perfecturus. Acto ad Isoram octiduo, cum de legibus ferendis, quæ promiserat, proceres commonefacerent, unam inter cæteras Haraldus statuit; quâ, candentis ferri usq. abrogato, si deficerent testimonia, iuramento se tueri unicuique permitte-

bat. ac cum magno plausu hæc ab omnibus accepta fuit. Otio inertis deses, & earum, quas tulisset, legum negligens, populo quidvis permittebat: ita ut licentiâ, & luxu item maximo, corruptum regnum mox Canuto fratri traderet: cum id annos tantum duos, vel sex, ut nonnulli produnt, tenuisset. ac videtur etiam Deus solio eum, cen indignum, adeo citò demovere voluisse, ut Canutus, variâ virtute clarus, illo, velut sibi debito, potiretur. Certè Deus, ut interdum bonos reges, ob peccata subditorum, regnis eripit, ita regna, ob peccata sua, malis.

CANUTVS IV, cognomento Sanctus. Itaque, extincto Haraldus, proceres à Sueciâ Canutum revocant, atque regem sibi capiunt. qui cum regnum nactus esset, rebus illic constitutis, bellum, quod in Sembos pridem rebellantes inchoaverat, mox instaurat: neque prius arma ponit, quam devotos ad obsequium reduxisset. Hinc, reductâ in regnum classe, Ethelam uxorem ducit, Roberti, Flandriæ comitis, filiam. Postquam verò, antiquatis sub Haraldus regni legibus, ac majorum honestissimis institutis abrogatis, non duntaxat optimates, sed & cæteri, quidvis sibi licitum existimarent, obviam licentiæ ire, & antiquas revocare leges statuit. gnarus verò, obsequium in principem, studiumque æmulandi, magis ferè valida esse, quàm propositam legibus poenam, ut exemplo omnes suo ad honestam deinceps vitam excitaret, ipse in iustitiâ pronus, eam quoque domi, & foris, diligenter exercebat; nulli delinquenti parcens, sive generis respectu, sive item amicitia. Ea res licentiæ assuetos sub Haraldus animos plurimorum asperavit, qui se denud adstringi legibus iniquè ferrent. quâ re tamen nihil motus, etiam perseverabat, neque quicquam de iustitiâ exercendâ re-

mittebat: æquum ratus, ut parerent universi iis omnibus, quæ ex æquo, atque bono, semel ipse statuisset. ac, rep. ordinatâ, etiam religionis ad se curam pertinere arbitratus, magnam item ejus gessit. nam ecclesiæ ministris & seorsim forum dedit, à civili separatum, & stipendia sua auxit. tum episcopos, qui ad illud usque tempus in divinis tantum rebus, cæteræ immunes curæ, operam suam occupassent, ut eveheret ad majorem dignitatem, publico edicto statuit, ut deinceps ducum instar, principumque, haberentur; ac supremum quoque locum inter regni senatores obtinerent. atque ita, antea limitibus inclusi suis, & sejuncti à civili potestate, nunc jus gladii accipere. quin, translata in alios sacrorum curâ, bella etiam gesserunt: malo certe instituto, & omnino improbando. nam consilia, reip. rectè & piè gubernandæ, maximè in iis rebus, quæ conjunctæ cum ecclesiâ, ab ecclesiæ antistitibus aliquando postulare, nti non iniquum fuerit, ita bellum illis ipsis, sanguinemque effundendum, tum diripendas urbes, populosque bonis suis exuendos, supra etiam, & raptus, quæque alia comitari ferè solent, demandare, planè impium: graviusque peccant ipsi, cum mandatum in se recipiunt, ac receptum exsequuntur. nec exemplum istiusmodi in ecclesiâ antiquâ ullum exstat. Magnum etiam honorem viris literatis habuit, suaque illis privilegia est largitus: voluitque item ipsos, pariter nt ecclesiasticos, cum civili magistratui antea subjecti forent, sub ecclesiæ jurisdictione esse. denique nimius, & imprudens, pietatis, quam id ævum, adhuc crudum in religionis studio, necdum ferre satis poterat, cum plus sacro ordini tributum vellet, decimasque illi dari, ita populi in se animos concitavit, ut res ea necis ipsi causa fuerit. Inter ista, Gulielmo, Roschildensium episcopo, vitâ functo, postquam Sueno, de quo supra à me dictum, successisset, summum ejus urbis templum, hæctenus è ligno structum, ut magnificentius esset, totum è lateribus struxit. Lundiense quoque templum, ad id tempus imperfectum, nt exstrueretur porro, largâ impensâ multum juvit. Fratres, nimî insolentiâ regno graves, ut

CANVTVS IV.

compesceret, suam in clientelam adscivit, unico Olao excepto, quem ducatu Slesvicensi præponebat. Inde, ne ignaviâ torpesceret suorum virtus, animum recuperandæ Angliæ adjiciebat. Ea, sæpius à majoribus subjugata, semper se in libertatem vindicaverat: & in præsens Gulielmus, dux Normanniæ, casu Haraldo, ut dictum, occupaverat. ac consilium primò quidem aperit Olao fratri; &, cum ille id probaret, mox senatui: qui & ipse huc omnino propendere. accendebat quoque socer, comes Flandriæ, exulesque item Angli, qui, Normanniæ dominationis tædio, se in Daniam receperant. quâ re animum cum firmasset, classem imperat, & in Lymicum convenire sinum jubet: unde in Angliam facilis tunc trajectus erat; nec, ut hodie, arenas objectâ mole, impeditus. ac, dum præparatur classis, rex alia necessaria animum vertit. sed Olans, regno inhians, ut consilium fratris sui palam quidem prædicabat, ita sugillabat clanculum; & in factionem suam quosdam item è proceribus, quos sciebat à Canuto alienos, pertrahere: præmia pollicitus quævis, si absente eo in Angliâ, sibi regnum largirentur. ac, vocatus in societatem belli, ad quam ultrò se obtulerat, nullam non prætendens causam, moras nescit, atque bellum remoratur. quæ dum facit, rex Canutus, nihil mali suspicatus, diu eum, sed nequicquam; in sinu Lymico, quod convenerat iussu classis, præstolatur. tandem, cum fraus appareret, dat mandatum exercitui, ut subisteret, reditumque illic suum expectaret: tum Slesvicum excurrit ocyis, unâ cum Erico fratre, experturus, quid Olaus rei gereret. quem cum planè otiosum, & securum promissorum, inveniret, indignatus, mox perfidiæ accusatum, nec tueri culpam suam ullâ ratione validum, illicò vinciri jubet. cumque miles, regii generis reverentiâ, id mandatum detrectaret, injicit Ericus manum, communis frater, & captivum regi sistit. isque victum in Flandriam mittit, ad Robertum illic socerum, sub custodiâ habendum. quam rem postquam conscii consiliorum acceperant, malè sibi metuentes, factiosâ oratione concitatos classarios à proposito expeditione

tionē absterrent, & discedere domum suadent: utque impellerent, addunt, longā expectatione regis jam deficere comitum, nec itineri instituto suffecturum. itaque, mendacio dum fidem habent, inscio rege, & absente, suam quisque domum abeunt: sed ut, eo revocante, redituri. Id Canutus ubi factum rescivisset, hoc propositum, adeo regno gloriosum, fratri unus perfidiā interceptum, admodum inique ferre. verum, eo jam amoto, nec misisti de proceribus quicquam animum inducens, iterum conventum indicit, & adesse in Cimbriā jubet. Hic, frequenti concione, graviter differt, de progenitorum gloriā, qui non tantum hostem semper imminentem quam fortissimè depulissent, sed, vitricia quoque arma in orientem, & occidentem, inferentes, superatū illic populū, fines longè protulissent. & victoriarum inter monumenta Angliam vicinam esse: quæ quantumvis pridem crepta, tamen subdita suisset regno Dania, annis amplius ducentis. sed degenerasse ipsos, ac fecisse, ut, qui antea fortitudinem gentis suæ metuebant, nunc ignaviam aspernentur, & deficere quoque audent; etiam infestā nobis arma fortè aliquando illaturi; nec contenti, suam sibi vindicasse libertatem, nostram rursum petiituri. Nuper sanè præter omnem expectationem sibi accidisse, ut propositum de recuperandā Angliā, se ignaro, & invito, adeo turpiter destituerent. quo facinore cum supplicium capitale meruissent, nolle se cum ipsis tamen summo jure experiri: ideoque imperare, navium præfectū quidem, selibras argenti puri quadragenas, ternas cateris militibus, quam pecuniam si existimarent nimiam, etiam hanc ipsam illis universam condonare, dum in decimas, pridem pro ecclesiis administris poscitas, consentirent. Ad quæ cum deliberandi sibi tempus impetrassent, ac seorsim inter sese consultassent, mox respondent; multum exhibere malle, quam exatam nuper decimam, sibi, ac majoribus, inusitatam, posterius gravem. quibus verbis irritatus, statuit quæstores duos, unum Hortam, alterum Tostoneū dictum, cognomento Peculatorem: imperatque, ut eorum, qui de classe discessissent, facultates asstarent; neque tamen aliquandiu intēntem ipsis quicquam: si fortasse, damni metu à sententiā recedentes, decimam pollicerentur. Hi mandata postquam

CANUTVS IV.

æquo gravius exequerentur, populūque expilantes in Canutum vehementer asperarent, amuli, occasione utendum rati, porro etiam incitare; primò quidem in quæstores, denique in ipsum regem: ac clamare, è medio tollendos esse, qui antiquam libertatem patrum imminutam irent; & exactiones novas, neque unquam usitatas, introducere, atque illis regni incolis onerare molirentur. idque ni quamprimum fiat, non quietem sibi ullam, neque regno pacem fore. Quæ cum illi clamitare non desinerent, primi in Cimbriā boreali Vendili ad arma currunt: impetūque in quæstores ambos facto, eos cédunt. Hos sequuti mox vicini, magno agmine se conjungunt: ipsum regem, in propinquo tunc agentem, aggressuri. qui, re illa intellectā, ut furorē declinaret, propter Slesvicum petit: ubi uxorem, & filiolū, reliquerat. quò cum tandem advenisset, quasi animo rei finem præfigeret, si quid triste pateretur, Flakiam repetere jubet, ac Robertum illic patrem. tum hortatur, ne permitteret, ut in hominum perduellium potestatem filius communis Carolus perveniret. Vendili, ferociore fugā regis, ad sequendum mutuo se cohortati, velut signum asserendæ libertatis, pileum erectum tollant, & Slesvicum item tendunt. ubi rex cum imminere persequentes accepisset, in Fioniam, & Othoniam illic urbem, cum exiguo comitatu profisciscitur. cumque fretum ad Middelsartum trajecisset, medio inter urbem illam, & Othoniam itinere, paululum interquievit. quo in loco lapidum nunc est congeries, & in medio saxum majus, speciem sedilis habens: ac Canuti hujus sedem etiam hoc tempore indigenæ vocant. Vbi cum præfectos suos, quos in Cimbriā reliquerat, ad tumultum componendum, defecisse intelligeret, dubiusque hæreret animi, Sialandiamne peteret, an Othoniæ permaneret, Cimbri fretum ad Middelsartum transisse nuntiantur. quo audito, cum præsidium planè nullum præsto esset, & in Sialandiam trajicere constitisset, Blacco quidam, quem Piponem alii dicunt, uti genere primarius, ita gratiā quoque validus, dehortatur, operamque ad sedandum populi furorē offert: ac, si videat, minime placari posse, tempestivè monitū

G rum

rum pollicetur. cumque infidiosâ eum oratione, ne evaderet, tenuisset, contrâ agit, populumque ad perficiendam cædem, in quam totus ferebatur, magis etiam excitulat: regi verò ita refert; *jam pacatum esse populum, ac paratum arma ponere, si delictum is condonet; neque penam item exigat, quam sciebant meruisse.* quibus verbis rex lætatus, cum laudasset ejus fidem, mensæ adhibet proditorê, & muneribus item donat non exiguis, ceu navatâ magnâ operâ. tum postridie iterum ad populum abire eum, & immunitatem jubet universo, quam petierat, polliceri. atque ille rursum contrâ, quanto potest studio, accendit omnes: jam adesse tempus dicens, quo tyrannum à cervicibus removere suis possint. quâ re magis inflammati, per vestigia Blacconis urbem invadunt, & Canutum, in Albani fano orantem, irruentes interficiunt. Benedictus, ejus frater, socius periculorum, fortiter eum ferro gerens, ac propulsans irrumpentes, unâ cadit. at Ericus, alter frater, quem divina providentia Daniæ regem aliquando esse vellet, per confertos perduelles validâ erumpens manu, viam aperit, & evadit. ab adversâ parte Blacco, dum, disruptis templi foribus, impetum in illud facit, sceleris sui poenas luit: & ab his, qui propugnabant, trucidatur. Ethela verò, conjugis Canuti cæde nuntiata, uti pridem is mandaverat, Carolum filium secum trahens, Flandriam petit, & ad patrem sese confert. Filias in Daniâ relinquit duas: hanc Ingertham, alteram Cæciliam dictam. & Ingertha, post Fulconi, viro in Sueciâ nobilissimo, à quo Folchunorum genus, elocata, Benedictum, ac Canutum, filios enixa fuit: at Cæcilia, nupta Erico, Ostrogothiæ præfecto, Cannum alterum peperit, & Benedictum. Cædis tempus, incidit in diem v i Id. Julii: sed de anno, variè Auctores produnt. nam millesimum nonnulli octogesimum & septimum, quidam octavum, alii nonagesimum statuunt: sed Ælnothus, qui ætate ejus vixit, omni exceptione major, octogesimum sextum refert. idque etiam confirmat tabula, inventa Othoniæ, in ejus tumultu, dum sacellum reparatur, anno c i o x l x x i i i. Ac Canutus, tam nefariè interemptus, in

CANVTVS IV.

sanctorum numerum relatus fuit: & dicata ei ædes summa Othoniæ, quæ Canuti etiam hodie nuncupatur. Princeps laude armorum clarus, quique rebellantes Sembos, Esthonesque, & Carolandos, ad obsequium reduxit. etiam recuperare regnum Angliæ apud animum constituerat, ni propositum Olaus frater perfidè impediisset. justus, & æqui, ac virtutis denique omnis, rigidus custos; cum offensâ subditorum, qui licentiæ, luxuique, sub Haraldo rege fratre nimium assueti erant. adeo nempe multum refert, quæ cuiusque virtus tempora fortitur. itaque, imprudenter pius, dum ecclesiæ administris optimè prospectum cupit, sibi necis causam parat. Certè princeps, qui obsequium conservare subditorum sibi volet, providè curabit semper, ne id unquam nimis oneret: neve imperet, quod non possit sine motu impetrare. nam, si semel universos ad seditionem egerit, majestatem non tuebitur; sæpe neque principatum: immò, quod Canuto huic, aliisque, usu venit, neque vitam. Et illustre hic exemplum est regibus, principibusque, iram populi, vel injustam, minimè contemnendam esse. Certè hic Canuti casus, uti suo loco dicam, postea docuit Valdemarum I sapere, & voluntati modum ponere: tum cavere, ne, quid nimium cupiendo, populum eadem in se ratione concitaret. Regni tempus, uti mortis, variè tradunt: ac septennium à quibusdam, aut octennium, memoratur; alii, decennium tribuunt.

OLAVS V, cognomento FAMELICVS. Cæso itaque Canuto, Cimbri, qui auctores cædis, Olavum fratrem, conjurationis principem, quem insignem relaturum gratiam existimabant, regem creant. Tenebatur is in Flandriâ, apud comitem Robertum, socerum Canuti regis; illuc missus sub custodiâ, ut jam paullo antè dixi. Quam ob rem comitia cum indixissent, visum cunctis, Nicolann fratrem mittere, qui & liberaret illum, & pro ipso obsidem se exhiberet. isque, in Flandriam profectus, liberat caput; & exemplo caritatis, vel in fratribus, planè raro, carcerem pro eo subit: & Olaus, cum in Daniâ rediisset, solum infelix capite: ærunosum, & infame, summâ annonæ carita-

OLAVS V.

te,

te, regnum totum habiturus. quo Ericus intellecto, qui in vincula pridem eum coniecisset, cum metueret ultionem, illud in Sueciam se cum Botilda uxore confert. Olauus, regno jam potitus, ut initia ferè principes, famæ suæ commendandæ, bona amant, nihil sibi prius duxit, quam ut fratrem Nicolaum, pro se apud Flandros captum, liberaret: idque fecit, misso ingenti liberationis pretio, quod pollicitus pridem fuerat. ac securus jam agebat, rebus prosperè fluentibus: populusque, ex sententiâ animi sui regem nactus, valde sibi gratulari. sed non diu gaudium stetit. &, infestus patricidis iustus Deus, uniuersos maximâ afflixit fame: neque destitit, dum è folio fraterno sceleratum infestorem removeret. Tanta verò caritas annonæ fuit, ut de herbis, ac radicibus, passim adedò concertarent, mutuisque se vulneribus, velut bello intestino, interficerent. quin inediâ etiam milleni aliquot miserè interdebant. Sueno, præful Roschildensis, quod futurum, auguratus, & ad pœnitentiam omnes seriâ oratione adhortatus, ut supplicio se eriperet, qui flagitium improbabat, regno excedit: & itinere in terram sanctam instituto, Rhodi moritur. Olauus, toto regni tempore nihil memorandum facit; summâ rerum caritate, ac fame, miser, & invalidus: neque, sortem miserantibus ipsis hostibus, etiam patitur. Tandem, ærumnarum plenus, neque ultra manum Dei, quam gravissimam sentiebat, ferre potens, deprecatus, subitâ morte liberatur. etenim, cum festum Christi natalitium celebraret, proceresque, usitato regibus more, ad convivium advocasset, neque panis, quem apponeret, satis esset, ad erubescendam adedò egestatem se redactum animadvertens, in præsentia optimatum, lacrymas ubertim fundens, orat Deum, ut, misertus populi sui, publicam calamitatem suâ morte terminaret. audiitque manifestò preces numen: quippe nocte insequutâ, postquam lectum, firmâ admodum valetudine, petisset, graviter afflictam animam expiravit. Regnum, scelere acquisitum, in miserâ, iusto numinis iudicio consequutâ, parvo tempore possedit. Eum Deus, quanquam indignum, propter interfectum fratrem,

OLAVS V.

voluit regnare tamen, ut puniret evidentiùs: & ostenderet, se flagitia tam nefaria, etiam in illis ipsis, quos ceu deos in hac terrâ collocavit, quàm gravissimè detestari: tum sacrata sibi esse regum capita; &, eorum si quis maiestatem lædat, severissimè vindicare. Nullum autem regni fructum ipse tulit, quàm quod illud, per ærumnas summas triste, suo sine lætum fecerit: eo uno prædicandus, quod, delicti sui pœnitens, pro salute subditorum mortem optaverit, & obierit. Regnavisse annos septem, tradunt quidam; alii decem: at Ælnothus, auctor illi coætanus, cuique maior ideo habenda fides, octo, ac menses ferè novem.

ERICVS III. cognomento BONVS. Subitò defuncto Olao, Ericus frater, què in Sueciam profugisse, rege hoc pronuntiato, memoravi, à proceribus revocatur, & in regno constituitur. Sub initia principatus, postquam Albi, atque Herriambo è Scaniâ oriundi, ac proscripti ob flagitia, mare Balticum infestantes, tutum apud Vandalos receptum haberent, bello ipsos petere visum. itaque, instructâ classe, in Iulinum, maximam ipsorum urbem, arma vertens, eam obsidet, capitque. inde in transugas, ac piratas, ut supplicii gravitate metum alius injiceret, ac deinceps à piraticâ exercendâ absterret, quamlibet naturâ mitis, severissimè animadvertit. urbem ipsam, quæ non raro Danos bello lacessiverat, sic evertit, ut recuperare postea dignitatem priistinam, potentiamque, non potuerit. Etenim rex prudenterissimus, cum videret, ideo feroces Vandalos sæpè regno insultare, ut, ereptâ illâ urbe, etiam animos dejiceret, ac piraticam prohiberet, funditus delendam censuit. Quibus gestis, postquam domum rediisset, Vandalis, ut urbis suæ excidium ulciscerentur, tempore aliquo interjecto, minimè expectantem invadunt; Daniamque, obviis quibusque castris, populantur: inde, quâ adveniant celeritate, se recipiunt. Hæ re commotus graviter, cum instructâ militum manu in Vandaliam bis trajicit: atque ita eam domat, ut deinceps, ipso vivo, nihil tale moliretur. Interista, pietate in Canutum fratrem motus, mittit Romam, qui exponeret pontifici,

ERICVS III. G a quàm

quàm indignè, & ob causam adeò piàm, à tumultuante populo cæsus esset; peterentque, ut in sanctos referretur. nec legatio frustra fuit: nam petitioni pontifex admodum benignè annuit, ac constituit, ut, qui Cnutus hæctenus appellatus esset, jam Canutus, seu augustiore nomine, sicut olim Abrahamus pro Abramo nuncupatus, diceretur. inde iusta Othoniæ facit, coràm antistitibus regni universis, & proceribus; loculoque faxeo exemptum corpus, æneo inaurato condit. Ortà lite cum Bremensi archiepiscopo, Liemaro, cum is sacris prohibere ipsum vellet, ut præverteret, Romam abijt ad Pascalem, tunc pontificem, ejus nominis II; & negotio explicato, causam obtinet: admirantibus universis cum facundiam singularem, tum proceritatem corporis excellentem. neque illud satis habens, cum indignum existimaret, in religionis causis se eidem subjacere, Romam repetito itinere, à pontifice impetravit, ut ecclesiis suis deinceps summus præsul ex indigènis legeretur. *etenim, commodius doceri ab iisdem populum; quàm ab illis, qui nec linguam, neque mores ejus, nòssent: tum interprete extraneos, longè distitos, literisque internumtius, quæ interdum longiore temporis morâ detrimentum ingens ferrent, indigere.* Neque diu pontifex cunctatus mittit, qui & locum caperet, idoneum sedi, & primatem constitueret. isque, regno perlustrato, Scaniæ primariam urbem, tum episcopatu insignem, Lundiam capit; & Alcerum, virum pietate clarum, & illustri inter Cimbro loco natum, summum præsulem ecclesiæ, ac primatem, esse jubet: adjicitque alia septentrionis duo regna, Sueciam Norvgiamque. Sed Historia hic confusa est: ac primatum à Leone IX pridem, à quo anni ferè elapsi quinquaginta, petere Sueonem III, vti præfuli Adelberto, Liemari, quem jam dixi, decessori, agrè faceret, atque etiam obtinere, supra, in illius rebus, memoravi. nisi forte, quod videtur, Adelbertus, quâ valebat Romæ gratiâ, id effecèrit, ut pontificum successorum aliis quidam hoc decretum revocaret. Verùm neque in Erici isto facto satis sibi constat Saxo: ac, cum illud in hoc tempus rejecisset, atque Romam iteratò

ERICVS III.

abiisse memorasset, mox id dicit, cum in terram sanctam iret, dum abesset, per legatos à pontifice impetrasse. quod diffidium quâ conciliari queat ratione, planè ignoro. & Ericus Pomeranus, dicit ipsum, in itinere isto sacro, postquam Romam advenisset, ac pontificem eâ de re compellasset, postulatam tenuisse. Cum Ericus, magnâ sui nominis existimatione clarus, urbe Româ rediisset, foris pace fortunatus, domi sibi infortunium non exiguum comparavit. etenim, cum citharadum, artem suam prædicantem, ac dicentem, homines redigere se in furorè quovis possè, dare specimen compulisset, evestigio amens factus, quatuor è satellitibus ipse suis interfecit. quod deinde, mentì denud restitutus, cum doleret vehementer, non contentus iusta occisis fecisse, cum liceret porro impunito agere, & amentia satis quoque excusaret, ac majestas tueretur, sibi ipse pœnam indixit; & in terram proficisci sanctam statuit, ut sic cædem perpetratam expiaret. ac propositum quanquam diu clam senatum habuisset, & aperuisset tandem, in conventu Viburgensi, is omnino obtestari, ut omitteret, neque regnum destitueret. tum orare, patriæ se patrem esse, atque ipsos liberos suos, cogitaret: quos si sic desertum iret, in impietatis notam non exiguam incursum. cumque nihil moveretur, genibus ejus advolutus, fundit lacrymas, obsecratque; ne privato suo voto bonum publicum posthabeat: atque sic existimaret, magis Deo, regno laudabiliter administrato, quàm profecione istâ, etsi pietatis ergò institutâ, placitum: utque voti anxium religione liberaret, se, & populum, mox egenis tertiam bonorum partem largiturum. sed Ericus in sententia persistebat, & negabat; ita redimi culpam posse, aut se voto liberari. nam perjurio nihilominus se teneri, & inopia involutum regnum iri. malle suo sumptu ire, quàm cum damno subditorum pietatem exercere. Antè tamen, quàm propositum sibi iter inchoaret, rebus omnibus ordinatis, filium Haraldum, natu maximum, regno præficit; Scialmoni verò Candido, cui provinciam Sialandiam, Rugiamque, per id tempus vectigalem à se factam, demandaverat, educandum dat Canutum: tertium Ericum verò, aliis tutoribus tradit. inde,

ut



ut staturâ erat ipse maximus, prout quique longitudine eminebat, ita viâ comitem legit. addit sociam se Bothilda; quamvis thoro separata, tamen fidi in maritum affectus constans. In itinere, quod instituit anno regni sui octavo, ab Alexio, qui Constantinopoli imperium tunc Orientis obtinebat, permagnificè est exceptus. sed, dum redit, ipse, & Bothilda uxor, cum in Cyprum pervenisissent, vitâ functi, in hac insulâ tumulum suum invenere. Mortis tempus, non eodem modo fertur; & Ericus Pomeranus, tradit in millesimum centesimum, ac primum annum incidisse: at Anonymus, quartum annum post id tempus nobis memorat; millesimum centesimum quintum. Fuit Bonus cognomento appellatus, quod, ut regnum accepisset, illic ubertas tanta rerum omnium sit fecuta, quanta caritas sub Olao pridem fratre exstiterat. Ac profectò alias habebat dotes, quibus etiam hoc cognomine dignus esse merito censerî poterat. etenim benevolentia in subiectos tantâ erat, ut, comitia cum dimitteret, blandè procères rogaret, domum postea reversi, vellent conjuges, liberosque, suo nomine salutare: tum promitteret, sedulò se curaturum, ne injuria cuiquam ulla, aut vis, fieret. neque verba illis dabat. adèd observans æqui, ut, si quisquam contra jns, & fas, opprimere quenkum veller, maxime pauperem, quem tenuitas fortunæ opportunum Injurie potentiorum faciebat, severissimè vindicaret. itaque & malis erat metuendus, & amandus bonis omnibus. pius etiam; animoque in Deum grato, Slangendorpii, ubi natus, eo ipso in loco templum, monasteriumque, struxit: quorum etiamnum illic rudera conspiciuntur. Eloquentiâ sic valebat, ut, quæ vellet, in comitiis semper cunctis persuaderet: voce adèd sonorâ, ut impleret concionè, & à remotissimis quibusque etiam facilè intelligeretur. Accedebant dotes corporis: ac staturâ excelebat, nti inter circumstantes quoslibet, vel procerissimos, humero tenuis emineret: membris ita ordinatis, ut compages maxime decora effer: facies, imperio digna, majestatem præ se ferre. denique robur tam insigne, uti sedens longius, quàm stan-

ERICVS III.

tium quisquam, hastam, lapidemve, jaceret. Sed tam bonas animi corporisque dotes, cæteramque omnem gloriam, unicâ libidinis nube obscuravit. nam, addictus concubinis ante initum matrimonium, illud ipsum, post contractum, adulterio turpiter contaminavit. nec contentus, etiam repudium uxoris addidit; summâ castitate fœminæ, quam & mores honestissimi, & decora principii matronæ forma, commendabant. Liberos ex concubinis genuit, Haraldum filium, natu cæteris majorem: cui regnum per absentiam gubernandum demandaverat. ex Bothildâ verò conjugè, Petrum, ac Canutum, sustulit, ducem inde Slesvicensem, qui Roschildiæ interfectus: tum cognominem Ericum, ex adulterio, postea regem. filias præterea duas; Cæciliam, Erico nuptam, Falstria præfidi: tum ignotam quoque alteram, Haquino cuidam, inter Cimbros nobilissimo, elocatum. Regnum tenuit, uti quidam prodidit, per sexennium: alii, decennium tradunt.

## NICOLAVS.

Certiôres de Erici morte procères, ejus filium Haraldum, cui ille regni curam, cum abiret, demandaverat, ob asperitatem morum, in ordinem cogunt; & Suenonis filiis successionem rursus liberam, sicut ipse constituerat, esse volunt. Inter istos adèd cupidè regnum affectabat Sueno, ut, senatu præterhabito, sat præfidii sibi esse in conventu Viburgensi positum existimaret. sed, dum iter huc festinat, neque cogitat, frustra regnis, quæ à Deo conferuntur, inhiari, inter viam, febri interceptus, moritur. Cui Vbbo, ordine ætatis proximus, cum succedere deberet, & offerrent quoque procères, is contrariâ modestiâ, & omnino singulari, veluti onerosum sibi, deprecatus, in minorem natu fratrem, Nicolaum, sceptrum transfert. in quem cum & senatores consensissent, ille nil cunctatus accipit, & acceptum in principio maximâ cum laude gerit. sed, virtutis parum constans, cum in vitia declinaret, se, regnumque, plurimis involvit malis. Et Henricus, Godescalci, Vandalorum principis, filius, ex sorore Syriathâ nepos, qui, à suis post parentem interfectû in exilium com-

NICOLAVS

G 3 pul-



pulsus, din in Daniâ vitam egerat, ac, devictis tandem illis, principatum patrum recuperaverat, cum maternam hæreditatem sæpe frustra ab avunculo postulasset, armis extorquere nisus, bellum infert. initoque foedere cum Nordalbingis, terras inter Albim flumen, & Slesvicum, populatur. tum ulterius progressus, agrum quoque Slesvicensem universum plurimis incursionibus aded infestum reddit, ut præsidio se tueri Nicolaus cogeretur: cum Elivus, qui ducatu Slesvicensi tunc præfectus, bellum suadet. isque, obsequens consilio, classem in Vandaliam ducit, equitatum, per Holfatiam ducendum, illi mandat. Sed Elivus, qui consilia cum Henrico clam miscuerat, ut facilius pedites is profligaret, moras neçtit; equitesque, varie interquiescens, circumducit. ac subinde, ne prodicio appareret, nuntios mittit, qui cunctationis causas, magno studio confictas, indicarent. simul etiam promitterent, se, quamprimum fieri posset, adfuturum. Nicolaus, nihil fraudis suspicatus, copias in terram exponit; ac, tentatâ infelicitè belli alca, quamvis fortia quæque faciens, & Cannto insuper, nepote faucio, mox in Daniam revertitur: tum Elivum, jam perfidiæ manifestum, ad se vocat; exiitque præfecturâ, & bonis omnibus, quæ in Daniâ, velut ejus regni cliens, possidebat: plus supplicii in inopiâ, & infamiâ, quam in morte, situm ratus. Quibus in Vandalia gestis, dux Henricus, insolentior victoriâ, gravius incumbit Danis; &, maritima quæque loca atrocissimè populatus, etiam Slesvicum urbem oppugnare tandem audet: sed repulsus, maximâ virtute civium, cum suorum clade redit. His Henrici incursionibus cum Canntus, filius Erici Boni, Nicolai patris militiam sectans, devastatum miserè ducatum Slesvicensem cernerent; ac deesse illi ducem, qui injuriam Henrici, & vim, armis propulsaret, adit regem; & præfecturam, quâni oblatam gratis plures, motu Henrici, recusassent, sibi demandari petit: atque eo, nisi pretio perfolinto, concessurum se negante, venum datâ facultatum parte, redimit. Hinc, reducere in antiquum statum cupiens, per legatos nuntiat Henrico pacem; eâ lege, ut, quæ

NICOLAUS,

dederat, damna sorciat. & abduclam prædum reddat. interim, ceu jam tum certus de responso, arma parat; & negantem proferenda. acciditque, quod futurum exstimaverat. nam Henricus sat ferociter respondere; nec cum Danis amicitiam ullam vellet, nec hereditatem petere, donec eam accepisset, desistit. itaque Canutus mox redire eosdem, & indicere bellum jubet. quo Henricus intellecto, dictitare sat contemptim; similem Canutum equo, qui lassiçiat, neque frenum, aut fessorem, patiat: verum mox se injecturum; & salturum, ut deinceps illum quoque ferre descat. quo responso irritatus magis etiam Canutus, arma comparata movet: &, vigiliâ noctis primâ tacitè ingressus iter, nec per viam quenquam ledens, nuntiumque adventus sui antevertens, prius quam sol oriretur, Henricum in arce suâ occupat. isque, se oppressum videns, cum nil minus expectaret, nec præsidium advocare, nec resistere oppugnant, satis validus, quod restabat, illicò conscenso equo, per subiectum amnem evadit. ac Canutus, eum in fugam compulsi se satis habens, arcem expugnat, diripitque: & opima ferens spolia, domum redit. Hinc continuatum bellum est, levisque interdum pugnis mutuo se divexarunt: donec tandem in Vandaliam impetum Canutus faciens, iusto prælio superatum fugere Lubecam cogit, aliàs quoque commorari illic solitum. atque, dum hic delitescit, porro in Vandaliam tendens, totam penè ejus ditionem vastat, qui cum fractas planè vires suas cerneret; ac time-ret, qucis terrori pridem fuerat; animum ad pacem vertit, & per literas eam petit. quas Canutus, simulatque accepisset, vir magnanimus, ac contentus, semel hostem debellasse, maluit servare fractum, ac jacentem jam erigere, quam omnino persum dare. itaque, viginti equitibus comitatus, majore audaciâ, quam prudentiâ, pace necdum constitutâ, in Vandaliam ad Henricum proficiscitur. cumque ad arcem, in quâ erat, pervenisset, nuntium mittit, qui adventum indicaret, & educeret ad colloquium. ille verò, ut ad mensam adsidebat, exilire, & ad arma ocyus vocare suos. sed, periculi nihil esse, nuntio pronuntiante, & adesse pacis causâ, ubi esset,

esset, ac quāni propè, percunctari. inter quæ adhuc loquentem cūm Canutus occuparet, alter in alterius amplexum ruere, neque lacrymas continere. ubi Henricus, maximam humanitatem, animique magnitudinem, ac virtutem, admiratus, in hanc vocem erupisse memoratur: *infelicem certe Daniam, cum hunc talem, ac tantum, virum olim amissura erit!* inde, unā discumbentes, ac benignè de illatis utrobique damnis questi, ita demum convenere; ut Canutus, qui Henricum, ad conciliandam sibi amicis Nicolai gratiam, sedulo adhortatus erat, bona omnia, quæ deberi ille sibi ex hereditate diceret, pretio soluto emeret; ac teneret, dum redimeret Nicolaus. In hoc foedere, hunc in modum constituto, ambo deinceps constantissimè permansere: & Canutus postea hæc ipsa bona eodem pretio Nicolao venum dedit. isque Henrico quam hereditatem antè injustè admodum, maximo suorum damno, denegaverat, nunc conditione cā, quā tor mala, tam ingentia, prohibere potuisset, tandem tradit, & cum eo pacem init. Post quæ, cūm Henricus senio se gravari persentisceret, ac focordes esse filios, nec capaces principatus, tum vicinos sibi Saxones, inimicos, cogitaret, factu optimum putavit, ut Canuti eos fidei magno studio commendaret. inde, morti suæ proximis, iterum orat vehementer, ut tutelam filiorum, regimenque principatus, capere velit. quippè illos, minimè pares, ac se alium, in quo acquiescere possit, ignorare. cūmque ipse subterfugeret, & invdiam prætenderet, quā se flagitaturum sciret, porro instat; & adjungit, *facile Lorhærum Casarem, quatenus ejus interesset, ratum item habiturum.* itaque permotus tandem, curam admittit, regimenque pollicetur. & Henricus, ut Canuto aditum faciliorem strueret ad principatum, illic ad Cæsarem legat, qui & acta indicarent, & rogarent, ut habere rata vellet: atque ut negotio minore impetrare queat, mittit munera, majestati Cæsaris convenientia. ac Canutus à se addit equum insignem, fræno, sellâ, phalerisque auratis, stratum: tum & soleis ornatum, ex auro puro fabricatis. Cognitâ legatione, Cæsar, cupidus promovendi in septentrionem Imperii, blandè admodum, & probare acta ducum se

NICOLAUS.

respondet, & Canuto principatum terræ Megapolitanæ suo tempore hand gravatè firmaturum. Hoc legati cūm Henrico retulissent, is Canutum, jam in fata concessurus, advocatâ optimatum concione, Vandalorum, qui imperio ejus suberant, ducem appellat. ac Canutus, eo mortuò, mox ad Cæsarem profectus, cūm promissum postularet, non duntaxat illud obtinet, sed donatur etiam Vandalicæ regno; & coronâ, quamlibet obnitens maximè, decoratur. etenim Cæsar, qui Canutum regis stirpe natum sciret, ac duobus tunc ducatibus, qui à limite Slesvicensi longè in ortum se porrigerent, præpotentem; insuper virtute clarum, animique, & gestarum à se rerum, magnitudine excellentem; commodam occasionem exercendi in septentrione imperii, quod nequicquam ante se tentassent alii, consequutum sese ratus, ultro neque expectantem, & renuentem, Vandalorum, quatenus ad se pertinebant, regem creat. quo honore præter sui animi sententiam auctus, postquam domum rediisset, quam provinciam nactus erat, summâ curâ, & prudentiâ, exornare mox aggreditur; tantâ laude, nominisque sui famâ, ut, quemadmodum subditi amabant plurimum, sic vicini, exterique, formidarent. Sed, dum pacem suis curat, & constituit, Haraldus, & Ericus, fratres, inter sese dissidere. & Haraldus, quam virtute se nacturum desperabat, scelere famam aucupatur. nam, coactum se in ordinem post parentis mortem dolens, ut per fas, ac nefas, sibi gradum ad potentiam strueret, latrocinii, & piraticâ, reddere infestum regnum conabatur. tum Roschildiæ imminerebat; structâ juxta urbem arce: quæ æquata solo hodie, vix vestigiis exstantibus, ejus adhuc nomen servat. Hinc non tantum agros civium populari, sed & urbem ipsam, ausus, vi nonnunquam irrumpebat; nec redibat, nisi cum ingenti prædâ. quod cūm faceret identidem, adeò exhaustit eam, ut, paullatim civibus diffugientibus, ex splendore longè maximo, quem id temporis obtinebat, sedi regum Daniæ convenientem, in hanc quæ nunc cernitur, tenuitatem sit deducta. ac, quantumvis plurimi mutarent locum, tamen illi, qui manebant, Sialandiam

G 4

diam

diam univerſam ad ſuppeticas concitare: & conſeſſum, arma undique rapientes, impetum in eum facere. qui cū fugā evaſiſſet, arcem invadunt, & diripiunt; ac inventa illic bona inter ſeſe partiuntur: quæque certō ſua eſſe quæ probaſſet, ea reddunt. Et Ericus, minor annis, qui ex adulterio natus, ideōque ab hæreditate excluſus, fratris odio, & injuriâ, provocatus, ipſe quoque ſe miſcere, ac bonorum partem aliquam vindicare. quâ de re cū inter eos poſtea contentiones promanarent, amboſ advocat Canutus; & in gratiam reductos, attributâ hæreditate, quæ à matris ipſis parte deberetur, animo fraterno deinceps eſſe inter ſeſe jubet: tum hortatur, ne diſſidiis privatis gloriâ patris obſcurarent. Inter quæ cū Sueciæ rex, Ragualdus, diem ſuum obiiſſet, regem Oſtrogothi legunt. id cū Sneci, qui ad ſe hoc pertinere dictitabant, ægrè ferrent, eo caſo, Magno, Nicolai filio, regnum tradunt. qui cū nuptias poſt id tempus circumſpiceret, filiam ducis Polonorum, Boguſſai, uxorem petit, impetratque. Neque ita multo poſt rex Nicolaus in Sclavoniam, quâ ad orientem verſa, contra Vratillaum ducem, dudum Danis, ac Polonis, inimicum, & infeſtum pietati Chriſtianæ, claſſem ducit; cui adest, ejus juſſu, Magnus filius: ac Canutus Slefvicenſis ſua arma terrâ inferit. tum accedit belli ſocius è Polonia Boguſſaus, quâ de cauſâ Vratillaus, cū ſe undique, & ab hoſtibus potentiſſimis, premi cerneret, ac res ſuas inclinare, colloquium de pace petit: quo conceſſo, multa, quæ neceſſitas iniqua temporis flagitabat, pollicetur. verum rex, fortunâ utens, quamvis plurima offerentem, diſſert tamen, dum Sclavoniam penè totam poteſtati ſubjeciſſet. quo peractō, Boguſſaus, traditâ Nicolao filiâ, quam non ita pridem Magno, per legatos, uti dixi, poſtulantem, ſponſendiſſet, in Poloniam ſe recipit. denique, cū Nicolaus etiam Iulium urbem expugnaffet, nullam ſibi Vratillaus ſpem in armis ſupereſſe animadvertens, iterum colloquium petit, & ad Strelam ventum exſpectantem adit. cumque rex, jam placabilior, expugnatis oppidis munitionibus, intrâ navem advocaſſet, & in eam ille paucis comitatus regiâ

NICOLAVE,

fide deſcendiſſet, quidam in aurem inſurrant; *retinendum ſibi hoſtem, quem in naſſam, pelliſſiſſet; & in Daniâ avehendum, ut imponere ſinem bello certum poſſet.* ac, conſilium admittens, cū abrumperet colloquium, & exire Vratillaus navi cuperet, à nonnullis ſtipatorum, qui adſtabant, prohibetur. quod Canutus Slefvicenſis poſtquam factum accepiſſet, princeps æqui, & honeſti, amantiſſimus, eveſtigio regem adit, obſecratque; *ne ſe, gentem, patriamque univerſam, ignominia tantâ afficeret, ne captivum Vratillaum cum dedecore ſempiterno detineret. quin dimitteret, redderetque libertatem, quam conſilio perfidorum hominum eripiſſet: tum majorum integritatem cogitaret, qui cum hoſtibus bella ſemper ſic geſiſſent, ut nil fide prius ducerent. inſuper reputaret ſecum, nihil in obſcuro geri; ac videre cuncta Deum, qui virtutem vi præmiis decoraret, ita pæni malè facta quàm graviſſimè caſtigari: nec ſeverius tamen quicquam vindicaret, quàm perfidiam, ac permotus hæc Canuti oratione Nicolaus, Vratillaum mox dimittit; & Canuto collaudato, quod non ſua tantum fama, ſed & gentis, ac poſteritati adco univerſa, rationem habuiſſet, gratias ingentes agit; plurimum ringentibus illis, qui conſilio tam pudendi auctores fuerant. ſed Canuto ſua virtus deinde in exitium vertit. nam hi ipſi, adjuvante cū Vbbone, tum Haquino ejus filio, & Henrico, Scadelario cognomento appellato, patrueli, homine nato in perniciem aliorum, mox conſilia ſua jungunt, & in necem ejus jurant: neque deſinunt quotidie apud Nicolaum regem per calumniam traducere; & aſſerere, eum, vivo etiam rege, regnum Dania affectare. neque aliam ob cauſam à Lothario Imperatore Vandalorum regem dictum; quàm ut ſenſim, viribus auxiis, impetum in illud faceret, & imperio ſubjiceret. ac ne dubium quidem eſſe, quin eripere Magno filio aliquando regnum velit, niſi caveatur ſedulo, ac conatibus quoque ejus in principio occurratur. quibus verbis ita animum Nicolai alienum reddidere, ut, offeſâ quanquam in præſens occultatâ, tempus tamen, revelandæ opportunum, exſpectaret. Inter quæ, cū nuptias Magni celebrare ſtatuiffet, magno admodum comitatu Ripam abit, & eodem ſponſam ducit, quam à patre Boguſſao in Vandalia*

ipſi

ipsi traditam paulo antè memoravi. ade-  
rant regni optimates; & in his Canutus  
quoque, velut sponsi patruelis. qui cum  
splendide vestitus, & Saxonico more, es-  
set, minime virum, hanc occasione usi, ad-  
versari, & in illis princeps facile Scadel-  
arius, apud regem criminari destiterunt.  
at Canutus, seu ignarus, sive etiam, quæ  
vindicta magni animi, innocentia suâ fre-  
ti, aspernatus, cum exactæ nuptiæ essent,  
recipit Slesvicum sese; ac, compositis,  
quæ exortæ per absentiam, controversiis,  
in Vandaliam, ubi cuncta perturbata, por-  
rò tendit. etenim, cum liberi Henrici du-  
cis, quibus tutor ab eodem datus erat, fa-  
to suo functi essent, & Vandalizæ principa-  
tum Primislaus, ac Niclotus, patruels, ju-  
re ad se pertinere contententes, etiam  
bellum inceptarent, comparatis statim  
copiis, contra eos proficiscitur, prælioque  
superatos, & captivos, etiam Slesvicum  
abducit: nec dimittit, nisi pretio liberta-  
tis persoluto. Post hæc, in piratas versus,  
eos domat, ac pacatum mare reddit. hinc  
in orientem tendit; & subjectas Sueciæ  
provincias quasdam, pridem rebellare an-  
sas, subigit, & in ordinem cogit. Quibus  
gestis, postquam domum rediisset, & à  
Nicolao rege, pro laboribus exantlatis,  
magnam gratiam expectaret, indigna-  
tionem sensit. nam ab æmulis, queis exo-  
sa ejus virtus, rex persuasus, redeuntem  
torvè admodum intuitus, non ut domi-  
torem ipsum populorum rebellantium,  
verùm ut prædonem excipere; atque  
ita palam quoque appellare: velut si  
non pacis studio, verùm Magni, Sueciæ  
regis, filii sui, laceffendi, expeditionem il-  
lam suscepisset. ac Canutus, quanquam  
multis se purgaret, tamen animo Nicolai  
ita validè hæc calumnia inhærebat, ut  
omniò excusationem nullam admittere  
vellet. sed regina Margareta, prudens foc-  
mina, quæ virtutem in Canuto magni fa-  
ceret, & amaret quoque eum, ceu so-  
roris suæ virum, ideoque neque perditum  
improborum suggillatione vellet,  
quoad vixit, adversarios repressit. post-  
quam verò in hydropem incidisset, ac vi-  
cina morti esset, accersiri ad se jubet: ac  
compellans, gratulatur tot victorias, &  
successum tam felicem in gerendis dein-

NICOLAVS.

ceps rebus apprecatur. tum hortatur, ut  
*patria suæ pacem, & concordiam consanguineis,  
firmam pareat, ac conservet: quod si faciat, nil  
ab ullâ vi externâ Danici metuumdum esse. quip-  
pe plus concordiam domesticam posse ad confer-  
vationem regni, quàm vel fœdera, vel auxilia:  
& hæc ipsa dissoluta, necessario regni vires eti-  
am labefactari, atque frangi. itaque pruden-  
tiâ suâ, ac virtute; publica tranquillitatis coër-  
cere hostes vellet. quippe esse, qui committere  
inter sese stirpem regiam plurimum conati es-  
sent, sed eorum se consilia diu validè, quantum  
posset, repulsi: nunc è vitâ excessuram, fœ-  
dem ejus implorare, & obtestari, nisi pacem por-  
rò certum inter consanguineos servare velit.  
quam rem si pollicetur, leto animo, & securo,  
moriturum.* Ac Canutus; his reginæ Mar-  
garetæ verbis motus, per auctorem veri-  
tatis deum jurat; nulli se dissidi causam ullam  
unquam præbaturum: & concordiam, quo ab  
inveniente ætate studio servasset hactenus, porrò  
servaturum esse: tum injuriarum pati magis,  
quàm inferre, promptum fore. Quo responso  
læta admodum regina, mox expirat. Eâ  
mortuâ, æmuli, majorem jam licentiam  
nacti, ac sublatâ, quam vereri ad id tem-  
pus debuissent, de Canuto apud regem  
sine intermissione conqueruntur, neque  
aures onerare ejus cessant: & impellunt,  
ut vocatum, in frequenti concione, palam  
velut nimiam ambitionis accusaret. regium  
honorem sibi, à senatu expectandum, anti-tem-  
pus usurpare; ac munificentia simplicitatem po-  
puli circumvenire, & captare ejus gratiam. se  
Suenonis filiorum ultimum nunc superesse; ne-  
que rapuisse regnum, sed successionis jure, ac  
consensu optimatum, ad id ipsum pervenisse: at-  
que porrò tuturum, donec vitam concessurus  
Deus foret. facile se providere, quo in filium,  
proceresque regni alios, animo futurus esset, si  
humanitus quid accidat, qui se vivo nomen re-  
gium usurpare nil omnino vereretur; ac sena-  
tum, à quo ipse dudum illam dignitatem acce-  
pisset, nihil faceret. denique monere officii;  
& sacrum esse rectius, si inducere animum  
velis, potius legitimam electionem expectare,  
quàm invadere ante tempus. Cum dicendi  
finem faceret, magno animo Canutus, &  
constanti, respondete, se indignum, cui ista,  
in consessu senatorum, dicerentur. regem sem-  
per, usque ab ætate primâ, ut parem coluisse:  
ac nunc quoque vitam illi longam optare. cuius  
regno

regno proferendo quanta, ac quàm difficilia, bella gesserit, si fortasse ceteri omnes ignorarent, at nescire ipsum haud posse. tum, ut fidem verbis faciat, pectus aperit; & ostendit, quæ pro eo in Sclavonia vulnera olim accepisset, magna, & periculosa. addit, quanta in ducatu Slefvicensi vindicando tolerasset. quàm Henricus, dux Fandalie, gravis hostis Dania incubisset; quo devicto, post asperissimum longè bellum, non duntaxat Daniam hostilibus incursionibus liberasse, sed & ejus fines vitâ cum periculo non exiguo protulisse, & piratas subegisse: tum infestum antè mare, astitaque illi loca, in securitatem summam atque pacem, reduxisse. ac fecisse, ut, quò antè, nisi cum praesidio, procedere suisset ausus, hic inpraesens, nullo etiam custode, tuto commonari posset. hac pericula, hos labores, non ambitione suâ, aut privati quaestus causâ, adiiisse; verùm regis, atque regni, publicaeque omnium salutis studio. pro his tuncis si non aliud premium ferat, præter publicam invidiam, atque malam regis gratiam, esse cerè cur fortunam suam accuset, & se inter homines infelicissimum conqueratur. jam, quod Vandali regem dicerent, in offensam isthoc rapi non debere: immò potius inter laeta reputandum, quod in clientelâ suâ reges essent. id in Sueciâ dudum hætenus usitatum, cur nunc in Fandalia nolis? illic quidem nomine se regis uti; verùm tamen in ducatu Slefvicensi, aliisque regni Dania ditionibus, nunquam istud arrogasse. itaque persuasum habere, non hac regis, quæ iratus protulisset, verba esse; sed eorum, qui virtutem suam exosi, uti ejus quoque odium concitare sibi possent, aures prius, inde animum, per calumniam occupassent. nam, quæ vitio darentur, falsa esse, & conficta per injuriam amulorum, sat convinci vitâ suâ, quæ cum istis nullo modo conveniret. ea propter maxime demisse orare, ne testatam cunctis fidem nunc vocare in dubium velis; nec permittere uti innocentia sua, hominum malevolorum astu tarpiter circumventa, opprimatur. Quibus verbis rex placatus, & pronantia innocentem, & promittit, non deinceps aurem æmulis præbiturum: tum dimittit concionem. Sed non diu constitit conciliatio; æmulique iterum eam dirupere. Inter istos primus erat, de quo dixi, Scadelarius: & Vvilda accedebat, regis uxor, quam, defunctâ Margaretâ, nuptiis secundis duxerat. ea, uti prona in privignum Magnum videretur, objicit pe-

NICOLATA,

riculum ejus: & excipere Scadelarius; illum, post excessum patris, nunquam regno positurum, nisi ipse, donec viveret, magnâ curâ provideret, in Canutum omnium conspectos oculos, animosque propendere: ac, si fortè, quod exoptant, vitâ aliquando excedus, cum regem destinare, ac, calumniam cum excluderet Nicolaus, Magnum Vvilda in Canutum concitasse memoratur. Rex, Canuto jam in gratiam restituto, mox Slefvicum cum uxore, filioque, proficiscitur: & excipitur à Canuto honorifice. cumque in aulam die solemni, ornatus diademate, ingressus esset, soliumque conscendisset, mox Canutus, regio, & ipse habitu, subsequutus, in eadem quoque aulâ, minime salutato rege, locum ex adverso capit, quo conspecto, se contemptum, aut neglectum, arbitratu Nicolaus, solio defurgens suo, ultro obviam procedit. quod Canutus cum videret, salutationis tunc officium à se neglectum recordatus, ocyus & suâ ipse sede desilit, & procedit in amplexum, atque sic salute dictâ, locum quisque suum repetit. Hoc Vvilda conspicata, quæ Canuti omnia in pejus raperet, illicò privignum monet, sedulo consideraret patris arrogantiam: quæ quò evasura esset, sat nunc apparuisse. regis insignibus Canutum usum; neque tempori, neque patri, quicquam sanè detulisse. quin, in solio confidentem, patruo se planè æquasse: nullâ regis, filive, aut senatus, reverentiâ. itaque, ni amulum è medio maturè tollat, sortem ejus, post parentem vitâ sanctum, multo iniquissimam fore. Magnus, his novæce verbis in Canutum concitatus, Scadelarium, & Vvbonem, ceterosque, quos flagitare odio illius sciret, convocatos, ad tacinoris, quod conceperat, silentium capto sacramento obstringit. tum exponit, quam ob causam odium in Canutum gerat: nimium fortunâ elatum, ad majora semper tendere: adeoque regno etiam vivo patre inclinare. itaque rogatos velle, uti in commune consulant, operamque in tollendo eo navent. Illi, optatâ dudum occasione usi, & consilium ejus probant, & ipsius in perniciem omnes jurant, præter unicum Haquinum, maxime in Cimbriâ illustrem virum, & sororium Cannti, qui, ut in affinis caput conjurari intellexit, se subduxit. illi verò, si fortasse conjuratio emanaret, ut jurare

verè

verè possent, neque stantes, nec sedentes, in Canutum conjurasse, humi omnes procumbentes, in illius necem jurant. Post quæ Magnus, ut consilium occultaret, imminente jam natali festo Christi, quo præbere epulum proceribus solebant reges, evocat Roschildiam Canutum, ac proceres, & invitat ad convivium. postquam tempus advenisset, adsunt illi, adest etiam Canutus, nil à patre mali, ac potissimum illo tempore, quod suspicionem omnem prohiberet, imminere sibi ratus. Magnus, animo conceptum facinus celare callidus, primis quatuor diebus perquam honorificè Canutum excipit. tum, illius probitatem quo circumveniret magis, inret pocula novam sancit amicitiam, ac præterita deprecatur. etiam testatur palam, jam calumnias constare, & auctores execrari: se deinceps loco patris cum habiturum esse. ac, quo magis sceleris suspicionem omnem tollat, indicat, proposum in terram sanctam sibi iter, & in id teneri voto. itaque, cum neminem amicum habeat, cujus fidem, ac virtutem, pluri faceret, conjugem nunc, liberosque, dum abesset, ei commendatos velle. Hæc Canuto, qui è suo Magnum animo, ut sunt prompti in credulitatem boni, æstimaret, vehementer placuere: quippe qui persuasum haberet, uti candidè ipse ageret, ita quoque nullum in illo fucum esse. Inter ista Ingeburga, ejus uxor, quæ marito dolum stui intellexerat, nuntium Slesvico mittit, qui, quæ Magnus moliretur, clanculum significaret. sed, ut fata nemo vitat, obstinato in perniciem suam animo, admonitionem conjugis fidem in se, & amorem, & ex eo metum, putans, aspernatur: palam apud suos dicens, tantum Magni amicitia, quantum fidei uxoris, se tribuere. nec propterea imminente se periculo subducit. Cùm elapsi essent festi dies quatuor, advocat Canutum Magnus; &, ut nihil à se agi simulatè persuaderet, exhibet seorsim plura affectus sui testimonia. Mox dimissis, qui convenerant, cùm Canutus domum peteret, & divteret in viâ Haralstadii, quod nunc Harrestadium dicunt, prope oppidum Ringstadium, ad sororium Ericum, Falsltriæ præsidem, cædi tempus cogitatæ Magnus opportunum ratus, cum satellitum armatorum lectâ

NICOLAUS.

manu, in vicinam Haralstadio silvam tendit. ubi occultatis suis, & ad signum erumpere jussis, mittit, qui Canutum vocet, atque roget, uti sine comitatu obviam prodire velit: quippe esse, quæ communicata cuperet. ac Canutus, nihil mali suspicatus, ocyus ascendit equum, & procedit, solis quatuor comitatus, sine armis: aded quidem festinanter, uti neque gladium cincturus fuerit, nisi quidam è ministris monuisset. Cæcilia soror, quæ eventum præfagiret, mœsta admodum, ejulansque, retinere, verum frustra, abeuntem conabatur. qui vocabat, arte cantor, gente Saxo, quam amare illum sciret, ideoque ipse redamans, facinusque jam patrandum detestatus, ni religio juramenti tenuisset, indicare cupiebat: itaque, quod proximum se posse crederet, cantilenam, de perfidiâ Grimaldæ, quâ in fratres usa erat, per id tempus pervulgatam, inter equitandum canit. ac, cum neque sic Canutum capere, quod monitum vellet, animadverteret, ante eum mox obequitat; & lorica, quâ armatus, tunicâ sublata, ostendit, uti saltem de periculo imminente conjecturam inde faceret. sed, exitio propinquo, læva ferè mens est homini, & in illud lata ruit: animique magnitudine, quæ innata viris fortibus, nimia, & infelici, aut contemnit monitorem, aut, prudentiâ hebetatâ, neque capit. ille itaque, frustra monuisse videns, fideique, & innocentie, satis se fecisse ratus, porrò eum in silvam ducit. in quam vix ingressus erat, cùm in trunco sedens Magnus, venientem conspiciatus, surgit, & procedit obviam: ac desilientem equo, vultu ad humanitatem, & blanditias, comparato, admodum benignè amplectitur. in amplexu, pectoris durtiem Canutus sentiens, & conjiciens, quod res erat, arma illum subter vestem occultare, cur amicum ad colloquium nunc armatus accessisset, percontatur. atque ille, rusticum se castigare quendam velle, ac diripere ejus domum. Hic Canutus cùm pro eo intercederet, ac rogaret; parceret viro, atque ira spatium sedande daret: tum dici, qui dicatus tribus regionibus, aliquid religioni indulgeret: iterumque pernegante istud Magno, vadem se pro illo offert, & offensam luiturum pollicetur. Post quæ Magnus, brachio



armis secum persequantur : atque ita certo stantibus , qui nec sanguinem tam propinquum , neque merita tam praeclara , respexissent , nullâ eos , post immunitatem tantam , in aliquem elementis usus esse. Quibus verbis iustâ irâ accessi omnes , & vindictam pollicentur , & in Magnum statim arma capientes , ducem sibi Ericum petunt. Cujus rei certior mox Nicolaus , Ascerum , primatem regni , cui plurimum tribuebat , ad se vocat , & consilium rebus perturbatis quaerit. atque ille auctor esse , uti *Magnum de conspectu removeret , ac Roschildia relinquere ; ne uisens populum , iratum sibi , magis etiam asperaret : ipse autem exessio concionem ad Ringstadium induceret ; & eodem , publicâ acceptâ fide , se transferret , facinusque excusaret*. ille pariter , populumque istuc vocat , & , acceptâ fide , accedit , unâ cum Ascero praefule : ita tamen , ut adire , si consultum videretur , constitueret ; aut , si id non tutum esset , remanere , ac responsum expectare. Inter ista , cum Ericus advenisset , ut à Nicolao animos magis alienos redderet , multis verbis de perempto tam indignè fratre questus , ut affectus commoveret , in perfidiam , ac crudelitatem , Magni Deum ultorem aliquoties invocabat : neque parum hâc oratione ejus plebs accensa , statim fremere in majorem modum coepit. sed mox tamen , ab Ascero blandis verbis delenita , regem in concionem admittit. ubi denuo Ericus , de crudeli fratris nece gravem exorsus querimoniam , ad eod omnes concitavit , uti Magnum cedis reum condemnarent , & ad eum relegandum in hâc ipsâ concione patrem Nicolaum cogent ; sacramento quoque obstrictum , ab exilio , sine publico consensu , nunquam revocatum iri. quod cum rex futurum esse promississet , mox , dimissâ concione , singuli se domum suam recepere. Quibus rebus hunc in modum consultis , mox in Ostrogothiam Magnus , ubi rex creatus esset , jussu patris , velut in exilium tendit , Nicolaus , Cimbriam petit. ubi dum quietus agit , suadent illi , qui cum Magno pridem in Canuti caedem conspirarant , ut , contempto juramento , eum in regnum revocaret. quibus cum se permisisset , ac mox etiam revocasset , statim populus , qui exilio illius conquieverat , denuo in Nico-

NICOLAUS.

laum concitatus , regnum universum turbat. & Haraldus , ac Brictus , quem infontem , atque cedis inficium , pronuntiaverant , revocatâ ad Ringstadium concione , seu perjarum , solioque regio indignum , damnant : & eundem in utraque potnam statuunt. Post quæ omnes cum concurrent ad arma , ne incerto bellum duce inchoare viderentur , neglecto Haraldo , quamlibet majore natu , quem , ob vitia explorata , semel dedignati essent , regem sibi Ericum legunt. verum ille summâ animi continentia , antequam fortunam belli expertus esset , atque rege dignum quiddam effecisset , regni honorem , maximo oblatum studio , recusare. cui acclamante populo , ocyus exercitum cogit ; & in Cimbriam , contra Nicolaum , ducit. cui Turo , episcopus Ripensis obviis , parvo admodum comitatu , veniâque accedendi postulat , ut à Nicolao edoctus , fictis verbis , & quæ temporis convenirent , orat , impetum reprimeret ; ac prudentia , potius quam ira sua , morem gereret : tum inducias concederet , ad exiguum quoddam tempus : quippe promptum ad mandata quaque regem. Et Ericus , verbis praefulis , quem à furo alienum valde esse oportere existimabat , fidem habens , positis ad Ielingam castris , quare filium Nicolaum , contra quam decretum esset , populoque ignorante , revocasset , audiendum sibi statuit. itaque recedens praeful , quid effecerit , viderit , audieritve , statim Nicolaio refert. isque jam ab aliis edoctus erat , remisisse impetum Erici copias , & , euntes pabulatum , palabundas divagari , opprimique ob id faciles. quam ob causam , qui perjurio se jam semel pollucisset , parum ratus , nisi pergeret , etiam nil pensi habet rumpere inducias , quas pepigisset. itaque incantum occupat ; & , colloquium expectantem , subito invadit armis , diffipatque. quod Ericus summo jure indignatus , cum reliquis copiis collegisset , mox in Svalandiam redit : & , quem super regni honorem detrectaverat , revocatâ ad Ringstadium concione , nunc confecti sibi petit. ubi populi suffragiis rex creatus , cum in Seaniam transisset , rex ibidem ab indigenis itidem pronuntiatur. ideo verò regiam sibi dignitatem postulandam statuebat , ut obstrictus juramento suo populus ,

H

lus,



lus, meliore inde fide secum ageret: ac majores, ceu communi jam periculo, vires contra Nicolaum etiam suppeditaret. insuper, auxiliis externis quoque opus putans, à Lothario Imperatore per legatos ea petit, obsecratque *ut Canuti, quem amore maximo complexus fuerat, ac Vandaliarum regem constituerat, nunc à Magno scelere summo interfecti, eadem secum vindicare, ac suppeditas submitteret.* atque ille, speciem Canuti quidem ulciscendi præ se ferre; sed reverà cogitare, laborantem bello intestino Daniam facile Imperii sub potestatem cogi posse. itaque coactum statim militem in Holsatiam ducit: ubi cum ad Danewircam illic vallum processisset, obviumque Nicolaum cum majoribus, quam existimasset, copiis inveniret, haud consultum oppugnare eum ratus, castra eo loco ponit. & Ericus, Caesarem advenisse gnarus, classem è Sialandia Slesvicum mittit, urbem intrà vallum sitam: tunc ablegat, qui exponerent; *illud quidem expugnatum perdifficile; verum militem, quem adduxerat, facile navigio in oppidum transferri posse, ac circumveniri hostem, omni tunc munitione destitutum.* Quare nuntiata, Caesar, neque petere urbem volens, neque tutum impugnare vallum ratus, castra movet, & Saxoniam suam repetit: ac, ne fugere, neve tantam expeditionem frustra susceperit, videretur, cum Nicolao foedus init, filiumque ejus, Magnum, equitem Imperii facit. Quibus gestis, postquam Eidoram trajecisset, ponè sequitur Ericus, exprobratque levitatem, quod deserto, cui suppeditas advenisset, hostem in foedus receperisset: ac prædicit, nullam aliam à Magno gratiam relaturum esse, quam Canutus, vir sincerus, & Imperio addictissimus, retulisset. neque aliter venit. quippe, recedente eo, neque dum Holsatiae transgresso fides, Magnus, opportunum insidiis tempus se adeptum censens, magnam manu, & expedita, subsequens, in Adolphum, qui extremum agmen duceret, juxta flumen Eidoram consistere iussu, impetum facit: plurimisque prostratis, fugam capere ipsum cogit; & abjectis turpiter armis, nando evadere. Quo ad Caesarem perlato, ille arces in Holsatia objacentes passim in potestatem redigit; &

NICOLAUS.

præsidio, ne ulterius sequi Magnus posset, munit: inter quas & Segeburgum, in excelso colle situm; conditumque à Canuto, ad Henrici Vandali irruptiones coercendas. Hinc Ericus; cum spes sua frustra ipsum habuisset, & in Sialandiam regressus esset, à Norvagiae rege Magno mox legati accessere, qui Canuti filiam majorem natu, etiam si necdum per aetatem nubilem, dari in uxorem illi postularent. & Ericus, ab affinitate hæc auxilia majora sperans, perbenignè id concedit. tum, ut vinculo duplicato firmior amicitia esset, ejus in vicem uxorem sibi matrimonio jungit. Post hæc, cum in Cimbria delectum haberet Nicolaus, idque Ericus acceperisset, ipse quoque se instruere; & auxilia undecunque, quanta posset, comparare. Sequébantur Nicolaum omnes Cimbriz episcopi, & Henricus Scadelarius, Vbbo, aliique plures, è primariis regionis, qui cum Magno in Canutum conspirant. in Erici castris erant, cum Haraldus, tum & filii ejus duo: non affecti quidem in fratrem, patruumve, sed coacti honestate, nam Haraldus, ægrè se posthabitu ferens à proceribus in translatione regni, odio interiori clam Ericum prosequutus, filios in partem traxerat, erat & episcopus Roschildensis, animo in Nicolaum item pronus: tum è Cimbria Christiernus, vir militiæ insignis, & illustri apud suos locatus: qui, patratam à Magno eadem execratus, Nicolaum deseruerat; & Erico, cujus causam meliorem existimabat, se adjunxerat: isque illi, ob prudentiam singularem, & peritiam rei bellicæ, copias mandat, terrà in Cimbriam ducendas, classe ipse Nicolaum invasurus, Nicolaus, ne Erico, terrà pariter marique, inferior esset, Magno filio naves tradit, cum terrestribus ipse copiis Christiernum excepturus. Magnus verò dum se parat, & Arhusiam convenire ex antiqui Cimbria naves jubet, jam Ericus Syram insulam occupaverat, ac collegerat dissipatam magnà tempestate classem. quem ignarus adeo propè esse Magnus, ventum opportunum nactus, oram solvit, adoriri hostem certus, ubicunque nactus foret. atque vix progressus erat, cum incumbit gravis ventus, naviumque partem disjicit, quam Ericus venientem conspicit,

tus,

tas, scaphâ suos circumvehitur; atque omnes, ut pugnarent quàm fortissimè, adhortatur: maximè episcopum Roschildiensem, & Haraldum item fratrem, quos in Nicolaum pronos exploratum sat haberet, prolixissimè obtestatur, ut exemplo ipsi suo militum virtutem iuvent. quippe unâ eâ pugnâ bellum, aliâ diuturnum, ac cruentum, confici posse: tum averti mala plurima, quæ, si id protraheretur, patria impendere scirent. Magnum inprimis operam darent uti vivum, mortuumve, in potestatem suam cogerent: quo peractò facile conditiones pacis quasvis Nicolaum accepturum. Consilium Erici erat, quamlibet aversos à se illos sciret, tamen, quia temporis necessitas sic postulabat, id dissimulando efficere, ut puderet destituere, quem viderent maximam in se fiduciam collocare. utque suæ ipsemet virtutis specimen exhiberet, naves Magni, quæ à classe longius provectæ erant, primus cum paucis aggressus, sine suorum ullâ clade, in conspectu omnium capit. quod cum Magnus, inter ultimas constitutus, eminus intueretur; & hinc infortunium objectum esse, quod maiore inter sese intervallo commearent, protinus demisso velo, ac signo dato, naves separatas cogit; & dum facit, anchoris in mare jactis, classem sistit. quod Ericus conspicatus, & nâvalis belli gnarus, suprâ hostem, uno in loco fixum, cingit; ac, coniectis undequaque telis, urget. quare Cimbri, rebus propè desperatis, ut periculo Magnum eriperent, parvo impositum navigio, remis in terram educunt. quo elapso, naves cateræ captæ, aut meræ: paucae fugâ evasere. Hæc ad Syram dum geruntur, Christiernus, inito in Cimbriâ cum Nicolao rege prælio, cum pugnasset infelicitè, capitur, & Slesvicum abducitur. ita pater, filiusque, uno tempore, exitu diverso cerant. & Ericus, suæ cladis, quam in victo Christierno accepisset, necdum gnarus, ob victoriam, quam in mari, Magno illic profligato, reportasset, animam majorem fumens, quem successum in filio expertus esset, hunc in patre etiam sperans, Lymicum ingressus finem, ut hinc eum impugnaret, nuntium inexpectatum de suorum clade accipit. quo turbatus, dum consilium à suis petit, ac deliberat,

NICOLAUS.

quidnam faciendum esset, militesque in loca proxima prædæ causâ palarentur, improvisò superveniens Nicolaus, plurimos eorum cedit, reliquos in naves agit. Hæc secundâ clade Ericus magis etiam consternatus, quod restabat copiarum, in Sialandiam reducit. Anno proximo, gravior percussit casus. etenim Haraldus frater, ejus vires geminâ strage plurimum detritas ratus, in perfidiam, ad id tempus occultatam, jam erumpens, palam deserit, & cum Nicolao rege se conjungit: suo etiam exemplo omnibus testatum faciens, sanguinis propinquitatem, & affectum, à naturâ insitum cuique hominum, studiumque honestatis, apud pravos per ambitionem animos, facile regnis posthaberi. uti verò aditum in Sialandiam Nicolao præpararet, arcem prius, quam extruxerat ad Roschildiam, commeatu, ac præsidio, validè munit: hinc, ad eum datis literis, ocyùs auxilium submitti petit. quam rem gnarus mox Ericus, arcem obsidet; ac, petitis machinis ab oppidanis, putida cadavera quæque in illam jact, ut factorem pestilentem, nec obsessis tolerandum, excitaret: hinc, munitionem quatiens, magnam partem labefactat, & evertit. quam ob rem percussus planè, nec tueri sese ultra satis potens, postquam noctu equos vallo demississet, ac se quoque, cum perpaucis, & excubiis Erici undique septus teneretur, nec effugium pateret, dolo usus, vix evadit. quippe, socios sequi jubens, ac clamare altâ voce, & ingeminare identidem, *Fugientem Haraldum prendite*; cum excubitores crederent, esse suos, qui Haraldum fugientem persequi instituisent, ac per hostes medios, obscuræ noctis beneficio, ad vicinum illic litus erupisset, fortè obvio navigio, trajicit in Cimbriam, ad Nicolaum: isque elapsum maximâ humanitate lætus excipit. Inter quæ, cum Danos Sueci intestino cõflicari bello cernerent, atque Magnum illic regem distineri, rebellandi capiunt occasionem; & Suerconem, nobili profapia virum, sed pertenui fortunâ, regem creant. qui, jam regnum consequutus, mox Vildam, regis Nicolai conjugem, clam pellectam, in amorem, inde quoque in thorum abducit: filiumque ex eâ tollit, Carolum nomine,

H z postea

postea & Sueciæ regem. Inter hæc Canni filia, Magno, regi Norvagorum, desponsata, in Norvagian deducitur, nuptiæque destinate peraguntur. Vere proximo, Nicolaus, bello imponere finem certus, jam elato per Haraldum adventum animo, trajicit in Sialandiam, & Ericum, ad Veræ pontem cum minoribus multo copiis occurrentem, prælioque magno victum, in Norvagian, cum uxore, ac Suenone item filio, genito ex concubina, fugam capere ad affinem Magnum cogit. à quo primo admodum benignè exceptus, mox insidias experitur. etenim rex Nicolaus, Daniæ eum expulsi non contentus, & hic quoque persequendum sibi ratus, Magno vim pecuniæ ingentem offert, ut è medio virum tollat. atque hic, promisso inductus, more hominum avarorum, qui, proposita spe lucri, nil habere sanctum solent, contra jus affinitatis, & hospitii, illic insidias parat. Facinus pudendum certè, & bonis omnibus detestandum! hinc occidi Nicolaus postulat nepotem patruus, inde patruum uxoris, & novercæ suæ virum, hospitemque, interficere animum inducit Magnus. verum Deus, qui & scelera semper quævis execratur, & Ericum Danis regem constituere proposuerat, eum eripit periculo, & conservat ad id tempus, quamvis postea morti tamen violentè permissurus. & ostendit hoc exemplum, frustra hominum consilia summi numinis providentiæ adversari: ac noceri posse nulli, quem tuendū idem sibi constituerit. sic Ericum cupiens occidere Magnus, fato hic validiore, prohibetur. nam in arcem cum munitam, seu securitatis causâ, seclusisset, etiam custodes addit, velut in tutelæ speciem; sed reverà, uti clàm occideretur, ne quâ cædis emanare fama posset. ac patraffet certè facinus, nisi, patruum miserrata, Magni uxor prodidisset. Et Ericus, jam ex nepte suâ certus, quæ à Magno pararentur, ad amicos in Lalandiam literas mittit, indicatque, quo in statu versaretur: tum navigium, quod subveniat, unum statim mitti petit, si se salvum esse velint. atque illi, in periculo tam præsentis minimè deferendum regem arbitrati, illic expediunt navem, cum militibus selectis, quidlibet pro rege suo facere, ac pati, certis,

NICOLAUS.

qui cum in Norvagian mox appulissent, indicato clàm adventu, noctu eum, vino obrutis custodibus, cum uxore filioque eripientes, in Lalandiam reducunt. cum ad littus pervenissent, ne, si fortè Magnus vellet, insequi fugientes posset, naves regias, quas custode vacuas inveniebant, partim multis locis perforant, partim illis laterum compagem solvunt, atque sic inutiles ad navigandum omnes reddunt. ac postmodum, cum Ericum effugisse innotesceret, & retrahere eum Magnus evestigio impræaret, dum reficere naves parant, atque ita moras necunt, ille evadit, & ad suos sospes redit. ubi, ut firmaret suam in eâ insulâ potestatem, illic Vbbonem aggredditur, quem præfecerat Nicolaus, ac prehensum in crucem agit: dignum morte ignominiosâ ratus, quod Canuto occidendo socium se conjuratis addidisset. Post hæc Scaniam cum exigua classe petit, diripitque inter viam, quæ præmiserat Lundiam rex Nicolaus, ad convivium festo Christi natalitio celebrandum; Scaniamque in potestatem suam redigit. quo comperto Nicolaus, nihil ultra in Ericum eâ hieme molitus, militem in hiberna mittit. sed æstate insequutâ, undique collectis copiis, Cimbriæ episcopos quatuor, atque Roschildensem Petrum, & Henricum Scadelarium, ad se vocat. cumque classem in sinum Fotam appulisset, missis in diversa loca, qui exercitum Erici, & consilia, explorarent, ipse in litore suos ordinat: necdum quidem hoste viso, sed ut supervenientem expeditus jam exciperet. inter quæ, qui speculatum missi erant, cum redirent, & non longè excitari pulverem renuntiarent, rati milites, id quod erat, adventare Erici copias; ac jam ipsi in sublime ferri eum, instar nubis, conspicati, retrò cedere paulatim, & ad naves se recipere. ac fugissent ante pugnam, ni oratione blandâ Nicolaus tenuisset. gradum itaque figentes, hostem expellant, sustinentque invadentem. Ac prælium committitur, ipso die pentecostes, ut nonnulli sunt auctores, sed non longum. nam Ericus, et si viribus inferior, equitatu in adversam aciem missis, eam turbat, disjicitque. cæsi plurimi, pauci fugâ evadere. inter illos Nicolaus, & Haraldus: qui,

qui, victoriâ desperatâ, statim naves perire. interfectus quoque Magnus : unum illud viro forti dignum faciens, quod in prælio morte gloriosâ occumbere, quàm evadere turpi fugâ, potius existimaret. cedere & episcopi : qui, patratum tam indignè parricidium approbantes, ac secuti parricidam, unâ cum eodem poenâ involvi, debitas ecclesiæ, & paci, animas, ac cum laude in utrâque occupandas, bello turpiter impenderunt. Quæ in Daniâ postquam ita gesta essent, Nicolai clade auditi in Norvagiâ rex Magnus, conjugii iratus suæ, quod Erico avunculo insidias aperuisset, metuensque, ne deinceps etiam consilia communicaret, eam removeret, & in Daniâ remittit. Nicolaus, cum in Cimbriam, ut dixi, effugisset, convocatâ concione, itidem elapsus Haraldum, filio jam interfecto, regem creat. neque id benevolentia, aut propinquitate, motus, verum ut acerbior contra fratrem odio existimaret; æmulumque, postquam vitâ functus foret, graviorem illi objiceret. Postea, ut Slesvicensis, graviter Canuti cæde asperatos, denuo conciliaret, eò proficisci statuit; frustra amicis dehortantibus, & eventum infelicem prædicentibus. Agitabant hi convivium annis singulis; adeoque legem tulerant, ut, qui uni convivarum vim inferret, eum junctis universi viribus persequerentur. hujus præses, dum vivebat, diu fuerat Canutus, sæpiusque interfuerat; & humanitate summâ, civibus se charum fecerat, quod cum gnarum ipsis esset, seriò dissuadent iter, exitumque ominantur: siquidem cavendos cives, lege in vindictam obstrictos. sed fatalis hora aderat, quâ in ipso quoque ulcisci sanguinem Canuti Deus innocentem constituerat : itaque, corruptâ mente, ut in istis fieri solet, nec consilium, quamvis rectum, admittebat. quin contemptim respondebat monitoribus; *nihil sibi pelliones, aut sutores, metuendos.* Cum ad urbem accessisset, obviis it facer ordo; & adventum fausto cantu gratulans, porro ducit. sed non eadem apud cives regis sui reverentia. quippe ad ingressum ejus nolam pulsant, quâ solebant ad convivium, de quo dixi, convocari, & ad arma mox conveniunt. quos ministri

NICOLAUS,

regii coire passim, aciemque ordinare, atque ex superiore urbis parte signa ostendere, conspicati, anxique, adhortantur, ut in ædem S. Petri se recipiat. verum ille, *minimè se suo istam sanguine polluturum, dicere : ac, si moriendum foret, potius in aula patris, quàm in templo, mortem expectare vellet.* itaque in arcem properat. atque vix ingressus erat, cum sequenti eum cives primò milites propugnantes, aditque prohibere cupientes, inde ipsum, in interiorem arcem irrumpentes, contrucidant, postquam regnum annos quinque & triginta tenuisset. quidam tradunt, quod indignius, à futuris, quos contemplerat paullo antè, interfectum. Postquam cædè peregrissent, mox dimittunt Christiennum, quem is jam à tribus annis, prælio, ut dixi, victum, custodiri illic jusserat. Ita periit Nicolaus, filius Suenonis quintus, ultimusque inter istos, quos, parentis voluntati obsequuti, procures in solio constituerunt. Vbi regnum nactus esset, ut initia principatus ferè bona, & ad famam componuntur, laudabiliter illud gessit, sed in fine vehementer inclinavit. Ut se populo probaret, imminuere sumptum volens, quicquid erat nimium in ministerio, dimittebat: neque comitatu ullo, nisi equitum paucorum, quos interdum, si id fortè usus ferret, latrociniiis disturbandis adhibebat, utebatur. atque ipse, ut animo acer, ita quoque manu promptus, nihil sibi inter suos, & dum rectè munere suoungeretur, metuendum statuebat. Hinc, ad pietatem versus, Othonis Canuto fratri, pridem ibi interfecto, ac relato inter divos, monasterium amplum condit, opibusque multis donat. tum promiscuè, adjunctante quoque conjuge Margaretâ, ædium sacrarum reditus in majorem modum anget, ac splendorem omnibus divinis rebus multo ampliorem parat. Moderatione animi aliquandiu ita magnâ utebatur, ut nil prorsus ob accessionem tantæ dignitatis immutatus videretur: quosque mores in privatâ antè vitâ habuisset, etiam rex retinebat. Sed paulatim exiit virtutes istas; & in vitia mox prolapsus, sive sua, diu callidè celata, sive etiam aliena, à magistris pravis doctus, ac corruptus, ut interdum reges so-

H 3 lent,

esset, iterum Haraldus adest, cum auxiliis, quæ suppeditarat Magnus: & à populo in Vrensi concione denud rex Daniæ pronuntiatur. quo comperto, ocyus in Cimbriam Ericus transiens, fratrem, filiosque ejus, noctu opprimit; ac postridiè, nihil caritate motus, aut conjunctione sanguinis, omnes obtruncari mandat. Erant filii Haraldo, præter duos, quos jam interfectos dixi, numero novem: Sivardus, Ericus, Sueno, Nicolaus, Haraldus, Benedictus, Mistvetus, Canutus, & Olaus. quorum primis octo cæsis, ultimus Olaus, fugit ad Suerconem, Sneciæ regem, veste commutatâ elapsus. Inter ista, intestinis Daniæ dissidiis exciti Vandali, per Holsatiam irrumpunt, quæque obvia, populantur. quos Ericus ut reprimeret, comparatâ navium mille ac centum classe, & in singulas earum equis quatuor impositis, præter pedites, in Vandaliâ transmittit, & eandem in potestatem suam cogit. Hinc in Rugianos versus, qui, idolo Vito addicti, cultum Christi abdicaverant, ac piraticam exercebant, armis universos vincit; & Archonâ, urbe maximâ, expugnatâ, leges superatis ponit: ut, *remoto Vito suo, Christum colerent; & episcopum acciperent, qui in fide Christianâ imperitos institueret.* Sed non diu in obsequio permansere. & Ericus vix in Dauliam redierat, cum, excusso statim metu, in antiquum idoli cultum relabuntur, & episcopum expellunt. quâ de causâ, cum aggrediendos bello altero constituisset, subito Norvagiæ motu à proposito revocatur. quippe Norvagi armis cogere Magnum regem conabantur, ut Haraldum, ex Hiberniâ venientem, & ad præfatos Norvagorum reges genus referentem, in consortium regni admitteret. quod cum Magnus recusaret, ac tumultuantes suos coërceret, profugus in Dauliam Haraldus abit, & Erici opem petit. isque exceptum, & auditum, per benignè secum habet; adiuturus, postquam bellum, quod in Rugiam, & Vandaliâ, agitabat, perfecisset: plurimum gratulatus sibi, quod occasio offerretur, quâ insidias, pridem structas, & repudium nepotis fug, vindicare armis posset. itaque, iterum subjugatis Rugianis, ac compositis in Vandaliâ rebus cunctis, classem in Norva-

giâ ducit; & Asloum, oppidum in primis finibus, mari asitum, veterem episcopi sedem, primo statim adventu capit, diripitque, & incensum solo aquat. quo peracto, aliquandiu eo in loco commoratus, nusquam procedente Magno, neque pugnæ copiam ullam faciente, Daniam cum suis repetit. anno verò insequente, Haraldum in Norvagiâ mittit, maximis instructum viribus: isque prosperè præliatus, post certamina quædam levia, mox redactum in potestatem suam Magnum, ne deinceps regnum peteret, nimîâ crudelitate, oculis ambobus privat; insuper & genitalibus, ne ultorem gignere posset: tum ex rege monachum facit, & in monasterium abdit. atque sic peracto in Norvagiâ bello, ad remp. ordinandam animum Ericus vertit; & judicia, multis bellis interrupta, ad antiquam revocare formam satagit. quod dum facit, & per omnes regni sui ditiones proficiscitur, mortuo tum fortè Ascero, Lundienfi archiepiscopo, cum Eschillo Roschildensi de primatu lis exorta est, quæ in bellum mox erupit. & initio cum ex voto res Eschillo successisset, isque Ericum, Sialandis convocatis, in Cimbriam recipere se compulisset, ille postea reversus, magnis comparatis copiis, & Eschillum ipsum capit, & abduci in custodiam certam jubet: nec dimittit, nisi amicorum precibus, pretioque libertatis persoluto. ac dissidium tamen manet; cum Eschillum Scani peterent, sanguine Ascero junctum, ob egregia ejus merita, & Ericus, se expulsum Sialandiâ, ac per vim primatum peti, ægrè ferens, in Riconem Slesvicensem, cujus operâ in adipiscendo regno plurimum adjutus erat, propenderet. sed, Erici dum potentiam timent Scani, & tumultum ille novum evitandum arbitrat, res differtur, & utrinque conquiescunt. Inter quæ, ad cognoscendas subditorum controversias, quod inceperat paullo antè, animum refert: & in nobiles pariter ignobilesque, nullo generis respectu, severissimè animadvertit. quâ re uti populi obstrinxit gratiam, sic nobilitatem offendit; odiumque in se ejus aded ingens concitavit, ut mox etiam succumberet. nam in Cimbriâ, propè Ripam, in conventu Hne

dingensi jus dicentem, Plocus quidam, cognomento Niger dictus, clarâ apud Cim-bros stirpe, à quibusdam, qui in necem conjurârant, subornatus, lanceâ percussum occidit. ille enim, ut insidias simulatione officii occultaret, confidenter regem accedens, inter milites quoque ejus accenseri postularat: & admissus, quam debebat operam saluti ejus defendendæ, postea in cædem vertit. nam, vocatus in judicium, cum ad regem accessisset, & andiri postulasset, manu unâ lanceam prælongam teneus, ac silentium circumstanti populo rex imperasset, torvo eum vultu intuitus, & inermem conspicatus, latus ferit. tum, peremptum à se tyrannum altâ voce gloriatus, etiam astantes incitat, ut invaderent stipatores, quibus mox diffugi-entibus, unus restitit Ericus, regis ex furore nepos; atque interfecti corpus, ne id raperent conjurati, ac discerperent, forti manu est tutatus. Ita perit Ericus, cum vix regnum quadriennio tenuisset; princeps certe animi præclaris dotibus exornatus: bello, acerr; &, cum toties fugâ hostem evasisset, Harevoetii, quasi Leporipedis dicas, cognomen tum consequutus, mox Emundus, velut planè admirandus, postquam Magnum profligasset, est vocatus. pace, bonus; &, severus juris custos, rigide illud subditis administrabat: uti odium propterea, sicut fieri ferè solet, apud improbos contraheret. sed, initium principatus cum immani parricidio bonis omnibus execrandum reddidisset, regnum, malè à nece fratris, ac nepotum, inchoatum, post exiguum ad eò tempus, suâ misere terminavit. Impii profectò reges, & omninò illaudati, qui à cæde propinquorum regnum suum inchoandum sibi putant; neque aliter constare rationem principatus arbitrantur, quam si eum, abominando bonis omnibus consilio, sanguine suorum firment. Corpus Ripæ tumulatum, in supremâ urbis æde. Liberos reliquit nullos, præter unicum Suenonem, è Tunnâ concubinâ natum, quam nonnulli Chunnam vocant; postea, ut dicemus, regem.

ERICVS V, cognomento AGNVS. Interfecto sic Emundo, procures incerti hædere, cui regnum demandarent: siqui-

ERICVS V.

dem prosapia regia, partim morbis, partim bellis, cædibusque, intercepta, penè tota extincta erat. parsque in Suenonem Eri- ci, jam occisi, propendebat, pars Canutum, Magni filium, pars Canuti Slesvicensis, turpiter à Magno cæsi, Valde- marum, regem esse eligendum statuebat. quod cum cerneret Christiernus, vir auctoritate summâ, cujus aliquoties jam facta mentio, Ingeburgam, conjugem Canuti ducis, quem à Magno interemptum memoravi, clam accedit, & ab eâ Valde- marum filium novennem petit; bonæ indolis, maximæque spei, puerum: ac promittit, producturum in concionem; & facturum, ut suffragiis optimatum rex creetur. etenim vir prudentissimus apud animum reputabat, quanto regnum, rege orbatum, in discrimine versaretur; dum civiles domi matius, foris verò hostium irruptiones semper metuendæ essent. verum anxia de salute filii sui prudens femina, quæ conditionem regum miseram tot cædibus jam didicisset, cum se daturam negat, ni polliceretur prius, ab administrando regno, cui imparem etiam per ætatem sciret, planè immunem præstiturum. quod cum ille, ut à matre vel hoc modo impetraret, promississet, impetratum mox in concionem ducit; meritæque in regnum patris cum oratione longè prædicasset, ita animos cunctorum in sententiam suam traxit, ut decernerent, committendum puero regnum, simul ad maturam ætatem pervenisset: ac, dum porro adolesceret, hunc Ericum in societatem addunt, cæsi ex sorore nepotem, fortitudinis pridem clarum. isque postquam dignitatem regiam adeptus esset, illico seditio in regno nova, atque gravis, est exorta. nam Eschillus, Roschildensium episcopus, cognitâ Eri- ci cæde, qui impedimento fuerat, ne pri- matum Lundiensem anteà consequeretur, & in Scaniam transmittit, & consensu indigenarum, qui volebant summam eam dignitatem ad familiam alienam pervenire, novo rege inconsulto, primas regni constituit. quod Erico postquam nuntiatum fuit, is Riconem, pridem Slesvicensem præfulem, quem avunculus destinaverat, constituere armis statuit, & Eschillum in ordinem cogere. verum, Scanis pertina- citer



citer repugnantibus, cum non sine magno bello perfici id posse cerneret, ut quietem regno suo conservaret, in Eschillum nil ulterius molitus, ipse quoque conquevit, & Riconem, Slesvicensem ante tempus id episcopum, Danicæque cancellarium, præfulem Roschildiensem, loco Eschilli, esse iussit. Vix hæc acta, cum Olaus, Haraldi filius, qui, occiso pridem patre, fratribusque, clam in Sueciam evaserat, & in Daniæ regreditur, & ereptum ab Emundo patrimonium reddi petit. cumque rex Frothonis Magni legem objiceret, quæ statutum, ut, qui civibus arma suis intulisset, animoque regnum hostili invaderet, bonis ille universis privaretur: spe frustratus, ad insidias se convertit. quæ cum parum successissent, & opprimere noctu regem cupientem, qui excubias agitabant, repulissent, mox in Sueciam se recipit. unde in Scaniam reversus, cum in Sialandiam rex recessisset, mox, promissa populo immunitate, regium adeptus nomen, regnum invadit. Inter quæ Eschillus primas, convocatis ex vicinis oppidis, agrisque auxiliis, cum Olao se objiceret, superatus, ac repetere Lundiam per vim coactus, neque repugnare potens, summam annonæ egestare, tandem se, urbemque, dedit. sed, neglecto juramento, cum Olaus in ulteriorem Scaniam se conferret, trajicit in Sialandiam; & Ericum regem accedens, multis verbis palam facit, quantum intersit, ut in Scaniam quam celerrimè depellatur: tum promittit quoque operam; ac, si rex exercitum daret, se ductorem illi offert. atque, impetratis copiis, cum in Scaniam revertisset, ab Olao prælio secundo vincitur, & ad regem iterum tunc sese recipit. Quibus rebus cum Olao, bis victori, multum animus augetur, bona ille, quæ per Scaniam rex, & primas, possidebant, diripit passim, & militibus elargitur: tum rescindit acta regis universa, & substituit primati alium, ejusdem nominis. hinc securus, mittit in hiberna copias, arma Lundie relinquit, & per Scaniam, sine exercitu, veluti confecto bello, nec timendo usquam hoste, iter facit: parum gnarus, in his talibus læta ferè esse initia, neque finem respondere. verum, ut securitas periculum conjunctum ha-

ERICVS V.

bet, sic Olao hæc exitium penè extremum attulisset, ni fortuna eum sua, potius quam industria, eripuisset. nam Ericus, postquam hostis negligentiam cognovisset, ocyus coactam manum noctu in Scaniam transmittit, & Olai improvisò castra invadens, ipsum statim in fugam agit, quatuor è ducibus capit, ac confestim aquis mergit. inde, Lundiam copias ducens, urbem capit; & episcopum Eschillum, ab Olao constitutum, laqueo punit: arma hostium, & manubias, inter suos dispersit. tum è Sueciâ cum exercitu revertentem ad Glimstorpium, alii Distlingam dicunt, gravi prælio fundit, & in fugam agit. quidam memorant, Olauum duodecies eo anno cum Erico dimicasse, & inferiorem semper discesse: ut in illo, invictum animum; in hoc, etiam fortunam prædicare habeamus. His in Scaniâ ita gestis, cum puderet, toties in eâ signa infeliciter contulisse, ceu prosperiore alibi belli alæ futurâ, arma in Sialandiam transfert. sed vix hanc ingressus erat, cum, repulsus à Ricone, præfule Roschildiensi, Scaniam repetere coactus fuit. quâ de causâ odio in eum accensus, & ulturus ignominiam, cum militibus nonnullis, quilibet audere promptis, noctu mox in Sialandiam, ubi regem, & Riconem, modico tantum intervallo separatos, agere didicisset, redit. ac, Riconem cum Ramlosæ pernoctare accepisset, eò tendit; &, impugnans ejus ædes, cum, domesticis resistentibus, minimè effringi à suis fores possent, ignem poscit, ut incendat. ad quam vocem Rico territus, & honestius arbitratu ferro cadere, quàm exuri, pacem petit, & colloquium cum Olao. quo concesso, cum egrederetur domo, nihil sibi dubitandum è illius fide ratus, ipso in limine trucidatur. hoc patrato, Scaniam Olaus repetit, antequam Riconis cædes ad Ericum perferretur. isque mox, majoribus collectis copiis, cum in Scaniam trajecisset, in Hallandæ fines ducit; & Olauum, ad Aristadium nova auxilia comparantem, penè oppresserat, nisi is, trajecto amne, & abrupto, per quem transeundum, ponte, effugisset. sed quam tunc evasit necem, postea tulit, gravi prælio ad Thium annem victus, & occisus. Sublato hoste,



hoste, & pacatis regni rebus, conjugem ducit, Luidgardam, sororem Hartvici, archiepiscopi Bremensis. cui dum indulget nimis, optimatibus, qui in bello intestino, & inprimis contra Olanum, strenuam navant operam, bona regni dilargitur. tum, ut aliquod suæ quoque pietatis apud posteros monumentum haberetur, in Scania, Hervadiense monasterium amplum, locuplesque, condit: ac mox, in ignaviam versus, sui similis esse definit. quique antea ob virtutē hostibus metuendus erat, tunc contemni etiam à suis cœpit. In Vandaliā profectus, ut piraticam exercentes ejus populos coerceret, turpiter repulsus fugit; neque quicquam, præter ignominiam, refert: Vandalique, quibus animus per id crescere, se per mare Balticum effundunt statim, obsidentque universum: obviumque regem inter Sialandiam & Fioniam consequuti, penè ceperant; nisi ille, acta in propinquum litus navi sua, cum, per paucis effugisset. non in eo ulla virtus, aut prudentia, ac consilium fortiter gerendæ rei, post contractum matrimonium, reliquum erat: & effoeminasse certè virum uxor videbatur. nec valere ipse quicquam, nec, quod proximum sapientiæ, aliorum bonè monitis se permittere. bella inchoare suasu hominum stultissimum, moxque rursus intermittere; famæ

suæ, ac salutis subditorum, quos vexare Vandali non desinebant, pariter prodigus. Postea in Sialandia cum corripere febris, ac transferri in Fioniam, è qua oriundus erat, voluisset, in Othonienfi urbe diem obit. Desperata valetudine, cum instare mortem sibi intelligeret, plus in monasterio esse sanctitatis, quam palatio, arbitratus, vestem induit monasticam, & proceribus, paullo antè convocatis, sceptrum tradit: vitam, aliquandiu ingloriam, piâ morte finiturus. verum, quamvis regni insignia reddidisset, animum regnandi tamen minimè deposuisse visus fuit. nam Elivus Vefingensis, quem Eileorum, comitem Vestorpiensem, quidam vocant, alii Olavum dicunt, lecto assidens, cum moneret optimates, ut *mature de creando novo rege inter se deliberarent, nec injuria Vandalorum porro regnum expositum esse paterentur*, aded certè, mentionem successoris etiam se vivo fieri, animo inique tulit, ut indignabundos planè spiritum, adhuc hærentem, exhalaret: inter magnos principes commemorandus; ni priorum annorum gloriam infamia posteriorum obscurasset. Decessit verò sine liberis, postquam regnum tenuisset annis novem. Cognomentum Agni habuit; at Helmoldus, Spaci tribuit.



IOANNIS MEYRSI  
HISTORIAE  
DANICAE  
LIBER V.

Sueno IV, cognomento Gratenhedius. Canutus V. Valdemarus I.



**P**ost Erici Agni mortem, regnum inter tres divisum est. Sialandi, maxime Stenonis suasu, cuius summa tunc existimatio erat, in Suenonem inclinantes, filium Erici Emundi, eum sibi regem capiunt, & Scanorum etiam consensum impetrant. Cimbri vero, a Stenone alieni, in Canutum, Magni filium, ejus qui Canutum pridem Slesvicensem interfecerat, regnum conferunt. ac jam ante, ut narravi, Valdemarum constituerant, Canuto Slesvicensi natum; non maturum quidem regno, sed tantisper sub tutore educandum, dum ad illud capeffendum per aetatem aptus foret. qui dum crescit, duo illi armis inter se contendunt. & Canutus, postquam prior Sialandiam invasisset, per absentiam Suenonis, qui exercitum apud Scanos conscribebat, eam in potestatem redigit; & Eschillum, archiepiscopum Lundensem, clam in partes suas trahit. verum ille, dum in Sialandiam transire parat, comprehensus, subter fornacem summi templi aliquandin in ludibrium corbi impositus suspenditur; hinc in carcerem compingitur, moxque libertati redditur: cum pontificis Romani diras pertimescens Sueno, & dimittit perbenigne, & dimidiam insulae Boringholmiae partem ecclesiae Lundensi donat. inde in Sialandiam traducit copias, hostem insula pulsurus; tum, commisso ad Slangendorpium magno praelio, editaque ingenti strage, victoriam cruentam admodum consequutus, regredi in Cimbriam Canutum cogit. Quae dum fiunt, Engenius, Ro-

manus pontifex, nominis illius tertius, missis per Europam literis, reges omnes, principesque, Christianos exhortatur, ut in Turcas, fidei Christianae hostes, arma capiant. itaque Sueno, & Canutus, positis privatis odiis, & induciis constitutis, arma jungunt; & in Vandalos, etiam tum cultui idolorum deditos, a Saxonibus adjuvi, classem ducunt. vix ad litus applicuerant, cum se Saxones conjungunt. Variè divisa classis, ad diversa loca appellit: parsque alia Suenonem, alia Canutum sequitur. Cimbri, cum Canuto erant, cum Suenone, Slesvicenses: Scani, atque Sialandi, qui postremi accessere, ceteros cingunt; ac Dobinnam primum oppugnant, oppidum piraticâ infestum maxime, quod dum faciunt, Ruginiani, qui & ipsi idolis dediti, opem Vandalis ferebant, in Suenonis classem invadunt; & incendunt magnam partem, capiuntque. quâ acceptâ clade Dani consternati, naves, quae restabant, repetunt, & in Daniam, re infectâ, retrocedunt: amulique reges ambo, postquam domum rediissent, bellum intermissum instaurant. hinc, amissis ad Dubinum navibus, inferior Sueno, mox Roschildiam, ab Haraldo pridem rege devastatam, ut haberet, quo tueri sese posset, vallo, atque fossâ, munit; ac praefidium imponit, & Ebbonem, Scialmonis Candidi filium, cuius certior in Cimbriâ Canutus factus, ut munitionem urbis impediret, & Vandalico bello fractum, hostem opprimeret, antequam reciperet vires, cum exercitu traiecit in Sialandiam: ac, Suenone, è ductoribus suis uno, ad munitionem urbis explorandam amandato, postquam captum cum accepit, oculosque item ereptos, statim

in Cimbriam regressus, colligit majores copias, & Roschildiam, mox in Sialandiam reversus, capit. sed, ad Thorstam à Suenone postea conferta manu superatus, cum reliquis exercitus Cimbriam reperire coactus fuit. Destituerant Canutum duo è nobilitate Cimbrica primates viri, bello clari: quorum magnus tunc Suenoni usus fuit, & momentum, ad victoriam reportatam. Inter ista Valdemarus, jam idoneus regno factus, odioque in Canutum, cujus pater suum è medio tam nefarie sustulisset, stimulatus, in Suenonis partes transit; accipitque præfecturam Slesvicensis, quæ parentis pridem fuerat: & impellit, ut in Cimbriâ ipsum invaderet. moxque obsequutus Sueno cum in Cimbriam trajecisset, Viburgenses, spe immunitatis summa, ad se trahit: & Canutum, ante urbem cum exercitu occurrentem, gravi prælio superatum fundit, & in fugam agit. qui cum profugus Oleburgum advensisset, velut rebus desperatis, atque debellatum putans, navem scandit, & in Sueciam se recipit, ad Syerconem illic vitricum. Quibus actis, æmulo liberatus Sueno, cum Viburgum munivisset, iterum infestis armis Vandalos petit; Danic jam, ob dissidium intestinum, insultantes. sed, successu aliquoties infelici, cum plus impetus haberet, quam constantiæ, nullâ re præclare gesta, domum redit. at Caput, quem in Sueciam profugisse memoravi, à vitrico benigne acceptus, & Ioanne, ejus filio, mox contemptui esse coepit. quo perspecto, postquam bona vendidisset, emptâ navi, in Poloniam, ad avunculum, & maternos necessarios, sese confert. sed & illic in suspicionem regni affectati cum venisset, eâ etiam relicta, in Saxoniam ad Henricum ducem abit. cujus fidem, ut in rebus ferè adversis fieri solet, fluxam expertus, ad Hartvicum, archiepiscopum Bremensem, & in senum regno Danic, quod dicendi ibi juris potestatem in ecclesiis amisisset, tandem venit. atque ille, nullo quidè in illum studio, sed vindictam contumeliæ animo agitans, dat auxilium. quo Canutus comparato, mittit statim, qui explorent, quo res loco sitæ essent, & an Cimbri veterem in se affectum retinerent. quibus læta nuntiatis, studiaque Cim-

bro sua, si veniret, pollicentur, in eorum fines ducit, neque longius progreditur, cum illorum magna statim multitudo sese dedit. Quæ re nuntiata, Sueno, cum imminui vires suas perlentisceret, se Viburgo, quod jam pridem communierat, continere, & obsidionem illic expectare, apud animum constituit, tum Canutus, postquam eò advenisset, non prodire hostem videns, castra ante urbem ponit. quam cum aliquantotempore obsedisset, ac deficeret com meatus oppidanis, Sueno, nihil non tentandum pro salute suâ, & suorum, ratus, statuit erumpere manè, & invadere improvisò castra hostium. sed impediēbat rivus, quem transire nisi cum periculo posset: quo transmissio nihilominus, ingens oritur certamen, ac Canutus, dissipato equitatu, quo superior multo erat, tandem victus, & fugatus, cum per paucis vix elapsus, in Saxoniam recedit: clarâ admodum Valdemari in conficiu illo operâ. Inter hæc Fioniam invadunt Vandalî, & diripiunt: sed, coactis statim copiis, contra eos tendit Sueno; prælioque superatos, rursus insulâ expellit. quibus gestis, ut deinceps Vandalorum irruptiones arcerentur, publico consensu procerum, jus piraticæ exercendæ, ac potestas, omnibus, qui vellent, datur, cupique pauci in principio instituerent, adeò mox crevit numerus, ut omnino multi essent, sub ductore Vithe-marro. quin præscriptæ illis leges, & concessum, ut, quas naves ad conflictum aptas esse existimarent, emere possent, & vel ab invitis dominis, pretio soluto, auferre. quâ re aliquantulum repressa quidem audacia Vandalorum fuit, sed, turbato per triumvirorum bella intestina regni statu, dum rem quisque suam agit, publicamque parvi ducit, sæpe vires resumpserunt; adeoque invalere, ut maritima ferè loca universa desolarent. Sueno verò dum in mari bellum his auspiciis cum Vandalis gerit, è Saxonîâ, in quam confugisse dixi, in minorem Frisiam Canutus redit; incolasque, spe majoris libertatis, pellicit in suas partes. quod cum ille accepisset, equitatum ocyus in Cimbriâ cogit; Scanis, atque Sialandis, naves, peditemque, imperat, & Slesvici adesse jubet; ipse quoque cum equitibus paullo post huc adventu-

rus. ubi postquam copiae omnino convenissent, neque naves, ad trajiciendum Eidoram; quo ab agro Slesvicensi Frisia determinatur, praesto essent, aliquot Slesvico abducit; parvas quidem, sed labore tamen maximo: queto & militum singulare planè studium, ducis sui diligentia incitatum, superabat. itaque in Frisiam cum trajecisset, incolae, tam repentina hostium incursione consternati, & ad pugnam imparati, ad Canutum evestigio, qui ad Middelamnis ripam castra sua communierat, se recipiunt. sed, in pugnam mox pellecti, longiusque inde abducti, simulat à Suenonianis fugà, penè universi cadunt: & Canutus, post suorum tantam stragem, cum auxilii nihil ultra superesset, profugus cum paucis admodum, quam reliquerat Saxoniam, rursus petit. Sueno victor, in auctores animadvertit; ceteris imponit multam, & in Daniam revertitur. hinc Canutus Fridericum Barbarossam, primum Caesarem creatum, supplex adit, opem in Suetoniam petens: quam ut impetrare posset, se clientem Imperii futurum spondet, si superior evaderet. quae petitio cum placeret Friderico, & Imperii proferebatur magna occasio videretur, eam usurus, per legatos evocat ad se Suenonem, & Marsburgum ut excurrere ne gravetur, blandè rogat. addit causam, veteris se amicitiam, quam Cunradi olim in aula contraxissent, renovanda cupidum esse: propiusque accedere ipsum voluisse, nisi negotia, in recenti principatu plurima, retinuissem. Grata haec legatio Suenoni erat; comiteque Valdemaro, iter init: quanquam dissuadentibus valde seuatoribus, & ne prudens se, sciensque, atque adeo regnum totum, in discrimen tantum daret, obtestantibus. Cum Marsburgum advenisset, honorifice in congressu primo excipitur: verum post colloquium, benignum satis, in familiaritatis priscae gratiam, accusatur; quod, legitimo pulso herede, Daniam per vim teneret; & Imperio, quem majores sui honorem habuissent, exhibere detraxerit. hinc conditio proponitur; ut iniqua, ita dura: ut deinceps regnum illud Caesaris beneficium possidere fateatur, aut experietur iram. si agnoscat beneficium, operam daturum enim, ut Canutus arma ponat, atque regno ultro cedat; una Stalandsi contentus porro, donec vivat: &

hanc ipsam sub clientis tantum nomine habiturus. si recuset, crepturum esse regnum, & Canuto, qui obsequium non refugiat, collaturum. Quibus Sueno intellectis, quod aequissimum esset, petit; uti causa utriusque in Imperii tribunali, ab ipso Caesare, & septemviris, cognoscatur: ubi palam sit futurum, neque regem Daniam superiorem ullum agnoscere, neque se aut in majorum consuetudinem, aut in iura regni Danici, adeoque ipsum Caesarem, aut Canutum, admisisse. Ius & aequum postulanti, ut id fieret, est concessum. itaque conciliant utrinque sibi amicorum patrocinium, & commendant causam suam. ac Suenonem, Henricus Leo, dux Saxoniae, maximeper tuebatur; Canutum, Hartvicus, archiepiscopus Bremensis, summis viribus defendebat. acta diu res, multumque; & sententiae variorum pro Suenone ferebantur: verum Caesar, qui Imperii majestatem ampliare cupiebat, his potius abitis, pronuntiat; velle se, ut regnum suum Sueno Caesaris beneficium fateatur, ac Canutum in societatem admittat: si detrectet bellum expectandum fiat. Quid hic faceret, inter sacrum, & saxum, positus? quod necesse planè erat, accipit conditionem: ita tamen, si senatus, qui abesset, approbaret. Sic dimissus, cum in Daniam rediisset, & senatus, quae Marsburgi acta essent, memorasset, is confestim Caesari scribendum censet; non se fidem ei ullam, neque operam, praestitutum, à quo praeterius, & aequum, in iniquas adeo conditiones, in quas nemo hactenus Danorum regum descendisset, temerè compulsus esse. Inde, ut affinitate principes finitimos conciliaret, Adelheidam, filiam Saxoniae ducis, Cunradi, antea desponsam sibi, uxorem ducit. cuius suum, ut nonnulli prodidere, rebus admodum secundis, quod insparibus fortunae animis ferè usu venit, in superbiam prolapsus, aliaque vitia quaedam, patriae antiquos mores, ceu incultos, & agrestes, cum Saxonis comitavit, etiam vestem imitatus. ac, ne solus facere illud videretur, etiam ministros omnes ad exemplum suum agere, & vestitu peregrino amicare sese jubet. nec hoc satis. luxum quoque peregrinum in regnum inducit, & instituit comestationes multas. per quae cum avarium ekhauriretur, neque ultra jam sufficeret, bonis etiam nobilium, civiumque,

& pupillorum, manum iniecit: & in suum ea usum, nullâ juris ratione, cuncta vertit. insuper prudentes viros, & amantes honestatis, quorum antea comitatu spectabatur, à se removet; aliosque, pro indigenis peregrinos, pro nobilitatis priscae novos, & obscuros valde, pro honesti & æqui amantibus improbos in locum adsciscit: & hoc uno regem se censi cupit, quod dejicere eminentes, & efferre abjectos posset. controversias, solitas decidi in foro, ad duella, dudum exoleta, revocat. denique, qui tam protervè in humanis rebus luderet, insultare etiam divinis coepit; & ut summum in conventibus sacris locum obtineret, concionatorum cathedras solo æquari, atque infra sellam suam strui jubet. Quæ dum agit, Nicolaus Brecksparrus, Româ à pontifice missus, cum ex Angliâ in Norwagiam advenisset, præfuli Nidraensi dat primatum ejus regni, qui ad Landiensem Scaniae, uti antè memoratum, pertinebat: illum verò ut placaret, graviter hæc re offensus Sueciam pro eâ reddit: ac dat pallium, quo deinceps summi in isto regno episcopi hujus beneficio induerentur. tum Suenonem, bellum in Suecos agitantem, dehortatur; ac, quo melius persuaderet, ab araneâ capere exemplum jubet: quæ, cum multâ operâ exhaustit sese, telam texuit, in quâ aliud nil prehendam, præter muscam, animalculum vilissimum. inde, irritus consilii, in Germaniam proficiscitur; ac propositum sibi bellum Sueno urget. Causa ejus, quod Ioannes, filius Suerconis regis, Caroli, Hallandiae ducis, conjugem, & sororem viduam, dum is abest, rapuisset, & in Sueciam abduxisset; ac stupratas, in majorem contumeliam, remisisset. Circa brumam, exercitum in Finlandiam ducit; incolæque, ut evadere bellum possent, occurrentes, obsides, & commeatum, quæque alia jubeat, offerunt ac precantur, ut direptione velit, & incendio, abstinere. Occupatâ sic Finlandiâ, in Verendiae fines movet: sed, qui eam incolebant, subito adventu hostis consternati, ocysus, desertis vicis, cum conjugibus, liberisque, nemora vicina petunt, atque illic se occultant. Sueno, postquam profugisse universos comperiret, obvia quæque populatur;

& in medio igne, exurit. Inter quæ tam asperum obortum gelu, ut eorum, qui in silvas se receperant, magna pars miserissime exstingueretur. Inde, quærens prælii occasionem, postquam coisse omnes, & congestâ maximâ lignorum struo, aditus præmunisse, intellexit, noctu adortus, munimentum mox expugnat, & devictus in deditionem accipit. Cum Verendiam hinc in modum etiam in potestatem redegisset, Sueciae jam imminabat. neque arduum fuisset, eam quoque subjugare: sed viarum difficultas, aërisque inclementia, à proposito abducebant. Vix reversum, magno motu Scania exagitavit; & ad arma incolæ in valle Arnâ proruentes, vindicare libertatem, tributorum nimio excusso onere, cupiebant, quibus pacandis cum in Scaniam transmisisset, jussis præstolari copias, prope vallem, fide publicâ interpositâ, paucis admodum comitatus, ad tumultuantes adit, & audiri sese petit. sed, lenire oratione blandâ visus, magis etiam irritat: & incondito clamore per contemptum obstrepentes, ut audiri à nullo posset, eum armati circumstant. atque ille, nondique se cinctum videns, ac periculum sanè esse, ne à multitudine opprimeretur, iterum, extentâ manu, copiam loquendi petit; seque dicit sine armis accessisse, ut offensis satisfaceret. verum frustra: quin & magis per blanditias, ut sit in seditiosis, asperati, etiam lapidibus petunt. ac jam summo in discrimine versabatur, cum id conspicatus Tocho, magnâ vir auctoritate, qui in comitatu regis, orat, *ne injuriâ in regem essent; se facturum, uti onera relaxentur: Et, nisi fiat, contra ipsum, ac præfatos, opem suam pollicetur.* quibus verbis deliniti, missum faciunt, & ab armis domum redeunt. Rex, periculo tam præsentis liberatus, cum ad suos revertisset, ut insignem contumeliam vindicaret, Scaniam penè totam exurit, ac militibus permittit, tam severè, ut nec fontium, nec insontium, ulla ratio haberetur. quâ in re ut iræ nimius, sic injustus, & ingratus in Tochonem, cnijs pridem beneficio vitam salvam reportaverat. illum enim, quasi clam seditiosos concitasset, etiam è medio tollendum jubet. Eâ re cum ingens sibi odium Sueno apud omnes regni

regni ordines provocasset, Valdemarus, illum hæcenus sequutus, nunc destituit, & Canuto se adjungit. qui vicissim, ut ætiori vinculo affinitatis magis eum sibi obstringeret, mox in Sueciam abducit; efficitque, ut rex Suerco filiam ei Sophiam uxorem daret. Hæc Canuti soror uterina erat, ac Rutheno patre nata; neque ullam in Daniâ hæreditatem possidebat. quam ob rem cum animo à matrimonio Valdemarus alieniore esset, ut negotium promoveret, in quo plurimum momenti positum existimabat, tertiam Canutus partem universi patrimonii pollicetur. itaque, cum dos placeret, accipit conditionem Valdemarus: & quamanteâ cum eo amicitiam contraxerat, nunc affinitate firmat. His ex voto expeditis, cum in Sialandiam ambo redissent, relicto illic Valdemaro, Cimbriam Canutus petit. Sueno, quæ egissent, gnarus, & è Sueciâ jam utranque rediisse, ut retraheret Valdemarum, cujus pridem & virtutem, & prudentiam, gratiamque apud populum, satis exploratam haberet, eum sequitur; & Ringstadii commorantem, ad se vocat. tum expostulat de injuriâ, & perfidiæ crimen objicit; quod in Sueciam ad Suerconem, regni hostem, cum Canuto concessisset: ac cum eo sedus quoque, contra datam à se fidem, iniisset. hinc confictas profert literas, veluti è Sueciâ scriptas; quibus quidam admonerent, ut caveret simulatam utriusque amicitiam, & insidias sibi struere: nisi faceret, brevi circumventum iri, misereque periturum. Valdemarus, acer animi, & apertus, indignam adeo calumniam ægrè ferens, longâ se oratione, atque vehementi, purgat: & expostulat, pro præclaris adeo meritis, ac gravissimis laboribus, quos pro ipso hæcenus sustinisset, gratiam tam malam reddi. quibus verbis sic commotus Sueno fuit, ut injicere manum vellet, ac captivum detinere, nisi milites, qui adstant, demandatam operam subterfugissent. Eâ re commotus graviter Valdemarus, ocyus in Cimbriam transit, & Canuto acta refert: tum Viburgi, in plenâ populi concione, quâ Ringstadii contumeliâ à Suenone affectus esset, gravi oratione exponit; animosque ita movet, ut decernerent confestim neque postulanti classem, quâ injuriam ultum iret. Verum ille, ut

summâ erat moderatione animi, armis nolens, quod efficere pace posset, cum Canuto se conjungit, trajicitque in Sialandiam; hoc consilio, ut colloquio benigno potius, quàm prælio, transigeretur: facili deponere vindictæ studium, si securitatem sibi ipse porro communiret. Suenum armatâ manu venientibus occurrit ad Sundebiam, vicum mari adjacentem, ut exscensu prohiberet. verum res, cum in colloquium consensissent, post expostulationes utriusque partis acres, sine sanguine terminata est: & Canuto operam interponente, denuò conciliata amicitia, fœdere quoque repetito confirmatur. Constitutâ hunc in modum vix triumvirorum pace, Vandali in Sialandiam, quâ objecta orienti, classe maximâ advecti, impetum faciunt: adeo latè excurrentes, ut Roschildiæ imminerent. ac diripuisse etiam, nisi Sueno repressisset: qui, Rudolpho obviam misso, magnam partem profligavit, & fugavit. Inde egressi ab eadem gente alii, terrâ ad Eidoram usque excurrunt. tum corripiunt etiam vicinas insulas; ac devecti in Fioniam, Falstria, Lalandiamque, & minores item cæteras, redigunt in potestatem universas, & ingentem prædam abducunt. adeoque nihil ferè usquam tutum habebatur: & nec navibus intrâ portus, quamvis studibus obseptis, certa statio. itaque anisui anxius Sueno: cum videret, in ancipiti regnum esse, ni piratas coerceret, nec id posset, opem à Saxoniarum duce, Henrico Leone, petit: & si illis perdomandis operâ navare velit, puri argenti libras mille, ac quingentas, pollicetur: tum coactam illam summam, ex collatione populi, mox transmittit. verum is, cum accepisset negligens promissi sui, fideique, quam obstrinxerat, fingit causas, cur nec opem ferre posset, nec pecuniam remittere. quâ re populus intellectâ, sic exarsit in Suenonem, uti armis depellendum regno esse existimarent: clamitantes, illuisse libertati, & ingenti ipsos summâ removere nunc emunxisse; qui non auro, & argento, publicam mercari pacem, verum armis comparare consuevisset. Itaque jam suos magis metuens, quàm hostes, Sueno, Vandalico omisso bello, à Canuto, & Valdemaro, concitatam in se plebem suspicatus, de his ipsis opprimendis clâm consilium secum



capit. ac prius, quàm arma caperet, alterum astu capiendum, aut tollendum, esse statuit; uti, uno intercepto, post minore cum periculo alterum aggredieretur. igitur, profectionem in Saxoniam instituens, ad Cunradum, focerum suum, Valdemarum, qui ducatum Slesvicensem obtinebat, maximeque metuendum, comitem adsciscit sibi. qui, quantumvis subdolum Suenonis animum nullo modo ignoraret, & ab aliis, ut caveret, etiam per literas admoneretur, tamen, vir ingentis animi, insuper periculum habet, & cum eo iter capit. Postquam Stadium pervenissent, mittit ad Cunradum Sueno, qui adventum nuntiaret, ac custodiæ se ejus Valdemarum aliquandiu commendatum item velle. verum ille, cum, secutum generi Suenonis fidem, iter longum adedò instituisse Valdemarum intelligeret, maxime honesti amans, & perfidiam detestatur, & respondet: *malle se cum generum suum, tum & filiam, ac nepotem, in crucem actos conspiciari; quam aut tale aliquid in Valdemarum perpetrare, aut extremam hanc aetatem, quam ab omni scelere puram ad id tempus exegisset, tam pudendo nunc facinore posteris insaniem reddere. adfuturum nihilominus; & quod sine scelere posset, si juvari armis velis, ac cum hoste, quem existimet, bello palam experiri, praesto fore.* Quo responso, nil tentandum ultra putans, aut progrediendum longius, & confusus, domum redit. Valdemarus, sic Cunradi probitate à periculo liberatus, nec ignarus, quid molitus Sueno esset, recipit in Cimbriam se, ad Canutum, tunc Viburgi commorantem. Vbi Sueno opprimere incautos volens, etiam relicta Sialandiam, in Fioniam transmittit. sed, cum emanasset dolus, pergit tamen, ne fuisse videretur: & compositus ad benignitatem vultu, ceu calumnia ea esset, ait, *accipere illos noluisse, sed invisere, & amice compellere.* verum ipsi, cum deinde nihil à Suenone boni expectandum sibi ducerent, regium in Cimbria assumunt nomen, & exercitum conscribunt. quod Suenoni postquam nuntiarum esset, ipse quoque, quæ opponat, arma parat. verum mox, dejectus animo, ac diffusus rebus suis, primò Falstriam insulam petit & ex ea, præter omnium suorum voluntatem, atque expectationem, cum uxore, filioque, in

Saxoniam contendit. Ambo reges, necdum aufugisse gnari, cum in Sialandiam transgressi essent, nullo ultra resistente, ibi etiam, uti pridem apud Cimbros, nomen regium consequuntur. & ingentem belli molem: quæ exitium universis, ac ruinam regno extremam, minabatur, major subito pax excepit, & tranquillitas, quàm sperare quisquam ausus; partim prono populi ubique obsequio, partim principum virtute. Sueno, profugus, in exilio apud focerum commoratur; & exemplo reges docet, non fastigium adedò excelsum esse, quo non eos deturbare Deus possit; si, consiliorum immodici, potius per fas, & nefas, quàm virtutem, illud confirmandum putent. Cum triennium exegisset, mortuo Cunrado focero, ad Henricum, de quo antè memoratum, sese recipit, ac pecuniam non exiguam, si recuperando regno auxilium ferat, pollicetur. isque, seu cupiditate gloriæ extimulatus, ex restituendo rege jam dejecto comparandâ, sive lucro, antè quoque obligatus, Vandalis mandat, ut, collecta classe maximâ, Daniam invadant mari: ipse, auxiliis ab Hartuico, archiepiscopo Bremensi, qui Suenoni semper faverat, arcessitis, terrâ proficisci statuit. & Hartuicus, juris dictionem veterem, quam in Daniâ habuerat, se recuperare posse arbitratus, non duntaxat collaturum opem spondet, sed & ipsum accessurum, & venturum in societatem belli. itaque, conjunctis viribus, in Holsatiam Henricus movet; eâ lege, ut pecunia à Suenone, cum ad vallum Danewircam pervenisset, solveretur. Per Holsatiam, siue ullo incolarum detrimento, copias ducit. cum ad Danewircam ventum, ac præsidio transitus obseptus esset, ducem evocat, & pecuniam vim promittit, si concederet transire. tum corruptum, premiumque expectantem, postquam copias traduxisset, illic in furcâ agit: manifesto documento, amare quidem principes prodicionem, sed odisse proditorem. inde obfidet Slesvicum, & deditione capit. etenim adventu ejus improvise consternati oppidani, cum præsidium, quo se tuerentur, nullam, neque comæatum, haberent, quo obsidionem longam tolerare satis possent, redimunt direptionem, & se dedunt. Oppido potitus Sueno, naves



Ruthenorum plurimas, gentiumque aliarum, quas in portu reperiret, variis onustas mercibus, depredatus, militi stipendium solvit; & Henrico, quam promiserat, pecuniam, quæ res urbi exitio fuit: & emporium, quod, conventu mercatorum, ex Europæ nationibus universis, longo tempore illic celebratum fuerat, dissipavit, & evertit. nam Suenonis violentiam detestati mercatores, nunquam eò post hunc diem merces ullas advexerunt. Inter ista, apud Suecos Magnus quidam, vir illustris illic loco, regnum affectans, cum Suerconem scelere cubicularii occidendum procurasset; & in Carolum, ejus filium, à quo profligatus cecidit, arma caperet; Canutus huc, reginam focu advocante, proficiscitur: & commendat Valdemaro summam rei. isque, cum in Cimbriam ulteriorem Henricus pergeret, ut victoris impetum sufflaminaret, eò properè contendit, & exercitum magnum cogit. cujus rumor postquam in Henrici castris increbesceret, consternato statim milite, etiam ipse angi cœpit. ac, vocatâ concione, ne jejuniū quadragesimæ, in quam bellum hoc inciderat, piscibus deficientibus, quorum tamen summa illic semper copia, violare cogeretur, necessarium in Saxoniam redeundum sibi edicit: idque ducibus, quotquot erant, collaudantibus, castra movet, & recedit; adeo festinato itinere, ut diripienda passim Valdemari copiis impedimenta plurima in viâ linqueret; & ostenderet, magis hostem, quam defectum piscium, se metuisse. adeoque propera illi fuga fuit; ut, quod iter in accessu quindecim dierum spatio perfecisset, in recessu biduo emetiretur. Sueno, irritis consiliis, & conatus, cum Henrico in Saxoniam regressus, iterum auxilium petit: &, res quæ terrâ parum successisset, ut tentare mari velit, Vandalosque cum infestâ classe mittat: neque dubium se habere, exitum feliciorē multo fore. & Henricus, in petitionem pronus, neque deferendum ratus, novam suis classem imperat, & reducere profugum in regnum jubet. neque mora: plurimis instructis navibus, in Fioniam incurrunt; incolisque, si recipere, quem rednerent, regem vellent, omnia salva pollicentur.

Sueno statim Othoniam abijt, summâ passim gratulatione exceptus; tanto hominum concursu, & consensu, uti pro salute ejus uterque sexus arma offerret. Id cum gnarum Valdemaro, & Canuto, qui è Sueciâ per legatum Abfalonem, Valdemaro à communi educatione carum, revocatus, jam redierat, minimè cunctandum rati, mox trajiciunt, & infestas in Suenonem copias ducunt, acriter manum conferturi. sed, instructâ ab utrâque parte acie, cum cruentum prælium expectaretur, Valdemarus, uti sanguini subditorum parceretur, in colloquium rem convertit: ac constituit, ut in præsens arma utrinque ponerentur, & cum paucis in Lalandiam proximam concederet Sueno; & subsisteret, dum, indicto regni procerum conventu, Valdemarus eò accederet, ac condiciones pacis pertractaret. His auctore Valdemaro constitutis, cum Othoniam is lavandi gratiâ postridie se recepisset, excipit ingressum Sueno; &, in ædem Albani abductum, coram uno Abfalone, sic compellat: *fato suo, non malignâ voluntate, factum esse, ut offensa intercederet, si id semper operam dedissem maxime, ut illasam amicitiam conservares. primum patrem contra Magnum, quâ Canusum, ejus patrem, summo scelere occidisset, bellum grave suscepisse, ut incolamem præstares. hunc sequutum Ericum alterum eundem affectum tenuisse. illum se nunc excepisse; & ipsius pueritiâ pari studio protegendam suscepisse: ideoque ad hoc bellum, contra eum, in cuius partes transisset, devenisse. quem deberes scire tamen, etiamnum ita animatum esse, ut consortem minime laturus foret, nisi unum se timeres. cui si humanitus quid evenires, neque ipsum multo post supersuturum. itaque nunc opem ejus implorare, arbitrumque paci capere: ac deinceps placitum, quam vivendi sortem daret. Inter ista, interruptit Valdemarus; frustra esse, quod dirimere amicitiam cum Canuto conaretur. nihil eum admisisse, cur pateris impatire eadem debeat: quippe nec fecisse quicquam, nec scripsisse, quod benevolum in se animum predicaret, cum sat perspectum haberet: atque ostendisse ipsum, cum in carcere aservandum, apud focerum, extra regnum amandare statuisset, in Canuti amicitia se omnino acquiescere: in quo fidei, & integritati, plus expertus esset, quam in ceteris invicturum se consideret. nihilominus, in constituenda pace, eâ animi mo-*

*deratione usurum, uti viri jam grandævi, & propinquus, quem deberet, rationem habuisse videatur. scire quidem, non se regni dare ipsi partem posse, sine maximo periculo, ac daturum tamen esse. Sueno iterum: se, quæ diceret, quæque promissurus esset, bonâ fide servaturum. quippe eâ statè esse, & valetudine, ut vix diu superesse deinceps queat. insuper, nec filios habere illos, quibus regnum postea relictum vellet ac fortunam quamvis malle, quàm perfidia à posteritate totâ accusari. Post colloquium, in Lalandiam, uti constitutum erat, sese confert, cum exiguo comitatu, quem mox tamen, minimè convenientem, aut sufficientem quoque ad id quod clam agitabat, ratus, auget: ægrè ferens, quod propositum separandi à Canuto Valdemari non ex voto successisset. & uterque, ut adessent statò die, cum senatu, ac nobilitate regni, subsequuntur. cumque eò appulissent, illicò Suenonem sibi Valdemarus ex officio salutandum arbitrat, eum accedit. Sueno, qui id exspectabat, & Canutum quoque unà adfuturum existimabat, dederat mandatum suis, ut quæsitâ ambos lite interficerent. verum, ea exspectatio cum Suenonem sefellisset, nec Canutus compareret, cædem imperatam differt. ac postridie Valdemarum, qui jam sponte suâ venerat, ipse invitat. sed, quid agitare, gnarus, negat affuturum esse, nisi solus, ac remotis satellitibus, sese sistat. itaque, militibus abesse iussis, mox concilium instituitur, & arbitrium Valdemaro pacis universum datur. isque statuit, ut, tributo in tres partes regno toto, ipse Cimbriam teneret, ac Canutus Sialandiam, & Fioniam, proximâque illi insulas; Sueno Scaniam, & Hallandiam, ac Blekingiam, possideret; reliquæ omnes nomine dicerentur. ac Canuto Sialandiam, quæque dixi, dari placuit, ut quo modo animis conjuncti erant, ita quoque terris essent; neque eos, ad auxilium, si res ferret, concurrentes, dislinere Sueno posset: cui qui concessam esse Sialandiam prodidere, eos planè ratio fugit. Quidam tradunt, à Suenone, qui jus quoque optionis ipse haberet, ne in medio æmulatorum ceu obsesus teneretur, Scaniam electam esse, non tributam à Valdemaro. In partitionem istam, à senatu comprobata, ipsi quoque singuli se juramento obstrinxere: diris eti-*

*am devoventes, atque sacris prohiberi cupientes, qui deinde aliquid moliri novè contrà vellet. Regno ita distributo, mox Canutus, comitem Valdemarum ducens, Sialandiam suam petit, & convivio Suenonem transitorium excipere statuit. Paulo post subsequitur Sueno; & ab eo, jam Roschildiæ propinquus, extra urbem honoris ergò procedente, blandè admodum excipitur, & tractatur per benignè. Primus dies inter epulas, & colloquia, totus transit. altero cum crapulâ languere sibi stomachum Sueno simularet, ad Torbernum, in propinquo commorantem, filiaque suæ alumnum, velle spatium ait, & in coenam rediturum. Hic tum esset, incussasse dicitur Torberni uxor, quod, abjecto nimis animo, in trientem regni sui, antea totius dominus, tam indignè se compingi passus esset, quo convivio, irritatus etiam tum Suenonis animus, magis quoque in confortes acerbari: adeò quidem, ut omnino constitueret, quovis modo dignitatem pristinam recuperare. itaque, qui aderant, excitulantibus, uni horum, nomine Thitlevo mandat, ut conjunctis, quibus ad audendum animus, ad patrandum manus esset, inter coenam novos regni socios contrucidaret: præmiumque post peractam cædem ingens pollicetur. Hoc consilio postquam diem penè totum exegisset, mittit vesperi Canutus aulæ primos, qui in oppidum reducerent. Venientibus, ante aedes obviam Torbernus prodit; & rogantibus moræ causam, balneo Suenonem esse usum ait, & ab eo capitis dolore aliquo laborasse. ipse verò postea coenaculum ingressus Sueno, aliâ causâ moram suam nec rogantibus excusare: ac ludendo cum filiâ, & jocando, citius opinione diem sibi elapsum dicere. Tam diversa excusatio poterat prudentibus suspecta esse, taciteque causam istic graviolem occultatam indicare: sed Canuti fato factum, ut stuperent illis animi, neque scelus cogitatum aliquâ sagacitate conjecturæ prehenderent. eunt itaque, & deducunt gratabundi mox futurum parricidam. obviam Canutus venit, & cum eo Valdemarus: utque ætati honorem habere se ostenderent, medium locant. Inter coenam, aderant musici, quos exilium Sue-*

nonis modulantes cum quiescere, nec memoriam minus gratam renovare, illi velent, pergere eos Sueno jubet; & malorum, quæ interdum passus esset, perhibenter meminisse attestatur. hinc, qui latrocinium jam cogitare, ut imaginem belli daret, & præluderet ita cædi, quam parabat, postulat latrunculos sibi: illis quoque in exilio sefellisse tempus dicens, neque alio ferè lusu magis animum recreasse. Inter hæc Thitlevus adest, princeps conjurationis; &, coenaculum ingressus, in quo reges unà erant; omnibusque exploratis, illicò ad suos redit: *nunc adesse tempus dicens, quo Suenonem, heram suam, dignitati restituerent; amalosque, qui & primo in exilium, & nunc tandem ad indignam adè sortem compulissent, trucidarent: itaque auderent facinus; & invaderent ex insidiis, quibus essent viribus inferiores. quod si viri esse vellent, & exemplum omnes suum sequerentur, mox Suenonem post recuperatum regnum, summos quemque ad honores eveherent.* Quibus verbis, qui jam ante animum in eadem regum obfirmaverant, etiam magis incitati, postquam operam promississent, ad coenaculum, ceu excubias habituri, collocantur. quod Thitlevus denuò intrans, cum innoberet Suenoni, omnia ad facinus parata esse, neque animum is adverteret, à Canuto admonetur, cum adesse, & habere, quæ significata vellet. post quæ cum erigeret se Sueno paulum, & ad aurem illum admitteret, clanculum effatus quædam, rursus abijt. inde exit quoque Sueno, & conclavi proximo se statim abdit. quo peractò, irrunt mox percussores in Canutum, & Valdemarum. Valdemarus, animo, & manu, acer, facientem in se impetum Thitlevum cubito impellens sternit; tantà vi, ut ipse etiam, unà in terram provolutus, dum prodiceret, femur ense inimici faucaret. sed, in pedes statim surgens, neque vulnus in periculo tam præsentis ullum sentiens, eripit se, & sicarios evadit. ac Thitlevus, cum se rursus erexisset, acriter Canutum aggressus, eum sternit, & obtruncat. Cadunt & consilarii ejus dno, Constantions, & Dobieus: viri fide, ac constantia, excellentes. Inter medios percussores Absalon stabat; ac Canutum, vix spirantem, amplexatus, quem putaret Valdemarum,

olim secum educatum, cum Canutum esse cerneret, quanquam tristis, ob indignam principis illius necem, tamen, cognito errore, evasisse Valdemarum lætatur. Ita cecidit Canutus; postquam regnum in Cimbria quidem, variâ spe, ac fortuna, novem, sive decem, annis; in Sialandia, ac Fionia, nuperà transactione, breve tempus tenuisset. Dies cædis, Augusti mensis nonus traditur; annus, variè memoratur: & Ericus Pomeranus, millesimum centesimum, ac quinquagesimum sextum, refert; Albertus verò, abbas Stadenfis ejusdem seculi insequentem, quinquagesimum, & septimum. Virtus illi, digna rege; animusque à parentis Magni moribus alienus. nec indignus toti Danie imperare, si sic Deo placuisset. sed premebat, ut videtur, patris scelus: qui, Canuto Slesvicensi, principe optimo, uti supra memoratum, interfecto, ita numen irritavit, ut in filio quoque illud persequendum constitueret: ac, minuto prius regno, inde etiam turbato, tandem vitam sine eodem terminaret: tum progeniem in hoc ipso universam extinctam vellet. Valdemarus, sic elapsus, adjutante Esberno, Snario, magno cum periculo transvectus scaphâ, vix in Cimbriam pervenit. ubi, accedens ad conventum Viburgensem, coràm populo univèrso, quæ Roschildiæ acta essent, longâ oratione exponit. utque magis commoveret, vulnus, à Thidevo inflictum, femore nudato, ostendit. quo conspecto, graviter indignati omnes, maximum clamorem tollunt; & se, ac fortunas suas, ad Suenonem persequendum ultrò offerunt. atque ille, actis gratiis, non tam pro salute suâ, quàm cunctorum incolarum, arma in communem hostem se sumpturum pollicetur. Hinc dimissâ concione, mox de belli apparatu consultare: planè certus, haud Suenonem cessaturum, simul se in Cimbriam elapsum esse intelligeret. neque res evenit secus. quippe, postquam evasisset Valdemarus, eum aliquà insulâ latere parte arbitratus, illicò trajectus omnes arcè obsideri mandat, prohibetque, ne quis usquam in vicinas regiones evehatur. quin &, ne id fieri posset, perforari destinatas transvehendis navas curat. tum paludes quasque ab-

ditas, & recessus nemorum, investigari sedulo jubet; & inventum, ad se adduci. insuper proclamat *ambos homicidas, & fratri-  
disfragos, jus hospitii violasse; & insidiosos vi-  
ta, sua morte alterum huius facinor.* sed calum-  
niae manifesto, quamlibet asseveranti, ne-  
mo fidem ullam habuit. Postquam autem  
in Cimbriam elapsus sciret, illico con-  
scriptum militem in Fioniam transmittit,  
inde in hostem transiturus. quo accepto,  
Valdemarus, qui tum copias perexiguas  
coegisset, obviam illi proficiscitur: non  
tam illum invasurus, quam in littore excep-  
turus venientem, & prohibetur aditu.  
atque Sueno, gnarus, jam teneri litus,  
copias majores esse Valdemaro, quam re-  
vera ex forent, arbitratus, pedem refert,  
mox instructior rediturus. Valdemarus,  
qui futurum id prospiceret, munit litto-  
ra; ac, praefidiis ordinatis, mittit quoque,  
qui, quae Sueno agitare, diligenter explo-  
rarent. hinc, firmandis rebus suis, popu-  
loque obstringendo, cum Viburgum re-  
cessisset, Sophiam uxorem ducit, Canu-  
ti sororem: quam in Suecia desponsatam  
antea commemoravi. Postquam nuptias  
celebrasset, ne gerendis rebus tempus op-  
portunum praetermitteret, copias Ran-  
derhusium mittit, unde in Sialandiam  
commodius transire posset. ubi dum sub-  
sistit paulum, multi, qui Snenonis scelus  
detestati, in ejus partes concessere. atque  
hic, laceffere hostem melius, quam exspe-  
ctare, arbitratus, classe instructa, cursu in  
Diursam, Cimbriae flumen, instituto, eam  
ingreditur; & expositum sine mora equi-  
tem Viburgum ducit: si fortasse, incerta  
habitantium fide, cogere id in potestatem  
suam posset. sed, adventu nuntiato, Val-  
demarus mittit vario itinere mixtum pe-  
diti equitatum, qui Suenonis, dum is ab-  
est, classem expugnat: ipse, oppidum  
communit, ne ab hoste opprimatur. Sia-  
landi, simul copiis Valdemari imminere  
cognovissent, illico Suenonem deferunt,  
atque domum sine pugna se recipiunt. at  
Egoni, meliore in illum fide, & conferre  
manum ausi, caci, & in fugam acti, post  
suorum magnam stragem, tandem quoque  
naves petunt, & recedunt. Quibus ita  
prosperè gestis, Valdemarus, ut principia  
ferè laeta animum in futura firmant, spem

SVENO IV. VALDEMARUS I.

victoriae magnam capit, copiasque omnes  
cogit; numero quidem, quam virtute, aut  
peritia militari, meliores; sed quas ducis  
fortitudo, ac felicitas in gerendis rebus  
summa, ad alacriter capeffendum praelium,  
exstimulabat. Sueno contra, post defe-  
ctionem tantam numero minor, sed supe-  
rior virtute, suos quoque in pugnam in-  
struit: & hortatur, ut ex intervallo hostem  
corpant potius, ac fatigent, quam, confecti à tot à  
manu, nimium incertam belli aleam experian-  
tur. & consilium prudens erat; verum id  
evertens Ago, aut pugnandum, inquebat,  
aut futurum, ut à suis illico defereretur. cogita-  
res, quot victorias minimam suorum manu repor-  
tasset. militem se veteranum, & peritum belli,  
habere: at in Valdemari castris, turbam esse, maxi-  
mè armorum rudem. Stabant ad Viburgum  
acies, eo in campo, cui Gratenhedæ no-  
men, ineunt certamen acriter, militesque  
Valdemari, impetu in hostem facto, dex-  
trum cornu sic impellunt, uti alii conster-  
nati fugam caperent. nam, validius his in-  
stantibus, illis è certamine se subducenti-  
bus, postquam ordines solverentur, tan-  
dem etiam funduntur. Sueno, fugere suos  
videns, ipse quoque pugnam deferit, & ci-  
tato equo, fugit. Erat in propinquo palus,  
cui Gratemolæ nomen: in quam ubi pro-  
fugisset, & haerere luto equus, ocyus in  
pedes desiluit. sed, armorum pondere gra-  
vis, illis quoque mox exstis, in interiora  
tendit. verum ibi quoque obhaerens, dum  
eripere se conatur, lassitudine superatus,  
ceteros consulere sibi quemque jubet. ip-  
se, famulo uno comite, truncum, qui se  
fortè offerret, occipat, ut vires colligat.  
& vix federat, cum inveniunt quidam Val-  
demariani, qui investigabant praedam. hi,  
occiso prius comite, ipsum quoque, se  
Suenonis esse scribam afferentem, & ab-  
duci ad Valdemarum postulantem, agni-  
tum mox interficiunt: ac cadaver, nullo  
habito honore, illo ipso loco condunt; ubi  
postea facellum, in memoriam, extruxe-  
re. Capti multi: & in illis, ex illustribus, Vi-  
vo quoque, ac Thitlevus, quorum ille à mi-  
litibus Canuti velut unus percussorum ac-  
cusatus, capite luit. at Thitlevus, qui Canu-  
tum, uti dixi, interfecerat, excusare crimen  
cupiens, & rejectam excusationem videns,  
adeo coepit muliebriter ejulari, ut, à tam  
effirmi-

effeminato, & ignavo, virum fortem, ac præstantem, interemptum, multo magis etiam indignarentur, & è medio ignominiose tollerent. Sueno, in memoriam stragis, Grathenedius cognomento appellatus. Commissum autem istud prælium anno millesimo, centesimo, quinquagesimo, & septimo, die S. Severino dedicato: qui in decimum Kal. Novembris incidit. alii, anticipant mensem; memorantque evenisse x Kal. Octobris: memorie, ut puto, lapsu. Itaque sic periit Sueno; cum de regno cum Canuto, & Valdemaro, annos decem concertasset; Daniamque, per continua illa bella intestina, quam gravissimè afflixisset. Varià fortunà usus; in principio fortiter satis, ac feliciter, cum Canuto dimicavit: sed ab eo mox ejectus, ad petendum à Cunrado socero auxilium coactus fuit: inde, hoc vicissim pulso, fraude Cæsaris Barbarossæ, cui nimis imprudenter se permiserat, circumventus, regnum ejus beneficio ceu precariis retinere, & Canuto partem tradere. Post hæc, luxu, & superbiam, populo intolerandis, pro libidine quidvis agere. Valdemarum, antea addictum valde, postquam à se suo scelere reddidisset alienum, & transire ad Canutum compulisset, qui vix unum sustinuerat, jam duobus impar factus, renovatà summâ simulatione amicitia, inter ipsa mense hospitalis sacra tollere utrunque statuit. sed, cum minimè ingens facinus successisset; & Canuto solo cæso, evasisset Valdemarus; mox in pugna superatus, à rustico quodam, manifestâ numinis vindictâ, occiditur. tanto quidem nominis relicto odio, ut deinceps neque illo quenquam Dani regem legerint, nec id reges filiis suis imposuerint. Ex uxore Adelheidâ, filiâ Cunradi Miskici, filium suscepit unicnm, sicut ex Saxone constat: cuius tamen nti nomen, ita fatum ignoratur.

VALDEMARVS I,  
cognomento MAGNVS.

Cæso, scelere Suenonis, uti dictum est, Canuto, ac Suenone inde ipso post conflatum interfecto, Valdemarus, jam totius regni potens, cum Vlvonem, ac Thitlevū, milites supplicio justo affecissent, in principio statim ipso boni regis, ac clementis, specimen dedit. quippe Magno, Erici Agui

VALDEMARVS I

ex pellice filio, & Suenonis castra sequuto, cum jam poenam expectaret, vitam, & honores, dedit: plus cognationi tribuens, quàm injuriæ. cumq; milites Canuti, hostiū strage non contenti, omnes eos, qui consilia ad Canutum occidendum conjunxissent, & Thorbernium inter primos, etiam exilio puniri vellent, ne Canutum, & Buriisium, quorum ambigua fides esset, armis damnatorum instrueret, maluit veniam dare fontibus, quàm supplicio æmulos extimulare, aut firmare. cum instarent nihilominus, ne Canutum interfectum vili pendere videretur, poenam illis, & exilium, pollicetur: ita tamen, ut liceret revocare, cum sententiæ poeniteret. cæterorum, quos captivos belli fors iniqua fecerat, ei culpæ non obnoxios, maluit militiâ uti. Post clementiam tam insignem, ad virtutem bellicam versus, uti Daniam à piratis, tot jam annos infestantibus, liberaret, classem parat. sed, senatu dissuadente, mox omissa expeditio. nam deesse commeatus; Vandalique, in quos arma cogirabat, cuncta antè intellexerant, & excipere invadentem certi erant. ideoque nec consultum videbatur, robur Daniæ, quod in classem hanc convenerat, & nobilitatis florem, temerè periclitari. unde Absalon, cum roganti dissolutæ expeditionis causam responderet Valdemarus, *minimè periculo tot viros fortes, nobilesque, oblectare voluisse; ergo ignavus, inquit, utere, & plebejus, quorum vilis est jactura: aut victurus maximo cum regni fructu, aut vincendus parvo damno.* Per id tempus, cum Ascerus, Roschildensium episcopus, diem suum obiisset, de creando successore populus, & sacer ordo, ita graviter discedere, ut in eadem res erumperet; denique, contempto rege, etiam procuratorem ejus invaderent; ac, direptis item bonis, ædes tandem solo æquarent. quam rex insolentiam ut coerceret, & auctores castigare, illicò coactâ manu, ad exitum urbanorum properare videbatur; ac profectò intulisset; nisi, culpam deprecanti, maximam pecuniæ summam promississent. itaque ingressus urbem, ac professus, jus se sacri ordinis tueri velle, justis quatuor eligere notæ probitatis viros, & in istis Absalonem, tunc in cæteris eminentem: tum in chartâ nomen ejus

ejus, quem Ascero successorem esse vel-  
lent, consignare. quâ in re cum morem  
gererent, uno omnium consensu Absalon  
pronuntiatur: cujus clara, etiam in multis  
bellis, postea pro Valdemaro, ac Canuto,  
ejus filio, opera commemorabitur: maxi-  
mè laudanda quidem; magis tamen, nisi,  
pridem Deo, & ecclesiæ ejus, consecra-  
tus, sagum postea vestî sacræ prætulisset:  
atque bella, quamvis iusta, tamen plena  
sæpius impietatis, gerere duxisset prius,  
quàm commisso sibi populo verbum Dei  
explicare, & exemplo quoque suo piete-  
tem erudire. Cum Roschildiensem eccle-  
siam hunc in modum tranquillasset, ut  
ostenderet suum in pietatem studium, mo-  
nasterium apud Cimbro quoddam con-  
dit, atque Vitæ-scholarum dicit: causâ, ob  
quam condidisset, ipso nomine indicatâ.  
Inde in Vandalos bellum movet: quod,  
initio decretum, uti dixi, & omis-  
sum, nunc repetere illi visum. ac Borlundam invasis-  
se nuntiatos, mox repressit. inde cum in  
Cimbriæ maritima se, Fals-triæque effudis-  
sent, & munitionem quoque Fals-trii con-  
stituisset, regio pincernâ imposita; isque  
vocem aliquam liberio-rem malè ad re-  
gem detulisset, hic ulturus, arma etiam in-  
tulisset, nisi mala improvisò valetudo te-  
nuisset. quâ recuperatâ postea, cum erro-  
rem percepisset, morbum objectum, ceu  
ad prohibente Deo, gratulatus sibi fuit. quin  
hortatus quoque Absalon, ut, omisso hoc  
consilio, potius in hostes iret; quique sa-  
cris Christianis toties renuntias-  
sent, ad obsequium rednctis, pietatem exercendam  
imperaret. itaque, consilio cum Absalo-  
ne, Petro, Esberno, & Snnone, quibus  
plurimum tribuebat, illico communicato,  
placuit decerni classem, modicam, & ex-  
peditam; ac quamprimum in incautum  
hostem duci. neque mora: comparatis  
navibus è Sialandiâ, Scaniâque iussi Fal-  
strii, ac Lalandi, illis proximi, imparatos  
occupare. Convenere ad Landoram: sed,  
is locus quia regibus parum fortunatus es-  
set, ideoque caveretur, recensere proxi-  
mo in portu visum: ac compertum, sexa-  
ginta & ducentas naves esse. inde egressi,  
cum præmitteretur Absalon, velut aditum  
tentaturus, atque in conspectu penè jam  
hostile litus esset, retrò cedere regem vi-

Valdemarus L.

det, & cum eo quoque cæteros; quam ob  
causam etiam ipse proram vertit: & ad  
Monam assequebatur, liberâ oratione accu-  
sat eum, quod tranquillitatem aëris, & ala-  
critatem militum, tum occasionem rei per  
utranque sat feliciter gerendæ, temerè  
destituisset. Aegrè quidem ille libertatem  
ferre, quanquam rectè admonentis, sed  
dissimulare offensam: & , composito ad  
benignitatem vultu, ejus studium prædica-  
re, ac repetere navem suam. verum quæ  
exorta nocte proximâ tempestas fuit, to-  
tos dies quatuor continuata, ita classem  
dissipavit, ut nec portus, neque ancho-  
ræ, tuerentur. Ea res dissimulatam re-  
gis iram porrò etiam lenivit: ac, vocatâ  
concione, corrigi præterita haud posse di-  
cens, temporis consilium accommodan-  
dum inquebat: & se quidem mori malle,  
quàm inglorium redire. quâ de causâ dat  
mandatum Absaloni, ut intentus in occa-  
sionem esset. Nocte proximâ, postquam  
siluisset ventus, statim signum navigationi  
datum: & , conscensis inde navibus, vix  
egressi portum erant, cum oborta iterum  
tempestas gravis in discrimen universos  
summum adduxit. Absalon, qui regem  
antè reprehenderat, ne majore animo  
dixisse aliquid, quàm fecisse, videretur, &  
obnitiur fortissimè, & instare Valdemarus  
suos jubet: donec navem, quæ vehabat,  
fatiscentem, permutare cogeretur. pro-  
ximusque illi Eschillus, cui idem eveniret,  
indicat periculum regi, & recedit. mox-  
que alii sequuntur: studio, an errore, in-  
certum: adeoque vix è totâ classe naves  
sexaginta remanebant. Memorandum au-  
tem hic intrepidus Valdemari animus;  
quippe navi, uti dixi, jam compage dis-  
solutâ, ut periculum vitaret, & pericere-  
t institutæ navigationis cursum, jussu suam  
admovere Ingimaro, viro Scano, dextrâ  
ensem, lævâ autem signum tenens, in hanc  
transilit; ut audaciâ, sic felicitate, summû.  
Cum ad littus appulissent, iussi duces in  
commune consultare: placuitque invade-  
re Barcam, à Rugiâ exiguo freto sepa-  
ratam. ac peractum tantâ id celeritate,  
nt, audito strepitu equorum, incolæ  
Cazimarum, aut Bugillaum, regionis  
sue principes, advenisse existimarent. sed,  
conjectis undique telis, ac directis passim  
vicis,



viciis, & incensus, statim hostem agnovere. interim præfectus classi, & custodiendo mari, quàm fortissimè incurstantes Rugianos propulabat: & à prædâ revertentes mox cohortes, etiam validius cum his pugnabant. sed, cum illi in momenta quæque crescerent, placuit abnavigare: maxime cum pars exigua tantum classis præsto esset; & ex illa quæ ad litus appulisset, aliqua deseruisset. itaque, ferente vento, Daniâ repetiere. Sub auctumnus, in eodem iterum educit classem; & subiectum Arconæ agrum populatus, cum recedere spoliis onustus vellet, obvium sibi hostem habet. Nebula erat, & impediebat visum: quæ cum mox discussa esset, equo adactò advolat ad Valdemarum Penilavus, Vandalorum principis Nicloti filius, admonetque, *in propinquo hostem esse, & pugnandum statim fore.* tum conversus ad exercitum; *pristinæ virtutis suæ meminisse omnes* jubet. quippe obvius jam datur, quos ne quicquam studio pridem singulari quasivissent, quique Daniâ omni injurias genere affecissent: *præter prædâ, abductis liberis, & uxoribus, in durissimam servitutem. nunc occasionem sui ulciscendi certam esse.* Perilavus hic, exorsus impium idolorum cultum, ac sævitiam patris quoque in Christianos detestatus, patrio relicto solo, profugus ad Danos venerat; & militiam amplexus, aliquot à Valdemaro insulis præfectus erat: ac nunc castra item ejus sequebatur. hinc affectus, & de hoste imminente admonitio. Itaque gnarus Vandalos appropinquare Valdemarus, classicum canere suos jubet, præliumque inchoare. quod vix factum, cum in fugam hostis vertitur; rexque, acrius persequutus, equo effunditur: & à suis sublevatus, nihilominus fugientes porro urget. multi cæsi, multi etiam, dum trajectum suum repetunt, per quem venerant, & incautiùs propterantes, vado aberrant, suffocati. Post victoriam, totam Rugiâ populatur; & cum spoliis quàm amplissimis domum redit. vere proximo, tertium coactâ classe, postquam denuò bello petere Vandalos constituisset, gnari illud Rugiâ, ocyùs Domborum mittunt, virum inter suos clarum dignitate, ac prudentiâ: qui & pacem præcatur, & obsequium promitteret. is, cum sciret, Ab-

salonem plurimum apud regem posse, eum adit, & ad regem mox admittitur. ubi videns, omnia parata esse; neque quicquam, præter ventum, expectari; pacem orat, tam demissè, ut conditiones quasvis accepturus videretur. sed, diutius dum subsistunt, vento adverso, ac deficeret comatus; & dissidium, uti fit, exoriretur; animosior, quam suppliciter antè pacem postulaverat, mox se accepturum negat, nisi sub æquissimâ conditione. tumque primò de tractationis modo ageretur, obsequesque exhiberi Absalon vellet, pollicetur, si vicissim ille daret. quod cum is indigne ferret, & haud consuevisse Danos, responderet, regerit Domborus statim; *rationem temporum habendam esse. olim potiores illos, nunc se pares, aut fortunâ viribusque, etiam superiores.* Refert hæc ad regem Absalon: atque is, superbiâ Dombori offensus, abire eum sine responso ullo jubet. verum, quando etiam tum adversari ventum cerneret, & incerta quoque belli apud animum reputaret; insuper, conatus quantum primus satis successisset, nihilominus haud tam facilè debellari eos posse, ducem etiam Saxonie, Henricum Leonem, nti arma sociare vellet, rogat. & is facilis, antèa infestus Vandalis in societatem venit; partim præmio pellectus, partim fines proferendi commodâ occasione, atque ulciscendi studio. itaque consilia, & arma, jungit: & navibus eos copiis aggressuro Valdemar, ipse terrâ impetum facit. Valdemarus, postquam classem trajecisset, militem ad Polam exponit, ac vicinum tractum omnem ipse pariter & Henricus, viribus consociatis, populantur. Vandalis sæpè ex insidiis militem Henrici occubant, pabulandi gratiâ progressum longius; quosdam etiam intrâ castra retrò agunt. & Henricus, ut reprimeret, mittit rursus pabulum. conquirituros; quibus equites selectos, peditesque levis armaturæ, miscet, manu promptos. qui cum paulum processissent, veniunt ad eum locum, quem Niclotus, dux Vandalie, insidebat: isque erumpens, irruit in venientes. acre prælium committitur: & ntrinque fortiter pugnatur diu. tandem Vandali, maximâ suorum parte profligatâ, & amissâ spe victo-



victoriæ, principem defituentes, fugam  
 capiunt. at Niclotus, pugnâ excedere turpe  
 dicens, nihil motus, diu etiam prælia-  
 tur: donec tandem, telis obrutus, & vul-  
 neribus confectus, viribus prostratis, ca-  
 deret. caput ejus, conto fixum, cum cir-  
 cutulisset miles, id Henricus Valdemaro  
 regi mittit. quod cum fortè Perillavus,  
 ejus filius, inter cænam accepisset, primò  
 tristis, cum dedisset; quod debebat, pie-  
 tati, animo mox obfirmato, *verum Deum*  
*qui contemneret, & in piis etiam persequeretur,*  
*merito sic periisse, neque cum pro parente se ha-*  
*bere, inquebat.* Iuter ista Valdemarus, Ab-  
 salonque, cum Henricum accessissent, &  
 consilia contulissent, epulum magnificum  
 Henricus præbet. unde cum digressi es-  
 sent, & Henrico compellendi iterum ne-  
 cessitas oboriretur, mittit eò Valdemarus  
 Absalonem, & Perillavum, quem sororis  
 matrimonio arcè sibi tunc obstrinxerat.  
 qui cum iussa nuntiasent, & Henricus re-  
 dituros paullulum subsistere vellet, ut ma-  
 jore comitatu, viis undique obsessis, tutius  
 reducerentur, moram tamen, jam eductis  
 extra portum navibus suis, & obnoxiiis  
 tempestati, non ferentes, ocyus per me-  
 dios hostes mox in castra rediere. Hinc in  
 Varum, tunc Gudacram appellatum, clas-  
 sem movent. Sed vadofum cum id flumen  
 nimis esset, neque naves grandiores pate-  
 retur, vix minores introductæ. & id me-  
 tuentes hostes, aditum prohibitori, eum  
 navibus circumseperant. quod cum igno-  
 rant Dani, ubi vado obhærent, impig-  
 rē exsiliētes, inter aquas hostem accu-  
 rentem cadunt. & in prius, postquam  
 intrepidè Perillavi naves duæ subiissent,  
 cæteræ, sequuntè exemplum, acriterque in  
 hostem invectæ, eo mox in fugam acto,  
 suam in potestatem naves fugientium re-  
 degerunt. ac navigio misore rex prove-  
 ctus in interiore sinum, illic Sunonem  
 mittit, qui objectam prædam abduceret.  
 isque in Rostochium propinquum inva-  
 dens, confternatos oppidanos ad deditio-  
 nem cogit: oppidumque populatur, & in-  
 cendit. inter alia, simulacrum; summâ diu  
 apud cives veneratione habitum. quibus  
 actis, adit Valdemarus Henricus, ut con-  
 siliū conferret. inter quæ assertur ru-  
 mor, illud agere Rugianos, ut regem in-

VALDEMARVS 3.

terciperent, redituque ad classem suam  
 prohiberent. quod ne fieret, interrupto  
 mox colloquio, cum ad littus rediisset,  
 comperit, latere hostem intrâ occultos  
 maris sinus; ut, dum sui longius digre-  
 derentur, prædæ conquirendæ causâ, ipsi na-  
 ves interverterent, & eriperent redeundi  
 potestatem. verum rex, quem hoc consi-  
 lium non lateret, ut decipere cupientes ip-  
 se falleret, mittit ex præfectis navium Ma-  
 gnum quendam; qui, prædatione fictâ, &  
 injecto in vicinis agros igne, hostem ad  
 classem invadendam invitaret. qui cùm  
 statim morem imperatis gereret, & con-  
 festim Rugiani, vacuum præsidio classem  
 arbitrati, impetum in illam facerent, penè  
 omnes cecidissent, ni ipsidias nonnulli, ni-  
 miū præcipientes congregandi, detexissent.  
 hisce, exacto populatione bi duo, fugien-  
 tes persequuntur, classem ad Vabugiam si-  
 stit. ubi, belli jam pertasi, neque spem in  
 armis ullam superesse reputantes, iterum  
 Dumboro misso, pacem Rugiani petunt.  
 & quantum vis reluctante in principio Ab-  
 salone, tamen, eo delenito, tandem etiam  
 consequuntur: atque victor Valdemarus  
 mox in Daniam revertitur. ubi, pio animo,  
 ceu gratias acturus Deo ob victoriam, ad-  
 jutante, ac præfecto pio operi, Absalone,  
 duo in Sialandiâ cœnobita condit, Soram,  
 atque Anderscoviam; ac proventum ma-  
 gnum donat: tum Ringstadum in mayo-  
 rem modum anget. condit & in Cimbrâ,  
 quod Tutam-vallem appellabat. Quæ  
 dum agit, bellum domi quasi intestinum  
 surgit, cum Eschillo, archiepiscopo Lnn-  
 diensi. Causa prima: postquam Romæ vi-  
 tæ functo Adriano, nominis illius 14, duo  
 papæ per dissidium constituti, Alexander,  
 atque Victor: & in Alexandrum Galli,  
 Italiqne, in Victorem, Fridericus Impera-  
 tor propenderet; & Eschillus, à Victore  
 alienus, Alexandrum tueretur, etiam pen-  
 dente lite, usq. venit, ut Oconem victor  
 quendam, approbante Valdemaro, Sles-  
 vicensi præfulem renuntiaret. quem  
 Eschillus, Alexandr. uti dixi, partes se-  
 quens, quasi vitio creatum, cùm admitte-  
 re detrectaret, contra voluntatem regis,  
 diris insuper devotum, arcet sacris. acce-  
 debat, quod thesaurum, quem à Galliâ  
 advehendum procuraverat, ejus, quem

huc

huc ablegaverat, imprudentiâ detectum, quidam, conscio, ut volebat, Valdemaro, inter viam rapuissent. hinc, qui antea illum offenderat, nunc & iram ipse capit: & per Absalonem primò, hinc Gerardum, Efromzum tunc abbatem, cui amplius consideret, nuntiatum ei cupit, *petere se, ut aut reddi pradam cures, aut, si nolis, bellum expectet.* quod cum Absalon, qui exasperatum iri regem sciret, quanquam verbis pro prudentiâ, quâ pollebat, lenioribus retulisset, rex, superbiâ indignatus, antea priorum regum sanguinem bibisse, inquit, nunc scire etiam sum, sed à Deo gladium se accepisse, quo in ordinem rebellantes cogere possit: & hoc ipsum scire velle. quæ Eschillo postquam nuntiata essent, is dejicere planè animus: & quem pridem lacefferat, graviter nunc formidare. itaque, periculo ut se subduceret, in longinquam Vermelandiam, dum offensa Valdemari leniretur, proficiscitur. Valdemarus, qui ulcisci contumeliam statuisset, mox nonnullas copias conscribi jubet, obsidetque quam ad Lethram in palude urbem struxerat. quæ munita quanquam esset, loci pariter naturâ, & in vecto comiteatu, tamen dedituros se præfidiarii promissere, ni Eschillus brevi tempore ad conciliandam sibi Valdemari gratiam reverteretur. tum, in ejus rei fidem, obsidem nepotem tradunt, qui Efromi alebatur. Hoc accepto, rex parumper, dum responsum ab Eschillo referretur; ab obsidione abit. illo verò respondente, *pluris sibi urbem esse, quam nepotem; & omnino strenuè defensam cupere, mox regressus, ut obsessos magis premeret, ante eam munimentum ingens condit. adjuvabat etiam hiems: & adstricta gelu palus facilem accessum dabat. addit dolum; litterasque ut ab Eschillo, mittit, quis deditorem mandat: nam nepotem planè liberatum velle; ac mandatum, quod dedisset ipsi pridem nimium commosso animo, nunc sedato revocare.* Inter ista, crucem in conspectu ponit, & nepotem, ni deditorem faciant, in hanc ipsam sublatum se minatur. quo accepto, illic Gerardus prodit; & cum aliis aliquot ex sacro ordine regem accedens, uti parcat adolescenti supplex rogat: ac promittit, se facturum, ut obsessi sese dedant. hinc regressus, serid cum

oppidanis de ditione agit: & quando quidem hanc Eschillus ipse mandat, minime differendam esse, ut periculo tam præfenti obsidem suum liberarent. quibus verbis postquam illis persuasisset, incolumitatem pacti, urbem tradunt. Hinc in Scaniam transgressus Valdemarus, arces omnes, quæ in dicecisi essent Lundeni, capit, & præsidio munit. Quibus gestis, serò Eschillus poenitens temeritatis, per legatos veniam delicti petit. ac concedit Valdemarus: sed hac lege, *quæ superiores reges bona ecclesiæ Lundeni tribuissent, ea uti universa restitueret.* Itaque, stolidè irritato rege, atque, quod minatus erat, bellum passus, maximæ calamitatis sibi, & ecclesiæ suæ, quæ privata bonis omnibus, auctor fuit: manifesto sat exemplo, Deum, qui superbiâ odit, in quocunque hominum genere, eam in ecclesiæ suæ ministris, etiam summis, quos humilitate piâ, humilique pietate, præluce universis æquum erat, maximopere detestari, & punire se verissimè: atque eò quoque gravius, quo sublimius quem evexerit. Sub id temporis legatus à Victore papâ venit, Christianus, postea præsul Moguntinus; qui cum regi, ac proceribus, variè persuasum vellet, ut in ejus partes irent, rexque etiam in hoc ipsum propenderet, adversantem Eschillu habuit. isque, itinere Hierosolyma instituto, inter viam Alexandrum, quem pontificem supremum cum Victore constitutum, antea commemoravi, Romæ invisit; & de iis, quæ gessisset, certum reddit: consulitque, quid deinceps faciendum sibi putet. Inter quæ, cum illud novum maximè Victoriani molirentur, ut in partes Danos traherent, rex, qui nihil temerè agendum hic existimaret, ut negotium cognosceret, mittit in Germaniam Radulphum quendam, sibi à sacris, è Britannia oriundum, & facundia, quàm prudentiâ, meliorem. hic à Cæsare quoque ipso, & Victore, qui tunc Cæsarem sequebatur, summâ simulatione admodum benignè exceptus, cum legationis causam explicasset; *Maximè dolere sibi hoc dissidium, inquit Cæsar, quod exortum inter Cardinales esset; longius etiam duraturum, quod Concilio se submittere Alexander, nimium superbus, nolle. at Victorem, virum bonum, & modestum;*

sum, pridem hinc causam suam permisisse. itaque placere sibi, ut certamen, iam periculosum ecclesie, atque orbi Christiano, tolli posset, & Concilium indicendum, & ad illud convocandos reges universos esse. jam Italia primates ferè omnes in hoc ipsum consensisse: sed id unum valde se habere anxium, quàmnam reges ratione commode in unum locum convocari se permetterent. multum ipsam apud Valdemarum posse, qui si sibi persuaderi pateretur, etiam exemplum ejus apud ceteros valitum. ac, laborem tam præclarum si suscipere non gravetur, se, ob singularem ejus sapientiam, & virtutem tam illustrem, cum daturum in Concilio primas ipsi partes esse, tum provinciam in Italia alicujus, & Vandalie, præfectorum. Hæc Radulpho cum dixisset, verbis ad benevolentiam magno studio comparatis, in sententiam eandem mox ad Valdemarum scribit: &, accedere ne detrectet, orat, atque obtestatur. pium, sanctum, & ecclesie universæ gratum id officium futurum esse, si præsentia ipse suâ, & consilio, publicam adjuset pacem: ac disidium, in majores postea turbas desinatur, tollere velit. Quæ verborum lenocinia eò maxime pertinebant, uti dolo circumventum, quem in Daniâ jam potiri rerum summâ, æmulis duobus cæsis intellexerat, & è regno evocaret, sicut antea Suenonem, &, ereptâ item priscâ libertate, jusjurandum in verba sua dare cogeret. itaque perlectis literis, & auditis, quæ Radulphus de insigni Friderici, ac pontificis Victoris, benevolentia sæ prolixè retulisset, ad eò ad suscipiendum iter incitatus fuit, uti nec consilio senatus ullo, neque etiam Suenonis admodum recenti exemplo, retrahi se à proposito pateretur. Ablalon, cum omnia tentasset prius, neque dimovere eum à sententia suâ posset, comitem itineris se postulantem tandem addit. tum adscitus & Radulphus, de quo dictum, & Esbernus item Snarius, aliique in nobilitate clarissimi Burisius, è propinquis, & suspectus, ne quid novi per absentiam moliretur. Postquam Eidoram attigisset, postulato ab Adolpho, Holfatiæ comite, commeatu, alios ibidem viæ sibi socios, adjungit, & Adolphum quoque ipsum, magno ubique plausu exceptus: ad eò crescente numero, ut exercitus, potius quàm comitatus, videretur. quin, nonnullis alibi dissiugenti-

VALDEMARVS II.

bus, opus habuit præmittere, qui & confirmarent timidos, & subsistere juberent: etenim non bellum se, sed pacem, ferre, pretioque commeatu necessarium postulare. Vix ingressò Mediomatricum urbem, Henricus Leo, dux Saxonie, veteris amicitie memor, maximum honorem habuit. Postero die, Absalonem, & Radulphum, cum ad Cæsarem salutandum amandasset, is superbè accusare, quòd venisses jussio tardius, quàm clientem, & obnoxium Imperio, decussisset, quibus verbis motus Absalon, vir ut animi erectus, ita lingue in tam bonâ causâ liber, prius id oportuisse factum, dicit, quàm verborum blandimentum, & promissis, eò regem impulsisset, ut, relicto regno suo, contrâ procerum consilium, solo pacis in ecclesiâ instauranda studio ductus, iter ad eò longinquum, & molestum, intire velles. ac, cum ille se negaret quicquam regi promississe; atqui, inquit, en Radulphum tibi testem: cui si fidem derogabis, at non literis, quas scripsisti, derogare unquam poteris. & perstanti, ac Radulphi, & literarum, pariter fidem elevanti, ergo, ait, liberum concede abitum, quem in literis promissisti. cui postquàm iracundè responderet; non majorem se discessum ejus, quàm adventum, facere: recipit se ad Valdemarum, & exponit, quæ loquutus Cæsar esset. quibus ille intellectis, potenter, quamvis serò, se testatur, quod senatus monita non admisisset. inde, animo confirmato, de discessu in vicinam Galliam consilium capit. quippe illic foedere conjunctum regem; liberumque commeatum, ac tutum, fore: reditumque ad suos certum. quæ dum seriò deliberat, mittit Cæsar, qui ab eo jusjurandum Imperii nomine postularet. cui graviter Valdemarus: à senatu, populoque, qui, excepto rege suo, neminem agnoscerent superiorem, ægnum pridem accepisse, liberâ electione, ac majorum item more, eos semper, cui vellent, id dedisse, ante ipsam Imperii sedem Romam conditam: & continuatâ id successione etiam sibi consiluisse. populo se quàm liberrimo imperare: quique reges ex se capere, non à Cæsare accipere, consuevisset. neque liberum sibi esse, priscam ejus libertatem ipso invito, quovis modo imminere. itaque facturum rectius Imperatorem, si nil contrâ Daniæ antiqua jura, populi que libertatem, conaretur. se venisse, non ad dandum illi obsequium jusjurandum

dum, quod nec regum ante se dedisset quisquam, sed ad litem, de primatu in ecclesiâ inter Cardinales ortam sua operâ componendam. quod ut facere summo sit paratus studio, ita potius cervicem feriendam præbaturum, quam in libertatem suam populi, à quo regnum accepisset, rem vel minimam admissurum. Hoc responsum postquam Cæsar accepisset, animum ejus inconcussum, & virtutem, admiratus, ut obstringeret beneficio, quem non posset metu impellere, convocat Germaniæ principes, adigitque juramento, ut Vandaliam universam armis ei suis prærent, simul domum rediissent. quod præstare si non possent reducem se ex Italiâ, in quam iter cognaret, ad constituendam pacem, vires suas conjuncturum. ac, cum neque sic jurari Valdemarus à se posse, sine procerum consensu, affirmaret, id petiit; ut obsequium verbis tantum polliceri ne desuget, cætera immunem fore: nec cogendum, ut accederet ad conventum, quem pro more, ac jure suo, imperare Cæsar soleat; aut ejusdem quoque bella suis copiis adjuvaret. nec teneri denique in ista fœdum, aliquando successurum, nisi sua sponte vellet. Sic obsequium circumvento Valdemaro, quod non ullo jure posset, fraude extorsit. Post quæ Victor, convocatâ concione, cum legitimum se pontificem, Alexandrum illegitimum, multis verbis ostendisset; & orationem ejus ipse Cæsar ac Rainaldus, præfultum Colonienfis, adjutassent; ac jam æmulum devovere diris veller, Valdemarus, ne in schisma, quod damnabat, consentire videretur, cætn exit. inde Daniam suam repetit; ac reversus, inter plausus, & lætantium, gratulantium, quod feliciter rediisset, filio Canuto augetur. quem cum sacro statim fonte Absalon tingeret, præter alios primates, etiam Guthormus suscipit, Sueciæ dux, & legatus regis Caroli; per id fortè tempus missus, uti neptem Valdemari, antè regi desponsatam, secum abduceret. Valdemarus, postquam manus Imperatoris hunc in modum evasisset, ut se contra Germanorum irruptiones magis etiam tueretur, Danewircam, antè obseptam liguis, muro cingit. Inter ista, è Norvagiâ etiam legati adfunt; atque regnum illi offerunt, si Erlingum, qui invaserat, propulsaret. isque, ne externo bello temerè se permisceret, animis prius po-

pularium diligenter exploratis, cum consensum intelligeret, mox suppetias decernit. quod Erlingus simulatque accepisset, ultimos Norvagiæ fines fugâ petit. quâ de causâ Valdemarus, nullo se obijiciente, immo summâ gratulatione passim ab omnibus exceptus, peragrata magnâ regionis parte, cum ad Sarpam tandem urbem accessisset, à Vicensibus rex creatur. ac Norvagiam sibi totam subdere faciliè potuisset, nisi populi concionibus interesse, quàm in hostem porro ire, maluisset. inde, postquam ad Tonsbergum classem suam appulisset, ex episcopis, atque toto sacro ordine, cujus summa per Norvagiam tunc auctoritas, nemo obviam processit: seu Erlingi illud studio, sive patriæ, factum fuerit. solus Ormus, qui germanus Magni regis frater erat, illibatâ, quam dedisset ei, fide, adit, & obsequium offert. verum rex, deficiente commeatu, mox exercitum reducit, sine injuriâ alicujus: ac non pauci Norvagorum comitati, qui, Erlingum, velut postea reversurum, metuentes, tutò in Daniâ exulare, quàm in patriâ vivere periculose, maluerunt. At Erlingus, discessisse Valdemarum certior factus, mox recurrit; & in Cimbriam irrumpens, classe regiâ in Diursâ amne fusâ, ac fugatâ, spoliis onustus multis, in Norvagiam revertitur. at Christina, ejus uxor, filia Siwardi regis, supra sexum prudens fœmina, postquam trahi bellum vider, impetrato commeatu, Valdematum regem adit. Valdemarus, ut qui consobrinus esset, cætera humanis quoque, excipit advenientem perbenigne; & admissam ad colloquium, sæpè perlibenter audit. Verè primo, nuntium marito mittit, qui in Daniam evocaret; ac suaderet, ut quamprimum, qualibet conditione, Valdemari gratiam recipere conaretur. neque is moratus quicquam, iter init: unicâque vectus nave, cum in Cimbriam appulisset, Valdemaro, nihil tale expectanti, Randershusi sese sistit. & compellans; ecce, inquit, Valdemare, tuâ fide, nec petito commeatu, huc accedo. tanta est fiducia virtutis tuæ, ut hostile nihil hosti abs te metuendum putem. cui blandè is respondet: tutò id, Erlingi, potes. neque enim moris mei est, inhumaniter excipere sponte ad me venientem. inde Erlingus, propius accedens

cedens regem, ejus manum osculatur, & regreditur. tandem pacem sibi parat, eâ lege, ut in *Daniâ* ipse obses remaneret, & vicissim iret in *Norvagiâ* *Esbernus Snarius*. denique *Vicensium* item comitem facit: territorium universum, reditusque, donec vivat, regis nomine possessorum. Ita rebus in *Norvagiâ* tranquillatis, *Vandali* mox defecere. quos ut denuò cogere ad obsequium posset, cum *Saxoniarum* duce, *Henrico*, foedus icit: ac, firmandæ amicitiae, ejus filiam *Gertrudim*, tum in cunis vagientem, *Canuto* filio, vixdum annum unum nato, uxorem capit. quâ affinitate *Henricus*, promptior ferendo auxilio, ocyus equitatum cogit; praeficitque *Adolphum* *Holfatum*, *Henricum* *Razeburgensem*, & praefectum *Suerini* *Guncelinum*, aliosque: ac praemittit in *Vandaliam*, ipse mox cum peditatu sequuturus. Inter ista *Valdemarus*, classe instructâ, cum in *Rugiam* appulisset, dat mandatum *Abfaloni*, ut auxilia illie paret. ipse *Henrico* ut promissum exhiberet, se ad *Penum* flumen sistit. *Abfalon*, benigne exceptus, cum legationem regi *Torislao* explicasset, isque classis supplementum promississet, *Valdemarus* mox subsequitur. *Vandali* verò, cum praemissum ab *Henrico* equitatum accepissent, antè, quàm coirent vires, impetum faciendum rati, acriter invadunt hostem, & profligant. inter alios cædunt quoque *Reginaldum*, & *Adolphum*, *Holfatæ* comitem. sed *Cadmæam* hanc victoriam efficere *Guncelinus*, & *Henricus* *Razeburgenfis*: qui, collecto milite jam fugiente, & ad signa revocato, mox victores, prædæ intentos, cecidere. & *Henricus*, agrè *Adolphi* cladem ferens, adeò exarsit irâ, & cupidine ultionis, ut, quocumque impetus ferret, universa devastaret. etiam *Deminam* urbem, & *Coscoviam*, postquam cives excessisse comperisset, solo æquavit. Rex in terram cum exposuisset copias, *Valogastum*, vacuum civibus, qui trans *Penum* flumen fugerant cum uxoribus, liberisque, intrat, & praesidium munit. ubi, re deliberatâ cum *Henrico*, postquam *Penum* trajecisset, *Vandalibus*, direptiones oppidorum, & incendia, metuentes, per legatos pacem petunt; & in potestate ejus se futuros pollicentur, si

incendio abstineret. cumque rex, in *gnaro* *Henrico*, veluti militiæ socio, nihil constituere vellet, per *Torbemum*, clarum inter *Sialandos*, nuntiat, quid hostes agerent. qui negotium cum arbitrio *Valdemari* se permittere responderet, pax concessa, eâ lege; uti obsides, & tributum, exhiberent: ostiumque *Peni* obstruerent, è quo tot excursionibus regnum *Daniæ* infestassent; oppidumque *Valogastum*, in tres partes distributum, *Tetislavo*, *Cazimaro*, & *Prislao*, subjaceret: tum *Henricus*, quas munitiones pridem in *Vandalia* possedisset, etiam porro possideret. Postquam, constitutâ pace, *Valdemarus* discessisset, qui cum *Cazimaro* erant, non ferentes exterorum hominum societatem, neque vim tentare ausi, clam palamve *Rugianos* divexantes, & piraticam exercentes, foedus istum variè transgrediuntur. & *Henrico* confirmante, *Rugiani* palàm hostes *Valdemaro* se ostendunt. isque, accensus tam perfidiâ amici, quàm temeritate hostis, quem jam nuper subjugasset, *Rugiam* invadit denuò: & in portum, quem dicebant *Porum*, ducens, ne cum *Rugianis* cunctis dimicare cogeretur, noctu jubet *Abfalonem* navibus *Ziudram* petere, ipse mox subsequuturus. ac vigilibus postquam discedendi tempus observari præcepisset, atque illi, somno graves, quod mandârat, neglexissent, *Abfalon*, digressus solus, & *Ziudram*, & vicinos item agros, ferro, ac flammâ, populatur: tum & hostem occurrentem levibus quibusdam præliis fundit, & in fugam agit. Rex, cum postea expectatus iter porro institueret, *Abfalonem* venienti rem patratam nuntiaret, gratulatus sibi fuit, quod exigua adeò manus, se absente, rem feliciter perfecisset. Hinc cum, aliis insulæ tentatis locis, domum copias reduxisset, sub autumnum mox regressus, agros vastat; &, abductis inde frugibus, obsidet *Arconam* urbem, & oppugnat. sed, obsessis quàm fortissimè repugnantibus, definens obsidionem, in interiora pergit, & incendio quæque vastat. quâ re territi *Rugiani*, cum auxilium à *Saxoniarum* duce, *Henrico*, cujus fidei se commiserant, frustra hæcenus expectassent, supplices ad *Strelam* flumen regem adeunt; & obsidibus, ac pecuniâ, pacem redimunt: tum, rejecto im-

pio idolorum cultu, solum Christum se  
 princeps verum Deum agnituros pollicen-  
 tur. Per id tempus Valdemarus, Söbif-  
 laum, principem tunc Pomeraniæ, bello  
 aggressus, urbem struxit Danisvicum, seu  
 Danorum vicum dicas, juxta Vistulam,  
 ubi in mare se infundit. Hæc in eam, quam  
 videmus, magnitudinem tractu temporis  
 excrevit: & nunc etiam Danisvicum, pri-  
 sco nomine, appellatur. Post hæc regni op-  
 timates, cum distractum bellis regem con-  
 tinentibus cogitarent, & incerta item re-  
 rum secum expenderent, ne, si dubia pu-  
 gnæ alea, aut quicumque alius casus, eum  
 eriperet, vacuum rectore regnum hostis  
 quisquam infestaret, eum accedunt; pos-  
 tulantque, ut communicari honorem regium  
*Canuto filio, bimulo tum, vel ut alii, quadrimu-  
 lo, æquo animo pateretur: ac, si ipso aliquid hu-  
 manitus fieret, esset, in quo spes eunctorum ac-  
 quiesceret. etenim obnoxia ferè multis malis  
 sine certo successore regna esse, atque id præcri-  
 to triumviratu didicisse. itaque concederet, quod  
 postularent; sibi honestum, regno utile.* Nec  
 ingrata Valdemaro hæc petitio: ac pru-  
 dentiam senatorum, animumque in se be-  
 nignum, cum laudasset, per libenter obse-  
 quutus, socium sibi filium Roschildiæ le-  
 git, pleno omnium consensu: nisi quod  
 Burisius solus neque suffragatus fuerit, ne-  
 que acclamatione solita electionem pro-  
 sequutus. siquidem, propinquus regi, ipse  
 regni aliquando obtinendi, uti tunc ex-  
 estimatum, spem conceperat. ac suspi-  
 cionem auxit, cum non multo post ad-  
 sciscii in militiam Canuti, cæteris id haud  
 gravatè permittentibus, detrètare. cu-  
 jus utriusque facti postquam se composi-  
 ti oratione excusasset, rex offensam ma-  
 luit dissimulare, quam deponere: mox ul-  
 turus, novi criminis manifestum, ut dice-  
 mus suo loco. Et hæc gesta anno mille-  
 simo, centesimo, sexagesimo & quinto, a  
 quibusdam memoratur: alii, biennio se-  
 nius, nempe sexagesimo septimo, scriptis  
 produnt: at Ericus Pomeranus omnium  
 dissentit maximè, nec Canutum universi  
 Daniæ totius regem factū tradit, sed Hal-  
 landiæ, Scaniæque idque toto post decen-  
 nio; scilicet millesimo anno, & centesimo  
 septimoque & septuagesimo: cum tunc  
 annos quatuordecim natus esset. & illius

major mihi est auctoritas, ac similis item  
 vero, & prudentiæ magis quoque conse-  
 tantum; expectasse senatores, dum, ad-  
 ultiore ætate, indolem Canutus suam re-  
 gno ostenderet. Vere proximo, denuò in-  
 festæ arma in Vandaliæ movent Scani,  
 Sialandi, & Fionii; ducibus Abfalone, &  
 Magno, filio Erici Agni: additusque his  
 Christophorus, naturalis regis filius; uti  
 medius inter illos, velut latera munituros,  
 militaret. ac provinciam Tribusanam mox  
 aggressi, ita ferro universam, atque flam-  
 ma, devastarunt, uti diu post id tempus de-  
 solata permaneret. unde cum reversi es-  
 sent, rex Christophorum Petro tradit, &  
 Selgrethio, qui præceptis honestatis, ac  
 virtutis, adolescentem erudirent. Hinc,  
 ætate redeunte, expeditionem repetit.  
 nam hand semel Volgastani fœdus ictum  
 violaverant: cum & urbe Rugianos eje-  
 cissent, & piratas intrâ Peni annis ostium  
 recepissent. itaque Lenticus dum proficis-  
 citur, à Saxonibus dnce, Henrico, admonet-  
 tur, ut Burisium caveret; quî cum Ormo,  
 fratre suo, & Erlingo, qui Norvagiæ re-  
 gnum invaserat, de aggrediendâ Cimbriâ,  
 atq; ipso opprimendo, simulac ab expedi-  
 tione hæc reverteretur, conspirasset. & in-  
 dicium hoc epistola Norvagorum inter-  
 cepta confirmabat. ad hæc Tocco acce-  
 debat, Vendilæ præsul: qui in sua eum  
 verba jusjurandum dare militem cœgisse  
 memorabat; quæque de insidiis ejus ac-  
 cepisset, exponebat. Valdemarus, qui ad-  
 versus conflagineum, crimen sibi inten-  
 tatum pernegantem, nil agendum temerè  
 existimaret, secum illum remanere, & ju-  
 dicium expectare æquum, jubet: & affir-  
 mat, nil passurum, si, detectâ veritate, in-  
 nocentem inveniret. interim abducit La-  
 trum; & custodiæ liberæ, sed certæ, man-  
 dat. Inter ista, cum Erlingus, tum Burisii  
 frater, Ormus, è Norvagiâ egressi, facto  
 in Cimbrorum classem in Diursâ amne  
 impetu, eam, dum præfecti absunt, redi-  
 gunt in potestatem. hinc, Burisii nave cap-  
 tâ, vicum Sialandiæ petunt, *Portum mer-  
 catorum dictum, quem nunc Hafniam ap-  
 pellamus, celeberrimum regni emporium.*  
 & exscendere cupientes Abfalon, ac Sia-  
 landi, arcuere. & post levia quadam præ-  
 lia, cum conatum frustra esse Erlingus cer-  
 neret,



neret, ac consilia emanasse, in Norvagiā recedit. Rex, infidus manifestis, in Buriū, velut maiestatis reum, animadvertit: sed supplicium, variē auctores tradunt. nam in carcerem coniectum, Saxo prodiit; oculis privatum, Ericus; suffocatum, Albertus, abbas Stadiensis, Boriumque, non Buriū, cum dicit; inter acta anni millesimi, centesimi, septuagesimi, & terti. Inter reditum Erlingus a Sialandis, & Halander, divexatur: Abfalonque, ut piratas Sialandiā prohiberet, arcem Stegelburgum condit: quæ deinde Axelhusia, ac postremum Hafnia est nuncupata. Valdemarus, cum Erlingum castigare, classe in id comparatā, statuisset, tenuit Henricus Leo, qui, neglectā amicitia, atque foedere, Bugislaum, Vandalia principem, vim Danorum metuentem, ideoque ad se profugum, & in clientelam admiserat, & suscepit defendendum. atque mox, ad Crempam flumen, collocutus etiam expostulare; *cur clientem suum invaderet, necdum culpa accusatum.* ad quæ breviter Valdemarus respondere; *non se ullis prohiberi minis posse; aut potentia, quin in regni sui hostem arma ferat.* Post colloquium, permanente controversiā, dissolutum quoque foedus. Erat Dania tempestate eā status perdifficilis: cum hinc Vandali, Saxonesque, illinc Norvagi impugnarent. adeoque metuumdum Valdemaro, ne, dum illos impugnaret, hi à tergo impetum in regnum facerent. itaque in Sialandiā, ad piratas propulsandos, mare communire visum: & Esbernus Snarius Callundeburgum, dante id negotium rege, illic condit. etiam arcem; & excelsam unā turrim, validamque, Fola a se nominatam: è quā, ceu insigni speculā, latè mari venientem conspiciari hostem possit. Inter ista Godescalcus, summi inter Danos loci, qui, familiaris multis è primatibus Vandalorum, longo usu etiam peritiam sibi linguę gentis comparaverat, de solvendā Vandalorum Saxonomque amicitia tacite consilium capit, indicatque Abfalon. quo laudante, cum ad Pomeranos sese contulisset, suo se in gentem affectu motum ait, uti illum de pernicie imminente admoneret. ac mirari, cur hi parant, qui exutos patriā velint. lubricam Henrici fidem, vel ex Danis sat constare. quippe cum

VALDEMARVS II.

his toties percussum fœdus maximā semper levitate violasse. ad futurum prævidere, ut, ereptā libertate, in servitutem universi redigantur. quod si neque ipsi videant, neque sibi persuaderi possint, ut inuenerent loca, oppidaque, quæ in sinibus occupata Saxones sic manissent, ut ex illis facili Vandaliam sibi subjugare totam possint. itaque illoam urbem cogitarent, Razeburgum, & Suerinum: ac de cetero sortem suam aestimarent. insuper ob oculos proponerent Niclotum sibi, & Prislavum: quorum istum, patriā, bonisque omnibus, evertissent; illum, vitā spoliassent. alia Danorum studia, alium longè finem esse, in fœderibus contrahendis. neque bella, neve terras aliorum invadendas, verum pacem, & commercia, animis suis agitare. itaque hortari eos, ut, præsidiis deturbatis, ad Danorum amicitiam, tot fœderibus obligati, revertantur: & deinceps sine dolo illam colant. ita fore, ut feliciter porro agant; patrięque libertatem priscam reddant, ac confirmet. Quibus verbis excitati Pomerani, cum præsidia totā penne regione dejecissent, motus famā perturbatus dux Henricus, veritusque, ne ex alterā quoque parte Valdemarus, hac occasione usus, in Saxoniam arma caperet, per legatos, Henricum Razeburgensem, & Cunradum, Lubecensium antistitem, culpam rupti pridem fœderis deprecatur; quamque nimis temere deseruisset amicitiam, reddi orat. tum, quandoquidem major filia, quæ Canuto, ejus filio desponsata, nuper diem obiisset, alteram minorem offert: postulatque, ut excurrere, fœderi restituendo, Bremam velit: ac se illic affuturum, pollicetur. cumque, motus legatorum oratione Valdemarus iter eò iustitueret, obvium Guncelinum habet, qui Henrici minus bonā valetudine moram injectam excusaret; ac promitteret, mox ad Eidoram accessurum. quod cum postea advenisset, fœdere redintegrato, arma in Vandalos conjungenda decernuntur. ac Deminum Henricus petere, Valogastum Valdemarus; & finitimos urbi agros populatus, Osmum incendit; vix à glade, quam acceperat impetu superiore, instauratum. eadem Henricus agere; &, quæcunque objectæ essent, devastare. quā re Vandali consternati, neque gemino hosti pares, tam potenti, ære utrumque, & obsidibus, placavere. Valdemarus, ita

pax



pace cum Saxonibus, Vandalisque, constituta, iterum in Erlingum movet: sed & denuò illo rursus in interiora se recipiente, re infectâ, domum redit. nam cum bellum, eo procul fugiente, traheretur, moram milites conquesti, & defectum commeatu, impulere, ut exercitum deduceret, & in Daniam reverteret: ita tamen, ut Erlingi naves omnes, quæ in promptu, ad frangendas ejus vires, inde abduceret. Quædam partes, ad Arconam castra locat. Ea in excelso sita promontorio, quamquam hodiè ne vestigia quidem existant, gentis per id tempus caput, situ suo sic munita, ut ad ortum, aquilonem, & meridiem, præcipitium quam altissimum, muri instar validissimi, tueretur: ad occasum, vallum erat, quinqueaginta cubitorum altitudine. Fons in parte boreali: quo Ericus, qui Edmundus cognomento appellatus, intercepto, siti obsessos fatigabat. mediam, planities quædam occupabat: in quâ templum, è ligno structum; & in illo Suantreviti simulacrum, summâ veneratione diu ab urbanis, cultum, id trecentis antè annis, sub Erico Puero rege, ab Ansgario dedicatum, tractu temporis, pietate, uti solet, cum excedere modum coepit, in superstitionem versâ, ceu idolum habebatur. Valdemarus, nihil situ loci territus, aut munitione urbis, magno animo in obsidionem incumbit: neque cessat, antiquam in potestatem suam cogeret. postquam verò expugnasset, libertatem illis dedit; eâ lege, ut simulacrum Suantreviti, & pecuniam omnem sacram, ipsi traderent, ac religionem quoque Christianam amplecterentur: quæque olim bona cultui idolorum consecrassent, verbi Dei administriis nunc concederent. tum captivos sine pretio resisterent; & venire in militiam evocati tenerentur. denique in singula item boum juga argenteos quadraginta annuos, obsidesque totidem, darent. Ita dedità Arconâ, in Carentiam castra movet. quæ, exemplo hoc persuasa, tum hortatu quoque Granzæ, viri inter oppidanos primi loci,

cum colloquium Abfaloni petiisset, prodire, insulæ rex Tetillaus, ejus frater Iatimar, & qui genere inter Rugianos omnes eminebant: cumque pacem pacti essent, ac conditiones quoque Valdemarus esse ratas voluisset, urbem dedunt. Erant ea undique paludibus septa, adituque uno tantum ingressuros admittebat. excellebant tria templa; Poremuti, Rugiaviti, Proreviti; & in his idola eorum: quibus fractis, cultus Christi introductus. Rex, cum obsides accepisset, & exercitum inde abduceret, duces quidam Pomerani, Tetillam regno exuendum rati, insulæque præfecturam, ceu navatæ in militiâ eâ operæ præmium, sibi concedendam, frustra spem à se conceptam indignati, ab amicitia Valdemari discesserunt: idque novi post hæc belli ansam dedit. Cum in Daniâ Valdemarus rediisset, mittit Abfalon sacerdotes Rugianis; qui sinceram pietatem illis traderent. mittit etiam Valdemarus ad pontificem Romanum, Alexandrum, nominis istius tertium, qui Canuto patri locum inter divos postularent, & arbitrium in ecclesias Rugianas Abfaloni, & eidem in diocesi Roschildensi successuris. hinc recenset totam classẽ; statuitque, uti quarta quæque navis, dum per anni tempus id concederetur, in piras exenbaret: cælibesque juvenes eligerentur; ne uxorum, sobolisque, caritate ad militiam segiores redirentur, ac præpositus his Christophorus, regis filius, Abfalonque. Anno proximo, cum legati, urbe Româ redeuntes, impetrassent postulata nuntiarent, rex Ringstadum convenire ad vicesimum quartum diem mensis Junii proceros jubet. quibus cum exposuisset de colendo post hæc patre placitum pontificis summi, regno quoque inangurandum filium Canutum duxit, paullo antè, uti dixi, successorem designatum: pietatem in parentem, & in filium caritatem, uno die expleturus. tum ad duplex illud gaudium regi incrementum accessit; cum per Rugiam universam juris dictio, quæ ad sacra pertineret, Abfaloni, qui in eâ insulâ fidem Christianam magno studio propagasset, omnibusque ei postea in ecclesiâ Roschildensi successuris, à pontifice eodem, aliis in hanc rem

literis, donaretur. Valdemarus, cum emitteret memoratam ante classē, in mandatis illi dederat, *ut circumspicere ageret: nam piratas sapē fugam stimulare, & in terram se recipere; ut incautum insequentes littori impingerent, moxque subito recurrentibus præda, & ludibrium, fierent. itaque nec temerè nimis sceleretur fugientes, & adversus invadentes ordinatâ acie progredetur.* Istis monitis, cum in mare processisset, in Olandiam, insulam Suecorum, appellit. quanquam verò Dania tunc, Sueciaque, inter sese dissiderent, minimè lædendos tamen insulanos duces sibi statuerunt; ne, in infideles missi, Christianos impugnare maluisse viderentur. at edocti, Esthones, & Curolandos, in piraticam intentos, in propinquo agitare, parum memores, quæ rex pridem monuisset, & incautè fugientes persequuntur, & periculo non exiguo se involvunt. etenim, in littus cum exiliissent, atque diu acriterque concertassent, quanquam equites Absalonis laborantibus subvenirent, penè omnes cecidissent; ac Christophorus, stragem videns, postquam terrâ, quantum posset, navem suam avertisset, atque ea, littori obverso latere, fluctuaret, insuper infestis saxis hostium obrueretur, ut vix fatis remiges se tuerentur, animi egregius Esbernus Snarius, uti regis filium periculo præsentī eriperet, suâ navi medium immitit sese, atque ita eum liberat: ipse quoque, postquam diu quàm fortissimè dimicasset, semianimis, ægre à Christophori remigibus ereptus fuit. Eâ re cum cautiore cæteri cuncti essent, fundis eminus, ac sagittis, gererent maluerunt. cumque pugnam nox dirimeret, portum obsident, ne educere naves suas tenebrarum beneficio hostes possent. qui, inclusos se videntes, properè munitione excitatâ, intrâ eam se recipiunt, summis viribus defensuri. Dani verò, actâ per quietem nocte, constitutis, qui ad portum excubarent, paullo longius digressi, mox exscendunt: acieque ordinatâ, hostem invadentem cædunt; & munitione captâ, inter necem delent. inde, prædâ distributâ, ac navigiis reparatis, domum redeunt. Valdemarus, post parentem inter divos collocatum, & inauguratum filium, sociumque regni factum, & mox certum

VALDEMARVS I.

successorem, altero augetur filio, post Canutum fratrem rege: quem de suo ipse nomine Valdemarū appellavit; posterī Victoriosi cognomentum, ob res gestas, addidere. Variè nativitatē tempus proditur: & nonnulli, millesimo centesimo ac sexagesimo nono anno; alii, demum septuagesimo insequente natum volunt. neque de solemnibus illis celebratis idem est Auctorum sensus: aliique, sexagesimum nonum annum illis tribuunt; alii, septuagesimum primum. Inter ea, Helgo, præsul Asloënsis, & Vpsaliensis Stephanus, qui legati ab Erlingo rege venerant, ejus nomine pacem petunt: & efficiunt, ut Erlingo liberam in Daniam se conferendi, atque solum colloquendi, potestatem rex concederet: & Esbernus, postulante id Helgone, in Norvagiā mitteretur, obsidesque contrâ duo Norvagorum remanerent. Cum Esbernus in Norvagiā ad Erlingum accessisset, multa verba acriter utrinque habita; ac, relicto ibi Esberno, tandem Erlingus, Stephano Vpsaliensi comitatus, trajicit in Sialandiam, regem illic Valdemarum conventurus. Primo die, cum, ab illo gravibus exceptus verbis, de recuperandâ pace, gratiâve, desperaret, illicò ad Absalonem mittit Stephanum; postulatque, ut liceret tuiusde se recipere. verum, eo adhortante, ut repeteret colloquium, neque quicquam trepidaret, mox, in gratiam receptus, pacem impetrat; eâ lege, uti filium Valdemarum, pridem natum, educeret, ac Norvagiæ ducem diceret; regem etiam futurum, si & ipsum, filiumque item Magnum, sine liberis legitimis vitâ fungi eveniret. ipse quoque in militiam Valdemari, quo ad vireret teneretur, navibusque sexaginta, si quandoque usus foret, bellatorum adjuvaret. in hac jurandum daret; & eodem etiam Norvagiâ magnates cuncti se obstringerent. Pace itâ constitutâ, abeuntem Tobo Langius suâ navi, mox Esbernus è Norvagiâ reducturus, comitatur: & in Vandalos rebellantes arma capit. adjuvabant suâ classe Rugiani: cum illis fluvium ingressus Zuinam, Pomeraniæ eam partem, quæ Iulino adjacebat, cunctam vastatum ulterius hinc procedens, quâ Iulino, ac Camino, ponte jungitur, cum impacti in profundo pali transitu prohiberent, unâ ibi

ibi nocte exactâ, postquam dies illuxisset, Sialandi, iis summâ vi extractis, ac disiecto item ponte, viam classi universæ liberam aperuerunt. inde ad Cristoam ventum. ubi tamen, ut suppeteret commeatus, & inprimis equitatu, rex incendio, ac rapinâ, abstinere omnes jubet. tum hinc motis ad Caminum urbem castris, ipsam non oppugnat quidem, sed finitima quæque loca diripit passim, & exurit. mox repetere insulam Cristoam visum, & consilium, quânam parte commodè reduci in mare classis posset, illic capere. inter quæ, dum anxie deliberatur, Cazimarus, arbitratus opportunè invadi Danos, intrâ fretum clausos, posse, naves quinquaginta objicit : quibus suas etiam Henricus Leo, suas Bugillaus addit; & equestres item copias terrâ ducit. Quæ res Cimbros adeo commovit graviter, adeoque perturbavit, ut convitiis plurimis in Absalonem palam jactis, proditorem eum dicerent; studioque id fecisse, ut in manus Cazimari devenirent. ac, tacente ad hæc omnia Absalone, & ferente moderatè, conscientie fiduciâ, res ulterius progressura videbatur; nisi Scorro, primi inter illos loci, minimè ferendum ratus, ut vir tantus impudenti hæc calumniâ temerè opprimeretur, meritis gravissimâ oratione memoratis, innocentiaque ejus prædicatâ, impetum coercuisset. quin & ipse Valdemarus, ad concordiam cohortatus, alienum à privatis rixis esse tempus illud admonebat. Iuxta ista Cazimarus, hostem se in potestatem redacturum arbitratus, castra sua juxta ripam collocaverat. cumque rex vocatos classis principes percunctaretur, quidnam factum opus ipsi existimarent, ac tacerent universi, mox seorsim Absalon interrogatus, respondere, *facilem disiectam hostem, exitumque illic promptum ubi introgressi essent. equites in continentem rex exponeret, hique classem tuerentur, & ad fauces usque ducerent. ante classem, naves etiam quadam irent, cum remigibus loricatis, qui in naves hostium invaderentur, si qua exitu prohiberent.* ac consilio rex laudato, quanquam æmulis irridentibus, expediri naves jubet: & munitâ equitibus ripâ, ad ostium amnis classem ducit. Septem naves, cum remigibus loricatis, præcedebant: harum binis, solus

VALDEMARUS 2.

Absalon; binis Suno, & Esbernus, duces erant: tribus aliis, Petrus, Olauus, & Thorbernus. illas classis cætera subsequetur. Cazimarus, eminus adventantes videns, proripit se è tentorio; in quo, velut potiundi hostis certus, per convivia tempe egerat, ocyusque se ad naves suas recipit: atque illas, magno metu consternatus, retrò ducit; exitumque, quem obseperat, liberum Valdemaro præbet. Læta Danis ea fuga: quique pridem Absalonem graviter criminati erant, nunc laudabant. Duas Vandalorum naves, metu remigum desertas, ad Cristoam acceperunt: tertiam, quæ vado ob hæserat, focii eripuerunt. Hinc Iulinum Valdemarus equis incitatis petens, Bugislaum ibi offendit; in reficiendo ponte, quem disjecerat, occupatum. qui, comperto adesse hostem, cum fugisset, opus inchoatum perficit; equitesque, in securitatem classis, per hunc ipsum in australem ripam transfert. Regem Absalon sequutus, ut balistas Iulinum propulsaret, navem ingressus, sagittariis instructam, medium se iuxta urbem, & classem, locat. quo conspecto, oppidani, nil in classem ultra ausi, motibus se tenuere. tum reductus intrâ naves equitatus: remigesque portum nacli quieverunt. Inter quæ ex urbe prodit quidam magno comitatu: isque, Godescalco obviens, fractos esse Vandalos dicit: obfidesque mox missuros, si, à prædâ abstinentes, parcere reliquis velint; & hoc eum nuntiare suis jubet. cumque rumor tunc ferretur, Zui næ exitum ab iisdem multis navibus obfideri, falsum arguit. nam concisas penitus illorum vires; nec quid tale, etiam si velint, posse: & eventus sic se rem habere docuit. alacresque inde Dani, & illæsi, patriam repetierunt: tanto Vandalorum metu, ut nec ultimos vellicarent. adeo quidem, uti Petrus quoque Thortus, qui, illam palis navem ut reficeret, sistere coactus fuerat, quanquam solus, atque serò, subsequutus, nullo usquam hoste viso, domum tutò reveniret. Cazimarus, atque Bugillaus frater, post discessum Valdemari, ut defendere deinceps contra illum sese possent, denuò Henricum adeunt, Saxonie ducem, recipique in tutelam ejus petunt: tam abjectè, ut se, omniaque sua, ipsi

ipsi subderent, traderentque, nimium auxilii pretium, libertatemque hucusque illibatam habuissent. Eius rei certior factus Valdemarus, iterum Pomeranos petiit: ac Stetinum ibi oppugnans, oppidum tunc regionis ejus longè munitissimum, ad Viadrum flumen situm, eò adigit Vratislavam, illic præsidem, Cazimari, & Bugislai, consanguineum, nti se, & istud, dederet. quo potius, separat à reliquâ Pomeraniâ, atque Vratislav donat, suo illud beneficio, tituloque clientelæ, possessuro. Hinc in Lyubinum versus, cum & hoc in potestatem redegeret, classe ad Rugianos tendens, juxta insulam confedit. cumque jam piscandi tempus advenisset, ut piscatum insulani exercere tutò possent, & incursu Pomerani arcerentur, visum illic terriam relinquere partem, quæ excubias agitare. Eo facto, & cohibitis Pomeranis, quorum impetus antea metuendus erat, domum repetit, & ad Thynnâ insulam dimittit Cimbros. quorum pars, piratis obvia, ad australe insulæ Fioniæ latus, apud urbem, à Canuto, filio Prislai, conditam, navibus relictis fugere, & in terram se recipere, est coacta. cujus rei gnarus Absalon, denuò contractâ classe, sedulo agit, ut protrahere è latibulis, quibus sese continebant, omnes posset; pelagusque universum, quod infestum faciebant, liberaret. verum diu persequutus, cum haud potiretur tamen, orta subito tempestas, penè universos merisit. duas naves, quæ evaserant, Iarimarus, Rugiæ princeps, consequutus, Absaloni, qui virtute illud suum meruisset, donum misit. Insequuta mox æstas, Valdemarus, & Saxoniæ dux, Henricus, apud Eidoram convenere: &, negotio pertractato, recessere. ac Christophorus Slesvicensis, solas præfecturæ suæ copias ducens, Brammenesios cecidit. inde iterum in illos ire à Valdemaro jussus, comitemque Absalonem sibi jungere, cum Mansuetam pervenisset, atque regem expectaret, magnâ classe, apud Scanos comparatâ, etiam Eschillus venit, pridem Hierosolymis redux. cui cum consilia sua Absalon communicasset, in eorum partem admitti per Esbernium serid petiit. itaque, promptissimis quibusque lectis, Absalonem comitatus, in Lalandiam appel-

VALDEMARVS.

lit: ubi septem Rugianorum sese naves conjungere. cumque tota inde classis oram solveret, & mox ex hac naves quædam in Brammenesios incidissent, duas harum invadentes Sialandi, cum abducere nequirent, perforant, & salo mergunt. Vnicum provinciæ oppidulum erat, sed invalidum ad tutelam: itaque, exportatis rebus, ædem incolæ, extra vallum ejus sitam, veluti salutis suæ asyllum quoddam, occupaverant. Inter hæc Hurnæus quidam, & Marquardus, quem Adolphus, Holsatiæ comes, cum decederet, filio tutorem dederat, copiis Danorum spretis, magnam manum à Saxonibus, Vandalisque, comparaverant. quibus Dani quidam obvii, & inferiores numero cum majoribus dimicare haud consultum arbitrati, ac capessere fugam turpe, inter probrum, & temeritatem, medii, subsistendum, & auxilium sociorum expectandum, censuerunt. moxque Absalon adveniens, rivum, uno vado pervium, quo submovebatur hostis, equo transit, & initium pugnæ facit. neque Vandali detrectant: animos à paucitate capientes: sed, accedere etiam plures conspicati, terga vertunt. victor Absalon, undique coactâ prædâ, militem in littore tenet; dum navigia, graviter à Brammenesii lacerata, Rugiani repararent. Saxonum represso impetu, cum Henricus apud Bavaros moraretur, bellum satrapæ universi renovare cupientes, copias ingentes cogunt, & victoriam sibi facilem pollicentur. sed contrarium mox edocti à commilitonibus suis, qui superiore pugna vix evaserant, illic inceptum omittunt. ac, relictis Brammenesii, Valdemarus, cum ad Rugiam excurrisset, arma in Cispennanos vertit. aditum impediebat magna palus, admodum voraginosa, transituque difficillima. quam labore summo emensus, proximamque inde silvam, obviam sibi urbem habuit, lacu cinctam, navibus ferendis pari, ut natura munisset videretur. vallum eâ parte erat, quâ se pons in continentem porrigebat, per quem aditus patebat. cum princeps Otimarus, copiis Danorum visis, statim rumpi imperavit: ac relictis tantum pali, supra aquam eminentes, quibus novum cum instruere Valdemarus moliretur, ac progredere-

deretur opus, oppidani juxta vallum exci-  
tant è lignis turrim, & ex eà fundis pari-  
ter, arcubusque obfessores suos turbant:  
dum postremum Otmarus, capi veritus,  
regem adit, & ab eo pacem petit. neque  
ille, diuturnam oppugnationem videns,  
metuensque, ne exurent inchoatum pri-  
dem pontem oppidani, abnuebat; nisi Ab-  
salon, inter ista cum ingenti prædâ rediens,  
in contrarium impulsisset. qui mox acriter  
aggressus, militesque adhortatus, urbem  
expugnant, & diripiendam tradit. viri  
omnes, qui in armis deprehensi, interfe-  
cti: mulieribus, puerisque, & imbelli se-  
num ætati, parcitum fuit. Anni proximi  
æstate, cum Saxoniæ dux, Henricus, è  
Saxoniâ rediisset, institutum apud Eido-  
ram colloquium. quippe ille, cum sapif-  
simè apud Cæsarem Fridericum versaretur,  
ne absentia uteretur Valdemarus, at-  
que ditiones suas infestaret, componen-  
dam pacem statuit. sed, Bavariâ jam do-  
natus, eâ arrogantia fuit, uti pontem, allo-  
quendi regis causâ, sicut antea solitus erat,  
transgredi omninò nolle; ne majorem di-  
gnitate, quem adiret, fateretur. verum  
contra Valdemarus tantâ hic modestiâ  
egit, ut ad medium usque pontem, spatio  
utrinque æquo, velut par, procedere non  
detrectaret: uti dignitate major, sic hu-  
manitate melior. Constitutâ post collo-  
quium istud pace, Absalon, munitâ pridem  
Hafniâ, piratas fundit, & nonnullos ex his  
captos gladio ferit. idem ab Esberno fa-  
ctum, & Vethemanno, qui reliquias susti-  
nerunt. Per id tempus Volgaenses, quo  
se melius tuerentur, non contenti urbem  
extendere, moenia etiam palis muniunt;  
&, injectis faxis grandibus, flumen ob-  
struunt. per quæ cum excluderetur Val-  
demarus, Zuina: ostium ingressus, vacuum  
præsidio Iulium invadit, & exurit: ac sub-  
jectos agros vastat. idem Caminenfibus  
facit, & Ornanis, quanquam oppidis illæ-  
sis. etenim hoc satius existimabat, quàm  
obsidione longâ, & incerti sæpe finis, tem-  
pus temere prodigere. Juxta Ornum, flu-  
men labitur, cujus ostium, olim navibus  
idoneum, tunc obstructum arenis erat. id  
nonnulli cum aperiendum ducerent, ac  
difficile, operæque nimis longæ, videretur,  
Valdemarus omitendum existimavit.

VALDEMARUS I.

itaque Orno repetito, cum tormenta urbi,  
tanquam obfessurus, admoveret, neque  
serio rem gereret, oppidanis, qui id ipsum  
animadverterent, contemnentibus, sumu-  
latam nullo fructu obsidionem solvit, &  
in Daniam redit. Vere proximo Valde-  
marus iterum se bello parat; cujus fama cum  
finitimos impleret, ac percelleret, Van-  
dali, qui nec pares sibi vires esse, nec auxi-  
lia ulquam prompta, intelligerent, debi-  
tam pecuniam postremis pactis regi per  
Prislavum mittunt, & biennii pacem redi-  
munt. Votum erat Valdemaro, per occa-  
sionem istam, pietatem per Vandaliâ  
constituere; maxime cum Christum gen-  
tis principes plerique tunc profiterentur;  
verum populus ita cultu idolorum fasci-  
natus tenebatur, ut vix ulla ejus rei spes  
daretur. adeoque ipsi principes, quamli-  
bet amplexi fidem Christianam videban-  
tur, vitâ tamen, moribusque, ab eadem  
distabant; illud quoque deprehensum;  
quam Henricus, dux Saxonie, amicitiam,  
proximo ad flumen Eidoram colloquio,  
impetraverat, cum juvare Vandalos pro-  
hiberetur, fide minus bonâ niti. quod  
quantumvis eo modo se haberet, tamen à  
virtute suâ, & constantiâ, Valdemarus non  
recessit. Per id tempus etiam Magnum,  
Erlingi, de quo dixi, filium, & Norva-  
giâ post decessum patris sui possiden-  
tem, contra Suecum, tunc turbantem,  
classe juvat. sed, successu infelici, victus  
Magnus, cum metueret victorem, ut eva-  
deret ludibrium, desiluit de puppe præ-  
ceps, & in mari vitam finit. Sed oppresso  
dum opitulatur foris, alter Magnus, filius  
Erici Agni, domi turbat. hic, Suenonis  
in partes malè antea sequutus, ultimâque  
pugnâ captus, cum, extrema quæque me-  
tuens, Valdemarus perbenignum exper-  
tus esset, non contentus beneficium, & in-  
gratus, cum Canuto, Caroloque, Eschilli  
ex filiâ nepotibus, occidendi consilium  
capit. sed detecta mirabiliter conjuratio.  
Quidam è clientibus ejus in Holstia, quo  
negotiorum causâ se contulerant, post-  
quam fortè convenissent, & in eremita  
hospitio noctem agerent, libero, ut fit, ser-  
mone, admirari sese ajunt, etiamnum vi-  
vere illæsum regem inter Magnum, Caro-  
lumque, & Canutum, aliosque, qui in ne-

cem

cem ejus omnes in occulto conjurassent. tum recensent, quoties nequicquam id conati essent. hæc audita, qui in proximo cubiculo, ligneo pariete tantum separatus, lectum habebat eremita, accedenti mox abbati cuncta exponit: obsecratque, uti regi, cujus maximè interesset, rem referret. facit ille: quæque accepisset, narrat. rex lætatus, se insidias cognovisse ac tentatas aliquoties evasisse, illicò Roschildiam petit; & vocato Abfaloni, aliis secedere jussis, rem exponit. tum adhibitum, qui hæc indicasset, fenem, iterare, quæ commemorasset, jubet. atque is cùm hæsitaret, Abfalonem, conjuratis genere propinquum, veritus, animum confirmat illi; ac, pronuntiaret liberè. eà enim Abfalonem ingenuitate esse, ut affinitatem nullam ante suam incolumitatem ponat, quibus verbis confidentior, jussa facit; explicatque, quæ ab eremita pridem indicata retulisset, ac discedit. Hinc conqueritur Abfaloni Valdemarus, neque consanguinitatem, neque beneficia sua, tantum apud conjuratos valuisse, ut à scelere tam immani abstinere. ac videre, si conniveret, cum periculo maximo id junctum fore; si supplicium festinet, probro minimè vacaturum. se quidem insidias perferre malle, quàm effuso propinquorum sanguine eas vindicare. neque tanti vitam facere, verum providendum esse, ne calamitas subditorum inde publica oriantur; liberi que, & amici, suâ morte involvantur. Post quæ verba, quid è re futurum putet, dicere jubet: Abfalonque, dum consilium ultra capiat, corporis custodiam suadet, diligentiore solito; militesque admo-vere, qui excubias sine ulla intermissione agant. ita fore, ut nonnulli conjurati, proditos se suspicientes, scelerisque poenitentes ipsi sponte se accusent. Quo consilio rex probato, mox in Cimbriam proficiscitur. cumque Carolus comitantem Abfalonem inter viam accedens peteret, ut à rege præfecturam sibi aliquam impetraret, Abfalonque illud ageret, percunctatur Valdemarus, an pro beneficio ingentaturus necem esset? memorem futurum tamen, cùm in Cimbriam advenisset. idque postea referenti Abfaloni, & dissimulanti facinus, ipse quoque animo occultans illud, gratias ingentes agit. cumque avunculus Eschillus, quem maternum ei avum alii tradunt, per id tempus

Valdemarus l.

fortè è Galliâ rediisset, Ripâ, ubi morabatur, ipse, ac Canutus frater, cum ad-  
eunt. Quæ dum fiunt, Benedictus, itidem  
eorum frater, sed ex contubernio natus,  
sive fraudis occultandæ impotentia, sive  
sceleris, quod conceperat, furis exstimu-  
latus, in convivio Valdemari, quod is in  
Fioniâ tunc capiebat, inter mensam variè  
versabat cultrum; modò sinu cum con-  
dens, modò iterum producens, digitisque  
insertum tenens, oculos, minarum plenus,  
sapius in Valdemarum retorquebat. quâ  
de re Gertrudis postquam, filii Canuti  
sponsa, admoneret, Valdemarus Nico-  
laum, mensæ regiae præfectum, observa-  
re virum jubet; ac, post epulas sublatas,  
propè assistere: adjuturum, si quid ille  
conaretur. tum consilium Abfalonis nimis  
diu distulisse se conqueritur, militesque in  
coenaculum intromitti statim cupit. qui  
cùm præsto mox adessent, & adstaret in-  
ter illos Benedictus, exploratum sibi, inquit,  
esse, quâ in caput suum, quanquam obstricti be-  
neficii, conjurassent: nec eorum nomina pro-  
ferre velle; quia poenitentiam, quàm penam,  
mallet. interim admonitis cupere, uti se majore  
curâ, quàm ad illud usque tempus, custodirent.  
Ad quæ verba cùm indignabundi illi no-  
xios indicari peterent, respondere; dictum  
fuit: ipsi tantum sedulo deinceps pro se excuba-  
rent. Benedictus, emanasse, neque falsò,  
conjuratorem ratus, oculis in Cimbriam  
ad Magnum tendens, quicquid evenisset,  
refert. isque cùm Lubecam sese sine mo-  
rà recepisset, ad Saxoniam ducem, Henri-  
cum, festinato mox itinere proficiscitur:  
Corolusque, & Canutus, itidem per Be-  
nedictum clam edocti, Ripis sese subdu-  
centes, ad Birgerum, Gothiæ præfectum  
abeunt; tutam illic, ut sperabant, apud  
virum, affinitate sibi nexum, mansionem  
habitori. At Eschillus, abitu nepotum ac-  
cepto, quanquam graviter doleret, adit  
tamen Valdemarum, tunc Viburgi com-  
morantè, & salutat: nullâ omnino conjura-  
tionis ejus mentione, ne affinis videretur.  
rexque item admodum benignè exceptum,  
& in Scaniam abeuntem, placidè à se di-  
mittit. Magnus verò, clam exilii causam ha-  
bens, ab Henrico enixè petit, uti pro se apud  
regem intercederet; gratiamque, quâ exciderat,  
repararet. atque illo veniam delicti ejus per-  
cipito-



epistolam postulante, mittit rex præfectum stabuli, qui perfidiam accensaret. cumque is, quæ iussa erant; apud Henricum perfecisset, obfirmato contra veritatem animo, pernegat objecta Magnus; & duello, uti fidem innocentia sua faciat, cum aëlore experiri velle ait. verum ille excusare; neque idcirco venisse, uti ferro decerneret: ac suadere si haberi insons vellet, lege patria causam suam tueretur. quâ cum ferrum adhiberi candens solitum, atque manu id portari, dux Henricus intelligeret; & rogaret, an ab hoc experimento innocentia testimonium polliceri sibi auderet, regerit; incertum sibi, atque anceps, hoc videri: neque semper fontes prodere, aut absolvere innocentes. velle tamen, defendenda innocentia, si se Absalon interponat, & promittat commeatum, regis fidei se permittere. quæ legatus simulatque nuntiasset, mittit literas Valdemarus, liberamque veniendi, ac recedendi, potestatem pollicetur. itaque in Daniam venit; & accepto apud Absalohem hospitio, ceu securus, innocensque, prædia sua intervifit. sed in Cimbriam paullo post hæc, ad dicendam illic causam, evocato, accusante conscientia, animi fiducia cecidit: maxime, cum binas literas, certas inibæ conjurationis indices, rex ostenderet. harum unis, Scanos ille adhortari; ut in regem, multis gravem, arma caperent, vindicem se liberaturo habituri. alteris, Canntum, & Carolum, incitare; uti Scaniam turbarent: idem se in Cimbria facturum esse. ita fore, ut, duabus in provinciis occupato Valdemaro, fractis viribus, regno ipsi potirentur. Cumque, ad excusationem, fictus esse eas diceret, annulumque, pridem amissum, scriba sui negligentia, a malevolis interceptum; illico in medium proferri singulas Valdemarus, ac proponere universis senatoribus cognoscendas. qui cum eas inspexissent, plane consternatus Magnus conticescere. verum Absalon, ut percussum sublevaret, ne silentium pro confessione rei haberetur, spatium deliberandi, & consilium cum amicis capiendi, concedendum illi dicere. Facta itaque discedendi potestate, ac dimissa concione, cum seorsim Absalonem, & Tuconem, Vendilensium antistitem, olim patris sui clientem, evocasset, & exponere innocentiam conaretur, ab utroque falsi

arguitur. inde anxius, cum, quod unicuique restabat, confiteri crimen vellet, veniamque postulare, suadet Absalon; reputaret prius secum, quidnam sibi faciendum existimaret. peteret de liberando tempus aliquod; neque crimen cogitasse fateretur, nisi ante, an parata venia foret explorasset. etenim confessionem absque eo, haud periculo carere. Pareat monitis; veniaque certior factus, Valdemaro conspirationis ordinem, loca, tempora, conficiisque, sine involucro exponit: & ad genua provolutus, orat supplex, ut ignoscere culpæ velit. Rex, contentus, quàm indignam pro tot beneficiis gratiam retulisset, exprobrasse, surgere jubet; & ignoscens, serio monet, ne deinceps conjuratus se misceret: nisi faciat, etiamsi crimen lateat, Deum, à quo magistratus universi constitui suam in terris vicem gerant, sceleris ultorem fore. Istitis verbis objurgatum, recipit in amicitiam, sed admissione arcet. Etiam Suenonis filius, Christiernus, item inter conjuratos, veniam delicti impetrat, sed exilio mulctatur. Post comitia, missi ab Eschillo Absalon, & Ascerus, regem orant, ut Canuto, Caroloque, qui nepotes ex sorore, quam fecisset Magno gratiam, simili benignitate, ac clementia, indulgeret: sed, petitionis irriti, revertuntur; ac repulsam, quam tulissent, statim referunt. Et Ascerum, interrogatum, an favisset conjuratis, cum se conscium fuisse, verum nunquam consensisse, responderet, itidem vertere solum jubet. Eschillus verò, cum spe suâ excidisset, actâ per mœrorem hie-me, anno proximo abdicat primatu sese; & nequicquam Valdemaro retinere cupiente, Galliam petens, in cœnobio Claræ-vallis, in abbatis tunc Bernardi, postea inter sanctos habiti, contubernio, vitam finit: Absalonque, etsi obnixus maximo-pere, ejus loco surrogatur. Inde in lætiti- am versus Valdemarus, Daniæ proce- res, Sueciæque, ad se vocat; filiaque suæ nuptias magno apparatu celebrat: sed mariti, cui eam elocavit, nomen in Histo- riâ non memoratur. Paulo post Roschil- diæ quoque cum proceribus regni sui festum Paschatis diem agit. inter quæ è Sue- ciâ Torbernus quidam, festinatis itineri- bus clàm perferre literas ad Magnum jus- sus, Scaniam transiit; & per Sialandiam,



Fioniamque, Cimbriam petiturus erat. quod cum Thordo, Lundienſium præfectus, Valdemaro indicaffet, iſque Magnus ſuper iſtis eveſtigio compellaret, atque ille pervicax rem pernegaret; dat negotium Valdemarus monacho cuidam, Adolpho, fidei perſpectæ viro, & ad litus Balthicum tunc commoranti, uti hominem obſervaret; ac prehenſum, ſatellitibus ad ſe deducendum traderet: tum deſcribit, quibus notis, quoque cultu, noſci poſſet. iſque ex indicibus iſdem agnito poſtquam manum inieciſſet, illicoque comprehenſum tranſmiſiſſet, mox adductum in conſpectum Valdemarus de re totâ percunctatur; ad quem miſſus, quidve literarum ferret. cumque initio occultaret, & ambigue reſponderet, quæſtionem comminatur. quâ perterritus, conſitetur, lignum ſe compaſtile habere quoddam, Magno dandum: atque id Canutum ſibi, Carolumque, tradidiſſe; qui dimidiam ejus partem apud ſe retinuiſſent. Iſta faſſum, Abſaloni rex cuſtodiendum mandat; & præfectum ſtabuli ſui comprehendere Magnum jubet: quem mox captum, ac convictum, ad Thorbernium in urbem Laterenſem mittit, arcto carcere aſſervandum. His peractis, novum in Vandaliam orditur bellum; quod gens illa, interceptis pridem Saxonis legatis, filiz dotem afferentibus, provocaverat: cumque ablata reddi poſceret, ad injuriam addidere contumeliam; nuntiosque, admodum ſuperbè acceptos, cum ludibrio dimiſere. itaque, vocato in ſocietatem belli Henrico, & auxilio Rugianis, qui locorum gnari eſſent, imperato, per Zuinam amnem ingreſſus, deſertum ab incolis Iulinum igne exurit. & Henricus, qui Deminum obſidebat, cum haud facile expugnari urbem poſſe animadverteret, alveum præterſuſentis annis derivare aggreſſus, cum nec ita planè quicquam promoveret, & æſtate inclinante, ab obſidione coep̄ta diſceſſiſſet, nato fortè mox incendio univerſa conflagravit. Dani contrâ, cum Coſcoam ad extrema adegiſſent, expugnatam incenderunt. Quibus actis, cum Henricum Valdemarus convenire ſtatuſſet, per paludes, quæ obſectæ inter viam, impeditur. hinc, Caminum cum ten-

taſſet, agrum aſſitum populatus, & Henrico expeditionis ſine per legatos nuntiato, Valogaſtum uſque tendit. quo & ipſo divexato, cum ingentem ſibi prædam coegiſſet, domum redit. ſed, acceptam contumeliam magis etiam ulturus, inſtaurato mox exercitu, ruſſum Vandalos aggreditur. copias Canuto filio, tunc militiæ primû duci, Abſaloni, & epiſcopo Sleſvicensi, Friderico, ipſe domi remanere certus, mandat. ſed infelix Fridericus, nullo fortitudinis experimento, fractâ tempeſtate navis, medio in curſu perit. ac Canutus, Abſalonque, quamlibet amiſſo illo, iter ſuum perſequuti, cum Oſtroſnam appuliſſent, adeo inexpectati hoſtibus ſupervenere, uti multos intrâ ædes occuparent: adeoque totam penè regionem devaſtaſſent, niſi, rectis temerè injecto igne, rem nonnulli prodidiſſent. inde Valogaſtum adorti, poſtquam pontem diſjeciſſent, urbem quoque oppugnare inceperunt. eâ re coacti itatim gentis principes, Cazimarus, atque Bugillaus, fratres, pacem petunt, redimuntque: ac dimiſſis, quos tenuerant, legatis, dotem quoque interceptam, & talentum binis millibus aſtimatam, repræſentant. inſuper Canuto centum nummum libras, totidemque Abſaloni. atque ita, re præclare adeo geſtâ, ſe in Daniâ recipiunt, maximâ à Valdemaro gratulatione excepti. qui cum mox in Cimbriam digreſſus eſſet, Canutus, Carolusque frater, conjurationis pridem in Valdemarum manifeſti, ideoque ad Birgerum, Gothiæ præfectum, proſugi, poſtquam copias ſibi aliquas contraxiſſent, impetum in Hallandiam faciunt. ubi cum favorem ſibi incolarum promiſiſſent, omnia experti contrâ, repelluntur: & in nemore, quod eſt inter Gothiam Hallandiamque limitaneum, aciem cum inſtruxiſſent, infelici pugnâ victi, ſcleris ſui poenas luunt. nam Canutus, plurimis vulneribus ſaucius, ac captivus, ut non multo antè Magnas, ad Thorbernium aſſervandus deportatur: ut delicti illi ſocius, ita carceris futurus. Carolus verò, vulnere lethali accepto, cum de viâ ſeceſſiſſet, vitam acerbam inter arbores terminavit: uno hoc felicior fratre, quod, cum ille ærumnoſam in cuſtodiâ animam ceu ſer-

vus traheret, ipse liber exhalaret. Anno proximo Henricus Leo, dux Saxoniæ, ob desertum in Italiâ Fridericum Barbarossam Imperatorem, de se meritum præclare, ac propinquum, jam proscriptus, profugusque, se ad Valdemarum confert: transitoque Eidoræ ponte, quod postremo in colloquio per superbiam recusaverat, opem petit. neque abnuitt Valdemarus, & testatur, quanquam nullam in hanc rem dedisset fidem, quâ obstrictus teneretur, tamen spon te, veterisque amicitia ergo, velle; si, quæ moneat, facere non detrectaret. ac, cum bona, quæ ecclesiis pridem erepta possideret, reddi posceret, isque illud se facturum pernegaret, frustra fuit. unum hoc concedit tantum; ut auxilium denegatum, ne exemplo alii dilaberentur, aut desererent, tacitus dissimularet. Itaque Germaniam Henricus suam, Valdemarus Daniam petit: moxque Scani turbavere. ad quos Absalon componendos ablegatus, cum nequicquam id tentasset, & in Sialandiam se recepsisset, in Samsoam, ubi rex venationem tunc agebat, evocatur: ac post illum, cæteri quoque regni proceres. ubi cum negotia provinciarum cæterarum rex tractasset, de sedando Scaniæ motu mox deliberare cœpit. placuitque, ut, sublato mali initio, inveniri finis possit, removendos à muneribus publicis extraneos esse, eaque indigenis impertienda. & effectum id fuisse, nisi adversatus Absalon, nihil regis potestati, quæ tot seculo tenuisset, quamque Scani nunc convellere conarentur, detrahendum censuisset. itaque, suffragiis tunc repetitis, visum fuit, ut per literas, minis mixtas, & blanditiis, ad obsequium pristinum revocarentur. verum eæ, postquam missæ, ita populum, antea exasperatum, porro etiam commoverunt, uti, solitis vestigalibus, & episcoporum decimis, e vestigio abrogatis, vetita dudum sacerdotibus matrimonia restituerent; & sufficere horum sacra, neque præsulum ministerio opus esse, diciterent, quibus rebus nuntiatis, Valdemarus, armis cogi oportere arbitratus, ocyus coactas copias juxta Helsenburgum exponit. Absalonem, qui extremum agmen ducit, piscatores, sparsum littus accolentes, per

contemptum saxis petunt. rexque, impatiens contumelie, qui amaret maximo perè Absalonem, jam invadere, & ulcisci, cupiebat: sed Arhusiensium antistes, Sueco, blandis verbis retinebat; & orabat, ne in viles aded animas quicquam durius statueret. Hinc provinciæ nobilitas, regem ipsum, & eorū Absalonem, alloquuta, suadet, *ad sedandum motum, uti Absalon, aliisque, extra Scaniam prognati, à muneribus Scanici removerentur. in hos enim, propter avaritiam, superbiamque, non in regem, populum concitatum esse: neque alium tranquillandi reperiri modum posse.* quam sententiam cum & Cimbrī sequerentur, se vocatum Absalonem adhortatur Valdemarus, *ne repetere Sialandiam dedignetur, neve probrum illud putet. scire enim, pro prudentiâ illâ suâ, in consiliis, quæ honesta maxime forent, non admitti semper posse: & utilia, pro necessitate rerum, aliquando ab invitiis anteferri oportere. itaque nunc morem gereret, temporis sue obsequeretur.* neque ille reluctatur; vir ut prudens, ita regis, patriæque, in majorem modum amans. Paulo post & Valdemarus, comitatu destitutus, ipsum sequitur: & Scanorum optimates, amplius de pace acturus, secum Helsingoram ducit. qui cum Absalonem coram excusantem se audirent, sic oratione ejus demulcentur, ut ad populum, sine cujus hic consensu nihil posse testarentur, referendam rem censerent. verum, cum nec sic omnino aliquid promoveretur, sacra Absalon universis interdicat, & templorum fores claudit. ad quæ clamitantibus illis, *sibi vitæ adminicula sacerdotes, non episcopi, debere; ideoque sua illi exsequenda jussa esse, aut è patriâ excedendum, nisi vitâ spoliari, & bonis, velint;* cum intrepido ad hæc animo sacerdotes responderent, *sola se episcoporum jussa agnoscere, & obsequium illi tantum sibi exhibendum esse;* victus hæc constantiâ populus, in inducias consentit; & ablegat, qui has petant. inter quæ cum neque sic injuriâ ullâ, aut rapinâ, abstinerent, rex, in Scaniam vere imminente tendens, solas Sialandiæ copias secum ducit; & cum illis Absalonem, comitesque item paucos. Lundiaque aliquot diebus actis, in vicinum rus concedit. quâ re Scani boreales, & Hallandi, concitati, belli sibi causam

singunt: ac, quod ipsis usitatum, ceu tuenda libertati, stipite per pagos misso, veluti edicto aliquo, copias militares cogunt. Rex ad Dyfæ pontem occurrit. quem utrinque dum conantur occupare, diu anceps pugna fuit. sed, cum equites Absalonis, vado invento, transissent. victi Scani, partim ferro cæsi cadunt, partim flumine suffocantur. inde Lundiam rex regreditur: & in Scaniæ eam partem, quæ ad orientem sita, se convertens, cum hæc quoque arma populus rapuisset, ad Gætungam pontem accedit. quem cum Scani, uti aditu prohiberent, lapidum congerie communiissent, rexque suos, itidem reperto vado, transmisisset, jamque in proximo staret, terribi suorum clade, pacem petunt; impetrantque, adjutante Absalone. itaque, abducens obsides, postquam Lundiam rediisset, faciles ad quævis habuit: nisi quod ad solam decimam persolvendam nullo modo cogi sese paterentur. ac, quantumvis Absalon obniteretur vehementer, nec sacrorum quicquam juri detrahi omnino ferret, tamen rex, momentum rei cum perenderet, & Canutum cogitaret, olim Othoniæ ob eandem causam cæsum, tempori cedendum ratus, nimium urgere desit: certus, postquam animi deserbuissent, se prudenti lenitate aliquando obtenturum, quod nunc armis nequisset. Atque sic composito inpresens motu, discessere. Inter ista, cum Henricum Saxonem persequeretur Fredericus Barbarossa, ac Lubecā pervenisset, & hoc ageret, ut amicos ei omnes interverteret, etiam subtrahere ipsi regem Valdemarum cupiens, per legatos filias illius binas, filiis totidem, uni mox futuro Cæsari, alteri autem Sueviæ duci, uxores petit. regni proceres, qui hoc potius odio Henrici ducis, quam amore Valdemari, fieri existimarent, admonebant, ut maturè rem perenderet, & momenta providè consideraret. neque rex, qui facile illud intelligeret, usque adeo propendebat: sed regina impellebat, gloriosum filiabus matrimonium arbitrata. Nec multo post, magnificè instructa classe, rex Lubecam iter capit: ubi excipienti appellentem obvii Germanorum equites, & adventum gratulantur. simul rogant, uti naves anno

VALDEMARVS I.

Travā provehi, quousque possent, imperaret, quo à castris Cæsaris abesset propius. tum posttridie, cum legatos mitteret Cæsar, medioque in itinere, si sic vellet, obviam se processurum nuntiaret, respondere, se in castra Cæsaris iturum esse, nec molestiam creare illi aliquam ob tantillum viæ velle. inde accedentem amplexus, & exosculatus, Cæsar, dexterâ prehendit comiter: &, amiculo deposito, media per castra ducit. Tanta autem multitudo ad videndum eum accurrerat, ut tentorium Friderici, nimis haud capax turbæ, etiam collaberetur: ita ut sub dio ipsi, quique aderant magnates, considerare cogentur. Illic voces Germanorum exaudita, qui & formam Valdemari, & staturam, admirati, eum regem, & Imperio dignum, dicerent; Cæsarem homuncionem, regulumque, appellantes. inde, vesperâ imminente, duci eum in propinquum tabernaculum Cæsar jubet; & eadem comitate, quâ exceperat, mox dimittens, postero die ad propinquam portui silvam, gratiâ colloqui uberius, se expectaturum dicit. abeuntem & Germanica juvenus universa sequebatur, & honoris etiam majoris causa, filios ad eum accedere juxta navem, atque ibi lustrantes commorari aliquantum, Cæsar jubet. ipso hoc testatum volens, quanti faceret, & quam gratus sibi adventus accidisset. Post quæ, cum uterque loco præstituto convenissent, nuptiarum mentionem orsus Cæsar, dotem filio majori trices mille selibras argenti petit, octo alias minori. id proceribus suspectum: & effecit, ut subesse fraudem crederent, siquidem idoneam ætatem nuptiis necdum filiæ attigissent. ac rex ipse, summâ illâ grandiore denegatâ, in minorem vix consentit. & pro eâ fidem Bela, rex Hungariæ, nominis illius tertius, consanguineus, interponit. In quæ postquam convenissent, & jurando confirmassent, Cæsare castra repetente, rex in classem retrocedit. posteroque rursum manè præter expectationem, cum exiguo comitatu adest Cæsar: atque, evocato rege, esse inquit, *qua cum eo agere seorsim velis. inde, non ignarum sibi, quidnam pridem de Vandaliâ, in ipsius potestatem redigendâ, promississet: nunc orare, ut cum bonâ ejus gratiâ, ad Henri-*

CXXX

cum coëscendum, Bugislavo, ac Cazimaro, fratribus, largiri liceat, ducum titulo possessuri: ita tamen, ut, Henricum cum in ordinem coëgisset, ipsi submitendum cures. quæ non planè abnuente Valdemaro, die insequente Cæsar, convocata concione, Bugislao, & Cazimaro, ritu in talibus usitato, aquilas tradit, ac Vandalicæ duces nunciat. & ibidem Sigefrido, summi in Thuringis loci, Valdemari filiarum natu maxima, Cæsare consentiente, desponsatur: moxque nuptiæ Slesvici maximè celebritate peraguntur. Eodem tempore, ut Ericus Pomeranus nobis auctor, Nordalbingiam, quam appellant, Valdemaro Fridericus universam est largitus: datis in id codicillis, quos Mechthildis postea, Abelis uxor, post maritum apud Frisios interfectum, odio Danorum exussit: sicut in Abelis sine à me est commemoratum. neque rectè Aven dictam eam sceminam confingunt, quos corrupta Erici verba in errorem adduxerunt. Per id tempus, cum munitionem, quam ad ostium Suinæ fluvii pridem Vandalis exstruxerant, mare exundans disjecisset, primo vere binas alias ejus loco condiderunt: satis tutos se putantes, modò Penus Valogasto, & Suina his duobus munimentis clauderetur. quod cum rex ex Rugianis accepisset, expeditionem in illos filio Canuto mandat; comitemque Abfalonem, qui consilio regat, addit. verum, cum se Sialandos, atque Scanos, Abfalon ducturum diceret, Cimbros verò, qui odisse se coëpissent, & Canntum, ob ætatem adhuc teneram, parvi facerent, pernegaret, Valdemarus, graviter commotus animo, se iturum, ethi infirmà valetudine, inquebat. simul, aucto ex offensa eà morbo, lectum petit. ac postridie, cum, ut sui rationem habere vellet, sedulo orarent duces, ac negotium, se absente, rectè quoque curaturos affirmarent, vix persuasus, Vortingburgi se mansurum pollicetur. sed, cum classis intrà portum tempestate diuturnà teneretur, mox tumultuati Cimbri, & defectum commeatus incusare, & dimitti flagitare. Hos Homerus, Ripensium antistes, uti dignitate sua, sic faciendâ, inter primos, verbis demulcere nisus, postquam frustra haberetur, atque illi se majore nihilominus pervicaciâ

VALDEMARVS I.

obfirmare viderentur, comprehendi ex his quendam, & abduci vinctum, mandat. quæ res, summâ indignatione excepta, maximè tumultum auxit: optimumque factu ducibus visum fuit, ut remitterent militiam, & cuique discedendi potestatem indulgerent. unde, cum revererentur Vortingburgum, redeuntès è fenestrâ conspicius Valdemarus, animoque consternatus, morbi sui magnum incrementum cepit. Eo tamen maximè dissimulato, blandè venientes excipit, ita uti sanitati restitutum pristinæ existimarent. inde tamen sevocato Abfaloni, inter cæteros sermones, memorat incerta vita; & extremam ejus horam sæpè etiam nihil tale expectantes occupare. itaque decretum sibi, piè comparato animo, sinem suum expectare. hinc testatur, quid donatum cuperet sacris locis, quidve aliis quibusdam, idque è suo patrimonio: nam pecuniam regni excipere, & quæcunque ad ætarium ejus publicum pertinerent. Post hæc, cum remedium illi abbas quidam Scaniensis, artis medicæ, quam profitebatur, rudis, imprudenter propinasset, ac cubiculo, ejus jussu, sanitatem ad sudorem emanantem promittentis, universi excessissent, vitâ fungitur: cum vixisset annos quadraginta octo, regnum verò solus quinque & viginti tenuisset. princeps animo, & virtutum, ac gestarum rerum, gloriâ, juxta magnus: & hoc ipso cognomento summo jure appellatus. pace quidem, pius, iustus, prudens, clemens: bello fortis, pariter ac fortunatus. tum mansuetus utrobique: ut, offensum qui metuerent, etiam pacatum amarent. Rugiam subjecit regno; & ecclesias ejus insulæ diocesi Roschildensi. Vratislaum, Stetini ducem, vicit, & clientem fecit. Henricum Leonem, Saxonie ducem, animo potentiâque præferocem, ter in ordinem coëgit; his Erlingum, Norvagosque; sæpè Vandalos: maluitque in devictos veniâ, quam poenâ, uti. etenim, ut est profectò, statuebat, magni animi esse, ignoscere; vindicare, timidi, aut impotentis. verum alia regum ratio. nam privatim ethi famæ suæ consulant, gloriamque apud posteros mansuetudinis consequantur, tamen publicè delinquant, in salutem subditorum: quorum interest, ad securitatem

L 3

tatem

tatem suam, nihil tale hosti unquam, aut perduelli, condonari. itaque laudare illud prudens princeps potius, quàm sequi, velit. Leges condidit præstantissimas: quarum illæ Sialandicæ, istæ Scanicæ nuncupantur. Filios reliquit duos, Canutum, & Valdemarum: ambos sibi suo ordine successuros, insuper Christophorum, ex con-

præfecturâ Slesvicensi, paulo antè obiisse memoravi. Filiæ autem, quatuor erant. quarum primam, convocatis Daniæ pridem Sueciæque optimatibus, sed incertum cui viro, elocavit. duæ aliæ, totidem Cæsaris Friderici Barbarossæ filiis nuptæ: quartam Sigefridus duxit, Thuringiæ comes.

## F I N I S.



AOI 1474816